

მზიანი ლამე

დაბადების დღე

ასმეშვილე აუდიტორიაში ქრისტეს ტირილი იდგა. პოლიტეკნიკის თვითონ პატივცემული პროფესორი კასიანე გოგიაძეშვილი იბარებდა. ეს ამბავი მოულოდნელი იყო ჩვენთვის და არც ერთ ჩვენთაგანს ამის დარღი არ ჰქონია, მაგრამ როდესაც აუდიტორიდან ლოკებდაკებილი ლუბა ნოდია გამოვიდა და გვითხრა, ყველაფერი ეყურებაო, გავშრით. ვინ ითიქრებდა, რომ ამ საონოებით სავსე ყრუ კაცს, რომლისთვისაც გამოცდაზე მერკენტილიზმის ნაცვლად იონჯის ფესვთა სისტემა რომ მოგეყოლა, მაინც ხუთიანს წერდა, სწორედ წელს, საგაზაფხულო სესიებზე დაუბრუნდებოდა სმენა. ამ ამბის შემდეგ პირადად ჩემთვის გამოცდა დამთავრებული იყო, მაგრამ ცნობისმიყვარეობამ წამლია და ლუბას მივგარდი, რომელიც გადამწიფებული ნესვით გაყვითლებულიყო და მატრიკულში ჩაწერილ ორიანს დაშტერებოდა.

- რაო, გოგო? – ვკითხე ლუბას და სახელო მოვქაჩე.
- რა ვუყო ახლა ამას? – თქვა ლუბამ და უაზრო თვალები მომაშტერა.
- კი მაგრამ, არ იცოდა მაგ ოჯახდანგრეულმა, მატრიკულში ორი რომ არ იწერება? – ჰკითხა გურამმა.
 - ვკითხარი და ასე მიპასუხა, აბა, რა ვიცი, გოგონი, ჩემს სიცოცხლეში პირველად ვწერ ორიანსო, რა ვქნა ახლა მე? – ისევ იკითხა ლუბამ და თვალები ცრემლით აევსო.
 - მაინც რა შეგხვდა? – ჰკითხა გურამმა.
 - პირველი, საქონლის წრებრუნვა. მეორე, ფულის ინფლაცია, მესამე აღარ მახსოვს...
 - გერაფერი ვერ უპასუხე?
 - დავიწყე!
 - რა?
 - როგორც შარშან, ამ ზაფხულს სოფელში ვიყავი, ბებიას ვეხმარებოდი ბოსტნის დამუშავებაში-მეთქი, ბებიაჩემი ძალიან კეთილი ქალია-მეთქი... ჰოდა, ბებიაშენი დაგიწერს ნიშანსო, ასე მითხრა. – დაამთავრა ლუბამ და მატრიკულზე დაემხო.

აუდიტორიის კარი გაიღო და ჩვენი ჯგუფის მამასახლისმა სია წაიკითხა:

- ბარამიძე, ჭიჭინაძე, შემოდით!
- ბ-ს მერე ჭ-ა, დეგენერატო? – ჰკითხა გურამმა.
- ერთი ქვევიდან, ერთი ზევიდან! – განმარტა ეფრემმა და გადმოცვენილი თვალებით აუდიტორიისაკენ მიგვითითა, ვითომდა, რა ჩემი ბრალია, პროფესორმა ასე თქვაო. მე არ ვიცი, რა ჰქვია ისეთ ავადმყოფობას, როდესაც გული ყელში ამოვარდება, ენა მუცელში ჩაგივარდება, შუბლზე ცივი იოვლი დაგასხამს, მუხლები მოგეკვეთება, ხელები აგიკანკალდება და თვალები დაგიბნელდება, მაგრამ როდესაც გადავხედე გურამს, რომელიც ვებერთელა ცხვირსახოცით შუბლსა და ხელებს იშრალებდა და გაშემარ ტუჩებს ილოკავდა, მივწვდი, რომ ეს ავადმყოფობა გადამდები იყო.

აუდიტორიაში ფეხაკრეფით შევედით. პროფესორი მწვანე მაუდგადაფარებულ მაგიდას უჯდა და იღიძებოდა. მას ოქროსვარაყიანი, სქელშუშიანი სათვალე ეკეთა, რომლის ორთავე ყურში შეკვეხებული ბოლოები ჩვენს დამღუპველ ორ პატარა მემბრანას უერთდებოდა.

- დაბრძანდით! – მიგვიპატიჟა მან. ჩვენ ადგილიდან არ დავძრულვართ.
- თქვენ ყურს ხომ არ გაკლიათ?.. მობრძანდით და დაბრძანდით! – ისევ მიგვიწვია პროფესორმა, მაგიდას მივუსხედით, რომელზეც სასიკვდილო განაჩენივით ეყარა ხელისგულის სიფართე თეორი, ჯერ თითქმის უხმარი საგამოცდო ბილეთები.

— აიღეთ ბილეთები და მოიფიქრეთ! — გვთხოვა პროფესორმა.

მე ავიღე ბილეთი და ვიდრე გადმოვაბრუნებდი, უკვე ვიცოდი, რომ ეს იყო ის ბილეთი, რომელზე ფიქრიც სიკვდილამდე არ მოშენდებოდა. გურამმაც აიღო ბილეთი, დაწედა და შავნაბადაზე შესაწირავად აყვანილი მოზერივით მომაპყრო სევდიანი თვალები.

— თქვენი სახელი და გვარი? — მკითხა პროფესორმა.

— ბარამიძე თეიმურაზი. — ვუპასუხე პირველ კითხვაზე. პროფესორმა პასუხი უბის წიგნაკში ჩაიწერა.

— თქვენი? — მიუბრუნდა გურამს.

— ჭიჭინაძე გურამი. — ასევე ყოჩაღად უპასუხა გურამმა. პროფესორმა ისიც ჩაიწერა. მე და გურამი, როგორც ეს გამოცდაზე მიღებული, ერთმანეთისაგან მოშორებით დავვეკით. მე საოცარი გულგრილობით დავიწყე ბილეთის კითხვა. პირველი კითხვა იყო მიწის რენტა.

— ხომ არ დაიწყებთ? — მკითხა უცებ პროფესორმა.

— რატომაც არა! — ვუპასუხე მე, გურამმა გაკვირვებისაგან პირი დააღო.

— აბა, დაიწყეთ! — გაუხსარდა პროფესორს.

— მიწის რენტა. მიწა კაპიტალისტურ ქვეყნებში იყიდება, საერთოდ, იქ ყველაფერი იყიდება, სანდისიც კი, სინდისი, რა თქმა უნდა, იაფად, რენტა არის მიწის გადასახადი. კაპიტალისტურ ქვეყნებში გადასახადი მაღაინ მაღალია, გლეხები გმინავენ სამხედრო გადასახადების გამო, რადგან კაპიტალისტები იარაღს აეღარუნებენ. შეიარაღებას დიდი ხარჯი უნდა... დიდ ხარჯს — ბევრი ფული, ბევრ ფულს შოვნა უნდა, საიდან? გვეკითხება მოვლენათა ლოგიკა, რა თქმა უნდა, გადასახადებისაგან.

— რა გქვიათ თქვენ, ახალგაზრდავ? — შემაწყვეტინა პროფესორმა.

— თემო, ბატონ!

— ჩემს ლექციებს თუ ესწრებოდით?

— როგორ გეგადრებათ, პატივცემულო? — მეწყინა მე.

— რატომდაც არ მახსოვხართ, თქვენ კი, საერთოდ, არ გიცნობთ! — მიუბრუნდა იგი გურამს.

— ჩენ გიცნობთ შესანიშნავად, პატივცემულო ლექტორო, თქვენ კასიანე გოგიჩაიშვილი ბრძანდებით, ყველასათვის საყვარელი პროფესორი... თქვენ ჩვენი სიამაყე ხართ, თქვენს ლექციას ვინ გააცემის, თქვენს ლექციებს კი არ ვიწერთ, ვყლაპავთ, — ჩაგარდა ექსტაზში გურამი.

— აბა, ერთი, მომიყევთ, რას ყლაპავთ? — შეაჩერა პროფესორმა, გურამი ჯერ გაქვავდა, მერე წყლიდან ამოსული ძაღლივით თავი გაიბერტყა და მე შემომხედა. მე ენაზე ვიკბინე, რომ არ გამცინებოდა. ახლა პროფესორს შეხედა გურამმა.

— აბა, — შეახსენა პროფესორმა.

— ბარამიძის გამოკითხვა დაამთავრეთ, პატივცემულო? — დაინაზა ხმა გურამმა და სათხოებით სავსე ღიმილი მაჩუქა.

— ბარამიძე მეორე კითხვას მოიფიქრებს! — უპასუხა პროფესორმა. გურამმა კიდევ ერთხელ დახედა ბილეთს, მერე თვალები ამოატრიალა და სადღაც, შუბლზემოთ, შიგ ტეინში დაიწყო რაღაცის კითხვა. მერე, ეტყობა, ვერაფერი ამოიკითხა და ნორმალურ მდგომარეობას დაუბრუნდა.

— შეიძლება, ბატონ, ბილეთი გამოვცვალო? — ჰკითხა უცებ პროფესორს.

— შეიძლება! — უპასუხა პროფესორმა და ამოიტრა. გურამის აქანგალებული ხელი ბილეთებზე დაცურდა, მერე უცებ ერთ-ერთს დააცივდა და ასე დარჩა დიდხანს.

— ჭიჭინაძე, თქვენს გარდა კიდევ მყავს გამოსაცდელი ხალხი! — შეახსენა პროფესორმა. ხელი მექანიკურად ამოძრავდა, მას თან აჟყვა ბილეთი და გურამის თვალებთან გაშემდა. გურამი ტუჩებს აცმაცუნებდა. ეტყობოდა, საკითხებს იმეორებდა.

— აბა, რას იტყვით? — თქვა პროფესორმა და თითები ნერვიულად დააკაკუნა მაგიდაზე.

– რამდენი ბილეთის გამოცვლის უფლება მაქვს, პატივცემულო? – შეეკითხა გურამი გაბზარული წმით.

– მომეცით თქვენი მატრიკული! – გაუშვირა ხელი პროფესორმა. გურამი მოტყდა.

– არ დამღუპოთ, ბატონო, სტიპენდია დამეკარგება!

– თქვენი სტიპენდია კი არა, ოცი წლის უნახავი მეგობარი დავკარგე, მაგრამ საფლავში არ ჩავყოლიგარ!

– მაგი ისედაც დაკარგული გყოლიათ. რა მოუკიდა უბედურს? – აუზუყდა გული გურამს.

– ჰიჭინაძე, მომეცით თქვენი მატრიკული! – გაუმეორა თხოვნა პროფესორმა.

მიშველე, გადმომხედა გურამმა.

– პატივცემულო პროფესორო, დიდი უსამართლობა იქნება, ახლა თქვენ რომ მაგას ორი დაუწეროთ, მთელი ღამე ერთად ვსწავლობდით! – შეეაწიე სიტყვა გურამს.

– ყმაწვილო, მთელი ღამე კი არა, ხუთი წელი ვსწავლობდი ჩემბერლენთან ერთად ოქსფორდის უნივერსიტეტში, მერე ის კაცი ინგლისის პრემიერ-მინისტრი გახდა, მე კი თქვენისთანა იდიოტებს ვასწავლი თბილისში, გასაგებია? – მკითხა პროფესორმა. ყველაფერი მზესაგით ნათელი იყო, მაგრამ გურამს არ უწდოდა უკან დახევა.

– პატივცემულო პროფესორო, წარმოიდგინეთ, რომ თქვენ ხართ მილიონერი, – დაიწყო მან, – ხართ მილიონერი და გაქვთ რამდენიმე მილიონი სამიანი, მოვიდა თქვენთან მათხოვარი და გულებათ – პატივცემულო მილიონერო, გაიღეთ მოწყალება, მომეცით ერთი სამიანი თუ შეიძლება, – ახლა წარმოიდგინეთ, რომ ის მათხოვარი მე ვარ და გთხოვთ...

მე ვეღარ გავუძღვი მილიონერისა და ლვოს გლახის ამ დიალოგს და პირზე ხელაფარებული გამოვვარდი გარეთ. დერეფანში არავინ არ შემომგებებია და არ უკითხავს, რა მიიღო.

მხოლოდ გულიკო გამომყვა დერეფნის ბოლომდე, ისიც უხმოდ, მერე, რომ აღარ მოვხედე, თანდათან ჩამომრჩა. კიბეს ჩავყევი. ბოლო საფეხურზე რომ ჩავდი, ვიგრძენი, მიყურებდა. ზევით ავიზედე, გულიკო კიბის თავზე იდგა, ხელები ნიკაპის ქვეშ ამოედო, იდაყვებით მოაჯირს დაყრდნობოდა, თან თვალს არ მაცილებდა.

– რას მიყურებ? – ვკითხე. გულიკო გაიმართა, უარყოფის ნიშნად თავი გაიქნია და გაბრუნდა. მე უნივერსიტეტის ბაღში გამოვედი და სკამზე დავჯექი. ჩემს წინ ჩაცუცქული გოგონა ნიჩით მიწას თხრიდა და ფეხებზე აყრიდა მასზე პატარა ბიჭუნას, რომელიც მორჩილად იდგა ახალდარგული ნერგივით და იღიმებოდა. გოგონა ხშირ-ხშირად ამოხედავდა ხოლმე, აბა, თუ გაიზარდაო, და მერე ისევ და ისევ თხრიდა და აყრიდა ფეხებზე მიწას, ბიჭი კი იდგა გაუნძრევლად, მორჩილად და ალბათ ისიც გაზრდის მოლოდინში იღიმებოდა და იღიმებოდა. ბაღში მაისის მწვანე და თბილი დარი იდგა.

სწორედ ამ მაისის ამ თბილ დღეს ჩემი ორიანის წყალობით სახელმწიფო ბიუჯეტის გასავალი 275 მანეთითა და 40 კაპიკით შემცირდა. სტიპენდია ფულის იმ განსაცვიფრებელ კატეგორიას ეკუთვნის, რომელიც ციდან ჩამოვარდნილს გავს. მე, როგორც პატიოსან კაცს, მუდამ მიკვირდა სამი რამ – რატომ მაძლევდნენ სტიპენდიას, რატომ მიქვითავდნენ საშემოსავლოს ამ ლვთის ნაჩუქარი ფულიდან და რაში მახდევინებდნენ სწავლის ფულს. მიუხედავდ ამისა, მე არ მეგულებოდა ქეეყანზე სტუდენტი, რომელსაც ჩემზე უფრო სჭირდებოდა სტიპენდია, ან ჩემზე უფრო სცოდნოდა მისი ფასი. პოდა, ახლა მე, უსტიპენდიო, ვიჯექი უნივერსიტეტის ბაღში და ვუცქეროდი პატარა ბაფთიან გოგონას, რომელსაც ბიჭუნას რგვა დაემთავრებინა და მის მორწყვაზე გადასულიყო.

დარგულმა ბიჭმა შემომხედა და გამიცინა.

– რა გქვია, ბიჭი? – ვკითხე მე.

– მაგას ლაშა ჰქვია, მე აა! – მიპასუხა გოგონამ ორთავეს მაგივრად.

– მერე, წყალს რომ ასხამ ფეხებზე, არ გეშინია, რომ გაცივდეს?

– უნდა გაიზარდოს.

- გარე კი არ იზრდებიან. აი, მე, თქვენსელა რომ ვიყავი, ბევრს ვჭამდი და ხომ ხედავთ, როგორ გავიზარდე, — გავიხსენე ჩემი ბავშვობა. გოგონამ ეჭვით ამათვალიერ-ჩამათვალიერა.
- რას ჭამდით? — მკითხა უცებ მან.
- კარაქიან პურს, რძეს, ფაფას, ნამცხვარს... — დავიწყე თვლა ნეკიდან: ცერზე რომ მივედი, ნერწყვი გადავყლაპე და გავჩერდი.
- ახლა? — მკითხა გოგონამ.
- რა, ახლა? — ვკითხე მე.
- ახლა რას ჭამთ?
- ახლა კიდევ არა მიშავს და აწი რას შევჭამ, ეს აღარ ვიცი! — გავუცინე გოგონას.
- რატომ? — მკითხა გოგონამ.
- რატომ და სტიპენდია დავკარგე!
- რა?
- სტიპენდია!
- სად დაკარგეთ?
- რა სად დავკარგე?
- აი, რომ თქვით, რა დაკარგეთ? — ღმერთო, რამდენი შეკითხვები იციან ბავშვებმა.
- არავერი არ დამიკარგავს, ვიხუმრე.
- თქვი რა, ძია, რა დაკარგე?
- პერპეტუუმ-მობილე.
- რაა?
- პერ-პე-ტუ-უმ-მო-ბი-ლე! — დავუმარცვლე მე, თან მიხაროდა, რომ ამ სიტყვას ვეღარ გაიმეორებდა და თავს დამანებებდა. მაგრამ მოხდა სასწაული?
- პერპენდიულობილე? — მკითხა უცებ ბიჭმა.
- აუჰ, როგორ გაზრდილსარ, გეყოფა აწი, ამოდი მაგ ტალაზიდან! — ავუგდე სიტყვა ბაზე ლაშას.
- არ ამოხვიდე, თორემ გახმები! — გააფრთხილა იამ. ბიჭი არ განძრეულა.
- ძია, შენ ღონიერი ხარ? — მკითხა ლაშამ.
- ისე, არა უშავს.
- აბა, ხელი მოღუნე! — მე მოღუნე ხელი და კუნთი დაგბერე. ბიჭი საჩვენებელი თითით დააწვა ჩემს კუნთს, მოწონების ნიშნად დასლოკინა და მკითხა:
- მთაზე ღონიერი ხარ?
- აბა, რა!
- დათვზე?
- კი! — ავიბზუე ტუჩი.
- ძია სტალინს მოერევი? — მკითხა ბავშვმა უცებ და პასუხის მოლოდინში გაინაბა.
- მე აქეთ-იქთ გავიზედე. გოგონაც სმენად იყო ქცეული და ელოდა, რას ვიტყოდი, მე ხმას არ ვიღებდი.
- ძია სტალინს მოერევი? — მკითხა ახლა გოგონამ.
- იმას რა მოერევა, ბიძია! — ვთქვი და ავდექი. ბავშვებმა შევებით ამოისუნთქეს.
- გეყოფა, უკვე დიდი ხარ! — ვუთხარი მე ლაშას, მხრებში ხელი მოგვიდე, ავწიე ოდნავ და მიწიდან ამოვთხარე. ბიჭმა ფეხები შეათამაშა, მერე ერთმანეთზე მიაბაკუნა და მიწა ჩამოიბერტყა.
- ნახვამდის, სახლში რომ მიხვალ, ძილის წინ კარაქიანი პური ჭამე და დილას სულ დიდი, დიდი ადგები. — ვაკოცე და მიწაზე დავსვი.
- მიღიხარ, ძია? — მკითხა გულდაწყვეტილმა ლაშამ.
- მივდივარ. აბა, შენი კუნთი მაჩვენე! — ლაშამ წვრილი მკლავი მოღუნა, კისრის ძარღვები დაჭიმა, სუნთქვა შეიკრა და მომაშტერდა.

მე თითო დაგაჭირე ქუნთზე.

- აუჰ, შენ ვინ ყოფილხარ, კაცო! – გამიკვირდა მე, ლაშა გაიბადრა და იას გადახედა.
- ხვალ უფრო ღონიერი ვიქნები, კარაქიან პურს შევჭაბ! – დამაიმედა ლაშამ.
- აბა, შენ იცი, თუ მმა ხარ, არ დამაღალატო!.. – ვთხოვე მე და ბალიდან გამოვედი.

* * *

ჩემი ოთახი, ვარაზის ხევის მარჯვნივ რომ სახლი დგას, იმის მეოთხე სართულის შუაგულშია. აღმოსავლეთით და დასავლეთით კეთილი მეზობლები მესაზღვრებიან, ჩრდილო-ეთიდან ვარაზის ხევის ამოსავსებად მოთრეული ნაგავი, სამხრეთიდან კი, სამზარეულოზე გავლით, უნივერსიტეტი. ოთახის ფართობი 26 კვადრატული მეტრია, მაგრამ საბინაო სამმართველოში გატარებულია, როგორც 20, ბინის ქირის შელავათიან ფასებში გადახდის კეთილშობილური მიზნით. ოთახის ავეჯი ორი საწოლით, ერთი საწერი მაგიდით, სამი სკამითა და ერთი კარადით განისაზღვრება. კარადაში სამნახევარი თევზი და 4 ჭიქა აწყვია თავისი კოვზებითა და ჩანვლებით. რაც შეეხება ტანსაცმელს, მისი საკიდი მე თვითონ ვარ – რაც გამჩნია, ზედვე მაცვია, ამიტომ ოთახიდან გამოსვლის დროს გასაღებს პირველსავე შემხვედრ მეზობელს ვუტოვებ, ან კარს საერთოდ ლიად ვტოვებ.

კიბეზე უხალისოდ ავდიოდი. დერეფნის კარი დია დამხვდა, ოთახის კარი შევაღე და აღვილზე გავქავდი. ტანტი ურუანტელმა დამიარა, მუხლები მომეავთა. ჩემი ოთახი სავსე იყო მეზობლებით. ისინი გარს შემოხვეოდნენ საწოლს, რომელზეც შუახნის ჭალარა, საოცრად დაღლილი, თეთრი სახის, გამხდარი ქალი იჯდა. იგი ოდნავ იღიმებოდა და სუსტი ხმით ყვებოდა რაღაცას. ჩემთვის ფურადება არავის მოუქცევია. ჭალარა ქალმა მშვიდად შემხედა, ცოტა ხანს მიყურა. მერე ისევ განაგრძო ამბავი. მეზობლები სინაულით თავებს იქნევდნენ აქეთ-იქით, ჭალარა ქალმა უცებ საუბარი შეწყვიტა და ისევ დამაცქერდა, ახლა უფრო ხანგრძლივად და დაშინებით, მერე თვალები მეზობლებისაკენ გაუქცა, მეზობლები კარისკენ შემოტრიალდნენ. ოთახში სამარისებური სიჩუმე ჩამოვარდა. მე მესმოდა მხოლოდ ჩემი გულისცემა, ვიღაცის სკამის სულისწამლები ჭრიალი, მეტი არაფერი. ჭალარა ქალი თვალს არ მაცილებდა, მერე მან შეშინებული თვალებით შეხედა ჩემი კარის მეზობელს, ელიკოს. ელიკო თავი დაუქნია თანხმობის ნიშნად, მაშინ ჭალარა ქალი ადგა, მას ხელები და ტუჩები უკანგალებდა, იგი საოცრად ჰეგვდა იმ ქალს, რომელმაც ამ ოთახში 12 წლის წინ, ღამის ოთხ საათზე გამაღვიძა, პირველი გადამსახა და მკერდზე მაკოცა. მერე იგი წაიყვანა ორმა მამაკაცმა, რომელთაგან ერთი შეშინებული ჩანდა, მეორე კი იღიმებოდა და პირი ვერცხლის კბილებით ჰქონდა გამოტენილი. ეს იყო ჩემი დედა. ახლა მე და მას სულ სამი ნაბიჯი გვაცილებდა. იგი მოდიოდა ჩემკენ ნელი, ძალიან ნელი ნაბიჯით, უკვე მესმოდა მისი სუნთქვა, მინდოდა, შევბრუნებულიყავი და გავქცეულიყავი, მაგრამ არ შემეძლო, მე უბრალოდ დავხუჭე თვალები და ველოდი, რა მოხდებოდა. მერე მე ვიგრძენი მისი თავი ჩემს მხარზე და გავიგონე ჩუმი ჩურჩული:

- გამარჯობა, შვილო...
- გამარჯობა, შვილო, – და ასე განუწყვეტლივ, დიდხანს, ძალიან დიდხანს, – გამარჯობა, შვილო... მე მივხვდი, რომ იგი ელოდა პასუხს, – გამარჯობა, დედა, – მაგრამ ვერ შევძელი.
- გამარჯობათ, ქალბატონო!.. – ვთქვი და ტირილი დავიწყე.

* * *

სამზარეულოში ვზივარ და უნივერსიტეტის წინ ჩარიგებულ ჭადრებს ვუცქერ. ერთი, ორი, სამი, ოთხი. მეზობლები დაწვნენ, აღბათ. ელიკო აღარ შემოდის და აღარ მუშაობა – შედი, ბიჭო, ოთახში, ქვა ხომ არ ხარ, ცოდვაა ის ქალი... ხუთი, ექვსი... აღბათ, ისიც დაწვა, არაფერი არ მყითხა, რომელ კურსზე ვარ, რომელ ფაკულტეტზე ვსწავლობ, როგორ ვარ... შვიდი, შვიდი ჭადარია, აღბათ, წლის ჩაგდებით რგავდნენ, თორემ მეშვიდე ჭადარი ყველაზე დიდი რატომ უნდა იყოს... ახლა შევალ ოთახში და ვეტყვი: – დაიძინე, დედა? ეს რა კითხვაა... ვკითხავ, როგორ ხარ, დედა, ან არ გეწყიონო, ქალბატონო... არა, ამის თქმა არ შეიძლება... ეს, აღბათ, ბოლო ტრამეაია, ჩაივლის და დილის ოთხ საათამდე აღარ ამოივლის. ამ ვატმანს ვიცნობ, წინა ბაქნიდან მიშვებს ხოლმე, თან იკრიჭება – ჯიგარო, დეპუტატი კი ხარ, მაგრამ ბილეთის აღება არ დაგავიწყდეს. წავიდა... ძინ, ძინ, ძინ... ეს საათი ჩემი მხრიდან დამის პირველ საათს უჩვენებს, იქთა მხრიდან, აღბათ, თენდება; ახლა შევალ და რამეს ვეტყვი. რას? არ ვიცი... იქნებ, თვითონ მითხრას რამე...

ფრთხილად შევალე ოთახის კარი. დედას ხელები ამოედონ თავქვეშ და ჭერს უცქერდა. ჩემ საწოლთან მივედი და დავწერი. ვიწერი, აღბათ, ერთი საათი, იქნებ, ერთი წუთი ან მთელი 12 წელიწადი. გავისხენ დრო იმ დღიდან დღემდე, დავხუჭე თვალები და თვალწინ დადგა ყველაფერი, ისე ცხადლივ, როგორც ის შვიდი ჭადარი, მაგრამ არსად არ იყო დედა, ვიყავი ან მარტო, ან სხვასთან, ვიყავი ყველგან და ყველასთან და არსად არ იყო დედა. ახლა მე და ის ვიყავით ერთ ოთახში, ეს არ იყო სიზმარი, ეს იყო ცხადი, როგორც შვიდი ჭადარი უნივერსიტეტის წინ. ახლა ჩემ ვიწერით ოთახის სხვადასხვა კუთხეში ერთნაირად უბედურები, რადგან ეს ბედნიერი დღე დადგა.

ღმერთო, ნუთუ არაფერს არ მეტყვის, იქნებ, მე უნდა ვუთხრა რამე?

– თემურ! – გავიგონე ძალიან ჩუმი ხმა.

– თემურ, თემო... – ხმა ვერ ამოვიდე, გული ყელში მომტკინა. დედა ადგა, მას კოჭებამდე თეორი პერანგი ეცვა და მოჩვენებასავით უახლოვდებოდა ჩემს საწოლს. იგი მოვიდა და ჩემს წინ მუხლებზე დაეშვა. თვალები დავხუჭე, მისი ათრთოლებული ხელები საფეთქლებზე შემქეო.

– თემურ, ჩემო პატარა ბიჭო, თემო, თემიკო, გამეცი ხმა, შვილო! – მე მინდოდა, მოვმკვდარიყავი, დავყრუებულიყავი, მეგივლა, დამებახა მეზობლებისათვის, რომ ეშველათ ჩემთვის.

– თემურ, რამხელა ხარ, ბიჭო! რამ გაგზარდა, დედა, ვინ გაგზარდა, ჩემო ბიჭო, ჩემო თემიკო? შენ იცი, რომ ხვალ ოცი წლის ხდები?... რატომ, რატომ მერე? რატომ რვა წლის არ ხარ ისევ, ჩემო პატარა ბიჭო, რატომ რვა წლის არა ხარ, რატომ, რატომ არა ხარ... – იგი დამემხო მექრდზე და ატირდა. მე ლოგინიდან წამოვდექი, წამოვაყენე ფეხზე, მხრებზე ხელი მოვხვიე, თავის საწოლთან მივიყვანე და დავსვი.

– რატომ, რატომ... – იმეორებდა იგი.

– დაწყნარდით, თუ შეიძლება, ძალიან გთხოვთ! – როგორც იქნა, ამოვიდე ხმა. დედამ სახეზე აიფარა ხელები და ცოტათი დაწყნარდა. მე ჩემს საწოლთან მივედი, მერე უპან მოვიხედე. დედა ისევ ისე იჯდა. ტანზე ჩავიცვი და ოთახიდან ფეხაკრეფით გამოვედი.

* * *

ვარაზის ზევით დავეშვი. მდინარე ვერეს მარჯვნივ მიმავალ ბილიკს ავყევი და ფასკუნჯებიან ხიდთან ამოვედი. ქუჩაში აღამიანის ჭაჭანება არ იყო. მარტო

თერთმეტსართულიანი სახლის ბოლო სართულის მარჯვენა ფანჯარაში ენთო სინათლე და, რომ შევხედე, ისიც მოწუსელივით ჩაქრა. სადღაც, ჩელუსკინელების ხიდის გაღმა, მილიციელმა გაბმულად დაუსტვინა, თითქოს ქვეყანას ამცნო: ახლა კი ოფიციალურად დაღამდაო, მერე ერთხელაც დაუსტვინა უფრო გაბმულად, აქაოდა, ჭკუთ იყავითო, და ისევ სიჩუმე ჩამოვარდა. ვერე ზმაურობდა, სასიამოვნოდ, ისე სასიამოვნოდ, რომ თუ არა მისი ზმაური, ალბათ, ასეთი სავსე სიჩუმე არ იქნებოდა. მოედანი გადავჭრი და თერთმეტსართულიანი სახლის გასტრონომთან მივედი. გასტრონომის დიდი კარის წინ, პირდაპირ ქვის კიბეზე, ცხვრის ქურქში გახვეული დამის დარაჯი იჯდა, კალთაზე ცალლულიანი ცენტრალი ედო გარდიგარდმო, და კასრში გაღვივებულ ნაკვერჩლებს ხელისგულებს აფიცხებდა. მივუახლოვდი. მან ცალი თვალით ამომხედა ისე, რომ თავი არ აუწევია და საქმე განაგრძო.

- გცივა, ბიძაჩემო? — გვითხე მე.
- მცხელა! — მიპასუხა მოქლედ და კასრში გარუჯული ჯოხი აურია.
- შეიძლება, ცოტა გავთბე?
- არ შეიძლება!
- რატომ?
- არ ვიცი, არ შეიძლება და მორჩა! — მომიშრა მოხუცმა. მე მის წინ გავიარ-გამოვიარე, მერე გავჩერდი და ისევ ვკითხე:
 - ესე იგი, შენ ამბობ, რომ არ შეიძლება?
 - მე კი არ ვამბობ, უსტავი ამბობს! — მიპასუხა მან და თავის აწევა იკადრა.
 - წესდება, არა? — გავუსწორე მე.
 - რა გინდა, შვილო, შარი ხომ არა ზარ, გაიარე, მე სამსახურში ვარ. შენ ღვინოს ინელებ, სხვა ადგილი ვერ ნახე?
 - არაფერს არ ვინელებ, კაცო, უბრალოდ დაგელაპარაკე.
 - ჰოდა, გაიარე ახლ!
- მე გავიარ-გამოვიარე, მერე ისევ გავჩერდი. დარაჯმა უბეში ხელი ჩაიყო და კისერზე უშველებელი ბაწრით დაბმული სასტვენი ამოილო.
 - სამამდე ვითვლი, არ გაივლი, ვუსტვენ, — გამაფრთხილა მან, სასტვენი პირთან მიიტანა და ლოფები დაბერა.
 - მოიცა, კაცო, რა მოგივიდა, ქურდი ხომ არ ვარ? — გავაჩერე დარაჯი.
 - ერთი!.. — დაიწყო მან.
 - არ გრცხვენია, რამ შეგაშინა? — ვუთხარი მე და ჯიბები ამოვიტრიალე, — ნახე, არაუერი არ მაქს, ისე, ვიღაცას მინდოდა, დავლაპარაკებოდი და შენთან მოვედი. თუ გინდა, წავალ! — ვუთხარი მე და ისეთი გამომეტყველება მივიღე, თითქოს ძალიან მეწყინა და წასასვლელად ვემზადებოდი. — ნახვამდის! — პლაშის ღილი გავიზსნი და ისევ შევიკარი.
 - წადი, შვილო, თუ მიდიხარ, ვაა, ეს ვინ ყოფილა?! — გააგრძელა დამის დარაჯმა.
 - ააა, გეშინია? — ნიშნისმოგებით გავაგრძელე მეც.
 - რისი უნდა მეშინოდეს, თოფი აქა მაქს, სასტვენი აქა მაქს! — ეწყინა მოხუცს.
 - თოფი, თორემ რელსი არ გახვრიტოს ერთმაშად! — დავუწუნე შეიარაღება.
 - წადი, ორმოც ნაბიჯზე დადექი და მერე ვნახოთ! — დამენიძლავა მოხუცი.
- მე შევტრიალდი, ორმოცი ფეხის ნაბიჯი გადავთვალე და შუა მოედანზე აღმოვჩნდი. მერე პირით მოხუცისკენ შემოვტრიალდი, გული გავიღელე, ტყველჩავარდნილი პარტიზანივით ფეხები გავჩაჩხე და სასიკვდილოდ მოვემზადე. მე მოხუცის თვალებს ვერ ვხედავდი, მაგრამ აშკარად ვგრძნობდი, რომ გიში ვეგონე!
- მიდი, შე დედალო! — წამოვისროლე უკანასკნელი ღოზუნგი.
- მოხუცი დინჯად წამოდგა, გზის პირს მოადგა, საკეტი ააჩხაკუნა, თოფი მხარზე მიიბჯინა, ზედ ღოყა მიისვენა და, როგორც შევატყვე, შუბლში დამიმიზნა.

— ემ, გაგიჟდი?! — ვიბლავლე მე და მოხუცისქენ ზიგზაგებით გამოვქანდი. გულამოვარდნილი მივვარდი. მოხუცს თოფი ჩამოელო და ლულაზე ორთავე ხელით დაყრდნობილი ისე გულიანად ხითხითებდა, რომ ბრაზი მომივიდა.

— შენ, ჩემი ძმაო, გიუი ყოფილზარ! — ვუთხარი. მოხუცი ხითხითს არ ათავებდა. მე ხელი ჩავიქნიე, მივედი და კასრთან დავჯექი. ბოლოს, სიცილით რომ გული იჯერა, თვითონაც მოვიდა და ჩემს გვერდით დაჯდა.

— რა გაცინებს, კაცო? — ვკითხე მე.

— შეგეშინდა, მაიმუნო? — მითხრა მან და ისევ ჩაბჟირდა.

— თუთუნი ხომ არ გაქვს? — ვკითხე და თვალი ავარიდე.

მოხუცმა დიდხანს მიფურა, ქისა ამოიღო ქურქის ჯიბიდან, მომაწოდა და ფეხზე ადგა. მე თამბაქო გაგახვიე და ქისა უკან გავუწოდე. მან ქისა ჩამომართვა და თვითონაც გაახვია. თან თვალს არ მაშორებდა. როდესაც გავაბოლე, დაჯდა.

— ეგრე გეოქეა თავიდან, თუთუნი თუ გინდოდა, — თქვა მან.

მე ერთი ნაფაზი დავარტყი და თუთუნი კასრში ჩავაგდე. გაკვირვებულმა მოხუცმა თუთუნს თვალი გააყოლა, მერე თავი გაიქნია და ამოიხრა:

— შენს თავზე რაღაც კარგი ამბავი არ არის!

მე არაფერი არ ვუპასუხე.

— არ ეწევი?

— კი! — ვუპასუხე მე.

— რად გადააგდე?

— არ ვიცი.

— ცუდი იყო?

— არა, კარგი, — მოხუცი ისევ დადუმდა.

— დღეს რა დღეა? — მკითხა უცებ.

— ორშაბათი.

— ორშაბათი თარსი დღეა, შაბათიც. — თქვა მან.

— შაბათი რატომ?

— შაბათს, ელიას უბანში... კოლას იცნობ, შაშუბეშას?

— არა.

— ჩემსავით ყარაულია.

— პოო...

— პოდა, შაბათს, ელიას უბანში... ახლა რომელი საათია?

— ოთხი იქნება.

— ორ საათზე, შენსავით ორი ჯეელი მისულა კოლასთან, ისიც ჩემსავით ყარაულია, ოღონდ იმას პატარა მაღაზია აბარია, ჩემი — გასტრონომია. პოდა, მისულან და შენსავით თუთუნი უთხოვიათ. კოლას აუღია და ჩემსავით, აი, როგორც მე შენ, ისე მაუცია. იმათ აუღიათ და ეს თუთუნი კოლასთვის შიგ თვალებში შეუყრიათ. სანამ კოლა თვალებს იწმენდდა, პირიც აუკრავთ, თოფიც წაურთმევიათ, ოღონდ იმისი გეპო იყო, ჩემი ცენტრალია, მერე უთქვამთ — ხმა არ ამოიღო, თორებ მოგქლავთო. კოლას გულში უფიქრია — ხმას როგორ ამოვიღებ, პირი აკრული მაქვსო, და გაჩუმებულა.

— მერე?

— მერე რა? მაღაზია გაუტეხათ, კოლასთვის ერთი-ორი უთაქებიათ, — შე ვირიშვიდო, თუ მაღაზია ცარიელია, რა ჩვენს ფეხებს ყარაულობო, — კოლას გულში უფიქრია, — მაღაზია რომ სავსე იყოს, მე ვინ მანდობდაო, და ისევ გაჩუმებულა.

— არაფერი არ წაუღიათ?

— სასწორი წაიღეს და 10 გირი, ასი გრამიდან სამ კილომდე. დირექტორის ოთახში დიდი კედლის სარკე რომ ეკიდა, ისიც თან წაუღიათ.

- მერე?
 - ახლა, ვიდრე იმათ იპოვიან, წალებული საქონლის საფასურს კოლა იხდის.
 - მილიცია რას ამბობს?
 - მილიცია არ ვიცი, კოლა კი ამბობს, ერთხელაც რომ მოვიდნენ, ვიცნობო! – დაამთავრა ამბავი მოხუცმა და ნდობის ნიშნად ქისა ისევ მომაწოდა.
 - მოწიე! – მითხრა მან. მე ქისა ჩამოვართვი და თუთუნი გავაზვიე, თვითონაც გააზვია.
- ერთად გავაბოლეთ.
- რა გქვია? – მკითხა დუმილის შემდეგ.
 - თემო! – ვუპასუხე მე.
 - რა გვარი ხარ?
 - ბარამიძე!
 - მე ართავაზა მქვიან, სომეხი ვარ!
 - ჰოო!
 - ჰოო, სომეხი ვარ... შენ რა, სახლი არა გაქვს? – მკითხა ართავაზამ. ცოტა ზნის შემდეგ კეფა მოიფხანა და ისევ ცალი თვალით გამომზედა.
 - მაქვს.
 - კაცს რომ სახლი აქვს და შიგ არ შეესვლება, ესე იგი, არა გაქვს! – თქვა თავისთვის ართავაზამ.
 - შენ დედა გყავს? – ვკითხე ახლა მე.
 - ეღა მაკლია! – გაიღიმა ართავაზამ.
 - დიდი ხანია არა გყავს?
 - დიდი.
 - რამდენი წლის იყო.
 - მე 6 წლის ვიყავი მაშინ. დედაჩემი არ ვიცი.
 - ცოლი გყავს?
 - არა!
 - შვილი?
 - შვილი რომ მყავდეს, აქ ვიმუშავებდი? – ეწყინა ართავაზას. მე გავჩუმდი.
 - შენ? – მკითხა დუმილის შემდეგ ართავაზამ.
 - რა მე?
 - შენ გყავს დედა?
 - დედაჩემი გუშინ ჩამოვიდა.
 - მერე შენ ქუჩაში გამოხვედი?
 - დედაჩემი გადასახლებიდან ჩამოვიდა.
 - საიდან?
 - ციხიდან გამოვიდა!
 - როგორ ციხიდან?
 - აი, ისე, გაუღეს კარი და გამოვიდა!
 - მერე, შე ბეჭურაზო, დედაშენი ციხიდან გამოვიდა და შენ აქ ჩემთან ზისარ? – ართავაზა ფეხზე ადგა, მერე ისევ დაჯდა. მოედანზე პირველმა მორიგე ტრამვაიმ ჩაიარა ბორბლების ჭრიალითა და ხრიგინით. მე ცას ავხედე. ღამე გაფერმკრთალებულიყო. სადღაც სვანეთის უბანთან, კახეთისაკენ მიმგალმა თუ იქიდან მომავალმა ორთქლმავალმა გაბმულად იკივლა. დილა ნარიყალას მხრიდან შემოდიოდა თბილისში.
 - ადექი! – თქვა ართავაზამ. მე არ ავდექი.
 - ადექი, ჩემი სამუშაო მორჩა, უკვე თენდება! – მე ავდექი და მოედნისკენ წავედი.
 - სად მიდიხარ, ბიჭო? – მკითხა ართავაზამ.
 - არ ვიცი! – ავიჩეჩე მე მხრები.

— მოიცა, მეც იქით მოვდივარ, — თქვა ართავაზამ, თოფი მხარზე გადაიკიდა და წამოვიდა. მოედანი გადავჭერით, ლენინის ქუჩის აღმართს შევყევით, ართავაზა გვერდით მომყვებოდა, სიარული ცოტა უჭირდა, ამიტომ ნაბიჯს ვუკელი. დილის სიგრილემ შემაჟრულოდა. პლაშის საყელო ავიწიე და ჯიბეებში ხელები ღრმად ჩავყავი. მილიციას რომ გავუსწორდით, ართავაზა შეჩერდა, მილიციის წინ ახალგაზრდა მილიციელი მოტოციკლეტს ქოქავდა, ცალ ფეხს ზუსტად ისე იქნევდა, ძალებმა რომ იციან ჩხუბის წინ, მაგრამ არაფერი გამოსდოდა, მოტოციკლეტი ერთს დააცემინებდა და ისევ დუმდებოდა. მილიციელმა, ჩვენ რომ დაგვინახა, ფეხი გააჩერა.

— ჰა, ართავაზ, დღეს რაღაც ადრე მიგიტოვებია, პოსტი, აი! — გამოსძახა ართავაზას იღლიის ქვეშიდან.

— შიმშილისაგან გულწასულ იმ ორ ვირთხას რომ ამდენ ხანს ვდარაჯობდი, ისიც მეტია. — უპასუხა ართავაზამ.

— შენ აქ დამიცადე, ახლავე გამოვალ! — მითხრა მე და მილიციაში შევიდა.

— არ იქოქება ეს შობელძალლი! — მითხრა მილიციელმა და მოტოციკლეტს ძრავაში მიაფურთხა.

— დააგორე დაღმართზე და დაიქოქება! — ვუთხარი მე.

— ზევით ვარ წასასვლელი! — გაიმართლა თავი მილიციელმა.

— შე კაცო, ჯერ ქვევით წადი და მერე მოუხვიე ზევით! — ვასწავლე მე.

მილიციელმა მაღლიერად გამიღიმა და მოტოციკლეტი დააგორა. ართავაზა მილიციიდან გამოვიდა, თოფი თან აღარ ჰქონდა, უტყობა, სამორიგოში დატოვა.

— ვინ არი? — ვკითხე მე და თავით მილიციელზე ვანიშნე.

— სულელია, ყოველ დიღით ეგრე ქოქავს. წამოდი! — მითხრა და მხარზე ხელი დამარტყა. წავედით. მოელი გზა სიტყვა არ უთქვაშს. სასადილო „გემოსთან“ გაჩერდა. მეც გავჩერდი.

— ჩავიდეთ! — მითხრა ართავაზამ. მე მხრები ავიწურე და თვალები დავხუჭე.

— ჩავიდეთ! — გაიმეორა მან და ჩავიდა. ჩავყევი. სულ ბოლო მაგიდასთან მივიდა, ქურქი გაიხადა, სკამზე გადაკიდა და დაჯდა. მე არ გამიხდია, ისე დავჯექი. სარდაფში ნივრის, ნახარში ხორცისა და თამბაქოს კვამლის სასიამოვნო სუნი ტრიალებდა. მაგიდები ჯერ კანტიკუნტად იყო დაკავებული, მაგრამ ხალხი განუწყვეტლივ ჩამოდიოდა სარდაფში. ოფიციანტი მოვიდა და ჩვენს წინ გულგრილად დადგა.

— ორი ხაში, ორი არაყი, ერთი ლიმონათი! — თქვა ართავაზამ. ოფიციანტმა ჩაიწერა.

— ხაში ჩლიქიანი იყოს! — თქვა ართავაზამ.

— ძროხას ოთხი ჩლიქი აქვს! — უპასუხა ოფიციანტმა.

— რვა! — გაუსწორა ართავაზამ, — ახლა წადი და მოიტანე.

ორ წუთში მე და ართავაზა ხაშში ნიორს ვაზავებდით.

სარდაფი თანდათან ივსებოდა სახედაბიუგინებული, დასიებული, თვალებდასისხლიანებული, ცხვირებდაწილებული, მთელი ღამის უძილო და ნაქეიფარი ხალხით.

— ერთი ხაში, ორი არაყი!

— კიდევ ორი ას-ასი.

— ერთიც მშრალი!

— ხაშია თუ პაღოში, ოფიციანტ!

— საჩივრის წიგნი და დირექტორის გადიდებული სურათი!

— ეგ ჯიგარი პრაჩკას წაუღე!

— აფიციანტ, ვივოდება არა გაქვს?

— ვირიშვილო, ამ ტელებით კამათლები გამოვთაღო თუ კოჭი ვითამაშო, ხორცი მაიტა!

ისმოდა აქეთ-იქიდან, ოფიციანტები გულგრილი ღიმილით დააფრიალებდნენ ხაშის ჯამებს, მერე საანგარიშოებს აჩხაკუნებდნენ, დროს იხელოებდნენ თუ არა, სუფრაზე მიტოვებულ

ნაარყალ ჭიქებს პირში იმხობდნენ, ბინძურ სახელოებს იყნოსავდნენ და თვალებს ნაბავდნენ. საკუთარ ოფლში გახვითქული სარდაფი ოხრავდა, კვნესოდა, ხარხარებდა, ყვიროდა, ბლაოდა, ბარბაცებდა და კვამლში გახვეული დაღლილი კაცივით მძიმედ სუნთქავდა!

- შეგვეწიოს! – თქვა ძია ართავაზამ და ჭიქა მომიჯახუნა.
- შეგვეწიოს! – ვთქვი მე და გადავგარით!
- შეიძლება? – გვითხა მაღალმა, გაფითრებულმა ინტელიგენტმა, ჩვენს მაგიდას მოადგა და მესამე სკამის ზურგს ორთავე ხელით დაეყრდნო.
- არ შეიძლება! – უთხრა ართავაზამ.
- ვა? – გაუკვირდა გამხდარს! – რატომ არ შეიძლება.
- მე ტიფი მაქვს, ამას ჭლექი! – მოუთითა ჩემზე ართავაზამ. გამხდარმა ეჭვით გადმოგვხედა და მოგვცილდა.
- ოფიციანტ! – დაიძახა ართავაზამ, ოფიციანტი მოვიდა.
- ეგ სკამი წაიღე და ორი ას-ასიც მოიტანე! – უთხრა ართავაზამ. ოფიციანტმა სკამი წაიღო და ერთი ბოთლი არაყი მოიტანა.
- რაც დაგრჩებათ, უკან წავიღებ! – თქვა მან და გვერდზე გადგა. ართავაზამ დაასხა.
- ეს ჩემო...
- თემო! – გავახსენე მე.
- ეს, ჩემო თემო, მე და შენს გაცნობას გაუმარჯოს... – ისევ მომიჯახუნა ძია ართავაზამ.
- გაუმარჯოს! – ვთქვი მე და გადავგარი, მერე ვიგრძენი, როგორ ჩაიარა არაყმა ყელი, ჩაიღვარა სხეულში, შეუერთდა სისხლს, მერე დაიარა ყველა ფოსო, ყველა უჯრედი, ყველა მარღვი, დაბრუნდა უკან, შემიხურა სახე და დამიბუჟდა საფეთქლები. დაღლილი ქუთუთოები თავისით დამეხურა. დარბაზი სიბნელეში ჩაწეა, მერე თანდათან გაღლვა სიბნელე და წინ ვარდისფერი ნისლი დაიღვარა ათასი თეთრი, თეთრი, მოციციმე ვარსკვლავით. თვალები გავახილე. ნისლი გაიფარგა. ნელ-ნელა ამოცურდა ნისლიდან ჯერ უფორმო სახე, მერე სწორი, ლამაზი, ოდნავ ნაყვავილარი ცხვირი, შავი წარბები, გაუპარსავი წვერი და მერე საოცრად მშვიდი, წყლიანი და დაღლილი, თაფლისფერი თვალები, დიდრონი თაფლისფერი, სიბერით ოდნავ მოჭუტული და მშვიდი თვალები. მე მიცექრდნენ ეს კითხვადგადაქცეული თვალები დიდხანს, დაუხამხამებლად. ისინი რაღაცის თქმას ელოდნენ ჩემგან, მივხვდი, რომ ისინი არაფერს იტყოდნენ, ვიდრე მე არ ვიტყოდი და არაფერი ვთქვი. მაშინ ძია ართავაზამ ისევ დაასხა.
- ეს, ჩემო თემო, გაუმარჯოს კაცს, რომელიც დამით დადის და კაცს დაეძებს, ეს გაუმარჯოს კაცს, რომელიც დამით ზის და კაცს ელოდება. მერე გაუმარჯოს კაცს, რომელსაც დამით არ სძინავს, ზოგს იმიტომ, რომ არ ეძინება, ზოგს იმიტომ, რომ ეძინება, მაგრამ არ უნდა დაიძინოს. ისე კი, ორთავე დღეს ელოდება. ჰოდა, გაუმარჯოს ლამეს, რომელიც თენდება... – ძია ართავაზამ ისე დალია, არ მომიჯახუნა, ერთი კოვზი ხაში დაყოლა და ისევ მოძახერდა. მე ისევ არაფერი არ ვთქვი და დავლიე. მაშინ ძია ართავაზამ ისევ დაასხა. მე მივხვდი, რომ იგი აღარ დალევდა, ვიდრე ჩემს სათქმელს არ ვიტყოდი და ჭიქა ავიღე.
- შენ, ძია ართავაზ, გათენებას ელოდები... მე ახლა მთვრალი ვარ. შენ რამდენი წლისა ხარ, ძია ართავაზ?
- ართავაზი დუმდა.
- შენ გეპითხები, რამდენი წლისა ხარ? – არ მოგვშვი მე.
- ორასის!
- აი, ხომ ხედავ, ორასი წლისა ხარ... მე ოცი წლისა ვარ, დღეს ჩემი დაბადების დღე! აი, შენ ორასი წლისა ხარ და გათენებას ელოდები, მე კი... რას მიყურებ, მე გათენების მეშინა, იცი შენ? არ იცი. მე გათენების მეშინა, სახლში მისვლის მეშინა. აბა, თუ იცი რატომ? არ იცი!...

– რატომ, ბიჭო, რატომ?! – მკითხა ართავაზამ და ისედაც წყლიანი თვალები სულ აეცსო ცრემლით.

– რატომ და, სახლში ახლა ერთი ქალი მელოდება, იგი ზის საწოლზე, თეთრ პერანგში, აი, ამხელა თეთრ პერანგში, კოჭებამდე პერანგში ზის და მელოდება, უცხო ქალი, სულ უცხო, უცხო, უცხო, იცი შენ რა არის უცხო? ის ქალი დედაჩემია, თორმეტი წელი არ მინახავს... ახლა მელოდება, რომ დედა დავუძახო, მე კი ვერ ვუძახი, გაიგე?... იმიტომ, რომ მრცხვენია... კი არ მრცხვენია, მეშინია... კი არ მეშინია, გადავეჩვიე... გაიგე? – ძია ართავაზამ თავი დამიქნია. – პოდა, ასე... – დავამთავრე მე სიტყვა და დავლიე. ართავაზამ დიდხანს მიყურა, მერე ჭიქა აიღო.

– ეს იმ დედას გაუმარჯოს, თემო, თორმეტი წელი რომ შვილი არ უნახავს, თორმეტი წელი იჯდა, ელოდა და ჯიგარი არ გაუხმა. მანც თავისი ლეკვი მონახა და შვილი დაუმახა. იმ დედას გაუმარჯოს, ღამე რომ არ სძინავს, იმიტომ კი არა, რომ არ უნდა დაიძინოს, იმიტომ, რომ არ ეძინება და გათენებას ელოდება. იმ ღამეს გაუმარჯოს, ჩემო თემური, რომელიც თენდება!.. – ართავაზამ არაყი გადაკრა. მე ბოთლი ავიღე, ართავაზამ ჩემს ჭიქას ხელისგული დააფარა.

– ადარ გინდა! – თქვა მან. მე ბოთლი დავდგი.

– ოფიციანტ! – დაუმახა.

ოფიციანტი მოვიდა.

– ანგარიში!

– ცხრა თუმანი! – ისე თქვა, არც გაწითლებულა, ართავაზამ ასი მანეთი მისცა და წამოდგა.

– საღოლ! – გაიღიმა ოფიციანტმა.

– შეგარგოს! – თავი დაუქნია ართავაზამ და ჭურქის ჩაცმა დაიწყო.

დარბაზი დაცლილიყო. დამლაგბელი ქალები სუფრებს ალაგებდნენ. მეც წამოვდექი, ძალზე მთვრალი ვიყავი და რომ არ წავქცეულიყავი, ძია ართავაზას ხელი მოვკიდე. მან კიბეზე ფრთხილად ამიყვანა და ჭადარზე მიმაყუდა.

– შეგიძლია წასვლა? – მკითხა.

– ჰო!

– მაშ, წადი, ნელა იარე!

– ძია ართავაზ, შენ არ წამოხვალ?

– სად, ბიჭო?

– ჩემთან!

– შენთან? ჰო, ოღონდ დღეს არა, სხვა დროს.

– ახლა!

– ახლა კუკიაზე მივდივარ!

– კუკიაზე რა გინდა?

– დედაჩემის საფლავი უნდა ვნახო. – თქვა ართავაზამ...

– მეც წამოვალ...

– შენ სახლში წადი, მე კუკიაზე წავალ...

– ძია ართავაზ!

– რაო?

– მოდი, გაკოცო! – ართავაზა მოვიდა, ტუჩები ხელისგულით მოიწმინდა, შუბლზე მაკოცა. ვიდრე მეც ვაკოცებდი, შებრუნდა და წავიდა. იგი მიდიოდა ოდნავ წელში მოხრილი, რჩევით, ფეხებს მძიმედ მიათრევდა, ალბათ, ისიც მთვრალი იყო, გადასასვლელზე გადავიდა, აფთიაქტან რომ მივიდა, უკან მოიხედა, მე ისევ იქ ვიდექი და ვუცქერდი. ართავაზმ ხელი ჩაიქნია, შებრუნდა და ვერის დაღმართს დაჭყვა. ჭადარს ხელი გავუშვი და ფილაქანს გავყევი. არაყმა გამიქნია, ჯერ კდელს მივეხეთქე, მერე ისევ ხეს. შევჩერდი. სირცვილია. აბა,

სწორად თუ გავივლი, სწორად, სულ სწორად, ახლა იმ ხემდე. ჩქარი ნაბიჯით ჯობს წასვლა. აბა, წავედი. მივედი. ახლა იმ ხემდე. ხალხი ქუჩაში მეჩხრად მოძრაობდა, კერ ისევ ადრე იყო.

— უკაცრავად, რომელი საათია? — გავაჩერე მოქალაქე.

— შვიდი! — მიპასუხა მან ისე, რომ საათზე არ დაუხედია. სულ არ მწყენია. ალბათ, ზეპირად იცოდა, ან მომატყუა, თავიდან მომიცილა. შეიძლება, საათი არც ჰქონდა, მერე რა, მეც ასე ვაკეთებ ხოლმე, როდესაც მთვრალი მაჩერებს.

— უკაცრავად, პაპიროსი ხომ არ გექნებათ? — გავაჩერე მერე მოქალაქე. მან უკაცროფილოდ ამოიხსრა და ნაჩქარევად გამომიწოდა პაპიროსის კოლოფი. ამას ასანთიც ექნება, მაგრამ ისე ჩქარობს, ან არ მომიკიდებს, ან გამლანძღვს, შეიძლება, გამლახოს კიდეც. არა უშავს, სხვას გავაჩერებ.

— გმადლობთ, ჩემო ბატონო! — თავი დავუკარი.

— არაფრის, ბატონო, არაფრის! — მომახალა მან და სასწრაფოდ გამშორდა.

მელიქშვილის ქუჩაზე გავედი. გმიყიდველები უკვე მაღაზის კარს აღებდნენ.

— უკაცრავად, ასანთი ხომ არ გექნებათ... — მივედი ერთ-ერთთან, რომელიც კარს ლუქს აძრობდა. მან უხმოდ ამოიღო ჯიბიდან ბრტყელი ასანთი და გამომიწოდა. მე მოვუკიდე პაპიროსის და უკან გავუწოდე.

— შენთან იყოს, მე მეორეც მაქვს, — მითხრა მან და მაღაზის კარი გააღო.

— გმადლობთ! — ვუთხარი მე და წავედი.

ეს ჩემი სახლის სადარბაზოა, ერთი საფეხური, მეორე, მესამე, მეოთხე, მეხუთე, მეექვსე, ნეტავ რამდენი საფეხურია?... ჩემს სიცოცხლეში არ დამითვლია... თუმცა, როგორ არ დამითვლია. ბავშვობაში მეტს რას ვაკეთებდი... მაგრამ არ მახსოვს. უკან ვბრუნდები და ხელახლა ვითვლი. ერთი, ორი, სამი, ოთხი, ხუთი, ექვსი, შვიდი, რვა, ცხრა, ათი, თერთმეტი საფეხურია. მე მეოთხე სართულზე ვცხოვრობ, ესე იგი, რვაჯერ თერთმეტი... რამდენია რვაჯერ თერთმეტი?.. რვაჯერ თერთმეტი ბევრია... მთელი სიცოცხლე უნდა იარო, მთელი სიცოცხლე, ბოლოში რომ მიხვიდე... რვაჯერ თერთმეტი... ელექტრონის ღილაკს ხელი დავაჭირე და ვიდრე დარეკავდა, კარი გაიღო. კარში იდგა დედა, ჩემი დედა, ჭაღარა და ლამაზი, ისეთი ლამაზი, როგორიც თორმეტი წლის წინ, როდესაც იგი მსოფლიოში ყველა დედაზე ლამაზი იყო.

— გამარჯობა, დედა! — ვთქვი მე.

დედა იდგა კარში. იგი არ ტიროდა, იგი იღიმებოდა, თვალებიდან მდუღარე ცრემლები ჩამოსდიოდა და აცახცახებულ ნიკაპთან ეკვრებოდა.

— გამარჯობა, დედა! — გავიმეორე მე.

guliko

ლოტკინის გორაზე ისევ გაზაფხულა, თბილისში კი გაგანია ზაფხულია. თბილისი იწვის, ღნება, ასფალტს ოხშიგარი ასდის, თაკარა მზე დადის თუნუქის სახურავებზე, იხედება ყველა სახლის ფანჯარაში, მერე, დალოცვილი, დაეკიდება ქალაქს ზედ თავზე და ისე დიდხანს დასცექრის, გეგონებათ, წასვლას არ აპირებსო, მტკვარი იღევა, იღევა და ბოლოს ისე პატარავდება, რომ იმ დღეს ვიღაც თავხედი ფეხით გადიოდა მუხრანის ხიდთან. ზაფხულია ახლა თბილისში და სახლში არ დაიდგომება. პოდა, ვიდრე მზე სახურავებზე ბორიალს დაიწყებდა, მე ავდექი. დედა უკვე სამზარეულოში იყო და ჩაის აღუღებდა. რომ დამინახა, გამზადებულ ჭიქაში ფერი ჩაასხა.

ზარმა დარექა.

- წადი, გაუდე, შვილო! – მითხრა მან.
 - მე კარი გავაღე. გურამს ოთახისკენ არც გაუხედია, პირდაპირ სამზარეულოში შემოვიდა.
 - გამარჯობათ, დეიდა ანიკო! – თქვა მან და ჩემს ჭიქას მიუჯდა.
 - გაგიმარჯოს, შვილო!
 - გაიგე, თემო, ჩერჩილი იარაღს აუღარუნებს! – თქვა მან და წარბები შეიკრა.
 - კარგი თუ ძმა ხარ! – გავიკვირვე მე.
 - ჩემი თუ არ გჯერა, რადიოს ჰკითხე! – გაიღიმა მან ირონიულად.
 - რაო, რადიომ? – ვკითხე ახლა მე.
 - რადიომ თქვა, ჩერჩილი იარაღს აუღარუნებსო!
 - მერე?
 - მერე არაფერი, შევარცხვინე ის კაცი, იარაღს რომ ამოიღებს და არ იხმარს! – ისე თქვა, თითქოს პროფესიონალი მაუზერისტი ყოფილიყო.
 - ვის უუღარუნებს, შვილო, იარაღს, რა თქვა რადიომ? – ჰკითხა დედამ.
 - ჩვენ გვიუღარუნებს, დეიდა ანიკო, ჩვენ! – დააწვა ბოლო სიტყვას გურამი.
 - ომი გინდა, ბიჭო? აღარ მოგბეზრდა ნაგთის და პურის რიგში დგომა? – ვკითხე მე და ჩაი მოვსვი.
 - ომი კი არა, ქვეყანა დაინგრეს მინდა! – თქვა მან და თითოთ ქვესკნელი გახვრიტა.
 - რატომ?
 - იმიტომ, ამხანაგო ბარამიძე, რომ აღარ შემიძლია ამდენი ნერვიულობა, გამოცდაზე შტერივით ჯდომა, დაგარგული სტაბიზების შეცხადება, მუხლების კანკალი, ყელის ბდლვნა, ამომხედა სული სამიანის ნატვრაში, სტატისტიკის ჩამბარებელი მე მაინც არ ვარ და ბარემ დაიწყოს, თუ დასაწყებია, ჩერჩილს მაინც დავაბრალებ, არ მაცალა ჩაბარება-მეთქი, არადა, მარტო მამაჩემის ანგლობამ მომკლა.
 - რაო, რა მინდაო?
 - შენ რას გერჩი, შვილო, ჩემი დაღუპული ხარ, დებილების სკოლაში უნდა შემეყვანე, ოქროს მედალოსანი იქნებოდიო.
 - ვითომ? – შემეპარა ეჭვი.
 - შენ ხუმრობ და რა ადვილი სწავლა ყოფილა თურმე. მაგალითად, მიმდინარეობს გამოცდა, კედელზე გაკრულია სურათები: ვაშლი, მსხალი, ატამი; გამოდიხარ, გამომცდელი გეკითხება:
 - აბა, ბარამიძე, კარგად დააკვირდი, ნუ აჩქარდები, დაფიქრდი და ისე მიპასუხე, რა არის ეს? – და ხელს ადებს ვაშლს. შენ აკვირდები ვაშლს და პასუხობ:
 - ვაშლი, პატივუცემულო მასწავლებელო!
 - ყოჩაღ, ყოჩაღ! ხუთი, ბარამიძე! – გეუბნება კმაყოფილი პედაგოგი და გიწერს ხუთს.
 - თუ ვაშლზე იტყვი მსხალიაო, მაშინ ოთხს გიწერს, თუ იტყვი ატამიო – სამს.
 - კომპოტი რომ თქვა?
 - რას ამბობ, კომპოტზე ასპირინტურაში აწყობენ.
 - ორს რაზე წერენ? – გამეცინა მე.
 - ორს წერენ იმ შემთხვევაში, თუ ვაშლზე იტყვი ტრამვაიაო!
 - აბა, კი იქნებოდი, შვილო, ოქროს მედალოსანი. – დაამშვიდა დედამ. სამთავეს სიცილი აგვიტყდა.
- ჩაის სმას მოვრჩით. მე კონსპექტები ავიღე.
- მალე დაბრუნდებით? – გვეითხა დედამ.
 - დღეს გავათენებთ! – უპასუხა გურამმა.
- კიბეზე ჩავირბინეთ, ხუთ ნომერ ტრამვაიში ჩაგსხედით, დახურულ ბაზრამდე, რა თქმა უნდა, უბილეთოდ ვიმგზავრეთ, იქიდან ათ ნომერში გადავჯექით. იმაშიც, რა თქმა უნდა, უბილეთოდ ვიმგზავრეთ. ნაძალადევთან ჩამოვედით და ლოტკინის გორას ფეხით შევუდექით,

ლოტკინის გორას, სადაც ჯერ ისევ გაზაფხული იყო, სადაც იდგა პატარა სახლი, პატარა ეზოთი, დეზებიანი მამლით, ავი ძაღლით, პატარა ჩეროთი და სადაც კარგი, ძალიან კარგი გულიკო ცხოვრობდა.

გულიკო ჩემი თანაკურსელია და, როდესაც თბილისი დუღს, მე და გურამი მასთან ვმეცადინებთ. გარდა იმისა, რომ გულიკოს ეზოში გრილა და მე და გურამს გვიხარია მასთან მეცადინება, გულიკოს კომპავშირის კომიტეტის მიერ დაგალებული აქვს, თვალყური ადევნოს ორებისა და სამების სწორ ბალანსირებას ჩვენს მატრიკულებში. ამ ბოლო დროს საქმე გართულდა, რადგან ორების კუთრი წონა მგვეთრად გაიზარდა ჩემსა და გურამის შემოსავალში. მეცნიერების მწვერვალებისკენ მიმავალი ფართო შარაგზა რომ არ არსებობს და რომ ამ მწვერვალებისკენ ვიწრო ბილიკებს მივყავართ, ეს მე და გურამმა პირველსავე კურსიდან ვიცოდით და ამიტომ გულმოდგინედ ვუსმენდით გულიკოს, რომელიც ისე მსატვრულად გვიკითხავდა ჯავშნისან პოტიომკინზე ბორშჩში აღმოჩენილი მატლის გამო დაწყებულ აჯანყებას, რომ პირადად მე რამდენიმეჯერ ნერწყვიც კი გადავყლაპე.

გულიკო კონსპექტს კითხულობს, თან დროდადრო ამოგვხედავს, გვამოწმებს, ყურს თუ მიგდებენ. გურამი ზის მრგვალ მაგიდაზე იდაყვდაყრდნობილი, ნიკაპი ცალ მუშტზე ჩამოუსვენებია და თვალები მიუნაბავს. კარგად ვერ გაიგებ – თვლებს თუ ყურს უგდებს გულიკოს. მე ალუჩის ტანზე ვარ მიყრდნობილი ზურგით და თვალს არ ვაცილებ მის ლაპაზ, პატარა თავს, რომელსაც ამომავალი მზე ნათელივით ადგას და მხრებზე დაყრილ ოქროსფერ თმას ცეცხლივით ეკიდება.

- გულიკო! – ვამბობ მე, რატომ, თვითონაც არ ვიცი.
- რა? – მეკითხება გულიკო თავაუღებლად.
- არაფერი.
- მაინც?
- გადაჯექი. ოორეგ თმაზე ცეცხლი მოგეკიდება. – ვიკრიჭები მე.
- სულ არ არის სასაცილო! – ამბობს გულიკო და კითხვას განაგრძობს. გურამმა, ზარმაც კატასავით, ცალი თვალი აახილა. მერე ჯიბიდან პაპიროსი ამოილო და ხელის ჩაქვევით მანიშნა, ასანთი ზომ არ გაქვსო. მე გულიკოს თავზე ვანიშნე. გურამი ზანტად ადგა, პაპიროსი გულიკოს ცეცხლივით თმაში ჩარგო და ხარბად მოქაჩა.
- არ ეკიდება. – თქვა მან და მხრები აიჩება.
- მორჩით ახლა ლაზდანდარობას! – გაბრაზდა გულიკო და თმაზე ხელი გადაისვა. – თუ არ გინდათ, ნუ გინდათ, მე ეს კონსპექტი სამჯერ მაქვს წაკითხული.
- გულიკოს შემოვევლე, ჩემს კეთილ, ჩემს კარგ, ლამაზ და ნიჭიერ გულიკოს, გვეყოფა ახლა სწავლა-განათლება. წაგიდეთ საძმე, გავიაროთ! – გამოიგლიჯა ყელი გურამმა.
- შენც ასე ფიქრობ? – მკითხა გულიკომ.
- დიდი ხანია და ვერ გიმხელ სიყვარულივით! – თავი დავხარე მე.
- გულიკოს გაედიმა და წიგნი დაკეცა.
- დედა! – გასძახა მან ოთახში მოფუსფუსე დეიდა თამარს.
- რაო, შვილო! – გამოხედა დედამისმა.
- დედა, ბიჭები მიდინ, მე გავაცილებ. თუ დამაგვიანდა, არ შეგეშინდეს.
- წადი, შვილო, მაგრამ ამსისქე კონსპექტი ასე მალე ისწავლეთ? – გაუკვირდა დეიდა თამარს.
- მკითხეთ, რაც გინდათ! – უთხრა ნაწყენმა გურამმა და საპასუხოდ მოემზადა.
- მე რა გკითხო, შვილო, არც ჩამიხდია შიგ. – თქვა დეიდა თამარმა.
- არ ვარგა, არ ვარგა, ქალიშვილო, ასე შორს ვერ წახვალო, ჩაიხედეთ, წაიკითხეთ და შემოდგომაზე მობრძანდით! – დარიგა ჭერა გურამმა და ჭიშკრისკენ წავიდა.
- წავედით, დედა! – თქვა გულიკომ და ხელი მომკიდა.
- წადი, შვილო, ძალიან ნუ დაიგვიანებთ!

* * *

ფუნიკულიორიდან ღამის თბილისი ვარსკვლავებით მოჭედილ ცას ჰგავს, და ისე ჰგავს, რომ გეგონებათ, ზეცა დაბლა ჩამოვიდა, გულაღმა ამოტრიალდა და თქვენ ზევიდან დასცექრით. ყველა ნაცნობი ვარსკვლავი და თანავარსკვლავები აქ არის, თქვენს ქვემოთ, დიდი და პატარა დათვის თანავარსკვლავები, სასწორ-სამართალი, მარეხი, ირმის ნახტომივით დაღვრილი მსუბუქი ნისლი. შორს, უამრავი მოწყვეტილი ვარსკვლავებივით გაელვებული და ჩამქრალი მანქანის ფარები. ფუნიკულიორი კოშონში მოცურავე დედამიწას ჰგავს. რადგან დაბლაც ზეცაა, მაღლაც და ყველგან, ყოველი მხრიდან ზეცაა: უსაზღვრო, უნაპირო, დაუსაბამო, ვარსკვლავებით მოჭედილი ზეცა და კიდევ მეტი, თქვენ თვითონა ხართ დედამიწა, პატარა დედამიწა, ცოცხალი, შეუნთქავი, ფიქრიანი, მეოცნებე, დაკარგული და გზადაბნეული თქვენი ბადალი, ყველა თქვენი ტკივილისა და სიხარულის ბადალი, ცოცხალი მიწის მაძიებელი ამ ვარსკვლავების უსაშველო ორომტრიალში.

* * *

მე არ ვიცი რაზე ფიქრობს გულიკო. იგი დაყრდნობილია მოაჯირზე და თბილისს გასცექრის. ჩემთვის სულერთია რაზე ფიქრობს გურამი, მაგრამ არ არის სულერთი – რაზე ფიქრობს გულიკო. მე მინდა, გულიკო იმაზე ფიქრობდეს, რაზეც მე, ზუსტად იმაზე თუ არა, მსგავს რამეზე მაინც. რამდენჯერ მინატრია, ღმერთო, აი, ახლა ვკითხავ და ნეტა იმაზე ფიქრობდეს, რაზედაც მე. ათასჯერ ვკითხე და გულიკო არასოდეს არ ფიქრობს იმაზე, რაზედაც მე, ახლა მე ვფიქრობ: გურამი რომ რამეს მოიმიზეზებდეს და წასვლას დააპირებდეს, გულიკო სთხოვს, არ წახვიდეო. გურამი მაინც წავა. მაშინ გულიკოც დააპირებს წასვლას, მაგრამ მე ვთხოვ, და გულიკო დარჩება. მერე მე გულიკოს ვეტყვი ყველაფერს, ვეტყვი, რომ მე იგი მიყვარს უკვე ორი წელია, რომ სულ მასზე ვფიქრობ, რომ მას შეიძლება არ ვუყვარდე, მაგრამ ეს ჩემთვის არაუგერს არ ნიშნავს, მაგრამ... გულიკოს არ შეიძლება, არ ვუყვარდე, რადგან ვატყობ, რომ ძალიან ვუყვარვარ. მე ვფიქრობ...

– წავედი მე! – თქვა უცებ გურამმა და ამოიოხრა. – ხვალ დილით ადრე ვარ ასადგომი, ნაგთია მოსატანი.

- ცოტაც მოიცადე და ერთად წავალთ! – ვუთხარი მე.
- არ შემიძლია! – თქვა გურამმა.
- თუ არ შეგიძლია, წადი, მე და თემური დავრჩებით, არა, თემო? – მკითხა გულიკომ.
- აბა რა, ახლა თბილისში ჩასვლა იქნება? – სული ამოძრება კაცს.
- ჰოდა, წავალ, კარგად იყავით!
- კარგად!
- დილას გამოიარე.
- ჰო!

გურამი წავიდა.

მე ახლა გულიკოს ვუცექრ, გულიკო კი თბილისს. მე ახლა მხოლოდ გულიკოზე ვფიქრობ, გულიკო კი ნეტავ რაზე? ღმერთო, აი ახლა ვკითხავ და ნეტავ ამისრულდებოდეს და ახლაც თუ სხვა რამეზე ფიქრობს, ჩემს სიცოცხლეში აღარ ვკითხავ.

- თემო!
- რა, გულიკო?

- თემო, რაზე ფიქრობ? — მკითხა გულიკომ და თვალებში ჩამხედა.
მე მოულოდნელობისაგან პირი დავალე. გულიკო თვალს არ მაცილებდა.
- არაფერზე, გულიკო, აბა, რაზე უნდა ვიფიქრო! — ძლივს ამოვლერლე. გულიკომ ოდნავ გაიღიმა და თვალი ამარიდა.
- შენ რაზე ფიქრობ, გულიკო?
 - მე რაზე ვფიქრობ? შენზე ვფიქრობ. — თქვა გულიკომ და ისევ გამიღიმა.
 - ახლა, ამ წუთში?
 - ახლა, ამ წუთში!
 - კიდევ რაზე ფიქრობ, გულიკო? — ვთქვი მე და ხმაში ხრინწი შემეპარა.
 - კიდევ ჩემზე, თემო!
 - კიდევ?
 - მეტი არაფერზე. როდესაც შენზე ვფიქრობ, მაშინ ჩემზეც ვფიქრობ, მეტზე არაფერზე. ალბათ, ჭკუა არ მყოფნის, კიდევ რამეზე რომ ვიფიქრო.
 - სხვა დროსაც თუ ფიქრობ ჩემზე?
 - კი.
 - ხშირად?
 - ხშირად.
 - ძალიან?
 - არა! — გულიკო ახლა თავჩაღუნული იდგა მოაჯირთან და თავის თხელ და გამჭვირვალე თითებს დასცემოდა. მე რაღაცის შემტბინდა და აღარაფერი ვკითხე, მაგრამ გულიკომ თვითონ თქვა:
 - ხანდახან ვფიქრობ, თემო, ხანდახან და დიდხანს.
 - ახლოს მივიწიე გულიკოსთან, ჩემი მკლავი მის მკლავს შეეხო. ვიგრძენი, როგორ შეუტოკდა მკლავი გულიკოს, მაგრამ არ გაწეულა.
 - გულიკო! — გულიკომ შემომხედა პირდაპირ თვალებში. ვერ გავუძელი და თვალი ავარიდე.
 - გულიკო, რას ფიქრობ ჩემზე? — ვკითხე ხმის კანკალით და პასუხის მოლოდინში თვალები დავხუჭე.
 - რასაც შენ ჩემზე! — თქვა გულიკომ ჩუმად. გული ყელში მომებჯინა და სუნთქვა შემეკრა. ზელი გადავხვიე და გულიკომ ჩემი ზელი მხარსა და ლოფას შორის მოიმწყვდია, ზედ თავი დაასვენა და თვალები მოხუჭა.
 - გულიკო, იცი, მე რას ვფიქრობ შენზე? ახლა ყველაფერს გეტყვი... — გულიკოს თვალები არ გაუხელია, ისე გაიქნია თავი — არ მითხრაო, მაგრამ მე არ შემეძლო გაჩერება, როგორც მთიდან დაგორებულ ლოდს, რომელიც წლობით ბეწვზე ეკიდა და რადგან მოწყდა, ახლა თან უნდა წამოედო ყველაფერი, რაც გზაზე შეხვდებოდა, რათა ქვევით ზვავად, მეწყრად და ნამქერად ჩასულიყო...
 - მე ამ ზაფხულს ზღვაზე წავალ... არა ჯერ ცხვარში წავალ, ლებას კარის მთებში, მერე ზღვაზე... შეიძლება სოფელშიც წავიდე... ზღვა ისე მიყვარს, როგორც არაფერი, ზღვა და მზე, მზე და ზღვა ორი სასწაულია... ხომ არის სასწაული? არის, რა თქმა უნდა. მე შემიძლია, დავჯდე ზღვის პირას, ზღვისკენ ზურგით და ვუყურო მზის ამოსვლას, მერე შევტრიალდე ზღვისკენ და ვუცეირო მზის ჩასვლას პირდაპირ ზღვაში. მერე დაველოდო მზის ამოსვლას, მერე ჩასვლას და ასე მთელი სიცოცხლე. წელს მე და შენ ერთად წავალთ ზღვაზე. მე დავდებ შენს კალთაზე თავს და მთელი დღე შენ გიყურებ, შენ თუ გინდა, მზეს უყურე, ან ზღვას, რასაც გინდა უყურე, ოღონდ მე ნუ მიყურებ... როდესაც შენ მიყურებ, მეშინია... თან მიხარა, ამიტომ მირჩენია, მე გიყურო, შენ კი არა, შენ ხანდახან მიყურე, ჰო, გულიკო? მე და შენ ერთად წავალთ ზღვაზე, არა?

— პო, თემურ, პო, — ჩურჩულით თქვა გულიკომ და თვალები ოდნავ გაახილა. მე შემოვატრიალე იგი, ცეცხლივით თმებში ორთავე ხელი შევაპარე საფეთქლებთან და ჩემსკენ მოვიზიდე. მის ფართოდ გახელილ თვალებში ცრემლში შეზავებული უსაზღვრო ბედნიერება, სიყვარული და კიდევ ჩემთვის მუდამ გამოუცნობი რაღაც ციმციმებდა, ის გამოუცნობი რაღაც, რისიც ასე მეშინოდა, და რომ გამექრო ეს შიში, ორთავე თვალში ვაკოცე გაბმულად და ფრთხილად...

მერე ყველაფერი თავის ადგილზე დაბრუნდა. თბილისი ისევ ციმციმებდა დაბლა და საოცრად ჰერცოგის მელოდია ამობრუნებულ ზეცას. მაღლა ისევ უსაზღვრო ცა იყო მოჭედილი დიდი და პატარა ვარსკვლავებით. ყველგან ზეცა იყო, საითაც არ გაიხედავდი, დაუსაბამო ზეცა, და მე ვიყავი დედამიწა, პატარა დედამიწა, ცოცხალი, მსუნთქავი, ფიქრიანი, მეოცნებე, ნატანჯი, გადარჩენილი, უსაზღვროდ ბედნიერი და გვერდით მედგა ყველა ჩემი ტკივილისა და სიყვარულის ბადალი, სიყვარულისა და ტკივილის მატარებელი, ცოცხალი მიწა, და მე აღარ ვიყავი მარტო ამ ვარსკვლავების უსაშეელო ორომტრიალში.

deda

კარი ჩუმად შევაღე. დედა სარკმელთან იჯდა და ვარაზის ხევს გასცექროდა. იგი ყოველთვის მელოდა, რა დროსაც არ უნდა მიისულიყავი. მელოდა ჩემი, სევდიანი და საყვედურით საესე თვალებით. მე ვგრძნობდი, რომ რაღაც დანაშაულს ჩავდიოდი, როდესაც მიგდიოდი და არ ვაფრთხილებდი, მაგრამ სხვანაირად არ შემებლო, 12 წლის მანძილზე ჩემთვის არავის უკითხავს, როდეს დაბრუნდებიო და როდესაც ახლა მეკითხებოდნენ, სასტიკად ვღიზიანდებოდი. ამიტომ ხან განზრას ვიგვიანებდი, ხან სულ არ მოვდიოდი სახლში. დედა გრძნობდა ამას და რაც დრო გადიოდა, უფრო დარდიანი და უფრო უსიტყვო ხდებოდა. მე ღამებს თეთრად ვათენებდი და ჩემთან ერთად ისიც. ღამენატეხი უგრძნობლად ვიძინებდი და როდესაც თვალს ვახელდი, კვლავ მისი სევდიანი თვალები მიმზერდნენ, იგი არაფერს მეკითხებოდა, არც მიყვებოდა. არც მე ვეკითხებოდი არაფერს და არც არაფერს ვუყვებოდი, მაგრამ დღეს სულ სხვა დღე იყო. დღე, როდესაც მოსაუბრე თუ არა გყავს, გინდა კედელს, ქვას, ხეს, რასაც გინდა, ვისაც გინდა ელაპარაკო. მივედი დედასთან, გვერდით მივუჯექი, ორთავე ხელი ფრთხილად კალთაზე დავაწყვე და თაფლისფერ, ჭკვიან თვალებში ჩაგრედე.

- რა იყო, შვილო? — მკითხა მან და თავზე ხელი გადამისვა.
- დედა, შენ ხომ გახსოვს ზღვა, მე მახსოვს, ქობულეთში დაგყავდი ბაგშეობაშ!
- პო, შვილო!
- ზღვაში მზის ჩასვლას ერთად ვუცექრდით.
- მახსოვს, შვილო. — დედა გაკირვებული მიცექრდა.
- ხომ არის ზღვა და მზე ორი სასწაული? მზე ისეთი სასწაულია, რომლის ცქერა არასოდეს მოგწყინდება... ხომ, დედა?
- არა, შვილო! — თქვა დედამ, თვალები დახუჭა და თავი გაიქნა. იგი დიდხანს დუმდა, ალბათ, რაღაცას იგონებდა.
- დედა. — გავახსენე მე თავი.
- მზე სასწაულია, — დაიწყო მან დუმილის შემდეგ, — მზე სასწაულია, მაგრამ შენ არ გინახავს ნაძვილი მზე... მზით დამწვარი უსაზღვრო ტრამალი... მზით დამწვარი ქვა, მიწა, ხე, ქვიშა, გამხმარი ხახა, გამხმარი ტვინი. არის წუთები ცხოვრებაში, როდესაც მზე გეზიზღება და უცქერ მზის ჩასვლას მხოლოდ იმიტომ, რომ იგი ჩადის და გიხარია მისი ჩასვლა, რათა ხელმეორედ აღარ ამოვიდეს, ისეთი ულმობელი, როგორიც გუშინ. გაიგე, შვილო?

მე არაფერი არ ვუპასუხე. დედამ სევდიანად გაიღიმა.

— ისეთი მზე, შენ რომ გიყვარს, მართლაც სასწაულია, მისი ცქერა სიკვდილამდე არ მოსწყინდება კაცს. — დაამთავრა მან და ცხელი წელი სველ შუბლზე გადამისვა. თავი კალთაში ჩავუდე.

— დედა, შენ ხომ ხედავ, რომ მე პატარა აღარა ვარ. შენ ისევ რვა წლის გვონივარ, მაგრამ მე უკვე ოცი წლისა ვარ. შენ ჩემი ყველაფერი გიკვირს, ის, რაც მე კარგი მგონია, შენ არ მოგწონს, რაც მახარებს, შენ იმის გეშინია, სულ ეჭვის თვალით უფურებ. ან დაივიწყე, დედა, ყველაფერი, ან მითხარი, რა ვქა?... — ვთხოვე მე და კალთაზე ვაკოცე.

— მაგის დავიწყება არ შეიძლება! — თქვა დედამ.

— რისი, მე რომ რვა წლის აღარ ვარ? — ავწიე თავი და თვალებში ჩავხედე.

— არც მაგის. — მიპასუხა მან და ნიკაპი აუკანკალდა.

— რატომ, დედა, რატომ?!?

— იმიტომ, რომ ბავშვი ფიქრსა და შეგნებაში არ იზრდება.

— კი მაგრამ, შენ ხომ ხედავ, რომ მე ოცი წლის ვარ და არა რვის?

— ეს ჩემთვის არაფერს არ ნიშნავს! — თქვა დედამ და მწარედ გაიღიმა.

— ის, რომ მე დღეს, მე დღეს... — ენა დამება.

— რა დღეს? — მკითხა მან მშვიდად.

— მე დღეს გულიკოს ვუთხარი, რომ იგი ქვეყნას მირჩევნია და რომ ჩვენ წავალთ ზღვაზე, მე მას კალთაში ჩავუდებ თავს, ჩვენ დილიდან საღამომდე ვუყურებთ ამომავალ და ჩამავალ მზეს, მზეს, რომელიც შენ არ გიყვარს და, რომ ჩვენ მთელი სიცოცხლე ერთად ვიქნებით. ეს შენთვის არაფერს არ ნიშნავს?

დედა ფეხზე წამოდგა, ჩემი თავი ერთი ხელით მკერდზე მიისვენა, მეორეთი თმის ვარცხნა დამიწყო და ჩუმად, თავისთვის ჩურჩულს მოჰყვავა.

— ნიშნავს, როგორ არ ნიშნავს, ყველაფერს ნიშნავს, ჩემო თემური, ყველაფერს ნიშნავს, შვილო, ოღონდ შენ იყავი ჩემთან, ჩემი შვილი იყავი, უცხო ნუ იქნები... გესმის, უცხო, და მე ყველაფერს დავიწიწყებ, ოღონდ მეც მითხარი ის, რაც შენს გულიკოს უთხარი. მითხარი, შვილო, რომ გიყვარვარ, რომ მთელი სიცოცხლე ერთად ვიქნებით, თორუებ გასკდა ეს ოხერი გული, ბიჭი, გასკდა!... — დედა სკამზე დაეშვა და ხელები სახეზე აიფარა. მე რაღაც მომაწვა ყელში, მაგრამ თავი შევიკავე, წინ დავუჯექი და ისევ დავაწყვე ხელები კალთაზე. დედა არ ტიროდა, მას ხელები უთროთოდა მხოლოდ. ცოტა ხნის შემდეგ იგი დაწყნარდა და ხელები ხამოიღო სახიდან.

— დედა! — დავიწყე მე. — უკვე ორი წელია გულიკო მიყვარს, წარმოგიდგნია? ორი წელი...

— ეგ ბევრი არ არის, შვილო! — თქვა დედამ და გამიღიმა. მე აღარ ვიცოდი, რა მეთქვა.

— მე შენც ძალიან მიყვარხარ... — ვთქვი გაუბედავად.

— ვიცი! — თქვა დედამ და ისევ გამიღიმა.

— ოღონდ...

— გულიკო უფრო გიყვარს და სულ მასთან გინდა იყო. — გამაწყვეტინა მან.

— არა!

— პო!

— გულიკო სხვანაირად მიყვარს. გულიკო ახლა შემიყვარდა, შენ კი... რამდენი ხანია.

— ბევრი, ძალიან ბევრი, იმდენად ბევრი, რომ დაგავიწყდა! — თქვა დედამ.

— დედა, შენ მამა გიყვარდა? — ვკითხე უცებ.

დედამ თვალები დახუჭა და არაფერი მიპასუხა. მე მიგვდი, რომ სისულეელე ვთქვი...

— შენ მამაშენი თუ გახსოვს? — მკითხა დედამ ცოტა ხნის შემდეგ. მე დავფიქრდი: ღმერთო, ნუთუ არ მახსოვს? ვიგონებ, გვერდზე ორი ოქროს კბილი ჰქონდა, საშუალო ტანის იყო, ლამაზი, შავი თმა ჰქონდა, იმდენად შავი, რომ ლურჯი ფერი გადაჰკრავდა. ტყავის პალტოს იცვამდა, ხან ჩექმა ეცვა, ხან ცხვირწაჭრილი ფეხსაცმელი და ვიწრო შარვალი,

მკაცრი კაცი იყო და თუ ვინმეს რამე ჭირდებოდა, ჩემთვის უნდა ეთხოვა. მე ვუყვარდი ძალიან. კიდევ რა? მეტი არაფერი. თვალები დახუჭული მაქვს და მინდა, წარმოვიდგინო ასეთი კაცი, მამაჩემი. ვერაფერს ვხედავ, სიცარიელეა, აბსოლუტური სიცარიელე. ესე იგი, რაც ვიცი, მონაყოლია, სხვისი მონაყოლი, მე არაფერი არ მახსოვს და რაც უნდა ვიხსენო, ვერ გავიხსენებ.

- არა, დედა, არ მახსოვს, სულ არ მახსოვს. მეგონა, მახსოვდა...
- არც სურათი გინახავს?
- არა!

დედა კარადასთან მივიდა, ჩანთა გახსნა, რაღაც სურათი ამოიღო და წინ დამიღო. მე გაშტერებული დავცექეროდი სურათს, მერე დედას ავზედე, იგი იდგა გაფითრებული და ხმას არ იღებდა. სურათი ხელში ავიღე. ჩემს წინ დათვის ტყავზე დაგორებული ერთი წლის შიშველი ბავშვი უდარდელად იღიმებოდა.

- რა არის ეს? – ვკითხე შეშინებულმა.
- ეს არის მამაშენი, შენი სურათი ეგონათ და დამიტოვეს. – თქვა დედამ.
- მერე? – ვთქვი მე და ტანზე ბუსუსები დამაყარა.
- მერე არაფერი, ეს არის მამაშენი, მე კი დედაშენი.

სურათი მაგიდაზე დავაგდე. მერე მივედი დედასთან, მკერდზე თავი დავამზე და ავტორდი. დედა ჩუმად იღგა, იგი არც მაწყნარებდა, არც არაფერის მეუბნებოდა.

– დედა, მაპატიე, ჩემთ საწყალო დედიკო! – დავიწყე მე და, რომ არ მებლავლა, კბილებს კბილებზე ვაჭრდი. – მაპატიე, რაც ტკივილი მოგაყენე მეც, მამაჩემმაც. მე მაპატიე, დედა. მე შენი გულისთვის ყველაფერს გავაკეთებ, რასაც მეტყვი, ყველაფერს, თუ გინდა, კაცს მოვკლავ, გინდა, გულიკოს თავს დავანებებ, თუ გინდა, თავს მოვიკლავ, ოღონდ მაპატიე ყველაფერი, მაპატიე... – ვამბობდი მე და მკერდს ვუკოცნიდი. დედა თავზე ხელს მისვამდა და არ ხმას

იღებდა. მერე თითქოს რაღაც გაახსენდაო, ჩუმად დაიწყო:

– მე შენ არაფერს არ გთხოვ და არც გავალებ, შენ ჩემი გულისთვის არც თავი მოიკლა და არც სხვა მოკლა, მაგას ნუ ამბობ... გულიკოს თავი რატომ უნდა დაანებო, გიყვარდეს, თუ გიყვარს და იმასაც თუ უყვარხარ. ჯერ თქვენ არ იცით, რა არის სიცვარული და დიდხანს ვერ გაიგებთ. მე ჩემი სიცოცხლე ჯერ არ დამიმთავრებია. გზა კი, მგონი, დაგამთავრე, ბოლოში გავედი. ვიდრე ცოცხალი ვარ, ვეცდები, მოგვევ გზაზე, რომ არსად გადავარდე. იქნებ ხელი დაგჭირდეს და შეგაშველებ. შენ შენი გზა გაქვს და შენი გზით უნდა იარო, შვილო...

- როგორ, დედა, როგორ!
- არ ვიცი, შვილო! ეგ რომ ვიცოდე, მაშინ რა გვიშავს?
- მაინც, რა უნდა გავაკეთო?
- ყველაფერი, რასაც სიკეთე და პატიოსნება ჰქვია.
- მაინც?

– არ ვიცი, შვილო. ზოგი ისე ჩადის ბოროტებას, სიკეთეს აკეთებს ჰვონია... – დედა დადუმდა, მეც დავდუმდი. მერე სარკმელთან მივიდა და ისევ ვარაზის ხევს დაუწყო ცქერა. მე მივედი და გვერდში ამოვუდექი. იგი მიხვდა, რომ კიდევ ველოდი მისგან რაღაცის თქმას. მობრუნდა და გამიღიმა.

- ოღონდ ჯერ სიკეთის და ბოროტების გარჩევა უნდა ისწავლო!
- როგორ, დედა? – ვყითხე ისევ.
- არ ვიცი! – მხრები აიჩეჩა დედამ. – ცხოვრება თვითონ გასწავლის.
- ახლა რა ვქნა?
- ახლა? – დედა დაფიქრდა. – ახლა წადი და დაწექი. – მითხრა მან და შუბლზე მაკოცა. მე უხმოდ შევტრიალდი და დავწექი. დილით, როდესაც გავიღვიძე, დედა კვლავ

სარკმელთან იჯდა, მკლავზე თავი დაედო, ტბილად ეძინა და იღიმებოდა. ჩუმად ჩავიცვი, წიგნი ავიღე და კარი გავაღე.

— ადექი, შვილო? — გავიგონე მისი ხმა.

შემოვტრიალდი და თანხმობის ნიშნად გავუღიმე.

— სად მიდიხარ? — მკითხა მან.

...მე, ჩემდა გასაოცრად, ჩემს სიცოცხლეში პირველად ვიგრძენი, როგორ მიხაროდა, რომ ვიღაც მეკითხებოდა, სად მიდიხარო, ვიღაცას აინტერესებდა ჩემი წასვლა, ჩემი მოსვლა და, რომ არ დამეკარგა ამ სიტყვების სითბო და სიახლოვე, სახლში დავრჩი.

parnasi

უნივერსიტეტში სამი ათასამდე სტუდენტს ასწავლიდნენ, აქედან ნახევარი სწავლობდა, ერთი მეოთხედი დიპლომს უდარაჯებდა, ხოლო დანარჩენი პროფესიას ირჩევდა, ფაკულტეტიდან ფაკულტეტზე გადადიოდა, განცხადებებს წერდა, აკადემიურ შვებულებებს იღებდა, ავადმყოფობის ცნობები მოჰქონდა გამოცდებზე, გამჭოლი ქარივით შედიოდა და გამოდიოდა, ჭიდაობდა, მღეროდა, უკრავდა და ასე შემდეგ.

ჩვენ, ლიტერატურის მოყვარულთ, ოფიციალური ლიტერატურული წრე „პარნასი“ გვქონდა, რომელსაც თავისი ოფიციალური ხელმძღვანელი, ბატონი შალვა ჰყავდა. ეს იყო დაახლოებით ხუთი კრიტიკოსის, ოციოდე პოეტის, ექვსი პროზაკოსის, ორი მენარკვევისა და ცხრა მთარგმნელისაგან შემდგარი ლიტერატურული გაერთიანება. მე, რა თქმა უნდა, პოეტი ვიყვი, მაგრამ ხანდახან ჩუმად მოთხრობებსაც ვწერდი. ჩვენ პარასკეობით ვიკრიბებოდით 94-ე აუდიტორიაში და მთელი შემოქმედებითი კვირის ნაწვავსა და ნაოფლარს ჯერ ერთმანეთსა და მერე ხელმძღვანელს ვუკითხავდით, ხოლო ამათგან საუკეთესო მასალა თვეში ერთხელ გამიზნულ ლიტერატურულ საღამოზე გაგვქონდა და ლიტერატურის მოყვარული სტუდენტებით გაჭედილი კლუბის თაღებქვეშ ვაფრქვევდით უმოწყვალოდ.

გურამი ჩვენს არც ერთ სხდომას არ აცდენდა. მართალია, იგი არც პოეტი, არც პროზაკოსი, არც მენარკვევი, არც კრიტიკოსი, არც მთარგმნელი არ იყო, მაგრამ თავის თავს მოფერებით „დილეტანტს“ ეძახდა და რითმების კეთებაში მეხმარებოდა.

დღეს პარასკევია. მე და გურამი ვსხედვართ უკანა მერჩე და ველოდებით, როდის აივერა აუდიტორია 40 გენიოსით, რომლებიც შემოდიან შთაგონებით, თვალებმოჭუტული, ავიწყდებათ სალამი, მერე ბოლიშს იხდიან — უჳ, შენ აქ ხარ? სულ ვერ შეგამჩნიე, სადღაც ვიყვიო, და ასე შემდეგ.

— ბიჭო, ერეკლე! — დაუძახა გურამმა იღლიაში უმრავ წიგნამოჩრილ წითურ პოეტს, რომელიც ისე შემოვიდა აუდიტორიაში, ისე დაჯდა ჩვენს წინ და ისე მიაპყრო თვალები ჭერს, თითქოს ჭერი ჩამოვარდნას აპირებდა. ერეკლემ ხმა არ გაგვცა.

— ბიჭო! — შეანგლირა გურამმა ერეკლე. — ვიცი, სადღაც ხარ, მაგრამ ერთი დაბრუნდი, თუ შეიძლება. — ერეკლე შეკრთა, გაფანტულ აზრებს მოუხმო და მოჭუტული თვალებით გაგვცითა.

— უჳ, თქვენ აქა ხართ? როგორ ვერ შეგამჩნიეთ! — გაუკვირდა უცებ.

— სად იყავი? — პკითხა გურამმა.

— სახლიდან მოვდივარ! — მოთხოვთილი ხმით თქვა ერეკლემ.

— არა, ამ წუთში სად იყავი? — ჩააცივდა გურამმა.

— ამ წუთში? — კითხვაზე კითხვით უპასუხა ერეკლემ და ისევ შთაგონებული გამომეტყველების მიღება დააპირა, მაგრამ გურამმა არ აცალა:

— ჰო, ამ წუთში, ჭერს რომ უფრებდი, სად იყავი?

- რაღაცას ვფიქრობდი!
 - რას?
 - რას ჩამაცივდი, რაღაცას ვფიქრობდი! — ეწყინა ერეკლეს.
 - ლექსს ხომ არ იგონებდი?
 - არ!
 - რითმას ხომ არ ეძებდი?
 - შენ რა იცი? — გაუკვირდა ერეკლეს.
 - მითხარი და აქ ვარ! — დაპკრა მხარზე ხელი გახარებულმა გურამმა.
 - სამგორზე ვაკეთებ ციკლს და ერთ ადგილას...
 - გაგეჭედა?
 - არა, კი არ გამეჭედა, რითმა არ მოდის.
 - თქვი, რა რითმა! — გურამმა მსუსე ლუკმის მოლოდინში ნერწყვი გადაყლაპა.
 - მეფისტოველი! — თქვა ერეკლემ დამარცვლით.
- გურამი გაშტერდა.
- დაგარტყა? — ჰკითხა მან ერეკლეს და მოწყალების დასავით გაუღიმა.
 - ყველა პოეტი თავისებურად დარტყმულა. — დიდნიშვნელოვნად თქვა ერეკლემ და თვალი გაახილა. გურამმა ახლა მე გამილიმა ისევე, როგორც ერეკლეს.
 - თუ მმა ხარ, ნუ იკრიჭები და თუ შეგიძლია, მოუნახე რითმა. — გავბრაზდი მე.
 - რა უნდა, ბიჭო, სამგორში მეფისტოველს? — შეეკითხა გურამი.
 - რა უნდა, ბიჭო სამგორში მეფისტოველს? — გეითხე ახლა მე ერეკლეს.
- ერეკლე ამ ქვეყანას აღარ იყო. იგი კვლავ სადღაც წასულიყო, თვალები ჭერისთვის მიეპყრო და თავისთვის ბუტბუტებდა: მეფისტოველი, მეფისტოველი, მეფისტოველი...
- მოიხედე! — დაპქაჩა გურამმა. ერეკლემ მოიხედა.
 - წაიკითხე სტროფი! — ერეკლემ დაიწყო:
 - და იდგა გვალვა სამგორში მკაცრი,
 - ვთ ჯოჯონებუში მეფისტოველი...
 - მეფის ტუფლი! — შეაწყვეტინა გურამმა.
 - არ ვარგ! — გაიქნია თავი ერეკლემ.
 - ჩვენი სოფელი! — არ მოეშვა გურამი.
 - არ ვარგ! — არ შეიბრალა ერეკლემ.
 - ბევრ კიტრს მოველით! — არ დანებდა გურამი.
 - კიტრი წინა ლექსში მაქვს! — ჩაიქნია ხელი ერეკლემ.
 - მეფის სტაფილო!
 - კარგია, მაგრამ მეფე არ ვარგა!
 - მარტო სტაფილო!
 - არც მარტო სტაფილო!
 - მეტი სტაფილო!
 - არა!
 - მაშინ იდიოტი!
 - არ ერითმება!
 - სამაგიეროდ, შენ გერითმება, შე დევნერატო, მეფისტოველის მეტს ვერაფერს ვერ შეადარე გვალვა? — გადაირია გურამი და წამოსტა. ერეკლემ ისეთი თვალებით შეხედა გურამს, გული ამიტირდა.
 - გეყოფა ახლა! — ვუთხარი მე გურამს და დავსვი.
 - აუდიტორია აივსო. ხელმძღვანელი შემოვიდა. საათზე დაიხედა, აუდიტორია შეათვალიერა და იკითხა:
 - არჩილი აქ არის?

- კი, ბატონო!
- თამაზი?
- თამაზიც!
- ნოდარი?
- აქა ვარ, ბატონო!
- ტარიელი სადაა, კაცო, ტარიელი?
- ტარიელიც აქ არის, ბატონო!
- გამარჯობათ, თქვენი, ამხანაგებო!
- გამარჯობათ, ბატონო შალვა!
- სალამი!
- გამარჯობათ!
- დავიწყოთ? — იყითხა მან მოსალმების შემდეგ.
- დავიწყოთ! — თქვა ყველამ ერეკლეს გარდა. იგი კვლავ რითმას ეძებდა.
- რას შვრები, ტარიელ, როგორ ხარ შენ? — მოიკითხა ბატონმა შალვამ ტარიელი.
- გმაღლობთ, ბატონო, არა მიშავს! — უპასუხა ტარიელმა და უეხზე ადგა.
- წერ ახალ რამეს?
- ვწერ რაღაცას...
- წერე, თუ მმა ხარ, წერე. თქვენ თუ არ წერეთ, აბა, მე ხომ არ დავწერ, ხომ ხედავთ, როგორ უჭირს ჩვენს ლიტერატურას!
- კი, ბატონო, დავწერ! — დაპირდა ტარიელი.
- აბა, შენ იცი, ოღონდ დროზე! — გაამსნევა ხელმძღვანელმა ტარიელი და ისევ საათზე დაიხედა.
- შენ როგორა ხარ, გურამ? — მოიკითხა ახლა გურამი, გურამი წამოდგა.
- არა მაქვს საბაბი, ჰმუნგით რომ ვიყო! — გამოიდო თავი ქართულზე გურამმა.
- არა, ხომ?
- არა, ბატონო!
- ეს რა არის, კაცო, თმები გცვივა? — შეწუხდა ბატონი შალვა და გურამს თავზე გადაუსვა ხელი.
- რას ბრძანებთ, ბატონო შალვა, სისტემატური თმა მაქვს! — გაუკვირდა გურამს.
- სისტემატური?
- კი, ბატონო!
- მაგას რა სჯობია! რას შვები, ლექსების წერა არ დაიწყე?
- არა, ბატონო!
- პროზა?
- არც პროზა!
- თარგმნი რამეს?
- არა, ბატონო!
- არც კრიტიკულ წერილებს წერ?
- არ!
- რატომ, კაცო, რატომ, ყველა წერს და შენ რა დაშავე, დაწერე, თუ მმა ხარ, რამე, აგერ ოთარი, შენი მეგობარი არაა? დრამაშიც მუშაობს, პოეზიაშიც, პროზაშიც, კრიტიკაშიც, თარგმანშიც და, საერთოდ, მუშაობს, დაწერე შენც რამე...
- კი, ბატონო!
- აბა, შენ იცი! — ბაირალივით გაწითლებულ გურამს ხელმძღვანელმა ლოფაზე ხელი მოუთაოუნა და ისევ საათზე დაიხედა.
- ახლა დავიწყოთ, არა? ვის ლექსებს ვარჩევთ დღეს?
- ჩემსას! — თქვა საიდანდაც დაბრუნებულმა ერეკლემ და წამოდგა.

— გამოდი, აბა, თუ კაცი ზარ! — შეეხვეწა ბატონი შალვა.

ერეკლე გამოვიდა. კათედრაზე ავიდა, საერთო რვეულს ხელი დაადო ისე, როგორც მოწმეები დებდნენ ხელს ბიბლიაზე და ამბობდნენ — ღმერთი გამიწყრეს, თუ ტყუილი ვილპარაკო და თვალები ისევ ჭერს მიაპყრო. სამარისებური სიჩუქე ჩამოვარდა. დუმდა დარბაზი, დუმდა ერეკლეც. მე გულში სამოცა დავითვალე, ეს ბრიყვი კი არ იწყებდა.

— სამოცდაერთი, — განვაგრძე თვლა, — სამოცდაორი, სამოცდასამი...

— აღარ იწყებ, კაცო? — შემაწყვეტინა თვლა ხელმძღვანელმა. ერეკლე დუმდა.

— მუზას ელოდება! — თქვა გურამმა.

— კაცო, მაგან დაიწყოს და მუზა მოვა, აბა, სად ოხრობაში წავა! — თქვა ხელმძღვანელმა. დარბაზმა გადაიხარხარა. ერეკლე ისევ დაბრუნდა საიდანდაც და დაიწყო...

— ამ ერთი კვირის წინ სახლიდან რომ გამოვედი, უურნალ-გაზეთების კიოსკს მივაშურე და გამყიდველს გაზეთი ვთხოვე...

— რა არის, კაცო, ეს, მოთხრობების წერა დაიწყე? — შეეშინდა ბატონ შალვას.

— წინასიტყვაობაა! — მიმედ თქვა ერეკლემ.

— რად უნდა ლექს წინასიტყვაობა. ბარათაშვილის „მერანს“ არაფერი წინასიტყვაობა არა აქვს, პირდაპირ ასე იწყება: „მირბის, მიმაფრენს უგზო-უკვლოდ ჩემი მერანი“, ასე არ არის, გურამ?

— კი, ბატონო! — დაემოწმა გურამი.

— მე და ბარათაშვილი ერთი არა ვართ! — აგვიზნა ერეკლემ.

— ნაძღვილად არის ცოტა განსხვავება. — თქვა ბატონმა შალვამ. დარბაზში ისეთი თავშეუკავებელი ხარხარი ატყდა, მინებმა ზრიალი დაიწყეს.

— დამცინთ? — მოგვიჭუტა თვალები ერეკლემ.

— ჩენი დასაცინი რა გჭირს, წიკლაურო, ერთი კვირის წინ გაზეთი წაგიკითხავს!.. — თქვა ბატონმა შალვამ. დარბაზი ისევ ახარხარდა.

— თქვენ იცით, რა ეწერა იმ გაზეთში? — დაგვემუქრა წიკლაური.

— რა ეწერა, კაცო, ასეთი?

— რომ სამგორი ჩართულია კომუნიზმის დიად მშენებლობათა ციკლში!

— დალოცვილო, შარშანდელი გაზეთი გიყიდია და კიდევ აქეთ გვიყვირი? — დააშოშმინა წიკლაური ბატონმა შალვამ. წიკლაური გაშტერდა. მერე გაზეთს დასედა, რომელიც ყოველი შემთხვევისათვის წინ ედო და ისევ გაშტერდა, ბატონი შალვა მიხვდა, წიკლაური გაფუჭდა, და გაამწნევა:

— არა უშავს, კაცო, შენ ის თქვი, რომ წაიკითხე, მერე რა მოხდა!

— მერე ლექსების ციკლი დავწერე სამგორზე! — გაბედა ირაკლიმ.

— პოდა, წაგიკითხე, დალოცვილო! — ისევ პაუზა ჩამოვარდა.

მე ისევ თვლა დავიწყე გულში.

— ერთი, ორი, სამი... — და მოხდა სასწაული, წიკლაურმა დაიწყო:

samgoris dila

აქ ვგალვას ეწყო ტორები,
დაძრწოლა ქარი ზმორებით,
სდუმდნენ სამგორის გორები
სასწაულია, აბა რა!
სულ მალე გამხმარ ტრამალზე
გვერდება ხგავი, ბარაქა
წითელი პამიდორების.
ბედნიერი ზარ, სამგორო,
სულ მალე გაიკვირტები,
მოგრწყვენ ივრის ზვირიები
და სუფრას დაგმშვნებენ
შენი ამაყი კიტრები.

ერეპლემ ერთი გვერდი გადაფურცლა. ეტყობა, ახალ ლექსის იწყებდა.

ბატონ შალვას გავხედე, იგი ცოცხალ-მკვდარი იჯდა.

— დიალოგი სამგორელ გლეხთან, — დაიწყო წიკლაურმა ახალი ლექსი:

მე — ვინ ხარ, ძმაო, მითხარი,
კაცი ხარ თუ არაკი?
გლეხი — წინათ მთაში ვიყავი,
მთაში მედგა ბანაკი.
მე — ახლა რას იქ, როგორ ხარ,
ხომ გავეთდი გლახაკი?
გლეხი — როგორ არა, ძმობილო,
კარგდ არაუშავს, კი,
დღეს შვილი მყავს თბილისში
მეცნიერი მუშაკი,
რომ ვეწვევი, ჩაგუტან
ჩვენს სამგორულ შუშაკიტრს.

ერეპლემ ისევ გადაფურცლა რვეული, მაგრამ ბატონმა შალვამ არ აცალა.

— ეს ციკლი კიტრებზეა, კაცო, თუ სამგორზე?

— მაცალეთ, ბატონო! — შეეხვეწა წიკლაური. ბატონი შალვა დანებდა.

წიკლაურმა დიდხანს იკითხა ლექსები კიტრებზე, პამიდორებზე, ხახვზე, ივრის ცივ წყალზე, თბილისის ზღვის კალმახებზე, ბოლოს გემიც შეაცურა შიგ. „მეფისტოფელი სამგორში“ აღარ წაიკითხა ურითმობის გამო და, როგორც იქნა, დადუმდა.

დუმდა დარბაზი, დუმდა ბატონი შალვაც.

— კიდევ ვისი ლექსების კითხვა გვაქვს? — იკითხა მან ბოლოს.

— ჩემი! — თქვა სიმონ აბესაძემ და ადგა.

— აბა, ჰე, მოგვნათლე, შენ დაჯექი, წიკლაურო! — წიკლაურმა დაკეცა რვეული და შეშინებული თვალებით შეხედა ბატონ შალვას.

— დაჯექი, დაჯექი, მსჯელობა შემდეგ პარასკევს გვექნება! — დაამშვიდა ხელმძღვანელმა წიკლაური. იგი ფეხებნაღრძობივით წამოვიდა ჩვენსკენ. მისი ადგილი აბესაძემ დაიკავა.

— როგორი იყო? — გვკითხა წიკლაურმა ჩურჩულით მე და გურამს.

— ცოტა ძმარი რომ მოასხა მაგ ლექსებს, ხოშიანი წნილი გამოვა. — ჩურჩულითვე უბასუხა გურამმა. წიკლაურმა ხელი ჩაიქნია და მიბრუნდა. მე ენაზე ვიკბინე, სიცილი რომ არ ამგარდნოდა.

— გვაღირსე, აბესაძე! — შეეხვეწა ხელმძღვანელი სიწყნარის მოლოდინში წარბშეკრულ აბესაძეს.

— ხმაურია, ბატონი!

— პოდა, დაგვაწყნარე, თუ შეგიძლია!

— „კომპასი“ — თქვა ხმამაღლა აბესაძემ. ლექსის ასეთი სათაური იმდენად მოულოდნელი იყო ჩემთვის, რომ აუდიტორიაში სამარისებური სიჩუმე ჩამოვარდა.

— „კომპასი!“ — გაიმეორა აბესაძემ.

— რომელი? — პკითხა ხელმძღვანელმა.

— კომპასი! — ჩვეულებრივი! — გაუკვირდა აბესაძეს.

— სახმელეთო, თუ საზღვაო?

— ამ შემთხვევაში — სახმელეთო!

— ესე იგი, ზღვაზე მაგ ლექსის ვერ წავიკითხავთ? — პკითხა ხელმძღვანელმა. სასოებით დაწყნარებული დარბაზი ისევ გამოცოცხლდა.

— მაცალეთ, ბატონო, სულ ორი სტროფია. — ეწყინა აბესაძეს.

— ბრძანეთ, ბატონო!

ერთი ისარი კომპასისა ჩრდილოეთია,
ხოლო მეორე მუდამ სამხრეთის ეალერსება,
რად ხდება ასე? საიდუმლო რაშია წეტავ?
ან რად მომინდა მე ამ ფიქრის ახსნა ლექსებად?...
რატომ იზიდავს ისარს მხოლოდ ჩრდილო-სამხრეთი?
ანდა, ოდითგან კომპასი რად აქვს ისარი ორი?
ეს იმიტომ, რომ ჩრდილოეთში მოსკოვი არი,
ხოლო სამხრეთში – პატარა გორი.

აბესაძემ დაამთავრა და კომპასის გამოგონებელივით გაგვიღიმა. გატრუნული დარბაზი გაშტერდა ამ ახალი სახის აღმოჩნდით. გურამს შევხედე. იგი სიბნელიდან მზეზე გამოყვანილი ტუსალივით აპარატებდა თვალებს. სიმართლე გითხრათ, მეც განცვითრებული ვიჯექი და ველოდი, როგორ შეაფასებდა ამ ლექსს ხელმძღვანელი.

– ამხანაგებო, ვის უნდა აზრის გამოოქმა? – იკითხა უცებ ხელმძღვანელმა. ხმა არავის ამოულია.

- რაშია საქმე, არ მოგეწონათ ლექსი?
- ლექსი ძალიან საინტერესოა, მაგრამ... – თქვა ერთ-ერთმა კრიტიკოსმა.
- გამოდი და თქვი, რითია საინტერესო! – სთხოვა ბატონმა შალვამ.
- ჯერ სხვამ ილაპარაკოს. – შეიშმუშნა კრიტიკოსი.
- შენ შენი სათქმელი თქვი, სხვა თავისას იტყვის.
- ჩემი სათქმელი მე ვთქვი – ლექსი საინტერესოა, განსაკუთრებით ფინალი კარგი მიგნებულია.
- რითია კარგი მიგნებული? – არ მოეშვა ბატონი შალვა.
- იმით, რომ კომპასის ერთ ისარს იმიტომ იზიდავს თურმე ჩრდილოეთი, რომ ჩრდილოეთში მოსკოვია, ხოლო მეორეს სამხრეთი, იმიტომ, რომ სამხრეთში გორია.
- სწორია მერე ეს?
- შეიძლება, სწორი არ იყოს, მაგრამ პოეტურია. – არ დაიბნა კრიტიკოსი.
- დაჯექი, წეროძე. შენ რას იტყვი, გურამ?
- მე – არაფერს.
- რატომ, ჭიჭინაძე, აზრი არა გაქვს?
- აზრი როგორ არ მაქვს, მაგრამ ამ ლექსზე არ მაქვს. – თქვა გურამმა.
- ლექსია უაზრო?
- ლექსი უაზრო არაა, პირიქით, ძალიან ორიგინალურადაა დანახული კომპასი. სხვაგან ლექსში კომპასი ასე დანახული არ წამიკითხავს.
- საერთოდ, წაგიკითხავს კომპასზე ლექსი? – ჩასდია საფლავში ბატონმა შალვამ. გურამმა თვალები ამოატრიალა, ტვინს გადახდა, მერე ჩვენ, და უარყოფის ნიშნად თავი გაიქნია.
- ვერ გავიხსენე, ალბათ, არ წამიკითხავს.
- დაჯექი, ჭიჭინაძე, და თუ გაიხსენებ, მერე ისევ მოგცემ სიტყვას, – უთხრა ბატონმა შალვამ. გურამი ისევ გაწილდა და დაჯდა.
- აღარაგის გაქვთ აზრი?.. – დარბაზი დუმდა, ხელმძღვანელმა ერთხანს გვიცადა, მერე უცებ აბესაძეს მიმართა:
- აბესაძე, კომპასი თუ გინახავს შენ? – აბესაძეს მოულოდნელობისაგან და შეურაცხყოფისაგან ყბა მოექცა.
- დამცირით, ბატონო შალვა?
- მე კი არა, შენ დაგვცინი, დალოცვილო, კომპასს ორი ისარი აქვს?
- აბესაძემ ირონიულად გაიღიმა.
- აბა, რამდენი აქვს?

- ერთი, აბესაძე, ერთი, ორფრად შეღებილი ორი ბოლოთი, გასაგებია?
 - მაგას არა აქვს პოეზიისთვის გადაწყვეტი მნიშვნელობა.
 - მოგზაურისთვის აქვს მნიშვნელობა.
 - მთავარი აზრია, თქვენ, აღბათ, ვერ მიხვდით. — გაცხარდა აბესაძე.
 - შექსპირს ვხვდები და შენი კომპასი რა გახდა ასეთი, ბიჭო?! — გაიღიმა ხელმძღვანელმა.
 - ნუთუ ვერ ხვდებით, ბატონო შალვა, რატომ იზიდავს ისარს ჩრდილოეთი და სამხრეთი!
 - რატომ? — დაინტერესდა ხელმძღვანელი.
 - იმიტომ, რომ ჩრდილოეთში მოსკოვია, მოსკოვში — კრემლი, კრემლში — სტალინი.
 - სტალინს მაგნიტი აქვს ჯიბეში, თუ რაშია საქმე? — შეაწყვეტინა ბატონმა შალვამ.
- აბესაძე გალუურჯდა.
- ამხანაგებო! — წამოდგა ფეხზე ხელმძღვანელი. — არ შეიძლება ასე ლექსის წერა, და საერთოდ, კომპასებზე, ღურძინდებზე და თერმომეტრებზე არაა საჭირო ლექსების წერა. და თუ დავწერთ, უნდა ვიცოდეთ, რას ვწერთ, რაზე, რისთვის და ვისთვის.
 - მე ძალიან კარგად ვიცოდი, რასაც ვწერდი! — წამოიძახა აბესაძემ ადგილიდან.
 - რა იცოდი, აბესაძე, კომპასის რომ ორი ისარი აქვს? ან რა დააშავა პეკნმა, გავუკეთოთ მაშინ კომპასის მესამე ისარი. სულაც ჩინელებმა არ გამოიგონეს ეს ოხერი? ან რა ქნას სპარსელმა, მისთვის რომ გორი და მოსკოვი ორივე ჩრდილოეთია?
 - ჩემი ლექსი სპარსეთში არ წავა! — ისევ წამოხტა აბესაძე.
 - არც გორში წავა, ისე გატყობ! — დააკონკრეტა ხელმძღვანელმა.
 - მე ჯერ ახალგაზრდა ვარ! — დაისაწყლა თავი აბესაძემ.
 - ახალგაზრდა რომ ხარ, იმიტომ გეუბნები, თორებ ძველგაზრდა რომ იყო, მაგ კომპასის თავზე დაგაფრთხილი! — გაცოფდა ბატონი შალვა. დარბაზში თავშეკავებული სიცილი გაისმა.
 - წავიღებ მე ამ ლექსს და სულ აღარ მოვალ ამ წრეში! — დაგვემუქრა აბესაძე.
 - მაგ კომპასით თუ იარე, წრეს კი არა, საკუთარ სახლს ვერ მიაგნებ! — უთხრა ბატონმა შალვამ. დარბაზში ხარხარი ატყდა. აბესაძე წამოხტა და კარი გაიჯახუნა. ბატონ შალვას უწრადება არ მოუქცევია. ცოტათი რომ დავწერარდით, ისევ დაჯდა.
 - აბა, ბარამიძე, წაგვიკითხე, ახალი რა დაწერე! — თქვა მან და გამიღიმა. მე ჯიბეზე, რომელშიც ლექსი მეღო, ცეცხლი წამეკიდა და ხელი სწრაფად ამოვილე. მერე ის ხელი გაყინულ შუბლზე მოვისვი და ცივი ოფლი მოვიწმინდე.
 - ბატონი შალვა, დღეს მე ვერაფერს წავიკითხავ! — ვთქვი მე.
 - რატომ, კაცო, — გაუკვირდა ბატონ შალვას.
 - არაფერი დამიწერია! — ვიცრუე მე და ისევ ამეწვა ჯიბე.
 - რატომ მერე, კაცო, ამას გთხოვთ მე ყოველდღე?
 - რა უნდა დავწეროთ, ბატონი შალვა, მოვალთ მერე აქ და გვაბითურებთ! — თქვა თენგიზმა.
 - რას ქვია, გაბითურებთ, თქვენ თუ გგონიათ, მე მიხარია ოთხი საათი აქ ჯდომა და თქვენი ბჟუტურის მოსმენა? თქვენ გგონიათ, მეტი საქმე არ მაქვს? წავალ და გალაკტიონს წავიკითხავ, პემნიგუეის, ტოლსტოის, მოვისვენებ მაინც. — ეწყონა ბატონ შალვას.
 - პოეტი ფაქიზი ორგანიზმია, უფრო სათუთად უნდა მოექცეთ! — ადგა ფეხზე წიკლაური.
 - ვინ არის, წიკლაურო, ფაქიზი, შენ ხარ ფაქიზი? თუ აბესაძეა ფაქიზი? — უდელში რომ შეგაბათ კაცმა, თითო პექტარ მიწას მოხნავთ!
 - ფიზიკური კომპლექსი არაფერს ნიშნავს. პოეტს სულში უნდა ჩახედოთ, — თქვა ერთ-ერთმა დამწყებმა კრიტიკოსმა.
 - გუგურებ, ბატონი, და ვერაფერს ვერ ვხდავ!
 - უნდა აღმოაჩინოთ! — არ მოეშვა დამწყები კრიტიკოსი.
 - მე კოლუმბი კი არ ვარ, კრიტიკოსი ვარ! — გაიმართლა თავი ხელმძღვანელმა.

- ილია ჭავჭავაძემ ხომ აღმოაჩინა ბარათაშვილი? — წამოიძახა ვიღაცამ.
- ბარათაშვილი არსებობდა და იმიტომ აღმოაჩინა ილიამ. კი არ გამოუგონებია! კი, ბატონი, ვუძახოთ ერთმანეთს ბარათაშვილები და ბელინსკები, მაგრამ ვინ დაგვიჯერებს?
- ვინც არ დაგვიჯერებს, ახია იმაზე! — თქვა წიკლაურმა.
- წიკლაურო, ერთი ლექსი დამიწერე ისეთი, ცოტა რომ გავდეს ბარათაშვილის ლექსს და მე თვითონ დაგიდგამ ძეგლს ზემელზე, რუსთაველის გვერდით, მეტი რა ვქნა! — დაპირდა წიკლაურს ბატონი შალვა.
- გვაცალეთ, ბატონო! — თქვა ახლა ალავიძემ.
- რამდენ ხანს, აღავიძე? შენხელა რომ იყო ბარათაშვილი, მკვდარი იყო უკვე!
- სამაგიეროდ, გოეთებ თოხმოცი წლისამ დაწერა „ფაუსტი“! — თქვა გურამმა.
- ჭიჭინაძე, რას მირჩევ შენ, დავჯდე და ველოდი წიკლაურს, როდის გახდება ოთხმოცი წლის და როდის დაწერს „ფაუსტს“? — ჰკიოთხა ბატონმა შალვამ.
- წიკლაურზე არ ვამბობ მე! — თქვა გურამმა.
- აბა, აბესაძეზე?
- არც აბესაძეზე ვამბობ!
- აბა, ვიზე ამბობ, ჭიჭინაძე?
- მე საერთოდ ვამბობ!
- საერთოდ რას ჰქვია, ვიჯდეთ კრიტიკოსები და 80 წლამდე არ ვაკრიტიკოთ ხალხი? გურამმა ნერწყვი გადაყლაპა და დაჯდა.
- თქვენც ხომ წერდით, ბატონო შალვა, ლექსებს ახალგაზრდობაში და, თუ არ ვცდები, საკმაოდ ცუდ ლექსებს? — ჰკიოთხა დამწყებმა კრიტიკოსმა.
- ვწერდი და, რომ მითხრეს, ცუდიაო, დავანებე თავი, მეყო მაგდენი ჭავა! — თქვა ბატონმა შალვამ. დარბაზი გამოცოცხლდა. კრიტიკოსი ცივად დაჯდა.
- ამხანაგებო, მე თქვენი მტერი კი არ ვარ, — დაიწყო ბატონმა შალვამ და ფეხზე წამოდგა, — დაწერეთ თქვენ კარგი ლექსები და მე პირველი მეხოტბე ვიქნები თქვენი. მე იმიტომ ვარ აქ, რომ გითხრათ, რა არის ცუდი და რა არის კარგი. აბა, არ უნდა ვუთხრათ წიკლაურს, რომ ამაყი შეიძლება იყოს ადამიანი, ცხოველი, პირუტყვი, ფრინველიც კი, მაგრამ — კიტრი? არ შეიძლება ასე, ამხანაგებო! რა გამოვა, ამხანაგებო, ახლა რომ ადგეს ვინმე ამერიკელი პოეტი და დაწეროს ლექსი; კომპასის ისარი იმიტომ არის მიმართული ჩრდილოეთით და სამხრეთით, რომ ჩრდილოეთში ტრუმენია და სამხრეთში — ჩანკაიშიო. მერე მიადგნენ ყველა ქვეყნის პოეტები და წერონ ასე? საუბედუროდ, ყველა ქვეყანას აქვს ჩრდილოეთი და სამხრეთი. საერთოდ, იცოდეთ, ამხანაგებო, ჩვენი ლიტერატურული წრე არ არის მოწოდებული იმისათვის, რომ ორმოცი გენიოსი გამოზარდოს. ღმერთმა დაიფაროს, რომ ორმოცი ბარათაშვილი, ორმოცი ილია, ვაჟა და აკაკი იყოს უნივერსიტეტში, ისიც იმ წრეში, რომელსაც მე ვხელმძღვანელობ! არ მოიტენოთ თავი, ბედნიერი იქნება საქართველო, თუ თქვენში ერთი, ან ორი ნიჭიერი პოეტი, ნიჭიერი პროზაიკოსი, კრიტიკოსი და მთარგმნელი გაიზრდება. და თუ თქვენ ეს არ იცით და ასე არ გჯერათ, სჯობს, ახლავე ადგეთ, დაიხუროთ ქუდები და წახვიდეთ სახლში! — ბატონი შალვა დადუმდა. დარბაზი მონუსხულივით გასუსულიყო და ადგილიდან არ იძროდა. ორმოცი კაცი განაბული იჯდა.

oqropetas duqani

ოქროპეტას დუქანი ნავთლულშია, ისეთ მიკარგულ ადგილას, რომ წესიერი კაცი ძნელად მიაგნებს. ოქროპეტა დამოუკიდებელი სახელმწიფოა. ოქროპეტას დუქანში მუდამ ბატქინის

ხორცია, სუკი, ბასთურმა, ჩანახი, ფითი, მუჟუჟი, მუავე, შოთი პური, თუშური ყველი, სამწლიანი ღვინო და ოთუზბირი ფასები. ოქროპეტასთან რომ იქეიფო, საცხოვრებელი უნდა დააგირაო. სამაგიეროდ, მისი სუფრის ლაზათი და გემო საფლავში ჩაგვევება. ამიტომ, ვინც თბილისის სახელგანთქმულ რესტორნებში თავისი ქონების საჯაროდ გამობაირალებას ერიდება, ოქროპეტასთან მიდის, სვამს, ჭამს, ქიფობს, დამწვრის სიძლერებს ისმენს და გულაჩუებული ათოუმნიანებს აწებებს შუბლზე ცალთვალა მეარღნე ორშაურას. ოქროპეტა იცნობს თავის მუშტარს, ოქროპეტამ იცის, ვის როგორ მოემსახუროს და ელაპარაკოს.

ჩვენ რომ დაგვინახა, ოქროპეტამ ცალი ხელით დოინჯი შემოირტყა, მეორეთი უზარმაზარი დანა დაარჭო დახლზე და ხმამაღლა თქვა:

- საათებს, პასპორტებსა და პიჯაკებს გირაოში ადარ ვიტოვებ!
- ძია იქროპეტას გაუმარჯოს! – გაუღიმა გურამმა და გერმანელი გენერალივით აუქნია ხელი.
- არც სტუდილეთებს! – თქვა ოქროპეტამ და თვალები გადმოქაჩა.
- დღეს სტიპენდიები იყო, ძია ოქროპეტ! – თქვა გურამმა და ჯიბისკენ წაიღო ხელი.
- დღეს რა რიცხვია? – იკითხა დაეჭვებულმა ოქროპეტამ.
- ოცდახუთი! – ვთქვი მე.
- დაჯექით! – მოლბა ოქროპეტა.
- რაღაც მუშტარს ვერა ვხედავ, აი! – მხარზე დაარტყა ხელი გურამმა.
- ჯერ ადრეა. – თქვა ოქროპეტამ.
- მე და გურამი მავიდას მიუუკექით. ოქროპეტა დახლიდან გამოვიდა და ჩვენს მავიდას დაეყრდნო ვეებერთელა ტორებით.
 - რას მიირთმევთ? – თქვა მან.
 - რა გაქვს? – ვკითხე მე.
 - ოქროპეტას დუქანი ზღაპარია, ოქროპეტა – ნატვრის თვალი, ინატრე! – მითხრა ოქროპეტამ. მე ვინატრე. ათ წუთში სუფრაზე ორი შოთი პური, თუშური ყველი, ორი სუკი, მწვანილი, კიტრი, პამიდორი და ოთხი ბოთლი ღვინო გჩნდა.
 - ის სად არის? – იკითხა ოქროპეტამ.
 - ვინ ის?
 - აი ის, დიდი თავი რომ აქვს, ძალიან გრძელ და მაზალო ლექსებს კითხულობს ხოლმე.
 - ეგეთი რამდენიც გინდა, იმდენია! – ვერ გავიხსენე მე.
 - წვრილი ხმა რომ აქვს და ძალით რომ იბოხებს, ბოლოს ბოთლებს ირტყამს ხოლმე თავში. – არ მოეშვა ოქროპეტა.
 - ააა, ის დღეს მოკლეს, მომავალ პარასკევს გავასვენებთ! – გავიხსენე მე წიკლაური და ღვინო დავასხი.
 - ვიცოდი, მოკლავდნენ, ფინთი სიმთვრალე იცოდა! – დაენანა ოქროპეტას. – რითი მოკლეს?
 - რითი მოკლეს? – ვკითხე გურამს მე ჩემი მხრიდან.
 - ვიზე ამბობს? – მკითხა გაკვირვებულმა გურამმა.
 - წიკლაურზე.
 - ჰოო, მარტო ის კი არა, მეორეც მოკლეს, ამასაც კლავდნენ, მაგრამ გადარჩა. – თქვა გურამმა და თავზე ხელი გადამისვა.
 - როგორ, კლავდნენ! – აღშფოთდა ოქროპეტა.
 - აი, ეგრე, არაფრისთვის კლავდნენ!
 - ვინა?
 - არის ერთი კაცი!
 - ალბათ, რამე დააშავეთ!.. – თქვა ოქროპეტამ და დახლში დაბრუნდა.
 - არაფერი ისეთი, ცუდ ლექსებს რატომ წერთო!

- ვა, ეგ რა მაგის საქმეა? — ისევ გაუაკორდა ოქროპეტას...
- ის კაცი ამბობს, ცუდი ლექსებიც კლავს კაცსო! — ვუთხარი მე.
- მერე შენ ვერ უთხარი, რომ წიგნი ტყვია არ არი, თუ არ მოგწონს, დახურე!
- ვუთხარი!
- მერე?
- არა სჯერა!
- მაში, იკითხოს, ახია მაგაზე! — ჩაიქნია ზელი ოქროპეტამ. — ესე იგი, ორი კაცი მოკლა? — იკითხა ისევ.
- მართლა კი არ მოკლა, ისე, ნამუსი რომ ჰქონოდათ, თვითონ მოიკლავდნენ თავს. — თქვა გურამმა.
- ეგრე თქვით, რა გული გადამიტრიალდა! — აიქნია ის ჩაქნეული ზელი ოქროპეტამ. დუქანში უწვერულმა ჯარისკაცმა შემოყო თავი და კარიდანვე იკითხა:
- ბორშჩ იესტ?
- ბორშჩი საიდან მოვუტანო? — მკითხა გაკვირვებულმა ოქროპეტამ.
- ჩევო? — ვერ გაიგო ჯარისკაცმა.
- ნეტუ! — მოუჭრა ოქროპეტამ. თავი სასწრაფოდ გაქრა.
- დუქანში სიწყნარე ჩამოგარდა, მხოლოდ დამლაგებლის ცოცხის ჩუმი შრიალი და თევზების ფრთხილი წკრიალი ისმოდა. ჩემს პირდაპირ კედელი ნადირობის ეპიზოდებით იყო მოხატული. გაქცეულ ირემს ერთი ისარი გავაზე ჰქონდა დარჭობილი და მეორის მოლოდინში მონადირეს საოცრად სევდინი თვალებით უცქეროდა. მონადირე კი, რატომდაც თიფუს უმიზნებდა. გვერდით კბილებდა კრეჭილი მონადირე ძალები გარეულ ტახს უღრენდნენ, პატარა გოჭები მამას ამოუარებოდნენ და ელოდნენ, რა მოხდებოდა. მესამე სურათზე კაცთმოყვარეობისა და ჰუმანიზმის გულისამაჩუყებელი ფაქტი იყო ასახული, მონადირე კლავდა მელას, რომელსაც პირში შიშისგან თვალებგადმოცვენილი და გადარეული მამალი ეჭირა. ეს საინტერესო გალერეა უფრო საინტერესო განცხადებით მთავრდებოდა, რომელიც რატომდაც, რუსულად აფრთხილებდა მომხმარებელს:
- „ქადა, ზორიანი ე ბარიშაბარი, - წიბიში არიშაბარი და არიშაბარი შეავსო.
- პეტ, შუმეტი ი ტანცევატ, სტროგო ვოსპრეშჩაეტსია, — ჩაიღილინა გურამმა და ჭიქები შეავსო.
- პირველი ბოთლი უხმოდ დავლიეთ. მხოლოდ ჭიქებს ვუჯაზუნებდით ერთმანეთს. მეორე ბოთლზე გურამს თამადობის მუზა ეწვია, ჭიქა გაავსო, ჩაახველა და სალაპარაკოდ მოემზადა.

 - არ გინდა! — ვუთხარი მე.
 - მინდა! — თქვა მან.
 - მიდი, გარეკე! — დავრთე ნება. გურამმა გარეკა.
 - რამდენი წელია, მე შენ გიცნობ? — მკითხა უცებ.
 - ბევრი, — ვთქვი მე და გამიტვირდა.
 - მაინც? — არ მომეშვა გურამი.
 - ერთი, ორი, სამი, საბავშვო ბალიდან მიცნობ!
 - მერე?
 - რა მერე?
 - შენ რამდენი ზანია მიცნობ?
 - თუ მმა წარ, დალიე და თვალებს ნუ ქჩავ! — ვოზოვე მე.
 - მე უკვე მთვრალი ვარ, მოდი, ჩვენს მმობას გაუმარჯოს! — თქვა გურამმა და ჭიქა პირში გადაიმხო.
 - გაუმარჯოს! — ვთქვი მე და დავლიე. გურამმა ისევ შეავსო ჭიქები.

- ახლა მე მინდა, დედაშენის სადღეგრძელო დავლიო, — დაიწყო მან. მე თავი აცწიე. გურამი ნეკით ჭიქიდან საცობის ნამცეცს იღებდა დინჯალ და აუჩქარებლად. ალბათ, ფიქრობდა, რა და როგორ ეთქვა.
- მარტო დედაშენის კი არა, საერთოდ, დედების, დედაშენის თამადობით.
 - რატომ — დედაჩემის?
 - იმიტომ!
 - გმადლობ! — ვთქვი მე და ჭიქა ავიღე.
 - მოიცა, არ დალიო! — გამაჩერა გურამმა. მე ჭიქა მაგიდაზე დავდგი.
 - მე ღმერთის სადღეგრძელო მინდა, დავლიო!
 - აკი დედაჩემის სადღეგრძელოს სვამდი?
 - მე ღმერთის სადღეგრძელო მინდა დავლიო. — გაიძორა გურამმა, — გაწბილებული ღმერთის, დაკარგული ღმერთის, დავიწყებული ღმერთის, გაბითურებული ღმერთის.
 - გაუმარჯოს გაბითურებულ ღმერთს! — ვთქვი მე.
 - ბითური ხარ შენ. — თქვა გურამმა.
 - შენ? — ვკითხე გურამს.
 - მეც ბითური ვარ, შენზე უფრო დიდი ბითური იმიტომ, რომ შენთან ღვინოს ვსვამ და ღმერთის ვადღეგრძელებ.
 - რა გინდა, ბიჭო, რას გადამეკიდე?
 - მე მინდა ღმერთის სადღეგრძელო შევსვა.
 - შესვი, ვინ გიშლის?
 - ადექი ფეხზე! — მე ავდექი. — დედაშენს გაუმარჯოს!
 - მადლობელი ვარ!
 - შენ იცი, ვინ არის დედაშენი? — მკითხა გურამმა. მე არაფერი არ ვუპასუხე. გურამმა დიდხანს მიყურა, დიდხანს, მერე ჭიქას ღვინო დაამატა და დაიწყო:
 - დედაშენი არის ღმერთი. შენ რომ ზიხარ და უყურებ, ისიც რომ გიყურებს, შენ რომ დედას ეძახი და ის შვილოს გეძახის, ამიტომ შენ გვინაია, ღმერთი არ არის? შენ ღმერთი ვინ გვინაია? წვერებიანი ბაბუა? ღრუბლებზე ზის და პირს რომ იძანს, წვიმა მოდის? ღმერთი ისე ნათელია, ისე ახლობელი, ისე ცხადი და ისე უბრალო, რომ როდესაც წედავ, არ იცი, რომ ღმერთია, ამაშია ღმერთის უბედურება, ამიტომ არ წამთ ღმერთი. ღმერთი რომ სხვაგან იყოს, შორს ჩვენგან, ცალკე და მაღლა, ღმერთი რომ ჩვენში არ იყოს, მაშინ ყველა იწამებდა. ამაშია საქმე!.. ღმერთი მაშინ უნდა იწამო, ღმერთის სახე რომ არ აქვს, რომ არ გავს ღმერთს, რომ არ გეუბნება, ღმერთი ვარო, პურს რომ გიყოფს, სადილს რომ გიკეთებს, ტანზე რომ გაცმევს, თავზე რომ გახურავს, გიღიმის და გეფერება, გპოცის და ტირის შენი გულისთვის, კვდება შენი გულისთვის, ცივა, წყურია, შია შენთან ერთად, სულს აძლევს ეშმაკს შენი გულისთვის, მაშინ უნდა იწამო. აბა, ღმერთმა თუ თავისი სახე გაჩვენა, კედელთან მიგაენა, ყური აგიწია და თვითონ თუ გითხრა, ღმერთი ვარ და მიწამეო, მაშინ რაღად უნდა ღმერთს შენი რწმენა? ასეთ ღმერთს შენ კი არა, ყველა იწამებს. ღმერთი მაშინ უნდა იწამო, შენ რომ გგავს, მე რომ მგავს, დედაშენს რომ ჰგავს, გასაგებია? — დაამთავრა გურამმა და ნისლიანი თვალები მომაპყრო.
 - გასაგებია! — ვუთხარი მე და კიდევ რომ არ გაეგრძელებინა, ღვინო დავლიე.
 - გაამოს! — დამლოცა გურამმა და დაჯდა. ოქროპეტამ კიდევ ორი ბოთლი ღვინო მოიტანა და თვალით დაელამებულ გურამზე მიმითითა, რა მოუვიდაო.
 - შენი რცხვენია და თვალს ვერ გისწორებს. — ვუთხარი მე. გურამმა ოქროპეტას ღვინო დაუსხა.
 - დალიე ამის დედის სადღეგრძელო!
 - ოქროპეტამ ქონიანი ტუჩები მაგიდის საფარით გაიხოცა და ჭიქა აიღო.
 - ცოტას მოვსვამ! — თქვა მან.

- ბოლომდე დალიე! — არ მოეშვა გურამი.
- თქვენს დედებს ვენაცვალე ჯიგრებში! — თქვა ოქროპეტამ.
- დალიე!
- დედათქვენის ძუძუებს ვენაცვალე, კარგი ჯეელების გაზრდისათვის! — განაგრძო ოქროპეტამ.
- დალიე! — გაამხნევა გურამმა.
- თქვენი დედების...
- დალიე, თუ ძმა ხარ, და ნუ იგინები! — ვთხოვე ოქროპეტას.
- ოქროპეტამ დალია, მერე გვერდულად გადმომხედა და მოტანილი ბოთლებიდან ერთი უკან წაიღო.
- სად მიგაქვს? — ჰყითხა გურამმა.
- გეყოფათ! — თქვა ოქროპეტამ.
- გვეყოფა? — მყითხა ახლა მე გურამმა, მე თავი დაგუქნიე.
- აბა, დაასხი. — მე დავასხი. გურამმა ჭიქა აიღო.
- ეს შენი სადღეგრძელო იყოს, თემურ! — თქვა მან.
- ჩემი და შენი ერთად! — ვთხოვე მე.
- კარგი, ჩემი და შენი, თემურ. მე შენ ძალიან მიყვარხარ, აბა, თუ იცი რატომ?
- ვიცი!
- არაფერი არ იცი, აბა, რატომ?
- არ ვიცი!
- ჰყითა, ეგრე. შენ ჩემი ძმა ხარ, ნამდვილი ძმა... წინათ მე შენი მეშინოდა, მერე მრცხვენოდა, დიდხანს მეშინოდა და მრცხვენოდა.
- რისი გეშინოდა?
- არ ვიცი, ისე, მეშინოდა, სულ მარტო რომ იყავი...
- რატომ? — გამიკვირდა მე.
- არ ვიცი, კლასში რომ რამე დაიკარგებოდა, მეშინოდა, შენი წადებული არ ყოფილიყო. გაკვეთილს რომ გააცდენდი, მეშინოდა, სკოლაში აღარ დაბრუნდება-მეთქი. თავერა რომ ქურდობაზე დაიჭირეს, მეშინოდა, შენც დაგიჭერდნენ, მეგონა, მასთან ერთად. ათწლევდი რომ დავამთავრეთ, მეშინოდა, უმაღლესში არ შემოვა-მეთქი... მერე ჩემი შიში რომ არ მართლდებოდა, მრცხვენოდა, თან მიხაროდა. — გურამი დადუმდა. ცოტა ხანს ასე იყო, მერე ისევ დაიწყო:
- მე და შენ ხომ ძმაკაცები ვართ?
- ჰო, მერე?
- მერედა, შენ რომ რამე მოგივიდეს, თავს მოვიკლავ.
- ხომ გეუბნები, გიუ ხარ-მეთქი!
- ვიყო!
- მერე ჭიქა აიღო და უხმოდ დალია. მე სადღეგრძელოს თქმა მომინდა და ფეხზე ავდექი.
- მე და შენ გაგვიმარჯვოს, გურამ, გაუმარჯოს იმას, რასაც შენ ღმერთს ეძახი, გაუმარჯოს კაცს, მაღალს, ძლიერს, მართალს, კეთილს. გაუმარჯოს რწმენას და მის დაკარგვას, მე წავალ ახლა და რაც ლექსები დამიწერია, სუყველას დავწვავ, ყველას, ყველას!
- მაგას დაგიფასებს მაღლიერი შთამომავლობა! — გაიღიმა გურამმა.
- დაწწვავ ყველას, მერე დავჯდები და დილამდე ერთ ლექსს ვიკითხავ, ღმერთის დაწერილ ლექსს, იმ ღმერთის ლექსს, რომელიც ისე უბრალოა, ისე ნათელი, ისე ახლობელი, რომ არც კი გჯერა, რომ ღმერთია.

მაქს მერდს მიღებული
ქნარი, — როგორც მინდა —
ჩემთვის დიღებული
სხივი ამობრწყინდა,

მკვიდრად ააშენა,
ვინაც ააშენა
და ცოთ დაამშვენა
დიდი ნიკორწმინდა..

— ომერთს გაუმარჯოს, გურამ, ჩემსა და შენს ღმერთს, რომელიც ღრუბელზე არ ზის, რომელსაც პირის ბანის ღროს წვიმა არ მოყავს და რომელიც ჩვენი გულისთვის სულს აძლევს ეშმაკს.

მე ჭიქა გამოვცალე და დავჯექი. მერე თვალები დავხუჭე და ფერად-ფერადი, ლურჯი და ვარდისფერი ვარსკვლავების ზღვაში შეცცურე. მერე მხარზე უზარმაზარი ტორი ვიგრძენი და თვალები გავახილე. იგი ნისლში ცურავდა, იგი არ იყო ღმერთი, ეს იყო ეშმაკი, რომელსაც ხელში საანგარიშო ეჭირა და ჩემი და გურამის სულის წასაღებად იყო მოსული.

* * *

ოთახში რომ შევედი, დედა ფანჯარასთან იჯდა და რაღაცას კითხულობდა. კარი ღია იყო და მას არ შეუმჩნევია ჩემი მოსულა. წარბეგშეკრული კითხულობდა, გულდასმით და ყურადღებით. ამ წნის მანძილზე მე არასოდეს არ მთექვამს მისთვის, რომ ლექსებს ვწერდი, არც მას უკითხავს, თუმცა ვგრძნობდი, რომ რაღაცას ხვდებოდა, რადგან ღამით, ლექსის წერის დროს ხშირად შემიჩნევია, თვალყურს მადევნებდა. რამდენჯერ ავმდგარვარ სკამიდან, მივსულვარ მასთან, დავხრილვარ მის სახეზე და მიგრძნია, რომ ათროთოლებული ქუთუთოების იქიდან ორი ცნობისმოყვარე და გაკვირვებული თვალი მიმზერდა. ვეღარაფერს ვწერდი, ვხურავდი რვეულს და ვწვებოდი. და ახლა დედის ხელში ჩემი რვეული ვიცანი. ტანში რაღაც არასასიამოვნო და შიშისაგვარმა ურუანტელმა დამიარა. იგი გართული იყო ლექსების კითხვით. მე თავზე დავადექი.

— დედი! — დედა შეცბა, რვეული დახურა და შეშინებულმა ამომხედა. მერე უცებ გაწითლდა.

— ეს რვეული, შვილო... — დედას ენა დაება. — არ გეწყინოს, წავიკითხავ და ისევ თავის ადგილზე დავდებ! — დედა მუდარით მიმზერდა. მე ძალიან უხერხულად ვიგრძენი თავი.

— რას ამბობ, დედა, უბრალოდ, მრცხვენოდა, შენთვის მეჩვენებინა, არ მოგეწონებოდა, მეორნა. — ვთქვი მე.

— ცოტა დამრჩა, ერთი თუ ორი ლექსი. — თქვა დედამ და რვეული გაშალა. მე სამზარეულოში გავედი, რომ მეცლია მისთვის კითხვის დამთავრება. როდესაც დავბრუნდი, დედას კითხვა დამთავრებული ჰქონდა და მაგიდაზე თევზებს აწყობდა.

— რაო, დედა, მოგეწონა? — ვკითხე მე მოგონებული სიმშვიდით და მაგიდას მიუუჯექი. დედამ გამილიმა და თავი დამიქნია.

— მაინც? — დავინტერესდი, გული ამიჩქარდა.
— არა უშაგი! — თქვა დედამ მშვიდად და პურის დაჭრა დაიწყო.
— როგორ, არა უშავს? — გამიკვირდა მე.
— ისე, არა უშავს! — თქვა დედამ და სახე ამარიდა.
— არ მოგეწონა? — ვკითხე შეშინებულმა.
— შენ მოგეწონს? — მკითხა ახლა დედამ. პირი გამიშრა და ნერწყვი გადავყლაპე.
— მე, მე, რა თქმა უნდა, მომწონს, რადგან ვწერ, ესე იგი, მომწონს, საერთოდ ყველას მოსწონს თავისი ნამუშევარი...
— რატომ, შვილო?.. აი, მე დღევანდელი სადილი გაძეთე, ვაკეთე და არ მომწონს. — მითხრა დედამ.
— მე რაც არ მომწონს, ვხევ... და ვყრი.

— მაინც დაგელოდე, იქნებ თემურის მოეწონოს-მეთქი. აბა, გასინჯე! — მთხოვა დედამ, უხალისოდ მოესვა ლობიოს წვენი, არ ვიცი, მომეჩვენა თუ მართლა, იგი საოცრად უგემური იყო და თეფში გერდზე გავწიო.

— აი, ხომ ხედავ, მშიერი დაგტოვე... — მითხრა დედამ და შეწუხებული სახით მიუჯდა მაგიდას.

— მაინც რა აკლია ჩემს ლექსებს?

— არაფერი, შვილო, არაფერი არ აკლია, ყველაფერი თავის ადგილზეა, რითმაც, რიტმიც, მარცვალიც, წერტილიც და მძიმეც...

— აბა, სხვა რა გინდა? — ვკითხე მე.

დედამ თავზე ორთავე ხელი შემოიწყო და თვალები დახუჭა. იგი დიდხანს იჯდა ასე და ბოლოს ხმამალლა დაიწყო:

— ლექსი ადამიანივით არის, შვილო, რამდენი კაცია, ხელიც აქვს, ფეხიც, ყურიც, ცხვირიც, თვალიც, ყველაფერი თავის ადგილზე, მაგრამ კაცი არ არის, უყურებ — ადამიანია, ნამდვილი ადამიანი, გაიცნობ და არ არის ადამიანი, რაღაც აკლია, და აი, ის რაღაც რომ აკლია, ამიტომ ცხოველია, პირუტყვი. შენ არ გეწყინოს, შვილო, და შენს ლექსებსაც აი ის რაღაც აკლია, რაც ქაღალდზე არ ჩანს ხოლმე და არ იწერება.

— შენ გინდა თქვა, რომ ჩემს ლექსებს სული აკლია?

— არა, შვილო, სული როგორ აკლია, პირიქით, ძალიან ბევრი სულია შიგ, იმდენი, იმდენი, რომ შენი სულისთვის ადგილი აღილი აღარ არის.

— არ მესმის, რას ამბობ!

— აი, რომ არ გესმის, ამაშია საქმე!

— შენ ჩემი არაფერი არ მოგწონს, არაფრის არ გჯერა, შენს მოსაწონს მე ვერაფერს ვერ ვაკეთებ... — გავპრაზდი მე.

— არა, შვილო, საიდან მოიტანე. შენ ჩემი სიკვდილის განაჩენი რომ დაწერო, ისიც ძვირფასი იქნება ჩემთვის, ოღონდ შენი სული უნდა იყოს შიგ, შენი სისხლი, ოფლი და წუხილი. რაც გაწუხებს, ის უნდა წერო.

— აბა, ეს რა არის? — ვიყარე მე და რევეულს ვტაცე ხელი.

— ეგ არაფერი არ არის, შვილო, უბრალოდ ვარჯიშია, შენ ნიჭიერი ბიჭი ხარ, სხვაზე უკეთესად რითმაც ბალახს და ტალახს, მეტი არაფერი. — თქვა დედამ და თეფშების ალაგება დაიწყო.

ასე მართალი, ასე პირდაპირი, ასე მოურიდებელი და მკაცრი ჩემს მიმართ მე დედა არასდროს არ მინახავს და შეშინებული გუმზერდი. დედამ იგრძნო, რომ ძალიან მკაცრად მომექცა. მე მის თვალებში სიბრალული დავინახე. იგი უხერხულად ალაგებდა თეფშებს. კერ ჭიქა წაექცა, მეტე კოვზი გაუვარდა ხელიდან, ბოლოს თეფშიც გაუტყდა. მე მივედი და მხრებზე ხელი მოვწვიე.

— შენ გგონია მეწყინა, დედა? — ვკითხე და გავუღიმე.

— არა, შვილო, რაღაც ცუდ გუნებაზე ვიყავი, ალბათ, თორემ მშვენიერი ლექსები გაქვს. განსაკუთრებით, ის, ალბათ, გულიკოზეა დაწერილი — „შენი ღიმილი მაჩუქე“, ან ის „მთვარე კვესივით დაეცა მეტებს“, ისიც „მე სოფლად დამრჩა პატარა ოდა“ ძალიან, ძალიან მომეწონა... ალბათ, გულიკოსაც მოსწონს შენი ლექსები. დღეს რაღაც ცუდ ფეხზე ავდექი, მე თვითონ არ ვიცი, რა დამემართა, ისეთი სიამოვნებით ვკითხულობდი და უცებ... არ ვიცი, ღმერთმანი...

დედა აღელდა, ენა აერია, ხელები ოდნავ აუცახცახდა...

— ნამდვილად მომეწონა, ერთ ადგილას ვიტირე კიდევაც... რომელ ლექსში იყო? აი, ჩემზე რომ გაქვს დაწერილი, ძალიან, ძალიან მომეწონა... — იგი, ტყუოდა უსაშველოდ და თვალის არ მაცილებდა. მან დაივიწყა ყველაფერი, რაც მითხრა წუთის წინ, იგი განგებ ისაწყლებდა თავს და მხოლოდ იმისათვის, რომ ისევ არ დავეკარგე, ისევ უცხო არ გამხდარიყო ჩემთვის

და რამდენად მეტს ლელავდა, რამდენად მეტს ლაპარაკობდა და ტყუოდა, მით უფრო ახლობელი, საყვარელი და მშობლიური ხდებოდა ჩემთვის. მე რაღაც მომაწვა ყელში, მინდოდა მივვარდნოდი მწვანე რვეულს, რომელიც ახლა დედას ეჭირა, დამეხია, დამეწვა, დამეგლივა, მერე ჩავხველდი მაგრად, დიდხანს, დიდხანს მექოცნა მისი ათრთოლებული ხელები, მაგრამ ვერ გავბედე და ოთახიდან გავედი.

zRva

ქვიშა ცხელია. თვალებზე გულიკოს თავსაფარი მაფარია და ისე გავცემი მზეს. მზე გულიკოს თავსაფარივით ჭრელია, წითელი, მწვანე, შავი, ყვითელი, ლურჯი, იასამნისფერი და კიდევ რაღაცფერი, რომელსაც მზე ამ უამრავ ფერთა და საკუთარი ფერის შეზავებით ქმნის. საჩვენებელი თითოთ ვიწვრილებ თვალის გუგას, ახლა რამდენიმე ფარშაგანგის კუდივით მარაოდგაშლილი და ლამაზი მზე ცახცახებს ცაზე, მეორე თვალის გუგასაც ვიწვრილებ და ახლა ცა მხოლოდ ასეთი მზებით არის მოქარგული, უამრავი, ულამაზესი, ურთმანეუზე დაფენილი და მოცახცახე მზებით. ალბათ, ესკიმისები ასეთს ხედავენ ცას, ცას მზებითა და ფერებით სავსეს. რა ბედნიერებაა, ღმერთო, – ჩემსავე გულუბრყვილო ფიქრებზე მელიმება და გუგებს ხელებს ვუშვებ. ახლა ისევ ერთი მზე მიმზერს ციდან.

– გავიდა ხუთი კალორია, გადაბრუნდით! – გაგაფრთხილა პლაჟის ადმინისტრაციამ. ალბათ, უკვე ოცი კალორია გავიდა, მე კი ისევ გულაღმა ვწევარ. რუსების გარდა ბათუმის პლაჟზე კალორიებს არავინ ითვლის, ამიტომ მათ უფრო ზომიერი და ლამაზი სიშავე აქვთ. ჩვენ კი უსაშველოდ ვართ დახრუკულები. უცებ სახეზე ჩრდილი დამეცა. თავსაფარი ჩამოვიცალე და ჩრდილს ავხედე. თაგზე, თეთრ მარმარილოსავით სახექათქათა, დიდრონ ცისფერთვალებიანი და კუპრივით შავომიანი ქალი მაღვა. ძალაუნებურად წამოვჯექი და გავუდიმე.

ეს ის გოგონა იყო, გუშინ საღამოს ჩემს ოთახში რომ შემოვიდა და ვიღაც ავთო იკითხა.

– უკაცრავად, თქვენ და ავთო ერთად ცხოვრობთ? – მკითხა მან.

– რომელი ავთო?

– ავთო!

– აა, როგორ არა, დაბრძანდით!

– თქვენ გივი გქვიათ, არა?

– დიახ, – ღმერთო, რა ლამაზია! – დაბრძანდით.

– სად არის ავთო?

– ავთო? – რა ლამაზი თვალები აქვს, ღმერთო, რა შავი თმა!

– მალე მოვა ავთო? – ისევ მკითხა მან.

– დიახ, სულ მალე. დაბრძანდით! – ქალიშვილი დაჯდა და ოთახს დაუწყო თვალიერება.

– შაბანურს ხომ არ მიირთმევთ? – ვეცი ბოთლს.

– არა, გმადლობთ!

– ლიმონათს?

– არა?

– შოკოლადი მიირთვით!

– სად არის ავთო? დამპირდა, სადგურში დაგხვდებიო. ალბათ, არ ეცალა, ნომერსაც დამპირდა, კიდევ კარგი, მომცეს. თბილისიდან ერთი დღით გვიან წამოვედი. თქვენ ერთად ჩამოდით, არა?

– ვინ? მე და ავთო? ჰო... ერთად ჩამოვედით...

- მე ასმეზუთე ნომერში ვარ დაბლა. უთხარით, რომ მოვა, დამირუგოს. — თქვა მან და ადგა.
- იცით, რა, დაბრძანდით, კიდევ ცოტა ხანს დაბრძანდით! ერთი ჭიქა დალიეთ ჩვენი გაცნობის.
- კარგი! — გაიღიმა ქალიშვილმა და ჭიქა აიღო.
- მეც ავიღე და ჭიქები მივაჯახუნეთ.
- ჩვენი გაცნობის იყოს.
- იყოს! — თქვა ქალიშვილმა. ჩვენ გავუცინეთ ერთმანეთს და უცებ ღიმილი სახეზე შემახმა, გავფითრდი. გაკვირვებულმა ქალიშვილმა ჯერ მე შემხედა, მერე ჩემს გაშტერებულ მზერას გააყოლა თვალი. კარში სიბრაზისაგან გაწითლებული, გაქვავებული და შეურაცხყოფილი გულიკო იდგა. ყველაფერი ისე მოხდა, როგორც გლახა ოპერეტაში. გულიკომ კარი მიიჯახუნა და გაკვირვებულმა ქალიშვილმა ჭიქა დადგა!
- რა მოხდა? — მეითხა მან.
- არაფერი, ისე... — ვთქვი მე და ოთახიდან გავვარდი. გულიკოს კარს ვეცი. კარი ჩაკეტილი იყო შიგნიდან. ჩემს ოთახში რომ დაგბრუნდი, განცვიფრებული გურამი საწოლზე იჯდა და კეფას იფანდა. ქალიშვილი არსად ჩანდა.
- რა მოხდა? — მეითხა ახლა მან.
- რა გითხრა?
- ავთო როდის მოვაო!
- მერე?
- მე ვუთხარი, არ მოვა-მეთქი. რატომაო, მე ვუთხარი, იმიტომ, რომ, ჯერ ერთი, არ ვიცი ვინ არის ავთო-მეთქი და მეორეც, ავთო აქ არ ცხოვრობს-მეთქი.
- მერე?
- მერე არაფერი, კრეტინიო, თქვა რუსულად და წავიდა. რას მერჩოდა, არ ვიცი.
- დავიღუპე, გულიკომ დაგვინახა.
- რას აკეთებდით?
- შამპანურს ვსვამდით.
- მერე?
- მერე არაფერი.
- ვინ არის?
- არ ვიცი!
- კარგი, თუ ძმა ხარ, მაგას ვინ ჭამს. — გაიცინა გურამმა და ლოგინზე წამოწვა.

* * *

- ერთხელ, თურმე, ორი დიდი ხნის უნახავი მეგობარი შეხვდა ერთმანეთს, ერთი — დაღვრებილი, მეორე — მხიარული.
- როგორ ხარო, — პკითხა მხიარულმა.
- ისეთი უცნაური და უბედური ამბავი შემემთხვა, ვისაც არ მოუყევი, არავის არ სჯერა და რაღა შენ დამიჯერებო, — უთხრა დაღვრებილმა და ამოიხსრა.
- ასეთი რა შეებეჭისება, შე კაცო. — შეწუხდა მხიარულმა.
- ცოლმა გამომაგდო სახლიდანო. — შესჩივლა დაღვრებილმა.
- რათაო, კაცო? — გაუკვირდა მხიარულს.
- რათა და ამისთვისაო. — თქვა დაღვრებილმა და ამბავი დაიწყო.
- ამ ერთი თვის წინათ გზაში მივდიოდი, საშინლად წვიმდა და ციოდა, უცებ მიკნავებული ხმა გავიგონე ჩემს წინ. დავიხარე, ვხედავ, ბაყაყი, ჩვეულებრივი ბაყაყი.

- ავიყვანე, კეთილო კაცო, რომ ხედავ, სიცივით ვპვდებიო, — მითხრა. ავიყვანე, უბეში ჩავისვი და სახლში მივიყვანე. ფანჯრის რაფაზე დავსვი. საჭმლის ჭამა დავიწყე.
- ცოტა მეც მაჭამე, კეთილო კაცოო, — მთხოვა ბაყაყმა. რას ვიზამდი, მაგიდაზე დავსვი და ვაჭამე, არ მახსოვს, მგონი, ცოტა დალია კიღუც.
- ლოგინში რომ ჩავწექი, ისევ მომესმა ბაყაყის ხმა.
- მარტოს მეშინა, კეთილო კაცო, ჩამიწვინე ლოგინში... — შენ ჩემს ადგილზე როგორ მოიქცეოდი? ავიყვანე და ჩავიწვინე ლოგინში. ბაყაყი მომეკრა, მომეკრა და, ერთიც ვნახოთ, მშვენიერ ქალად არ გადაიქცა?
- ამ დროს ოთახში ჩემი ცოლი შემოვიდა. ეს რომ დაინახა, ქვა ააგდო, თავი შეუშვირა და გული წაუვიდა. გონს რომ მოვიდა, ყველაფერი დალაგებით ვუაბე, როგორც იყო. არ დამიჯერა, მანც გამომაგდო სახლიდან.
- ამას ვინ დაგიჯერებს, შე უბედურო. — უთხრა მხიარულმა.
- აკი გითხარი — შენც არ დამიჯერებ-მეთქი! — თქვა დალვრემილმა, თავი ჩაქინდრა და უფრო დალვრემილი გაუდგა გზას.

* * *

- არ ვიცი, დამიჯერა თუ არა გულიკომ, რასაც მოვუყევი, მაგრამ ერთ დღეზე ცხადი და ნათელი იყო, ის ქალიშვილი ახლა თავზე მადგა.
- უკაცრავად, ეს ტახტი თავისუფალია? — მკითხა მან და გულიკოს ტახტს ლამაზი უეხით შეეხო.
- დაბრძანდით. — ვთხოვე მე და გულიკოს ქოშები ჩემკენ გამოვწიე.
- თავისუფალია? — გამიმეორა კითხვა, ვიგრძენი, სათვალის ქვეშიდან თვალი გულიკოს ქოშებს გააყოლა.
- დიახ, თავისუფალია! — ვუთხარი მე და ფეხზე წამოვდექი. ქალი დაიხარა, ტახტს ხელი მოკიდა. გაასწორებს და დაჯდება, — გავითიქრე გულში და გამიხარდა. ქალმა ტახტი აიღო ერთი ბოლოოდან და დაითრია. სახტად დავრჩი.
- წავიდა ისე, რომ ჩემსკენ არც მოუხედია.
- უკაცრავად, ქალიშვილო!... — ვთქვი მე.
- მე მითხარით რამე? — მომიბრუნდა ქალიშვილი....
- იცით რა? ისაა... — და მე მინდოდა მეთქა, რომ ტახტი დაკავებულია, რომ მე მეგონა, იგი ჩემთან დაჯდებოდა... მაგრამ ვერ მოვახერხე, უხერხულად შევიშმუშნე.
- თქვენ თბილისელი ხართ? — ვკითხე მაინც.
- დიახ, რაშია საქმე? — თქვა მან და სათვალე მოიხსნა.
- არაფერი, ისე, ძალიან თეთრი ხართ! — გავიკრიჭე მე.
- არა უშავს, გავშავდები! — დამამშვიდა მან.
- თუ ღმერთი გწამთ, ნუ იზამთ მაგას! — ვთხოვე მე.
- ვეცდება! — ისევ დამმშვიდა მან.
- მაღლობელი ვარ! — ვთქვი მე და თავი დავხარე.
- არაფრის! — მიპასუხა მან. სათვალე გაიკეთა და გზა განაგრძო, იგი ათი მეტრის მოშორებით შეჩერდა, ტახტი მოხერხებულად დადო და კაბის გახდა დაიწყო. კაბა რომ მკლავებსა და თავს ზევით ჰქონდა წამოხდილი, ჩემკენ გამოიხედა. მე თვალი აკარიდე და ზღვას გავხედე.
- ზღვა იყო ძალიან წყნარი, იმდენად წყნარი, რომ ტალღების ხმა თითქმის არ ისმოდა. ზღვა შრიალებდა თუ ჩურჩულებდა. ნაპირი კი გუგუნებდა, ღრიალებდა, ქვიშა ჩხრიალებდა. გატრუნული ხალხი თვალმილულული ეყარა მცხუნვარე მზის ქვეშ. ზოგი ბანქთს თამაშობდა

და ზეთქმი ცურავდა, ზოგი ბურთს თამაშობდა, ზოგი ხმამალლა ლაპარაკობდა, იცინოდა, ხარხარებდა. ზოგიც სახით ჩამხობილიყო, მკლავები ამოეტრიალებინა და მზისუნახავ იღლიებს ირუჯავდა. უძეტესობა ზღვაში ჩაყრილიყო და ისეთი სახით ნებივრობდა, თითქოს ზღვა აბსოლუტური სიყვარულით ყოფილიყო სავსე. ზოგი შორს, ძალიან შორს წასულიყო, სადაც ზღვა ლურჯია, სულ ლურჯი, მათი თავები პატარა, ძალზე პატარა კუნძულებივით ხან გამოჩნდებოდა, ხან გაქრებოდა. შორიდან ისმოდა იმ კუნძულების გადაძახილები, სიცილი, ცრუ კივილი, ყიუინა, რომელიც ზღვის ნიავს პატარა ტალღებივით უჩუმრად, ჩურჩულივით მოჰქონდათ ნაპირზე და ისეთი შთაბეჭდილება იქნებოდა, თითქოს ზღვა თავის თავს ელაპარაკებოდა ათას სხვადასხვა ხმაზე და ეს მსოფლიოს ყველა კუთხიდან მოცვენილი მილეთის ხალხი, — რომელიც ახლა მის უბეში იწვა, ბორგავდა, სიამოვნებისაგან კგნესოდა, ოხრავდა, იცინოდა, ხარხარებდა და დუშდა. — ზღვისთვის არ არსებობდა. ზღვა იყო ძალიან წყნარი.

ქალიშვილმა გაიხადა. მუქი შინდისფერი საცურაო კოსტუმი ეცვა. ჩემდა გასაოცრად ტანი არც ისე თეთრი ჰქონდა, უფრო ხორბლისფერი, და ეს თეთრი, შვი, შინდისფერი და ხორბლისფერი, ფერების საოცარ ეფექტს ქმნიდა. ალბათ, სახეზე უმარულს ისვამს, — გავიფიქრე და წამოვდექი. ქალიშვილი ტახტზე წამოწვა.

უცხო მასთან მხარბეჭიანი, მოკლედ თბაშეკრეჭილი, საკმაოდ მაღალი, ლამაზი ვაჟი მივიდა და უცერემონიოდ თავზე დაადგა.

- რა უნდოდა? — პკითხა მან ქალს, მე გავიგონე ეს და გული შემეცუმშა.
- ვის? — კითხითვე უპასუხა ქალმა.
- იმ ტიპს! — თქვა ვაჟმა და ისე გამოიხედა ჩემგვნ, არც მორიდებია, იქნებ ესმისო. მე ხელები გამიცივდა, მაგრამ ისეთი გამომეტყველება მივიღე, თითქოს არ მესმოდა, დავიხარე და ქვა ავიღე, მერე მოწყვეტით ვისროლე ზღვაში. ქვა გაცურდა.
- იმას? არაფერი.
- რაღაცას გეუბნებოდა!
- არაფერს! — თქვა ქალმა და სათვალე მოიძრო, — ტახტი ვთხოვე და მომცა.
- მეტი არაფერი?
- მეტი არაფერი!
- გიცინოდა რაღაცას.
- მე არ მიცინოდა, — თქვა ქალმა და ისევ გაიკეთა სათვალე.
- ჰა! — მერე კიდევ რაღაც თქვეს, მაგრამ უფრო ხმადაბლა. არ ვიცი, რა თქვეს ისეთი, მაგრამ ვაჟმა ხმამალლა გაიცინა, მერე მუხლებზე დაემხო მის თავთან, ორთავე ხელები შიშველ მკლავებზე მოუჭირა და თავი თავზე დაადღ. მე ისევ ზღვისკენ გავიხდე.
- თემო, თემო! — მიქნევდა ხელს შორიდან გურამი, გულიკო და გურამი ნაპირისაკენ მოცურავდნენ. ხელი დავუწიე და ისევ გავწექი გულალმა ქვიშაზე.

ზღვა ძალიან მიყვარს, მაგრამ შორს არასდროს არ მივდივარ სხვასთან ერთად. შორს მივდივარ მხოლოდ მარტო... ხანდახან ისე შორს, რომ ნაპირს ვერ ვხედავ. მე მაშინ ძალიან მეშინია ზღვის, იმიტომ, რომ ზღვა არის უზარმაზარი მილიონჯერ, მილიარდჯერ, უსასრულობამდე ჩემზე დიდი და შეიძლება ისე დამკარგოს, ისე ჩამნთქას, ისე გამტკვიფოს თავის დინჯ, მძიმე ზმორებაში, რომ ვერც შეიტყოს, ვერც მიხვდეს და ვერც იგრძნოს... თან არ მეშინია იმიტომ, რომ ზღვას საოცრად რბილი სხეული აქვს და ზღვა საოცრად თბილია. თუ შეგიშვა ზღვაში, იგი არასოდეს არ დაგახრჩობს. ზღვაში არ იყას დალატი. მაგრამ ზღვას არ უყვარს, როდესაც მისი არ ეშინიათ. იგი თვითონ გაფრთხილებს, გეუბნება, ვთხოვს, ღრიალებს, ქვეყანას ანგრევს, სახლისოდენა ტალღებით გაწვება ხმელეთისკენ, ხელს გქრავს, არ მოხვიდეო და თუ შებედე, ზღვას არ უყვარს, როდესაც მისი არ ეშინიათ. ზღვას ზღვასავით დიდი გული და თავმოყვარეობა აქვს, ზღვა ცოცხალია და, როდესაც ზღვა ლაპარაკობს, ზღვას უნდა უშინო.

...ერთი, ორი, სამი, ოთხი. მზის ჩასვლას ოთხი თითის დადება აკლია. თვითონ მზე სამი თითის დადებაა, სულ შვიდი. — ვითვლი მე, შვიდი თითის დადება, ორ საათში მზე ჩავა. სად არიან, ვეღარ გამოაღწიეს?

პირველი ნაპირზე გურამი ამოვიდა. იგი ქოშინით მოვარდა ჩემთან, ცალ ფეხზე დაიწყო ხტუნვა და წვეთვები მომაშეფა.

— ცოტა იქით გაიფერთხე, თუ ძმა ხარ! — ვთხოვე მე.

— აუ, სად ვიყავით?! — თქვა მან და გალურჯებული ნიკაპი სილაში ჩარგო.

— სად? — ვკითხე მე.

— შორს!

— რა ნახეთ?

— რა უნდა გვენახა? — გაუკვირდა გურამს. ნაპირზე გულიკო ამოვიდა. ახლა მან დაიწყო ჩემს გარშემო ასკინკილა.

— პირსახოცი! — თქვა გულიკომ.

— არის, პირსახოცი. — ვესროლე მე.

გულიკომ ტანი გაიმშრალა და აქეთ-იქით გაიხედ-გამოიხედა გაკვირვებულმა. მე თვალი ავარიდე.

— ტახტი რა იქნა? — მკითხა მან.

— რომელი? — გავიკვირვე მე.

— ტახტი!

— აა, ტახტი? სად არის ტახტი? — ვკითხე გურამს.

— რომელი? — ჩემზე უფრო გაუკვირდა გურამს.

— არ არის ტახტი! — ვთქვი მე.

— აქ იდგა ჩემი ტახტი! — თქვა გულიკომ და წარბი შეიკრა.

— აქ იყო გულიკოს ტახტი! — თქვა გურამმა.

— არსებობს საგანთა გადანაცვლების სპეციალური მეცნიერება.

— ახლავე ადექი და მოიტანე ტახტი! — მითხრა გულიკომ.

გავიხედე, ქალი და ის ვაჟი ზღვაში ჩასულიყვნენ. ტახტზე ახლა მათი ტანსაცმელი იდო.

— ადე, გურამ, მოიტანე ტახტი, ეგერ დგას! — ვუთხარი მე.

— როგორც გაატანე, ისე მოიტანე! — თქვა გურამმა და თვალები დახუჭა.

ქალი ამოვიდა ზღვიდან და ტახტისკენ წამოვიდა. გულიკომ ჯერ ქალს შეხედა, მერე მე.

— შენ გაატანე? — მკითხა უცებ. მე არაფერი არ ვუპასუხე.

— რატომ გაატანე? — ისევ მკითხა გულიკომ.

— არ ვიცი! — ვუპასუხე და თვალებში შევწედე.

— ვინ არის?

— არ ვიცი!

— არ იცი?

— არა. — ქალისკენ გავიხედე. იგი ჩვენგენ იცქირებოდა. ალბათ, მიხვდა, რაზე იყო ლაპარაკი. უცებ წამოდგა, ტახტს ხელი დაავლო და ჩვენგენ გამოათრია. მე სად წავსულიყვა, არ ვიცოდი.

— უპაცრავად, დაუკითხავად ავიღე! — თქვა მან, როდესაც მოგვიახლოვდა და ტახტი თავის ადგილზე დადგა.

— არაფრის! აღარ გვჭირდება! — უპასუხა გულიკომ საკმაოდ ცივად.

— ჩვენც არ გვჭირდება! — გაუღიმა ქალმა.

— მით უმეტეს! — თქვა გულიკომ.

— რა მით უმეტეს? — გაუკვირდა ქალს.

— არაფერი, წაიღეთ, ჩვენ აღარ გვჭირდება.

— არც ჩვენ გვჭირდება.

- მაშინ წაილეთ და ჩააბარეთ, ოლონდ საბუთი დამიბრუნეთ, ჩემი სახელი გულიჭოა, გვარი ციბაძე, სტუდებილეთი მაქს დატოვებული.
- გულიკო! — მუდარით ვთქვი.
- მიბრუნდი! — თქვა გულიკომ. მე მივბრუნდი, როდესაც მოვბრუნდი, აღარც ქალი იყო, აღარც ტახტი, აღარც გულიკო. გულიკოს კაბა გადაეცვა და პლაჟიდან გადიოდა.
- მეც წავედი! — თქვა გურამმა და შარვალი აიღო.
- მოიცა, მზის ჩასვლას ვუცემოთ. — ვოხოვე მე.
- იმ გოგოს მარტო ხომ არ გავუშვებ!
- მოიცა!
- შენი ამბავი მიკვირს, ნამდვილი კრეტინი ხარ! — მითხრა გურამმა და დაჯდა. ქალისკენ გავიხდე, იმ ვაჟს ტახტი იღლიაში აძოედო და ჩასაბარებლად მიჰქონდა, ქალი კი კაბას იცვამდა. თვალი აღარ ამირიდებია. იგი მაღლა მკლავებაწვდილი, ცალ მუხლში ოდნავ მოხრილი, რომელილაც ძალიან ლამაზ, ანტიკურ ქანდაკებას ჰგავდა. კაბა რომ ჩაიცვა და თემოებზე შემოირგო, ჩემკენ გამოიხდა და გამიღიმა. მეც გავუღიმე.
- მგონი, არ ხარ კრეტინი! — მითხრა გურამმა და ამოიხრა.
- მზის ჩასვლას სამი თითის დადება აკლდა. მერე მზე ოდნავ შეეხო ზღვას და შორეული ჰორიზონტიდან ნაპირამდე ოქროს მოციმციმე ბილიკი გაწვა. მინდოდა, წამოვმხტარიყავი, გამერბინა ამ ბილიკზე, მერბინა ჩქარა, ჩქარა, მიმესწრო და ვიდრე ჩავიღოდა, ხელით შევხებოდი მზეს. ისე მომინდა, ისე, რომ ფეხზეც კი წამოვდექი. გურამი იჯდა დაფიქრებული და მზეს გასცეროდა. მზე უავე შუამდე იყო ჩასული ზღვაში, ბილიკი დაგიწროვდა, გამუქდა, შეიკრა და ახლა ბაგირივით იყო გაჭიმული ნაპირიდან მზემდე. გურამი უცებ წამოხტა და გიუივით გაიქცა ბულვარისკენ. მე გაოცებულმა გავაყოლე თვალი. იგი გარბოდა დიდი ნაბიჯებით, ქვიშაში ეფლობოდა, ეცემოდა, დგებოდა, ისევ გარბოდა და ასე გავარდა პლაჟიდან. მერე უცებ ისევ მოვარდა გიუივით, ნაპირთან მიირბინა და მზის ბილიკთან უზარმაზარი ლურჯი ჰორტენზია დაღო. მერე მობრუნდა და ჩემს გვერდით დაჯდა აქოშინებული.
- მზეს ყვავილი მივართვი! — მითხრა მან და ბეჭნიერი ლიმილით გამიღიმა. მე არაფერი ვუპასუხე, მხოლოდ თავი დავუქნიე და გავუღიმე. თან შემურდა დიდი შურით, ნამდვილი შურით, რომ ეს მე ვერ მოვიფიქრე. მზეს წვერიდა უჩანდა და სხივი ახლა ცის დასალიერიდან გამოწვდილ ოქროს ხელს ჰგავდა, რომლის მტევანზე უზარმაზარი ლურჯი ჰორტენზია ესვენა. მზე ჩაგიდა. ბინდში გაქრა ბილიკი და ყვავილიც.
- ნახე, გურამ, მზემ ყვავილი წაიღო! — ვუთხარი მე. გურამმა ისევ გაიღიმა. მზემ წაიღო ყვავილი.

* * *

- „ინტურისტის“ ფოიეში ყველა საგარმელი დაკავებული იყო. გულიკო არსად ჩანდა. ზევით ასვლა არ მინდოდა.
- კაფეში ჩამოდით! — ვუთხარი გურამს და პირსახოცი მზარზე გადავიკიდე.
 - გულიკო? — მკითხა გურამმა.
 - დავურეპავ!
 - ასულიყავი, ჯობდა.
 - დავურეპავ! — გავიმეორე მე.
 - შენ იცა! — თქვა გურამმა და წავიდა.
 - ადმინისტრატორის ჯიხურთან მივედი და ტელეფონის მილი ავიღე.
 - თემურს გაუმარჯოს! — მომესალმა ადმინისტრატორი.

- გაუმარჯოს საშას!
 - ახალ ნომერში უნდა გადაგიყვანო, უცხოელები ჩამოვიდნენ.
 - რა გამიჭირეთ საქმე, გარდამავალი დროშა ხომ არ ვარ, ყველა ნომერი უნდა მოვიარო?
 - რას იზამ, ზევიდან დარეკეს! — აიწურა მხრები საშამ.
 - საიდან ზევიდან? — ადმინისტრატორმა სადღაც ღმერთისკენ აიხედა და თვალები ააპარპალლა.
 - მერე, შენ ვერ უთხარი ქვევიდან, რომ კაცი მყავს ნომერშიო?
 - არ გადის.
 - არ გადის და არ გავალ!
 - ძალით გაგიყვანებენ.
 - ვინ?
 - ისინი!
 - ვინ ისინი?
 - თუ ძმა ხარ, თავი დამანებე, ჩემი გაჭირვება მეტოფა, გეუბნები, სხვა ნომერს მოგცემ.
 - აღლო! 302, თუ შეიძლება, — ვთხოვე კომუტატორს.
 - 302 არ პასუხობს! — თქვა კომუტატორმა. მილი დავკიდე.
 - როდის გადაგყავარ? — ვკითხე ადმინისტრატორს.
 - უკვე გადასული ხარ 303-ში — მიპასუხა მან თავაუღებლივ.
 - ახალი ლექსი ხომ არ დაგიწერია რამე? — ვკითხე ადმინისტრატორს.
 - დაგწერე წუხელ, წავიკითხო?
 - ახლა არ მცალია, ხვალ.
- გულიკო სარკის წინ იჯდა და თმას ივარცხნიდა.
- ჯერ აკაკურებენ და შემდეგ შემოდიან. — თქვა მან.
 - მე გარეთ გავედი, დავაკაკუნე და ისევ შემოვედი.
 - დაბრძანდით! — მითხრა გულიკომ, მე საწოლზე ჩამოვჯექი. გულიკო თმის ვარცხნას განაგრძობდა, ოქროსფერი თმები გაეშალა და ახლა იმ ჩამავალ მზეს ჰგავდა ზურგიდან, წელან რომ ყვავილი წაიღო.
 - არ გრცხვენია, გოგო? რას მებუტები! — ვკითხე მე.
 - როგორ არ მრცხვენია, ვერ ხედავ, თმებიც კი გამიწითლდა! — თქვა გულიკომ.
 - ჩავიდეთ ქვევით, ყავა დავლიოთ!
 - ჩადი და მოვალ!
 - მე შენს გვერდით ნომერში გადმომიყვანეს, უცხოელები ჩამოდიან.
 - ძალიან კარგი.
 - კიდევ ერთი დელეგაცია და, ალბათ, შენთან შემომასახლებენ.
 - საწყალი ბიჭი, როგორ მეცოდები. — შემიბრალა გულიკომ და თავი გაიქნია.
 - ადექი, წავიდეთ.
 - ჩადი და მოვალ, ხომ გითხარი.
 - ერთად ჩავიდეთ.
 - კაბა უნდა გამოვიცვალო!
 - ლურჯი კაბა ჩაიცვი!
 - შენი საქმე არ არის, რას ჩავიცვამ.
 - წავედი! — ვთქვი მე და კარი გავიხურე.

* * *

გურამი კაფეში დამხვდა. ადგილები დაეცავებინა ჩვენთვის, გაზეთს კითხულობდა. მივედი, ფანჯარასთან რომ სკამი იდგა, იმაზე დავჯექი.

- სადა ხარ, ძმაო, კუჭი გამიხმა! გულიკო არ მოდის?
- მოვა. შეუკვეთე?
- რად უნდა შეკვეთა, თვითონ არ იცის? — თქვა გურამმა და კითხვა განაგრძო. ოფიციანტმა სამი ყავა, სამი ბუტერბროდი და ერთი ბოთლი ბორჯომი მოიტანა.
- რა ფასიანია ეს ძეხვი? — ეჭვის თვალით გადახედა გურამმა ბუტერბროდს.
- ნუ გეშინია, ხუთ მანეთს არ ავაცილებ! — დაამშვიდა ოფიციანტმა.
- მე რისი მეშინია, შენ გეშინოდეს!
- ფული თუ არ გქონდათ, ბიძიებო, თბილისში ვერ დაეტიქეთ? რაა ამ ბათუმში, ერთი თვეა თავს რომ იქლავთ შიმშილით. პატრონი არ გყავთ? მომკლა თქვენმა საცოდაობამ. — აუჩუყდა გული ოფიციანტს.
 - ძილის წინ ბევრი ჭამა არ შეიძლება! — დაარიგა ჭკუა გურამმა.
 - დილას თუ შუადღეზე?
 - წადი, თუ ძმა ხარ, შენს საქმეს მიხედე. ნუ გეშინია, არ მოვკვდებით შიმშილით. — ეწყინა გურამს.
 - ის გოვო მეცოდება, თორებ, შენ ისე გიქნია, ნემისი ყუნწში გამბვრალხარ. — თქვა ოფიციანტმა და წავიდა.

კაფეში თამბაქოსა და თურქული ყავის საამო სუნი დგას. ფანჯარა ღიაა და ზევიდან ნიავი უბერავს. კაფე საგსეა ხალხით. შორეულ კუთხეში მაგიდას დურსუნა უზის, წინ ათიოდე უკვე გამოცლილი და დამხობილი ყავის პაწია ფინჯანი უდგას. მეთერთმეტეს კი სვამს. დროდადრო რომელიმე ფინჯანს ამოატრიალებს, დიდხანს დაკვირვებით უმზერს ფსკერზე დალექილ ყავას, მერე ისევ დგამს და მეორეს იღებს, ასე ნახულობს ყველას, უკმაყოფილოდ აქნევს თავს და სმას განაგრძობს. ძია დურსუნა 55–60 წლისა იქნება. საერთოდ მისი ასაკი ძნელი დასადგენია.

დურსუნა შარმან, შარმანწინ, იმის წინ და კიდევ იმის წინ სულ ამ ადგილზე იჯდა, სულ სვამდა ყავას, სულ მუდამ ეძებდა რაღაცას ფინჯანის ფსკერზე და ახლაც ასე ზის, იმავე ადგილზე, სვამს ყავას და ისევ ეძებს რაღაცას ფინჯანის ფსკერზე დალექილ ყავაში.

დურსუნამ, როგორც ამბობენ, მარჩიელობა იცის ყავაზე. იგი საოცარ რაღაცებს ხედავს ფინჯანში, ხედავს უბედურებას, ბედნიერებას, სიყვარულს, სიძულვილს, ფულს, ქონებას, ქალებს, სიკვდილს, გზებს — მოკლეს და ხალისიანს, გრძელსა და ფათერაკიანს, ხედავს გზებს, რომლებიც სადღაც ფინჯანის კედლებზე დახლართულნი წყდებიან, მერე ისევ ერთდებიან, მოკლდებიან, გრძელდებიან, წყდებიან, კვლავ ერთდებიან და კვლავ გრძელდებიან უსაშველოდ და დაუსაბამოდ. ასე ზის იგი, ურჩევს ყველას, ვისაც გაუხარდება, უწინასწარმეტყველებს ყველას ცხოვრების გზას. ასე ზის დურსუნა მაგიდის კუთხეში, უამრავი ფინჯანის ფსკერზე ამოუკითხავს უამრავი კაცისთვის სიცოცხლის გზა და, ნუთუ ერთხელ არ ამოსვლია თვითონ მას გზა, რომ ერთხელ მაინც ამდგარიყო და დადგომოდა იმ გზას. მისი გზა რატომდაც ამ კაფეში დამთავრებულა.

კაფეში ის მოკლე თბიშეკრეჭილი ბიჭი და კიდევ ვიღაც ვაჟი შემოვიდნენ. ჩვენს გვერდით მაგიდასთან დასხდნენ და ერთი სკამი მაგიდას მიაყუდეს — ალბათ, იმ ქალიშვილს ელოდებიან, გავიფიქრე მე. ოფიციანტი ეახლათ.

— თქვენც მარტო ყავას და ბორჯომს მიირთმევთ, ბიძიებო? — ჰკითხა მან და ჩვენკენ გამოიხედა.

— სამი ტაბაკა, ერთი კონიაკი, ერთი ბორჯომი, სამი ლიმონათი, ერთი შამპანური და ექვსი ყავა. — უთხრა შეკრეჭილმა.

— აგაშენოთ ღმერთმა! — გაუხარდა ოფიციანტს.

— ტკბილი რა გაქვთ? — ჰკითხა შეკრეჭილმა.

- წინილი! – გაიკრიჭა ოფიციანტი.
 - მაგარი ხარ! – გაუცინა შეკრეჭილმა და მხარზე ხელი დაპკრა. ოფიციანტი წავიდა.
 - გამყიდა ამ შობელძაღლმა, ათი დღე გაგრაში ვიყავით... – უთხრა მან თავის თვალებგადმოცენილ ძმაქცეს და უკმაყოფილო სიამაყით საფეროლე მაგიდაზე დაატრიალა.
 - რა ანგარიშები გაქვს? – პკითხა თვალებგადმოცენილმა.
 - ისე, რა ანგარიშები უნდა მქონდეს, ამექიდა, შარშან ჯემალას ყავდა სოჩაში.
 - აეთესე და მორჩა!
 - ახლა ვერ ავეთესები.
 - გიყვარს? – ცალყბად გაიკრიჭა თვალებგადმოცენილი.
- ყველაფერი მებმოდა და მე თვითონ არ ვიცი, რატომ, ტანზე ბუსუსები მაყრიდა.
- გიყვარს? – არ მოეშვა თვალებგადმოცენილი; ოფიციანტმა შეკვეთა მოიტანა და მაგიდაზე დააწყო.
 - მიყვარს არა, ფეხები, ისე, კარგი ტანი აქვს. – გაიღიმა შეკრეჭილმა.
 - მაგაზე კარგი კახა ზღვაზე ვერ ნახე? შენი მაყუთი მომცა, ანგელოსს დავაბამ. – თქვა თვალებგადმოცენილმა.
 - მორჩი ბაზარი, მოდის. ლია, აქეთ! – დაუძახა შეკრეჭილმა და ხელი დაუქნია. კაფეში ის ქალი შემოვიდა. იგი ისეთი ლამაზი იყო, გურამმა სახეზე ხელები აიფარა, ერთხანს ასე იყო, მერე ხელები მოიშორა თვალებიდან, შეხედა და კვნესა აღმოხდა.
 - ვაა!
 - ზახრუმა! – დავამშვიდე მე. ლიას შევხედე. მან ისევ გამიღიმა და დაჯდა. უცებ კარი გაიღო და მე და გურამმა გაოცებისაგან პირები დავაღეთ. კარში ჯეირანივით ყელმოლერებული, უზარმაზარ ქუსლებზე შემდგარი, ბაირაღივით წითელ ვიწრო კაბაში გახვეული, მკერდზე თმებამორშლილი და ჭიპამდე ღეკოლტეჩასნილი გულიკო იდგა. მთელი კაფე მისკენ მიბრუნდა. იგი ამაყი მზერითა და ტანის ნაზი რხევით წამოვიდა ჩვენკენ. მე ძალაუნებურად ავდექი და ადგილი დავუთმე, გურამმა ყავა ღვინოსავით გადაკრა და ხველება აუვარდა. გულიკო დაჯდა, წითელი ჩანთიდან სიგარეტი ამოიღო, ფეხი ფეხზე გადაიღო და გააბოლა.
 - გაგიჟდი, გოგო? – ვგითხე მე.
 - რა მოხდა? – გაუკვირდა გულიკოს.
 - რას გავჭარ?
 - რას ვგავარ, გურამ? – პკითხა გულიკომ გურამს და კვამლი სახეში მიაბოლა.
 - ტარი რომ გაგიკეთონ, ნამდვილი დროშა ხარ! – თქვა გურამმა და მე შემომხედა.
 - მართლა? – მკითხა ახლა გულიკომ.
 - ადი და ახლავე გამოიცვალე! – ვუთხრარი მე.
 - რატომ, გენაცვალე? შენ ხომ ასეთი ქალები მოგწონს? ოფიციანტ! – დაუძახა უცებ გულიკომ ოფიციანტს. იგი მოცუნცულდა.
 - გისმენთ, ბატონო!
 - ერთი კონიაკი, ერთი შამპანური, სამი ტაბაკა!
 - ერთიც ექიმი და ერთიც მილიციელი, ექიმი ამას, მილიციელი მე. მე მაგის გადამხდელი არა ვარ. – თქვა გურამმა. ოფიციანტი შეეყოფანდა.
 - რასაც გეუბნებიან, მოიტანეთ! – უთხრა გულიკომ. ოფიციანტი წავიდა.
 - რა მოგივიდა, გულიკო?! – ვკითხე მე ჩემად და თვალი მეზობელი სუფრისექნ გავაპარე. ლიას შამპანურით სავსე მაღალი ჭიქა აეწია თვალებამდე და ჭიქის მეორე მხრიდან გვიყურებდა გაღიმებული.
 - ხელს თუ გიშლით, წავალ. – თქვა გულიკომ და პაპიროსი ჩააქრო. ცოტა გულზე მომეშვა.
 - იყავი, თუ ქალი ხარ, ოღონდ ასე გამომწვევად ნუ იქცევი! – ვთხოვე მე.

- ვაშავებ რამეს, გურამ? — პკითხა ახლა გურამს.
- პირიქით, აწითლებ! — უთხრა გურამმა, ოფიციანტმა კონიაკი და ტაბაკა მოგვაროვა.
- გულიკომ კონიაკი დაასხა და სადღეგრძელო დაიწყო.
- ლამაზ ქალებს გაუმარჯოს, თეძომაღალ, ლამაზ და ვნებიან ქალებს. — მერე ჭიქა მომიჯახუნა და გადაკრა, მე უხმოდ დავლიე. სად წავსულიყავი, არ ვიცოდი.
- გულიკოს გაუმარჯოს! — თქვა გურამმა.
- მე კი არა, ლამაზ ქალებს გაუმარჯოს! — გაუსწორა გულიკომ და ისევ დაასხა.
- გულიკოს შემოვევლე, თუ იცი, რა ლირს ეს კონიაკი? — პკითხა გურამმა და ბოთლი შეატრიალა ხელში.
- მილიონი!
- ცოტა დაუკელი!
- ნახევარი მილიონი!
- საიდან მოგაქვს მერე ეს ნახევარი მილიონი?
- თემური იხდის! — მე ჭიქა გამივარდა ხელიდან. გურამს კონიაკი გადაცდა და სლოკინი აუტყდა.
- შეავსეთ ჭიქები! — ბრძანა გულიკომ. გურამმა ჭიქები შეავსო.
- მეზობელი მაგიდიდან თმაშეკრეჭილი აღგა და ჩვენებნ წამოვიდა.
- გულიკომ გაკვირვებული მზერა მიაპყრო.
- ბოდიში, ბიჭებო! — თქვა მან და თავი დაგვიკრა. მერე ჯიბიდან სტუდბილეთი ამოილო, გაშალა და ხმამაღლა წაიკითხა: — გულნარა დავითის ასული ციბაძე, ეკონომიკის ფაკულტეტის მესამე ქურსის სტუდენტი. თქვენი სტუდბილეთი, ქალიშვილო! — და სტუდბილეთი მაგიდაზე დადო.
- გმადლობთ, დაბრძანდით! — სთხოვა გულიკომ.
- გმადლობთ, მელოდებიან! — მკერდზე მიიღო ხელი გაკრეჭილმა.
- თემო, სთხოვე! — მითხრა გულიკომ.
- ერთი ჭიქა დაგვილეთ! — ვთხოვე მე და ჭიქა გავუწოდე.
- ეს ჩემი თემურია, ეს კი გურამ ჭიჭინაძე, კრიტიკოსი, ლექსებსაც წერს, „ნიკორწმინდა“ წაგიკითხავთ?
- არა.
- პოდა, ამისი დაწერილია! — უთხრა გულიკომ და გაიცინა.
- სასიამოვნოა, თქვენს სუფრას გაუმარჯოს, კარგად იყავით...
- თქვენი სახელი? — პკითხა გულიკომ.
- ავთო!
- ავთანდილი კარგი სახელია, მიირთვით, ჩემს საქმროს თეიმურაზი პქვია. ის ქალიშვილი თქვენი ცოლია? — არ მოეშვა გულიკო.
- არა! — შეიშმუშნა ავთო.
- აბა, თქვენი მეგობრის?
- არა.
- აბა, არავისი?...
- კარგად იყავით... — აჩქარდა ავთო.
- ესე, იგი, ქალი არავისია? გესმის, თემო, არავისი არ ყოფილა...
- გულიკო! — შევევედრე მე.
- კარგად იყავით, გმადლობთ! — თქვა ავთომ, გადაკრა და სასწრაფოდ წავიდა. მე მეზობელი სუფრისებრ გავიხედე, ლია იჯდა თავდახრილი, ჭარხალივით წითელი და ნერვიულად ხევდა პაპიროსის კოლოფს.
- არ გრცხვენია, გოგო, ყველაფერი გაიგონა! — ვუთხარი გულიკოს. გულიკომ ფურადლება არ მომაქცია. იგი გურამს მიუბრუნდა:

— გაუმარჯოს იდიოტებს, სიმპათიურ იდიოტებს, ჩემს თემურს, უსიმპათიურეს იდიოტს უსიმპათიურესთა შორის. კაცობრიობის არცერთ ერას არ ახსოვს ასეთი ბაჯაღლო იდიოტი, როგორც ეს...

— გულიყო, შენ მთვრალი ხარ! — უთხრა გურამმა. ლია ადგა და კაფედან გავიდა. ბიჭები უკან გაყვნენ.

— შენც იდიოტი ხარ, მაგრამ თემური უფრო დიდი იდიოტია და ამიტომ მიყვარს შენზე უფრო.

— გულიყო, მორჩი! — ვთხოვე მე და ავდექი.

გულიყომ ხელჩანთიდან ოთხი ასმანეთიანი ამოილო და მაგიდაზე დაყარა.

— დღეს ფული მივიღე, დედამ გამომიგზავნა, ორასი კიდევ მაქვს. — მერე ადგა და კაფედან გავიდა.

— გაყევი, თუ ძმა ხარ! — ვთხოვე გურამს. გურამი გაყვა, მთელი კაფე მე შემომცეკვიდა. მაგიდები გავიარე და ძია დურსუნთან მივედი.

— გამარჯობა, ძია დურსუნ! — ვუთხარი მე.

— დაჯექი! — თქვა მან და ყავა მოსვა.

— მოგკლავს ამდენი ყავა, ძია დურსუნ!

— რაც გიყვარს, იმისგან სიკვდილი საამოა!

— ვინ თქვა?

— ვინც თქვა, მართალი თქვა.

— კონიაგი და ყავა მოიტანე! — გავძახე ოფიციანტს.

ოფიციანტმა კონიაგი და ყავა მოიტანა. მაგიდაზე დადგა.

უხმოდ ვიჯექით. მე დურსუნს ჭიქა ავუვსე, მან გადაჭრა და ისევ მომიშვირა ჭიქა, ისევ ავუვსე, ისევ გადაკრა, მე ყავას ვსვამდი, დურსუნი კონიაგს. თითქმის ნახევარი ბოთლი დალია უხმოდ. მე ყავა დავამთავრე და ფინჯანი თეფშზე დავამხე.

— მიმარჩიელე, ძია დურსუნ.

— ვერა!

— რათა, ძია დურსუნ?

— არ ვიცი მარჩიელობა.

— შენ თუ არ იცი, აბა, ვინ იცის?

— არავინ.

— მაშ, სხვებს რომ მარჩიელობ?

— კატეუებ სხვებს.

— შენს თავს?

— ჩემს თავს რომ ვერ კატეუებ, ამიტომ ვზივარ აქ.

— მეც მომატეუე.

— ვერა.

— რათა, ძია დურსუნ, რათა!

— შენი მოტეუება არ შეიძლება, ალალი ბიჭის თვალები გაქვს! — თქვა დურსუნმა და ადგა.

— წავედი!

— მოიცა, ძია დურსუნ, მაინც მიმარჩიელე. — სელი მოგვიდე და დავსვი.

— კარგი! — თქვა მან და ჩემი ფინჯანი აიღო.

— სად ცხოვრობ? — მკითხა დურსუნმა.

— მე თბილისელი ვარ.

— თბილისი მისამართი არ არის. აქაური რომ არა ხარ, გატყობ, ბათუმში სად ცხოვრობ?

— სასტუმროში.

- ჩემგან რა გინდა, შვილო? – მკითხა მან უცებ. შევიშმუშნე.
- შენგან არაფერი არ მინდა, ძია დურსუნ!
- მაშინ დამანებე თავი! – მითხრა და ფინჯანი ისევ დაამზო თეფშზე.
- რატომ არ გინდა მიმარჩილო...
- აკი გითხარი, არ მინდა მოგატყუო-მეთქი.
- მომატყუე.

დურსუნმა თავი ჩაღუნა. დიდხანს დუმდა. მერე ყრუდ, ძალიან ყრუდ დაიწყო, მისი ჩახლეჩილი და გაბზარული ხმა ისე აუღერდა, სხეულში უსიამო ურეოლა ვიგრძენი.

- აი ის ქალი, წითელთმიანი ქალი, შენ რომ გახლავს, შენი ცოლი გახდება. ჯერ ხომ არ არის შენი ცოლი?
- არა!

- პოდა, გახდება! – დურსუნმა ფინჯანი ხელში შეატრიალა, ოდნავ გადახარა, ცოტა ხანს უცქირა ფსკერზე დალექილ ყავას და განაგრძო:

– მერე თქვენ გეყოლებათ შევიღები: ქალი და ვაჟი, ჯერ ქალი, მერე ვაჟი, შენ გექნება კარგი სამსახური, გეყოლება ლამაზი ცოლი, ლამაზი ბავშვები და არ იქნება ქვეყანაზე კაცი შენზე ბედნიერი ერთ, ორ, სამ, ათ წელიწადს – დურსუნმა ფინჯანი დადო და ხელები საფეხულებზე შემოიწყო, თვალები დახუჭა და დაღუმდა.

- მერე, ძია დურსუნ, მერე?

– მერე შენ დაკარგავ შენს ლამაზ ცოლს, შენი ლამაზი ცოლი გემს გაყვება, თეთრ, უზარმაზარ გემს. შენ დაუწყებ ძებნას ცოლს და გაიგებ, რომ შენ შენმა მეგობარმა ჩაგაფურთხა სულში. შემდეგ შენ დაუწყებ ძებნას სიკვდილს და სიკვდილი არ მოვა შენთან იმიტომ, რომ სიკვდილს არ სჭირდება შენი მძორი, სული კი ამორთმეული გექნება. მერე შენს ნაკვალევზე წაიშლება ყველაფური – გვარი, სახელი, სიყვარული, ძმა, მეგობარი, შვილი, თესლი და ნაყოფი. მერე შენ იტყვი, რომ არ ღირს სიცოცხლე და გაუყრი თავს ბაწარში, მაგრამ შენ ჩამოგხსნიან, მერე შენ გადაწყვეტ, რომ არ ღირს სიკვდილი, რადგან არ არსებობს არაფერი, რისთვისაც სიკვდილი ღირდეს...

- ძია დურსუნი ისევ დადუმდა.

- მერე, ძია დურსუნ? – ვკითხე მე და ვიგრძენი, როგორ მიკანკალებდა ხმა.
- მერე შენ ფეხებზე დაიკიდებ ყველაფერს, უპირველეს ყოვლისა, შენს თავს, მერე მთელ სამყაროს და შენ გახდები სხვა.

- ვინ?

– შენ გახდები მე, დურსუნი, იპოვი ადგილს აი, ასე ჩემსავით და ყავის ფინჯნის ფსკერზე დაუწყებ ძებნას რაღაცას, რისი პონაც საერთოდ არ შეიძლება. და იქნები ასე, ჩემსავით არაფერი.. – დურსუნი ისევ დადუმდა და მე მივხვდი, რომ ძას სათქმელი აღარაფერი ჰქონდა. ჩემს წინ იჯდა კაცი, კაცი კი არა, ის, რაღაც, რომელიც ოდესაც ღმერთმა თიხისაგან შექმნა, სული ჩაუდგა და შემდეგ ერთი ვაშლის გულისთვის გაწირა, გაიმუტა და უპატრონოდ დააგდო ამ ვეებერთელა ცის ქვეშ.

- ტყუილია! – ვთქვი მე.
- რა არის ტყუილი? – თქვა დურსუნმა და უაზრო თვალებით შემხედა.
- ტყუილია სულ ყველაფერი, რაც შენ თქვი!
- მე არაფერი არ მითქამს. – გაიქნა თავი დურსუნმა.
- როგორ არა, შენ თქვი, რომ არ არსებობს არაფერი. არც მეგობარი, არც სიყვარული, არც რამე, რისთვისაც სიკვდილი ღირდეს.
- მე არაფერი არ მითქამს, მე შენ გირჩევდი და მეტი არაფერი... – ჯიუტად თქვა დურსუნმა, – მე არაფერი არ მითქამს, მე შენთვის არაფერი არ მომიყოლია, ყველაფერი არსებობს, სიყვარულიც, მეგობრობაც, სიცოცხლეც, სიკვდილიც, ბედნიერებაც, სიხარულიც, მე სხვა არაფერი არ მითქამს...

- მე მყავს ისეთი მეგობარი, რომელიც სულში არასდროს ჩამაფურთხებს...
- შენ ჯერ პატარა ხარ! – გაიღიმა დურსუნმა.
- მე პატარა აღარ ვარ!
- ღლაპი ხარ! – თქვა დურსუნმა.
- ტყუილია.
- აკი გითხარი, მოგატყუებ-მეთქ!
- არაფერიც, რაც მითხარი, სიმართლე იყო!
- თუ სიმართლეა, რაღა გინდა ჩემგან?
- შენ რომ არაფერი გწამს ამ ქვეყანაზე, მე რა ვიწამო.
- იწამე, რაც გინდა, ქვეყანა ხატებით არის სავსე.
- მე ერთი ხატი მინდა.
- ჰოდა, ამოირჩიე!
- მირჩიე!
- ვერ!
- არაფერი გწამს, არც ხატი, არც ღმერთი?
- არა!
- გლახაპი ხარ შენ, მათხოვარი, მშიშარა!
- ღმერთი რომ იყოს, მე არ გამაჩენდა. არ არის ღმერთი!
- არის!
- რას ეძახი შენ ღმერთს? – მკითხა ძია დურსუნმა.
- სიყვარულს, სიკეთეს, სიმართლეს, მეგობარს, დედას... ამაზე ყველაფერზე უარს ამბობ, ძია დურსუნ? – გკითხე მე.

დურსუნს ნიკაპი აუკანკალდა, თვალები ცრემლით აევსო, იგი ფეხზე წამოდგა, ავდექი მეც. მერე ათრთოლებული ხელით ფინჯანი აიღო და მაგიდაზე დაანარცხა, ფინჯანი მარილივით დაიფშვნა, მერე მეორე, მესამე, მეოთხე... მე ორთავე ხელი მკერდში ჩამავლო და შემანჯლია.

– და მაინც არ არის, არ არის, არ არის ღმერთი, გეშმის შენ, არ არის! – იყვირა მან, მერე ხელი გამიშვა და ატირებული მაგიდაზე დაემხო. მე ფული თევზზე დავდე და კაფედან გამოვედო.

გარეთ წვიმდა.

ბულვარი გადავჭერი და ზღვას მივადექი. წვიმდა უსაშველოდ, მაგრამ წვიმა იყო თბილი, ძალიან თბილი. ბნელოდა. უცებ პროჟექტორის ვეება თვალმა გახია ზღვაზე ჩამოშვებული წვიმის სქელი ფარდა და ზღვა გაანათა, მერე ნაპირზე გაწვა და ასე იწვა ნაპირზე მთელი წუთი. მერე ისევ ზღვაზე გადაინაცვლა და ბოლოს სულ ჩაქრა. მერე ისევ აინთო, ისევ გახია წვიმის ფარდა, ისევ გაწვა ნაპირზე. მე სიბნელეში გადმოვინაცვლე და ქვიშაზე დავჯექი. ზღვა შრიალებდა, შრიალებდა, შრიალებდა განუწყვეტლივ, გეონებოდათ, მთელი მსოფლიოს მოცლილი ხალხი მიდგომია ნაპირს და პეშვებით სილას აბნევნო ზღვაში. ზღვა კი შრიალებდა და შრიალებდა. უსაშველოდ წვიმდა.

- თემო! – მომეშა უცებ გურამის ხმა. – თემო! – ხმა არ გავეცი.
- თემო! – მიახლოვდებოდა ხმა. მე პერანგი გავიხადე და ახლა წელზევით შიშველი დავჯექი, წვიმის ათასმა, ათი ათასმა, ასი ათასმა თბილმა თითებმა გადამირბინეს სხეულზე – თემო! – მომიახლოვდა გურამის ხმა, მერე ფეხის ხმაც გავიგე, ჯერ შორს, მერე სულ ახლოს.

- თემო, შენა ხარ?
- რა გინდა?
- გაგიჟდი?
- დაჯექი!

- სად?
- დაჯექი ჩემს გვერდით.
- ადე, თუ ძმა ხარ, ნუ იბრიქები. რაა ეს ტანზე რომ გაგიხდია! – მითხრა გურამმა და ხელი მომკიდა მკლავში.
- დაჯექი, სალაპარაკო მაქვს შენთან.
- შენ, თუ ძმა ხარ, „ვადალაზი“ ხომ არ გგონივარ, წამო ნომერში ვილაპარაკოთ. – ისევ მომქაჩა გურამმა.
- შენ მე სულში ჩამაფურთხებ? – ვკითხე მე.
- კრეტინი რომ იყავი კი ვიცოდი, მაგრამ გიჟი?
- გეკითხები – სულში თუ ჩამაფურთხებ?
- ადექი, თორებ წავალ!
- წადი!
- გულიკოს რა ვუთხრა?
- გაგიდა-თქო, უთხარი.
- ეგ იცის.
- მაშინ უთხარი, ვერ ვნახე-თქო!
- ადე, თუ ძმა ხან, შენი თავი არ მაქვს, დავსველდე.
- დაჯექი, მეტს აღარ დასველდები.
- რა დალიე, ასე რომ გამოშტერდი, ამის ღმერთი არ იყოს, ერთად არ ვსვამდით? – თქვა გურამმა, გადააფურთხა და გეერდით მომიჯდა.
- თქვი, რა გინდა!
- რას შვება გულიკო?
- ტირის!
- იტიროს, არა უშავს, დურსუნიც ტირის.
- ვინ? – მკითხა გურამმა.
- დურსუნი.
- დურსუნი ლოთია. – გაიცინა გურამმა.
- ლოთი შენ ხარ! – ვუთხარი მე.
- რა გინდა, ძმაო! შენ თუ თაგს იკლავ, მე რას მერჩი, გამიშვი ნომერში! – შემომტირა გურამმა.
- ბიჭო, შენ თუ გინახავს კაცი, რომელსაც არაფერი არ სწამს ამ ქვეყანაზე?
- შენ! – თქვა გურამმა. – ღმერთი შენ არ გწამს და ამხანაგი. დაგისვივარ წვიმაში და მკლავ უდანაშაულო ადამიანს.
- შენ თუ გწამს რამე? – არ მოვეშვი მე.
- რა, მაგალითად?
- რამე!
- რამე რას ნიშნავს, რას გულისხმობ? – მკითხა გურამმა.
- ამხანაგი, სიყვარული, სიძულვილი, ბედნიერება, უბედურება. რისი გჯერა ამ ქვეყანაზე და რისი არა?
- მაგის ღროა ახლა, თემო? – თქვა გურამმა და უეხად ჩამოსულ ცას ახედა.
- თქვი, რა გიყვარს ამ ქვეყანაზე? – შევანჯლრიე მე.
- ღვინო, ღულუკი, ქალები! – გაიკრიჭა ისევ გურამი.
- გეკითხები და მიპასუხე!
- ღედა, მამა.
- კიდევ?
- კიდევ სიცოცხლე, სიხარული, ბედნიერება.
- კიდევ!

- კიდევ მზე მიყვარს, ზღვა მიყვარს.
 - კიდევ, კიდევ!
 - შენ მიყვარხარ, შე თათარო, ოლონდ ადექი და წამოდი ახლა! – შემომატრიალა გურამმა.
 - შენ მე ჩამაფურთხებ სულში როდისმე?
 - არა, ბატონი, არა.
 - არასდროს?
 - არასდროს.
 - მე რომ ჩაგაფურთხო სულში, არც მაშინ? – ვკითხე მე. გურამი დადუმდა.
 - რას გაჩუმდი?
 - არ უნდა ჩამაფურთხო. – თქვა მან ყრუდ.
 - რომ ჩაგაფურთხო?
 - არა, არა, არა, გესმის, არ უნდა ჩამაფურთხო! – წამოხტა გურამი.
 - ვთქვათ და, ჩაგაფურთხე, რას იზამ? – გურამი ისევ დადუმდა, მერე დაჯდა და მხარზე დამადო ფუთიანი მქლავი.
 - მაშინ მეც ჩაგაფურთხებ.
 - სულში?
 - სახეში, სახეში ჩაგაფურთხებ!
 - მერე?
 - მერე თუ კიდევ მკითხავ ასეთ რამეს, მე შენ დაგამტვრევ ყბებს და დაგიმტვრევ ხერხემალს. – თქვა გურამმა და მე მივწვდი, რომ იყი რასაც დამპირდა, იმის ნახევარს მაინც შემისრულებდა, თუ არ გაეჩუმდებოდი. წვიმა შეწყდა, პროჟექტორი ახლა უფრო დაუინებით ათვალიერებდა ზღვას. ზღვა კი დუღდა ვებერთელა ქვაბივით და ნაპირზე ყვითელ ქაფად იღვრებოდა.
 - ავდექი, ადგა გურამიც. „ინტურისტისკენ“ წავედით.
 - სასტუმროს ფოიეში არავინ იყო, მხოლოდ გაკრეჭილი ავთო იდგა ადმინისტრატორის ტელეფონთან და ვიღაცას ელაპარაკებოდა. ძალაუნებურად შევჩერდი და ყური მივუგდე.
 - ძალიან გთხოვ... – ამბობდა გაკრეჭილი.
 - წამოდი! – მითხრა გურამმა.
 - წადი და დაგეწევი! – ვუთხარი მე. გურამმა ალმაცერად გადმომხედა და წავიდა.
 - ერთი წუთით!... განაგრძო ავთომ, მერე საათზე დაიხედა.
 - ...
 - მაშინ მე მოგალ!
 - ...
 - შენი ხვალ აღარ გათავდა!
 - ...
 - მეც აღარ შემიძლია!
 - ...
 - მოიცა!
 - ...
 - შენ არ გინდა, მე მინდა.
 - ...
 - რატომ?
 - ...
- უცებ ავთომ ყურმილი დაეიდა და ისევ დაიწყო რება.
- მე კიბეს ავყევი. პირველი სართულის დერეფანთან გავჩერდი და უცებ მარჯვნივ გავუხვიერთხმოცდათვრამეტი, ას ორი, აქეთ წყვილი ნომრებია, მარჯვნივ ას ერთი, ას სამი, ას

ხუთი... ას ხუთი ნომერი. გული შემეცუმშა, ას ხუთ ნომერზე უნდა დავაკაკუნო! ხელი ავწიე და ვერ გავბედე დაკაკუნება, საკუთარი გულის ცემა მესმის. ნომერში კი განუწყვეტლივ რეკავს ზარი, ეს გაკრეჭილი რეკავს, რეკავს განუწყვეტლივ, დაუნიებით, ლია არ იღებს ყურმილს, არ იღებს. ისევ არ იღებს. ისევ ზარი... და ბოლოს ლიამ აიღო ყურმილი.

— გისმენთ! — ახლა უნდა ელაპარაკოს, ისევ შემეცუმშა გული, პირი გამიშრა, ათრთოლებული ხელი ავიღე და კარზე დავაკაკუნე. ოთახში საუბარი შეწყდა, ისევ დავაკაკუნე.

- ვინ არის? — მომესმა ოთახიდან.
- მე ვარ! — სხვა ვერაფერი მოვიფიქრე.
- ვინ თქვენ?
- მე, თემური! — ოთახში ისევ დარეკა ტელეფონმა.
- ლია, ძალიან გთხოვთ, გამიღოთ კარი.
- ახლავე გაბრუნდით უკან!
- ლია, ერთი წუთით, რაღაცას გეტყვით და წავალ!
- ახლავე წადით, თორუმ ადმინისტრატორს დავურეკავ!
- ერთი სიტყვა!
- რა გნებავთ?
- გამიღეთ კარი!
- მაქედან მითხარით!
- არ შემიძლია, შემომიშვით!
- გაეთრიეთ, თორუმ ახლავე დავრეკავ! — თქვა ლიამ და გავიგონე ფეხის ხმა. სისხლი მომაწვა სახეში.
- ლია!
- თქვით, რა გინდათ!
- თქვენი ავთო არის ნაგავი, მათხოვარი და მაიმუნი!
- ვინ ავთო?
- აი, ის, თქვენი ავთო, ახლა რომ გირეკავთ!
- ის ჩემი ავთო არ არის!
- ვისიც არ უნდა იყოს, მათხოვარია, მას თქვენ არ უყვარხართ!
- ვიცი!
- იგი თქვენზე ამბობს... რომ თქვენ... რომ თქვენ...
- რა მე?
- რომ თქვენ აეკიდეთ მას... — მე გავჩერდი პასუხის მოლოდინში. გული ყელში მებჯინებოდა და მახრჩოდა. პასუხი არ ისმოდა.
- თქვენი ავთო ლაწირაკია, ჭუჭყაინი ლაწირაკი, მაგას არაფერი არ სწამს ქვეყანაზე, არც თქვენ, არც ძმაკაცი, მაგან სულში ჩაგაფურთხათ თქვენ დღეს, ჩემს თვალწინ, ვიდრე კაფეში მოხვიდოდით... მე არაფერი არ მინდა თქვენგან, მე მარტო მინდა, იცოდეთ, რომ ავთო მათხოვარია და თქვენ არ უნდა გიყვარდეთ ასეთი ნაგავი...
- წადით, თემურ, თქვენ მთვრალი ხართ!
- ვიცი, და მაინც თქვენი ავთო მათხოვარია...
- წადით! — თქვა ლიამ შიგნიდან ძალიან წყნარად, ისე წყნარად, რომ მე გამიგვირდა, როგორ გავიგე. ჩემი სათქმელი ვთქვი და ახლა წასვლის მეტი აღარაფერი დამრჩენილი. თვალი რომ გავახილე და შემოვბრუნდი, ჩემს წინ გაფითრებული ავთო იდგა. იგი იღიმებოდა.
- გამარჯობათ, საშინლად დავსველდი! — ვთქვი მე უხერხულად და აღელვება რომ დამეფარა, სველი და დაჭმუჭნული პერანგის სახელობის ჩამოშვება დავიწყე, თან დავიძაბე. ყოველ წამს რაღაცას ველოდი. ავთო მშვილდივით მოზიდული იდგა და უცებ ტანმა მიგრძნო, თავი გვერდზე გავწიე, ავთოს მუშტმა ყურთან ქარივით ჩამიქროლა, მან თავი ვერ შეიკავა და

მთელი სხეულით დამეჯახა. მე წავბორძიკდი, ნოხს ფეხი წამოვდე და გულალმა გადაგვარდი. ელვის სისწრაფით წამოვხტი და, ვიდრე წელში გავიმართებოდი, თვალებს შორის საშინელი ტკივილი ვიგრძენი და დავეცი. ისევ წამოვხტი, მაგრამ ვერაფერს ვერ ვხედავდი. ავთომ მკერდში ჩამავლო ორთავე ხელი და კედელს მიმაყუდა. აზრი და სინათლე თანდათან დამიბრუნდა. ავთომ ახლა სილა გამაწნა ლოფაში. სისხლი ისე მომაწვა საფეთქლებში, ძარღვები დამისკდებოდა მეგონა, და ვიდრე ავთო ისევ მაჭმევდა სილას, მხრებში ხელი დავავლე, ჩემკენ დავქაჩე და, რაც ძალი და ღონე მქონდა, თავი დავარტყი. ავთომ დაიკვნესა, ჯერ მკერდზე ჩამომეყიდა და შემდეგ ორთავე მუხლზე დაეშვა ჩემს წინ, პერანგზე ხელი დააცივდა, ვერაფრით ვერ გავაშვებინე, გავიქაჩე უკან და ნახევარი პერანგი ხელში შერჩა.

— ადექ! — ვუთხარი მე დამხობილ ავთოს, მას ხმა არ გაუცია, ორთავე ხელი სახეზე აიფარა და ასე დამხობილი დარჩა.

— ადექ! — გავუმეორე მე და მხრებში ხელი მოვკიდე. იგი ჯერ ცალ მუხლზე წამოდგა, შემდეგ მეორეზე, იგივე რომ არ განმეორებულიყო, რაც წუთის წინ, უკან დავიხიე. ავთო წელში გამიართა, დიდხანს მიყურა უაზრო თვალებით.

— სადმე შეგხვდები! — თქვა მან ყრუდ და გახეთქილი ტუჩიდან სისხლი მოიწმინდა.

— სადაც გინდა! — ვუთხარი მე. იგი შეტრიალდა და დერეფანს გაყვა, მერე გაჩერდა და ჩემკენ მოტრიალდა.

— კაცი არ ვიყო, თუ შეგარჩინო! — თქვა მან.

— ფეხები არ მომჭამო!

— ვნახოთ! — გაიღიმა მან ცალყბად.

— ვნახოთ! — ვუთხარი მე. იგი შეტრიალდა და წავიდა.

მესამე სართულზე ავედი და ვიდრე ჩემს ნომერში შევიდოდი, გულიკოს კარზე დავაკაცუნე.

— ვინ არის? — მომესმა შიგნიდან.

— გულიკო, მე ვარ, თემური, გააღე კარი!

— ვწევარ!

— არა უშავს, გააღე კარი!

— დილით მოდი, ახლა მძინავს!

— დილით არა, ახლა გამიღე! — კარი გაიღო, გულიკო არ იწვა. სველი, პერანგშემოხული და ნაცემი რომ დამინახა, უკან დაიხია.

— რა მოგივიდა, ბიჭო? — მკითხა მან გაკვირვებულმა.

— დაჯექ! — ვუთხარი მე. გულიკო საწოლზე დაჯდა და გაკვირვებული თვალს არ მაცილებდა.

— რა მოგივიდა?

— მე ახლა იმ კრეტინს ვეჩეუბე, — ვთქვი მე და პაპიროსს მოვუკიდე, ნაფაზი დავარტყი და პაპიროსს რომ დავხედე, მხოლოდ მაშინ ვიგრძენი, რომ ტუჩები გახეთქილი მქონდა. პაპიროსი სისხლანი იყო.

— ვინ კრეტინს? — გაუკვირდა გულიკოს.

— იმ გაკრეჭილ კრეტინს!

— რისთვის?

— არ ვიცი!

— იმ გაპრანჭული გოგოსთვის?

— ჰო!

— მერე, იმდენად თავხედი ხარ, მოდიხარ და ყველაფერს მე მიყვები?

— იმ კრეტინმა იმ გაპრანჭულ ქალზე თქვა, კახბააო.

— მერე შენი რა საქმეა?

— აბა, ვისი საქმეა?

- შენ მიგაჩნია, რომ ეს შენი საქმეა?
- მე ვიცი, რომ ის ქალი პატიოსანი ქალია!
- მანც საიდან იცი? — დამცინავად გაიღიმა გულიკომ.
- არ ვიცი, ისე მიგხვდი!
- არ იცი, ისე მიხვდი?
- შენც, ალბათ, მე რომ მახლავხარ, ვიღაცას კახპა გონიხარ.
- ჯერ ერთი, მე შენ არ გახლავარ, მეორეც, ეგ მე სულ არ მაწუხებს.
- შენ არ გაწუხებს, რას ფიქრობს ხალხი შენზე?
- არა! — თქვა გულიკომ.
- მე მაწუხებს!
- შენ მიხვდი, რომ ის ქალი პატიოსანია და ამიტომ მოდი ჩემთან? — მკითხა გულიკომ და ისევ დაცინვით გაიღიმა.
- არა, მე მიგვდი მასთან და ვუთხარი, რომ ის გაყრეჭილი მათხოვარია და მაიმუნი.
- მერე?
- მერე ჩვენ შევხვდით ერთმანეთს და ვიჩხუბეთ.
- ჩემგან რა გინდა ახლა? — მკითხა გულიკომ და წამოდგა.
- მე მინდა, რომ შენ ახლა ადგე და ჩვენ წავიდეთ თბილისში.
- რატომ?
- მე აღარ მინდა აქ ყოფნა.
- გეშინა?
- ხო, მეშინია! — ვთქვი მე.
- იმ ბიჭის გეშინა?
- არა, ჩემი თავის მეშინია!
- მე არსად არ წამოვალ, გადი ახლა, უნდა დაგიძინო.
- არა, შენც უნდა ადგე და წამოხვიდე, მატარებელი თორმეტ საათზე გადის.
- მე არ წამოვალ! — თქვა გულიკომ ჯიუტად და დაჯდა.
- შენ თუ გიყვარგარ, ახლავე ადგები და წამოხვალ ჩემთან ერთად.
- არა! — თქვა გულიკომ.
- კარგი, მე დამნაშავე ვარ, მაპატიე, რაც მოხდა, ოღონდ ახლა ადექი და წამოდი თბილისში.
- მე არავისი არ მეშინია, არც იმისი, რომ ვინმე შემიყვარდება, ამიტომ არ წამოვალ! — თქვა გულიკომ.
- შენ გვინაია, მე იმიტომ მივდიგარ, რომ მეშინია, ლია არ შემიყვარდეს? — ვკითხე გულიკოს.
- ჰო! — თქვა გულიკომ და თვალებში შემომხედა, გულიკო მართალი იყო, ვეღარაფერი ვუპასუხე, ისევ პაპიროსს მოვუკიდე და გაგრუმდი. დიდხანს ვიჯექით ასე. მერე მე ავდექი, გულიკო ადგილიდან არ განძრეულდა.
- მაშინ მე მარტო წავალ! — ვთქვი მე.
- წალი! — თქვა გულიკომ, ისე რომ ჩემვენ არც გამოუხედავს.
- ჩემს ნომერში რომ შევხდი, გურამს ეძინა. ფეხაკრეფით მივედი და საწოლის ქვეშიდან ჩემოდანი ფრთხილად გამოვათრიე. ტანზე გამოვიცვალე და ასევე ფეხაკრეფით გამოვედი გარეთ. დერეფანში კედლის საათს შევხედე — თორმეტის ათი წუთი იყო. რესტორნიდან გულისამრევი მრავალუამიერი ისმოდა. ფოიეში ჩავედი, ადმინისტრატორი თავის ჯიხურში იჯდა და თვლემდა.
- საშა! — ვთქვი მე წენარად.
- ნომერი არ არის! — მოიფშვნიტა სახე ადმინისტრატორმა, მერე შემხედა და თვალები გადმოკაკლა.

- პასპორტი მომეცი!
- რას გაეხარ? — მკითხა გაკვირვებულმა.
- სადგურზე მაგვიანდება, პასპორტი მომეცი, თუ მმა ხარ! — ვთხოვე მე.
- ყველა მიდიხართ?
- მარტო მე!
- იჩხუბეთ?
- არა!
- აბა, რა გჭირს?
- კაცო, შენ ექიმი ხარ თუ ადმინისტრატორი? პასპორტი მომეცი.
- ჩემს ტერიტორიაზე ექიმიც ვარ და ინჟინერიც!
- არ მაძლევ პასპორტს? — ადმინისტრატორმა კატალოგში მოძებნა ჩემი პასპორტი და გამომიწოდა.
- ფულს შენ გადაიხდი თუ შენი ძმაკაცი?
- ჩემი ძმაკაცი!
- მაინც რა მოგივიდა? — არ მომეშვა ადმინისტრატორი.
- ხეს დავეჯახე!
- გვერდი ვერ აუქციე?
- ვერა!
- ხშირად მოგდის მასე?
- ხშირად!
- კარგ დროს გაატარებ, აბა, შენ, კაცმა ტყეში რომ შეგიშვას!
- ნახვამდის!
- კარგად იყავი, კელელ-კელელ იარე, თუ მმა ხარ, თორემ გზაში ისეთი გამწვანებაა, სადგურამდე სული არ ჩაგვება! — მთხოვა ადმინისტრატორმა.
- ვეცდები, ბატონო! — დავპირდი მე.
- აბა, შენ იცი! — გამომიწოდა ხელი საშამ. — გუშინ რომ ლექსი დავწერე, ხომ არ გინდა წაგიკითხო? — მკითხა უცებ საშამ.
- გრძელია? — ვკითხე მე და საათზე დავიხედე, მატარებლის გასვლას ოცი წუთი აკლდა.
- არა!
- თუ მმა ხარ, არ დამაგვიანო! — ვთხოვე საშას.
- ა, ბატონო...

კარგი არის ზღვა შავი მღელვარების ჟამს,
იგი თითქოს მთვრალია, თუმც ღვინოს არ სვამს.
ყოველ წუთს, ყოველ დღეს და საღამოს ჟამს
გაუმარჯოს სიყარულით მობობოქრე ზღვას.
ახლა როცა ღამეა და გარეთ წვიმა ცრის,
მე ვდარაჯობ დღე და ღამე სასტუმრო ინტურისტს,
გარეთ ქარი, გარეთ ქარი, გარეთ ქარი ქრის,
ჩვენ ოთხი ვართ — მე, ზღვა შავი, ბათუმი და ის...

- რას იტყვი? — დადარაჯებული წმით მკითხა საშამ და თვალები მოწურა.
- გალაკტიონს გავს სადღაც, რაღაცაში, შე ეშმაკო! — ვუთხარი მე და თითი დავუქნიე.
- მერე ცუდია მაგი? — გაუხარდა საშას.
- ცუდი როგორაა, პირიქით, კარგია! — მსარზე დავგარი წელი საშას.
- აბა, კარგი თუა, ნუ დამამადლი და თბილისში რომ ჩახვალ, „მნათობის“ რედაქტორს მიუტანე ჩემი სახელით, არ მოგერიდოს, ყოველ წელს აქ ისვნებს ჩემთან, „ინტურისტში“.
- მაგას როგორ დაგამადლი.

- პონორარი „ინტურისტის“ მისამართით გამომიგზავნოს. პო, უთხარი, ფსევდონიმით დაბეჭდოს.
 - რა ფსევდონიმით?
 - იცის იმან.
 - მაინც?
 - „დელფინი!“
 - სტავრიდა ან ბარაბულკა არ აჯობებდა? — ვურჩიე მე.
 - კაცო, შენ რასაც გუუბნებიან, ის გააკეთე! — მითხრა საშამ და ეჭვის თვალით შემხედა.
 - შენ იცი, ნახვამდის! — გავუწოდე ხელი საშას.
 - ნახვამდის! — მითხრა მან და ხელი მაგრად ჩამომართვა.
- ლექსი ჯიბეში ჩავიდე და სასტუმროდან გამოვედი.

abibo

- აბიბო თოდრია ჩვენს ქვედა სართულზე ცხოვრობს. იგი მამაჩემის მეგობარი იყო თურმე, ბავშვობაში კისერზეც კი მისვამდა ხოლმე და აჩუ, აჩუს ძახილით დამარბენინებდა. ეს, რა თქმა უნდა, მე არ მახსოვს, სამაგიეროდ, ძალიან კარგად მახსოვს, როდესაც სამხრეები შემოიღეს, აბიბო სადარბაზოში შემხვდა კიბებზე, სამხრეებიანი კიტელი და ხრომის ჩექმები ეცვა. თითო ორხაზიან სამხრეზე, იქით-აქეთ, ორ-ორი ვარსკვლავი ეპეთა. — პოდპოლკოვნიკია,
- გავიფიქრე მე და გაზეთში გამოქვეყნებული სამხრეების ნიმუშები გამახსენდა.
 - მე კიბეზე ჩამოვრბოდი, ხელში პურის წიგნაკი მეჭირა.
 - სად მიდიხარ? — მკითხა მან ლიმილით და სამხრეებზე დაიხედა.
 - პურზე!
 - გშია?
 - ჯერ არა!
 - საერთოდ, თუ გშია?
 - მე ვერ გავიგე, რა უნდოდა და მხრები ავიწურე.
 - დედაშენის რა ისმის?
 - არაფერი!
 - მამაშენის?
 - არაფერი!
 - ყვითელი უერი რატომ გაქვს, ავად ხომ არ ხარ?
 - არა!
 - არც ყოფილხარ?
 - კი!
 - რა გჭირდა?
 - პლევრიტი!
 - სულფიდინს სვამდი?
 - არა!
 - რატომ?
 - ვერ ვიშმოგე, ბვირია!
 - მდა, კია ძვირი!.. ხომ სწავლობ?
 - კი!
 - როგორ სწავლობ?

— კარგად!

— შენ მაინც ივარგე, შენმა მშობლებმა შეირცხვინეს თავი და... — აბიბო წავიდა.

აბიბო ყოველთვის მხვდებოდა კიბეზე ან დილით ადრე, ან გვიან საღამოს და ყოველთვის მეკითხებოდა:

— როგორ ხარ, ბიჭო, თეიმურაზ?

— კარგად, აბიბო ბიძია!

— ხომ არ გშია, თუ მოგშივდეს, არ მომერიდო. დღეს ჭამე რამე?

— არა!

— რატომ მერე, უნდა ჭამო! სიცხე ხომ არ გაქვს, რაღაც თვალები გიპარპალებს!

— არა!

— ხომ სწავლობ?

— კი!

— კომკავშირში მიგიღეს?

— კი!

— აბა, შენ იცი!

და ასე ყოველთვის.

დედა რომ დაბრუნდა, ერთი კვირის თავზე, აბიბო კიბეზე შემხვდა. იგი თავისი სახლის კარს აღებდა. მე რომ დამინახა, სახე გაუნათდა!

— ო, თეიმურაზს ვახლავარ, თეიმურაზს!

— ძია აბიბოს გაუმარჯოს!

— შემოდი, ბიჭო, ჩემთან, არ გრცხვენია, ამხელა კაცი გაიზარდე და ერთხელ არ შემოგიყვია ცხვირი ჩემს ქოხში. აბა, შემოდი! — ვიდრე უარს ვიტყოდი, მხარზე ხელი დამარტყა და ოთახში შემიყვანა.

— დაჯექი! — მითხრა მან და რაღაც მძიმე ქსოვილგადაფარებულ მრგვალ მაგიდასთან დამსვა.

მე დაჯექი და ოთახის თვალიერება დავიწყე. აბიბო მეორე ოთახში გავიდა. ოთახში, რომელშიც მე ვიჯექი, კედელთან, შორაპნის სადგურში რომ უზარმაზარი ბუფეტი დგას, იმხელა შავი ბუფეტი იდგა, ვერცხლისა და ოქროს წყალში ამოვლებული ჭურჭლით სავსე. ბუფეტის თავზე ორი ვეებერთელა ბროლის ვაზა იდგა აქეთ-იქით. შუაში კიდევ ერთი, გემის ფორმის ბროლის ვაზა. სამივე ვაზა ხილით იყო სავსე და ისე შორს იდგა ჩემგან, რომ როგორც ნატურმორტს ისე აღვიქვამდი. ხელმარჯვნივ, მთელ კედელზე იმხელა ნოხი ეკიდა, იატაკსაც ჰუფარავდა, ნოხზე უსაშველოდ დიდი ირმის რქები ეკიდა. ირმის რქებზე ათასი ჯურის იარაღი. ცოტა ქვევით, დიდი შავი ჩარჩოდან ვიღაც ულვაშებაპრეზილი, ფაფახიანი კრეტინი და სანდომიანი სახის ქალი მიმზერდნენ. მათი სურათი ვერცხლისვარავიანი ხმლების ჯვარედინში იყო მოწყვდებული. ჩემს პირდაპირ საწერი მაგიდა იდგა, საწერ მაგიდაზე თეთრი მარმარილოს უხმარი საწერი მოწყობილობა იდო. მის გვერდით — თეთრივე მარმარილოს მსუქანი კაცის ბიუსტი. საწერი მაგიდის უკან წიგნებით გამოჭედილი კარადა, ჩემს უკან, შავი როიალი და როიალის თავზე თეთრი სპილოები. იქით ოთახში რა ხდებოდა, უშმაგმა იცის, უცებ კარი გაიღო და ოთახში აბიბო შემოვიდა. მას ლურჯი და თეთრზოლინი პიჟამა ეცვა, თავზე ზამშის ჩაჩი ეხურა, ფეხები ფოსტლებში გაეყარა და ორივე ხელში ყავით სავსე, სათითურისოდენა, ორი ფინჯანი ეკავა და ძალის ჰერცოგი გამოქცეულ კატორდელს. იგი მოვიდა, ყავა მრგვალ მაგიდაზე დადგა, საწერი მაგიდის უჯრიდან კონიაკი გამოიღო, ისიც მაგიდაზე დადგა, მერე ბუფეტის თავიდან ხილი გადმოიღო, ისიც მაგიდაზე დადგა და გვერდით მომიჯდა.

— რას იტყვი? — მკითხა მნ.

— რა ვთქვა? — ვკითხე მე.

— ხომ ხარ მაგრად?

- ისე რა!
- აბა, თითო გადავკრათ! — თქვა მან და დაასხა.
- ჩვენ გადავკარით. მე ისევ ოთახის თვალიერება დავიწყე.
- მამაჩემია! — თქვა მან და თავი სურათისკენ გაიქნია.
- ძალიან გავხარო!
- მამა და, აბა, რა იქნება. დედაშენი ჩამოსულა, გავიგე! — მითხრა უცემ აბიბომ და თვალი თვალში გამიყარა.
- კი, ერთი კვირა უკვე! — ვუპასუხე მე და თვალი ავარიდე.
- რაო, საწყალმა? — არ მომაცილა თვალი აბიბომ.
- არაფერი!
- არაფერს არ ყვება?
- არაფერს! — ვთქვი მე და თავი გავიქნიუ.
- სულ არაფერს?
- ცოტას რაღაცას!
- მაინც?
- გვიჭირდაო!
- მერე?
- მერე არაფერი!
- მაინც?
- არც კი ვიცი, რაზე ვიტანჯებოდიო.
- არაო?
- არაო!
- მამაშენი ხომ არ შეხვედრია?
- სად?
- იქ!
- არა.
- ჩემზე ხომ არ უთქვამს რამე? — მკითხა აბიბომ და თვალები მოწურა.
- თქვენზე რა უნდა ეთქვა?
- ისე, არ ვუკითხივარ?
- კი!
- რაო? — თქვა აბიბომ და ჩემქენ გადმოიხარა.
- როგორ გადარჩა ეგ საწყალიო!
- აბა, აბა, — გადაიქნია თავი აბიბომ და ისევ დაასხა კონიაკი. — კიდევ რას ამბობს?
- მეტს არაფერს, რა უნდა თქვას, მთელი დღე ზის და კითხულობს.
- რას კითხულობს?
- რაც შეხვდება!
- აბა, ჩემზე სხვა არაფერი უკითხავს? — მკითხა ისევ დადარაჯებულად აბიბომ.
- მეტი არაფერი. თქვენ რა, იცით რამე, აბიბო ბიძია? — ვკითხე ახლა მე.
- მე რა უნდა ვიცოდე, ბიჭო?! — შეკრა წარბი აბიბომ.
- რა ვიცი, ისე ჩამაციდით, ჩემზე რა თქვა, რა თქვაო...
- ჩაგაცივდი რას ქვია, ბიჭო, ისე გეკითხები, მეზობელმა მეზობელი არ უნდა მოიკითხოს?
- ჰო, ამობრძანდით და ნახეთ, თუ რამე სათქმელი აქვს, თვითონ გეტყვით.
- როდესაც მექნება საშუალება, ამოვალ.
- წაგალ ახლა მე, აბიბო ბიძია!
- წადი!
- მე ავდექი და კარისკენ წამოვედი.

— ნახვამდის! — ვთქვი კართან.

— ნახვამდის! — თქვა აბიბომ. — მოიცა! — გამაჩერა უცებ. — დედაშენს ნურაფერს ეტყვი. ჩემთან რომ იყავი, იმასაც ნუ ეტყვი, ხომ იცი, მოიგონებს ძველ ამბებს და გული ეტკინება. გასაგებია? — ეს ბოლო სიტყვა კი არ მითხრა, მიბრძანა და თვალი თვალში გამიყარა. მე ჟრუნტელმა დამიარა ტანში.

— ახლა წადი! — თქვა მან და კონიაკი პირდაპირ ბოთლიდან მოსვა.

მე კარი გავისურე.

Tavera

— ადექი, შვილო, ვიღაც კაცი გკითხულობს! — გამალვიძა დედამ შეადამისას.

გაკვირვებული ავდექი და შარვალი ჩავიცვი.

— ვინ არის, შემოვიდეს!

— არ შემოდის, ერთი წუთით თემოს სთხოვეთო. — თქვა დედამ და შეშინებული თვალებით შემომზედა. მე გარეთ გავედი. სადარბაზოში ოთახთან შედარებით ბნელოდა. კარებში საშუალო ტანის, თვალებზე კეპჩამოფხატული კაცი იდგა. სელში პატარა ჩემოდანი ეჭირა.

— ვინ გნებავთ? — ვკითხე მე.

— თემო, ბოდიში, მეგონა, მარტო იყავი, გნახე და წავალ!.. თქვა უცნობმა. მისი ხმა საოცრად მეცნაურა, მაგრამ მაინც ვერ მივხვდი, ვინ იყო.

— ვერ მიცანი?

— უკაცრავად, ვერ გიცანით!
უცნობმა ცალყბად გაიღიძა.

ღმერთო, სად მინახავს ეს ღიმილი. როგორ გავს. მეცხრე კლასი... ვერა.. უკანა მერჩი... ღიდი დასვენება... კოჭი... ჯილა, თავერას ჯილა კოჭები... სიზი აღრანი... თავერას მტრედები... რამაზ კორსაველი, თავერა, თავერა, თავერა...

— თავერ!.. — ვიბლავლე მე და სკოლის დაკარგულ მეგობარს მოვეხვიე.

— თავერ, შენა ხარ, ბიჭო? შემოდი, თავერ, სადა ხარ, თავერ, შენა ხარ, ბიჭო?.. — თავერა თავს აკანტურებდა, უხერხულად იღიმებოდა, ოთახში შემოვათრიე და პირდაპირ ჩემს ლოგინზე დავსვი.

— დედა, რამე არა გაქვს? დედაა ჩემი! — თავერა წამოდგა და თავი დაუკრა.

— დაჯექი, შვილო! — უთხრა დედამ და სამზარეულოში გავიდა.

— საიდან, თავერ, მოყევი, ახლა გაგანთავისუფლეს? — ვკითხე თავერას და პიჯაკის ღილებს გახსნა დაუწეწე.

— შენ როგორ ხარ, თემო?

— ვარ, რა!

— გნახე და წავალ ახლა.

— გიჟი ხომ არა ხარ, სად უნდა წახვიდე! დედა, მოგაქვს რამე? — გავძახე დედას.

— თემო, წავალ და ხვალ გნახავ, შენთან ღიდი საქმე მაქვს.

— რა საქმე, ახლა მითხარი.

ოთახში დედა შემოვიდა, მაგიდაზე პური, ყველი და ხახვი დადო, — მერე მაგიდასთან დაჯდა.

— ჭამე, თავერ, გშია, ალბათ.

— გმადლობთ. — თქვა თავერამ და პატიჟი არ დაუწყია. იგი ჭამდა დინჯად, ენერგიულად და თავდაჭრილად, ეტყვილოდა, ძალიან შიოდა და არ იმჩნევდა. მე არაფერს არ ვეკითხებოდი,

არც ის ამბობდა. ბოლოს ჭამა რომ დაამთავრა, პაპიროსი ამოილო, მეც მომაწოდა. ერთად გავაბოლეთ.

- თქვი სათქმელი – ვუთხარი მე.
- წაგალ. – თქვა თავერამ.

დედა გაკვირვებული გვიმზერდა.

– ეს ჩემი სკოლის მეგობარია, დედა, რამაზ კორსაველი, არ გახსოვს? ზედმეტ სახელად თავერას რომ ვეძახდით...

დედამ გაიღიმა და თავი გაიქნია, არ მახსოვსო.

– თავერა კორსაველი როგორ არ გახსოვს, თავერა, მტრედები რომ ჰყავდა, მე რომ მაჩუქა, ორი საფოსტო მტრედი... პირველი კლასიდან ერთად ვწარისად.

– არ მახსოვს, შეილო. – თქვა დედამ წენარად. მერე წამოდგა და აივანზე გავიდა. – მე იქ დავწვები. შენ ჩემს ლოგინში დაწექი.

– მე წავალ, ქალბატონი! – თქვა თავერამ.

– იყვი, შეილო! – გაუღიმა დედამ. – ყველანი დავეტევით.

დედა დაწვა. მე და თავერა ერთმანეთის პირდაპირ ვიჯექით. მე თავერას თვალს არ ვაცილებდი, ის კი დანის წვერით მაგიდაზე პურის ნაფრიზენებს აგროვებდა, მერე შუაზე ყოფდა, ისევ აგროვებდა, ასე განუწყვეტლივ.

– თქვი, თავერ! – ვუთხარი მე და მოსასმენად მოვემზადე.

– მომბეჭრდა, თემო, აღარ შემიძლია, 10 წელი ძალიან ბევრია...

მე საშინელმა ეჭვმა გამიელვა თავში.

– ექვსი წელი მეყო... კიდევ ოთხ წელიწადში სიცოცხლე მორჩება. არც მაგათი „პრავა“ მინდა, არც მაგათი „რამკები“, არც მაგათი კარგი ბიჭობა, მე ქურდი არა ვარ... მორჩა, ან ახლა უნდა დამიჯერონ, ან უნდა მოვადე, მეტი აღარ იქნება, მე ჩემი ბაზარი მოვრჩი...

– თავერ, შენ რა, გამოიპარე? – ვკითხე მე და პასუხის მოლოდინში პირი გამიშრა.

– მე, გიურ, გივია, ლამაზ ვახო და ირაჩა...

– როგორ?

– ზონაში სტუდებეკრი იდგა, გასაღები შიგ იყო. იდგა უშოფროდ, ნახევარი საათი, ერთი, ორი, მერე გიურ რულზე დაჯდა, მე გვერდით, გივია, ლამაზ ვახო და ირაჩა ძარაზე დაწვენენ. გიუომ მოტორი ჩართო, ყურადღება არავინ მოგვაქცია, უკან დაიხია, მერე პირველი სიჩქარე, მეორე, ბოლომდე მისცა ვაზი და პირდაპირ ჭიშკარს დაარტყა, ჭიშკარი შუაზე გაიხსნა და წავედით... ოთხივე კოშკიდან გვესროლენ ავტომატებს... პარპრიზი მარილივით დაიფშვნა, ვიდრე აზრზე მოვიდოლენ, გზაზე გავედით, მანქანა ვზაზე დავაგდეთ. ლამაზ ვახო და ირაჩა დაბრედილები იყნენ. ლამაზ ვახოს თავის ქალა პქნდა ახდილი... – თავერა ადგა.

– სხვადასხვა მხარეს წავედით, ეს სამი დღის წინ მოხდა... – თქვა მან და დანა ისე გადაღუნა, ხელში ჩატყდა. – ახლა მე მეტებენ. მეტი აღარ შემიძლია, კიდევ ოთხ წელს იქ ვერ გავძლებ, ან უნდა დამიჯერონ, ან მორჩა... – თავერა დაჯდა და ისე დადუძდა. მე ცივი ოფლი მოვიწინდე შუბლიდან, ავდექი და ოთახში გავიარე.

– ახლა მეტებენ. მე შენთან ვარ, გნახე და წავალ, შენ მაინც იცოდე, იმიტომ არ გამოვქცეულგარ, იქ რომ დავბრუნდე ისევ... მეც შესავით მნდა თბილ ლოგინში წოლა, სწავლა, მუშაობა... მეყო, ოთხ წელიწადში ცხოველება გათავდება... ან უნდა მაპატიონ, დამიჯერონ, ან თავს მოვიკლავ და იქ აღარ წავალ...

– დაჯექი! – ვუთხარი მე. თავერა დაჯდა. – რამე უნდა მოვიფიქროთ! – ვთქვი მე და თვითონვე გამეცინა ჩემს ნათქვამზე. მე რა უნდა მოვიფიქრო-მეთქი.

– რა უნდა მოვიფიქროთ! – თითქოს მიხვდაო ჩემს ფიქრს თავერა, ცალყბად გაიღიმა.

თავერა ისევ პურის ნამცეცებს აგროვებდა ნეკით. მე გადატეხილი დანის ნაწილებს ვაერთებდი. დანა ისე ერთდებოდა, გადატეხილ ადგილს ვერ შეამჩნევდი. ხელს რომ ვუშვებდი, პირი მაგიდაზე ეცემოდა წკრიალით და მე მეორე ხელში მხოლოდ ჭარი მრჩებოდა, დიდხანს

ვიჯექით ასე. ვერაფერი რომ ვერ მოვიფიქრე, თავერას შევხედე. ოგი კვლავ თავჩალუნული იჯდა.

- დედა! — ვთქვი მე ჩუმად.
- ჰო, დედა! — მიპასუხა დედამ აივნიდან.
- გაიგონე?
- გავიგონე!
- ყველაფერი გაიგონე?
- ყველაფერი. — მე თავერას შევხედე, თავერას თავი არ აუწევია.
- რა ვქანათ, დედა?

დედა დადუმდა, ალბათ, ფიქრობდა, რა უნდა გვექნა. იგი დიდხანს ფიქრობდა. პასუხი რომ დააგვიანა, თავერამ თავი აწია, იგი იმედით იცქირებოდა იქთქენ, სადაც დედა იწვა და თვალები მოლოდინით ჰქონდა სავსე. პაპიროსი აიღო, ასანთს რომ უკიდებდა, შევატყვე, ხელები უკანკალებდა.

- ა, დედა?! — ვეღარ გავუძელი მოლოდინს.
- ძალიან ძნელი საქმეა, შვილო... — თქვა ბოლოს დედამ.
- მაინც რა ეშველება?
- არ ვიცი, მე მგონი, ასეთი საქმის პატივება არ შეიძლება!
- რატომ? — ვკითხე მე და თავერას შევხედე.
- არ ვიცი, რატომ, მაგრამ არ შეიძლება.
- კაცს თუ სწავლა უნდა, თუ ქურდობას თავს ანებებს, თუ მოსწყინდა ასეთი ცხოვრება...
- ამას ყველა პატიმარი ამბობს, მაგრამ არ უჯერებენ, — თქვა დედამ წყნარად.
- რატომ?
- არ ვიცი, რატომ, ალბათ ყველას არ დაეჯერება!
- თავერა ყველა არ არის, მე ვიცი, თავერა რასაც ამბობს, მართალია.
- შენ რომ იცი, შენ არავინ გკითხავს! — მითხრა დედამ, შევატყვე, ვბრაზდებოდი.
- როგორ არ მკითხავს, შენ ყველაფერის გეშინია, არაფრის არ გჯერა, ყველაფერზე არას და არ ვიცის ამბობ. მე მივალ ყველასთან, ვთხოვ, აეუხსნი, შევეხვეწები, დავუმტკიცებ, რომ თავერასაგან კაცი გამოვა, სულაც ძია აბიბოსთან მივალ...
- მიდი, შვილო! — თქვა დედამ წყნარად და ამის შემდეგ ხმა არ ამოუღია...
- ნუ გეშინია, თავერ, რამეს გავაკეთებთ, მოვიფიქრებთ, ხვალ დილით აბიბოსთან მივალ...
- ვინ არის აბიბო? — მკითხა თავერამ.
- აბიბო პოდპოლკოვნიკია!
- დედაშენი მართალია, არაფერი გამოვა. ასჯერ მაინც დავწერე განცხადება, ყველაფერს ვწერდი შიგ, ან არ კითხულობენ, ან არ ჯერათ... — თქვა თავერამ.
- დედაჩემბა რა იცის, შენ რა გინდა, მე მივალ, ვთხოვ, გინდა, ახლავე მივალ? გავალვიძებ, ვთხოვ... ბოლოს და ბოლოს, კაცია, გაიგებს. ან ჰოს იტყვის, ან არას, გინდა, შენც მივიყვან?
- ჩემი მისვლა არ შეიძლება.
- მაშ, შენ ჩემთან იყავი, არსად წახვიდე!
- ჩემი ქუჩაში გასვლა და მოკვლა ერთია... — გაიღიმა წრარედ თავერამ.
- მე წავალ და ყველაფერს ვეტყვი, დედა, მე მივდივარ!
- მაინც ნუ ეტყვი, სად არის! — დაბაწია ხმა დედამ.

კიბეზე ჩავედი. აბიბოს კარს რომ მივადექი, ცოტა შევყოფმანდი. იქნებ ხვალ აჯობებდა მისვლა, იქნებ სულაც არაფერი არ უნდა ვუთხრა ამ კაცს? იქნებ, იქნებ, მაგრამ მე სხვას არავის ვიცნობ, სხვა რა შემიძლია? ან თავერას სხვა რა გამოსავალი აქვს? თვითონ ამბობს: ქუჩაში მომკლავენო, თუ არ დამიჯერეს, თავს მოვიკლავო... სხვა გზა არც თავერას აქვს, არც მე.

ელექტროლიტს თითი დაგაჭირე გაბმულად. ცოტა ხანში შიგნიდან ფოსტლებისა და აბიბოს ხრინწიანი ხმა გაისმა:

- ვინ არის?!
- მე ვარ, ძია აბიბო, თემური!
- რა მოხდა?
- საქმე მაქვს, ძია აბიბო, გადაუდებელი! — ვთქვი მე.

ჯაჭვით დაბმული კარი ოდნავ გაიღო, აბიბომ ცხვირი გამოყო, გაკვირვებულმა ამათგალიერ-ჩამათგალიერა, ბოლოს მკითხა:

- მარტო ხარ?
- მარტო.
- აბიბომ ჯაჭვი ახსნა და კარი გააღო.
- შემოდი!
- მე შევედი.
- ძალიან დიდ ბოდიშს ვიხდი, ძია აბიბო, მაგრამ ისეთი საქმე მაქვს...
- აბიბო საწურ მაგიდას მიუვდა, მთაგარი ნათურა ჩააქრო და მაგიდის ნათურა აანთო. მე სიბნელეში აღმოვჩნდი.
- დაჯექი! — თქვა აბიბომ და ნათურა პროექტორივით მომანათა თვალებში. მე თვალები დავხუჭე.

— ცოტა მიაბრუნეთ, თორემ ვერაფერს ვწედავ! — ვთხოვე აბიბოს.

აბიბომ ნათურა მიაბრუნა, მე ახლოს მივედი მაგიდასთან და წინ დავუჯექი.

— რაშია საქმე? — მკითხა აბიბომ.

მე ისევ შევყოფმანდი, უთხრა, თუ არ ვუთხრა? იქნებ, არ ღირს?.. არ უთხრა, არ უთხრა, არ უთხრა... — ჩატურივით მცემდა საფეხქლებში ეს ორი სიტყვა... უთხარი, უთხარი, უთხარი... დაგადუგი გაპქონდა გულს....

- დამუნჯდი? — მკითხა აბიბომ და სკამზე შეწრიალდა.
- კლიყვი, გადაკწყვიტე მე და ნერწყვი გადავყდაპე.
- ძია აბიბო, ამ სამი დღის წინ, კოლონიიდან პატიმრები გაიქცნენ სტუდენტებით...
- ვიცი! — თქვა აბიბომ და თვალები შემომანათა.

დმტრო, რა ლურჯი და გამჭვირვალე თვალები აქვს ამ კაცს, ისეთი გამჭვირვალე, მგონი, კეფა უჩანს. როგორ შეიძლება ამ თვალების პატრონს არ ენდო... — გავიფიქრე მე.

- ხუთნი გაიქცნენ: გივია, გიურ, ლამაზ ვახო, ირაჩა და თავერა... რამაზ კორსაველი.
- ვიცი, მერე? — თქვა აბიბომ მოუთმენლად.
- იმ ხუთში ორი მოკლეს, ირაჩა და ლამაზ ვახო.

- გეც ვიცი!
- დარჩენილ სამში ერთ-ერთი ჩემი სკოლის მეგობარია.

- გვრი?
- კორსაველი!
- სახელი?
- რამაზი, თავერა.

- სად არის? — ისე მოულოდნელად მკითხა აბიბომ, რომ ენა დამება.
- სად არის?.. ახლა არ ვიცი... დილით ვნახე, მერე... ახლა სად არის, არ ვიცი...
- არ იცი?

- და მე მივხდი, რომ ეს უკვე დაკითხვა იყო.
- ახლა სად არის, არ ვიცი! — როგორც იქნა, დავიწმინდე ხმა.
- მერე?
- ძია აბიბო, მე და თავერა ერთად ვსწავლობდით... თავერა ექვსი წელია ზის, მეტი აღარ შეუძლია, თავერამ თქვა, ექვსი წელია ასი განცხადება დავწერე, ან არავინ კითხულობს, ან

არ მიჯერებენო. მეტი აღარ შემიძლიაო, თავს ვაწებებ ქურდობასო, სწავლა მინდაო. მშვიდი ცხოვრება მინდაო, პატრონი არ მყავს, ვისთან მივიდე, არ ვიციო, ან უნდა დამიჯერონ, ან თავს მოვიკლავო. კიდევ ოთხ წელს ვერ გავძლებ, სიცოცხლე გათავდებაო... ახლა ჩემს მეტი პატრონი არავინ ჰყავს. მე კიდევ თქვენს მეტს...

- შენს მეტი პატრონი არ ჰყავს? — მკითხა აბიბომ.
- არა!
- და დასახმარებლად შენთან მოვიდა?
- ჰო!
- და შენ — ჩემთან, შუაღამეზე? — მკითხა აბიბომ.
- მე აბიბოს მზერას ვერ გაფუძელი და თვალები დავხარე.
- ახლა სად არის, არ იცი? — არ მომეშვა აბიბო.
- მე ვუთხარი თქვენზე, როგორი კარგი კაცი ხართ, თქვენ დაეხმარებით და რომ თქვენ დაუჯერებთ მას...
- თვითონ რატომ არ მოვიდა?
- ვერ გაბედა!
- მაპატიონო?
- დამიჯერონო, აღარ მინდა ქურდობა, ადამიანური ცხოვრება მინდაო.
- მინდაო?
- ძია აბიბო, თქვენ ჩემი თუ გჯერათ? — ვკითხე უცებ აბიბოს. აბიბო ეტყობა ასეთ კითხვას არ ელოდა და ოდნავ შეყოფმანდა.
- ჩემი თუ გჯერათ, ძია აბიბო? — გავუმეორე კითხვა.
- გააჩნია რა?
- საერთოდ!
- საერთოდ? საერთოდ შენ კარგი ბიჭი ხარ და რატომ არ უნდა მჯეროდეს შენი?
- ჰოდა, თავერა ჩემზე კარგი ბიჭია, იგი ჩემთან რომ სწავლობდა, ფრიადოსანი იყო, ცხრა ქების სიგელი აქვს სახლში, ცხრა... ერთხელ შეცდა, არ უნდა აპატიონ? არ უნდა დაუჯერონ? ჩემი თუ გჯერათ, თავერასაც უნდა დაუჯეროთ... ძია აბიბო, ისე გააპეთეთ, ვითომ მე ვარ თავერა. თქვენ ყველა დაგიჯერებთ, ყველა პატივს გცემთ...
- ხვალ! — თქვა აბიბომ და შუქი ჩააქრო.
- რა ხვალ? — ვკითხე მე.
- ხვალ გავიგებ ყველაფერს, ხვალ საღამოს.
- მე ვერ ვხედავდი აბიბოს სახეს. ოთახში საშინლად ბნელოდა.
- ხვალ მოვიდე, ძია აბიბო? — ვკითხე მე და ავდექი.
- ხვალ საღამოს! — აბიბომ ოთახის მთავარი შუქი აანთო. იგი ზურგით იდგა ჩემქენ, რომ შემოტრიალდა, სახე ისევ ისე მშვიდი და თვალები ისევ ისე ლურჯი და საოცრად გამჭვირვალე ჰქონდა.
- ხვალ! — თქვა მან და კარი გამიღო.

* * *

ბოლო ლექციაა. საქართველოს ისტორია, ცხრის ნახევარია, თხუთმეტ წუთში ლექციები დამთავრდება. თავერა ახლა ზის და მელოდება, აბიბო მოსული იქნება სამსახურიდან, ისიც მელოდება. დედა სამზარეულოშია, ფანჯარასთან ზის, საათსა და ქუჩას თვალს არ აცილებს, ის ყველაზე უფრო მელოდება...

კათედრაზე დგას პატარა ტანის პროფესორი. იგი ძალიან კარგად კითხულობს ლექციებს, ამიტომ მის ლექციაზე ტევა არ არის, აუდიტორია დუღს და გადადუღს.

... ვახტანგ გორგასალი გოლიათური აღნაგობის კაცი იყო, როგორც მემატიანე აღნიშნავს, „სიძალლე მისი იყო ათორმეტი ბჭყალი კაცისა...“

მე და გურამი ერთად ვსხედვართ. გურამი თვალს არ აცილებს ლექტორს, მაგრამ, ჩემი არ იყოს, ისიც სხვა რაღაცაზე ფიქრობს, ალბათ, თავერაზე. ამ დილით მოვუყევი ყველაფერს, სულელი ხარო, მითხვა. გულიკო ჩემს წინ მეოთხე მერხზე ზის. მისი წითელი თავი მზესავით ანთია ამდენ შავ თავებში. იგი დროდადრო იწერს ლექტორის ნალაპარაკევს...

„...მოიწვია დიდებულები ჭაბუკმა მეფემ და გაუმშილა თავისი განზრახვა, აღანთა ანუ ოვსთა და ხაზართა დალაშქვრის შესახებ, რათა თავისი გატაცებული და მირანდუწტი გამოეხსნა...“

რაც ბათუმიდან დავბრუნდით, მე და გულიკო ერთმანეთს არ შევხვედრივართ. მას დედაკაცური სიამაყე ახრჩობდა. მე მამაკაცური თავმოვარეობა. იგი ჩემს გატეხას ელოდა, მე მისას. გურამი ერთხანს დარბოდა ჩემსა და გულიკოს შორის შუამავლად. მერე თქვა, მეც მაქვს თავმოვარეობაო, და თავი დაგვანება.

თავერა ახლა ზის და მელოდება... დედა მელოდება, აბიბოც მელოდება...

აბიბომ უკვე ყველაფერი იცის...

„... დარიალის ხეობა ვიწრო იყო, ჯარი საომრად ვერსად გაიშლებოდა. ამიტომ მეომარმა მხარეებმა მოილაპარაკეს, ფალავნები გამოვყენოთ. გამოიყვანეს ხაზარებ- მა ვინმე ახმახი ფალავანი თარხან, ხაზარი, ქართველებმა კი ფარსმან ფარუხი... დაპკრა თარხან ხაზარმა მახვილი ფარსმან ფარუხს და ცხენიანად შუაზე გააპო. დაღონდნენ ქართველები და მაშინ ამხედრდა ცხემზე გახტანგ გორგასალი...“

— ხომ არ უთხარი, ჩემთან არისო? — მეასედ მეკითხება გურამი. მე უარყოფის ნიშნად თავს ვუქნევ. რა იქნება ახლა, რომ თავერა ჩვენთან ერთად იჯდეს უნივერსიტეტში? ისევ ის უნივერსიტეტი იქნება. ძია მოსე ისევ იდგება კარში და თავერასაც გაუსინჯავს სტუდებილეთს, რათა იგი უსტუდებილეთოდ არ შეძრეს ლექციაზე და სხვისი წილი ცოდნა არ მოიპაროს. კლუბის გამგედ ისევ ვახტანგ მჭედლიშვილი იქნება და შეიძლება თავერა დრამწრეშიც ჩაწეროს. დრამწრე მესამე წელია „ოტელოს“ ამზადებს და ძალიან სჭირდება სუჟუქთმიანი და ბოხხმიანი სტუდენტი მავრის როლის შესასრულებლად.

„...იხილეს რა თარხან ხაზარი თავმოკვეთილი, შეკრთა ალანთა და ხაზართა ლაშქარი; მაშინ ოვსებმა გამოიყვანეს ბაყათარ ოსი გოლიათი, რომლის სიმბიმის ქვეშ ცხენი იზნიქებოდა. — გამოდი გამორმა და შემებრძოლეო, გამოსძახა ბაყათარმა ვახტანგს, — მე მეფე ვარ, შენ კი მონა ხარ ჩემი, შენ გამოდიო. — გასძახა ჭაბუკმა მეფემ. გამოვალ, ოღონდ მდინარეში არ შემომივარდეო, ჩამოართვა ფიცი ბაყათარმა...“

თავერამ პაპიროსის წევა მერვე კლასში დაიწყო. მერვე კლასში ვიყავით, თავერამ რომან ჩარექიშვილის პიესაში ჰიტლერი რომ ითამაშა. პიესას „ბერლინის აღება“ ერქვა.

berlinis aReba

ისტორიული დრამა ერთ მოქმედებად და ორ სურათად. მოქმედი პირები:

ჰიტლერი — რამაზ კორსაველი

ჰებელი — ვაჟა ჭანიშვილი

ჰერინგი — არჩილ ერგემლიძე

პაულიუსი — პავლე რატიანი

ევა ბრაუნი — ინოლა ტყემალაძე

წითელარმიელები:

ლეიტენანტი – თეიმურაზ ბარამიძე

I ჯარისკაცი – გურამ ჭიჭინაძე

II ჯარისკაცი – ნესტორ ჯაფარიძე

III ჯარისკაცი – ნოდარ მიქაშვილი

ავტორი – რომან ჩარექიშვილი

დამდგმელი რეჟისორი – პიონერხელმძღვანელი ლილი უგულავა. რეპეტიციები
მიმდინარეობს ყოველდღე 6-დან 9-მდე, მეთხუთმეტე სკოლის კლუბში.

პრემიერა 3 თებერვალს. დასწრება უფასო, მოსაწვევებით.

პიონერხელმძღვანელმა და რეჟისორმა ლილი უგულავამ როლები დაგვირიგა და მაგიდის
თავში დაჯდა.

– რომან, დაიწყე კითხვა! – უთხრა მან ავტორს. ავტორმა სქელ ყდაში ჩასმული პიესა
გაშალა, მუშტში ჩაიხველა და გაუბედავად დაიწყო.

„მოქმედება მიმდინარეობს ბერლინში, რაიხსტაგში. გრძელ მაგიდას უსხედან ჰებელსი, ჰერინგი,
პაულიუსი, ევა ბრაუნი და პიტლერი, ოლონდ პიტლერი ფეხზე დგას. იგი ფრჩხილებს იჭამს, კეფას
იფხანს, ეგზემა აქვს, და ყვირის გიუიგით. ხანდახან ისმის ბერლინის დაბომბვის ხმები.

პიტლერი – მე მიწასთან გავასწორებ რეჟისორს, მე დავაჩოქებ სტალინს. ერთ კვირაში
სტალინგრადი ჩემი იქნება!

ევა – შენი იქნება, გენაცვალე, შენი, ოლონდ ნუ ნერვიულობ! (ევა ლოცაზე უსვამს ხელს
ადოლფს, ამშვიდებს და თვალებში შესციცინებს. პიტლერი, თავის მხრივ, კოცნის ევას
ლოცაზე და ჯდება).

ჰებელსი – ჩემო ფიურერო! (დგება) ჩენი ჯარები საეჭვოდ გაჩერდნენ სტალინგრადთან.
საჭიროა მთელი ძალების მობილიზაცია, თორემ დამარცხება გარდუვალია. მე მეშინია, რომ...

პიტლერი – (წამოხტება, პირიდან ქაფი გადომსდის. მაგიდაზე ხელს დაარტყამს)
მშიშრებო, გეშინიათ? დაიკარგეთ აქედან! თქვენი ბურდლა არ დავინახო რაიხსტაგში,
მშიშრებო, ლახრებო, ცხვრებო, ცხვრები ხართ, ცხვრები!

ჰერინგი – (წამოხტება), მე არ ვარ ცხვარი, მე არ მეშინია!

პიტლერი – მოდი, გაკოცო! (ჰერინგი მივა, პიტლერი გულში ჩაიკრავს, სანამ პიტლერი
ჰერინგს გულში იკრავს, ევა ეუბნება ჰებელსს).

ევა – არ გრცხვენია, ჰებელს? ამას კიდევ ნერვების აშლა უნდა? ხომ ხედავ,
გაგიუბულია კაცი.

ჰებელსი – ბოდიში, ბატონო, მართლის თქმა თუ არ შეიძლება, გავჩუმდები (ჰებელსი
ჩუმდება. პიტლერი ამასობაში ამთავრებს ჰერინგის კოცნას და აღტაცებით წამოიძახებს).

პიტლერი – შენ წახვალ სტალინგრადში, ჩემო მსუქანო და ერთგულო ჰერინგ.

ჰერინგი – (შეშინებული) მეე?

პიტლერი – შენ, აბა, მეე? (ჰერინგს ფერი წაუვა).

ჰერინგი – მათ პიტლერო, მე აქ ვჭირდები ჩემს ფიურერს. უწინამც დღე კი დამელევა,
ვიდრე შენ მიგატოვებ. სტალინგრადში წავა პაულიუსი. (პაულიუსს სახე მოექცევა).

პიტლერი – წახვალ?

პაულიუსი – წავალ, აბა, არ წავალ?! (ამოიგნავლებს).

პიტლერი – შენი ჭირიმე, შენი, რა მომეშვა გულზე?! (კოცნის ჯერ ევას, შემდეგ –
პაულიუსს. შემდეგ იხსნის ორდენებს და გულზე ჰებელს პაულიუსს, პაულიუსი ტირის).

პაულიუსი – ჩემო ფიურერო, ეს არის ჩემს სიცოცხლეში ყველაზე ბედნიერი წუთები. მე
წავალ სტალინგრადში, მე მოვსპობ კომუნისტებს, ცეცხლს მივცემ იქაურობას. ვეცდები,
სტალინი ჩავიგდო ტყვედ. (ევა აღტაცებისაგან ტაშს შემოჰკრავს და წამოხტება).

ევა – (პიტლერს) შეიძლება, ვაკოც პაულიუსს?

პიტლერი – მიდი! (ევა კოცნის პაულიუსს, პაულიუსი შეშინებული თვალებით უმზერს
პიტლერს, არ იეჭვიანოსო).

ჰიტლერი – მიდი, მიდი! (ამხნევებს პაულიუსს. პაულიუსი კოცნის ევას. ჰიტლერი თვალს არიდებს).

პაულიუსი – (კოცნას ამთავრებს) მე ვაჩვენებ კომუნისტებს, რა არის გერმანული იარაღი! (ისმის დაბომბვის ხმა, პაულიუსი მაგიდის ქვეშ მიძვრება. სროლა რომ მიწყდება, გამოდის). მე კართაგენივით გადავხნავ სტალინგრადს და თუ არ დავბრუნდი ცოცხალი ბრძოლის ველიდან, იცოდეთ, რომ ჩემი უკანასკნელი სიტყვები იქნება – ფიურერი! (ჯდება და ტირის).

ჰებელსი – ჩემო ფიურერო, მე ბოლიშს ვიხდი, წელან რომ უიმედობა გამოვთქვი, ახლა ისევ მომეცა იმედი და საჯაროდ ვაცხადებ შენს ერთგულებას, კომუნიზმის დღეები დათვლილია, სტალინი, დღეს თუ არა, ხვალ დაგვნებდება, რუსეთი იქნება ჩვენი კოლონია. გაუმარჯოს გერმანიას!

ჰიტლერი – მოდი, შეც გაკოცო! (ჰებელსი მიდის. ისინი კოცნიან ერთმანეთს. ევა მაღალ ჭიქებში ასხამს ღვინოს).

ევა – ბატონებო, გაუმარჯოს გერმანიას, გაუმარჯოს ფიურერს! (ყველანი სვამენ და მღერიან მრავალუამიერს გერმანულად).

ჰიტლერი – ახლა წადით, მე და ევას გვეძინება! (ევა ამთქნარებს, ყველანი გადიან. ოთახში სინათლე ქრება).

ფარდა

პირველი მოქმედების პირველი სურათის დასასრული.

მეორე მოქმედება უმთავრესად ხმის და სინათლის ეფექტებზე იყო აგებული. მოქმედება მიმდინარეობდა ისევ ბერლინში, ოღონდ თავშესაფარში. ჩანდა ჰიტლერის აფორიაქტული კანცელარია და კარშენგრუული მისი ოთახი, უწესრიგოდ მიყრილმოყრილი ნივთები და ქაღალდები. სინათლე ინთებოდა და ქრებოდა, ინთებოდა და ქრებოდა. ოთხი მძლავრი ვენტილატორი ბურს აყენებდა სცენაზე, კულისებში განუწყვეტლივ ისმოდა დოლზე ძლიერი დარტყმები, ბერლინი სულ დაფავდა. უცებ კანცელარიის კარში გრძებოდი მე ჩემი ჯარისკაცებით, ავტომატები მომარჯვებული გვქონდა.

– ხელები ზევით, ჰიტლერო, ჰერინგო, ჰებელსო, რიბენტროპო და ქალბატონო ევა! – კუიროდი მე.

კანცელარიიდან ხმა არ ისმოდა. მაშინ მე შევდიოდი რაიხსკანცელარიაში იარაღმომარჯვებული და რას ხედავდა ჩემი თვალები: იატაკზე ეგდნენ ევა, ჰიტლერი და გერმანული ნაგაზი, იქვე ეგდო საწამლავიანი ბოთლი.

– თავი მოუწამლავთ ლაჩრებს! – ვამბობდი მე და ამაყად ვიცინოდი.

– თავი მოუწამლავთ! – ამბობდნენ ჩემი ჯარისკაცები ერთხმად და ისინიც იცინოდნენ.

– მეგობრებო! – ვიწყებდი მე მონოლოგს. – მტერი განადგურებულია საკუთარ ბუნაგში. ბოროტსა სბლია კეთილმან, რიგითო ჭიჭინაძე, გადაეცი ამხანაგ უუკოვს, რომ ომი დამთავრებულია. გურამი მხედრულ სალაში მაძლევდა და გადიოდა. ამით მთავრდებოდა სპექტაკლი.

გენერალურ რეპეტიციას პედაგოგთა და მშობელთა სამხატვრო საბჭო დაესწრო.

– დახურეთ კარი და არავინ გაუშვათ გარეთ! – ბრძანა დირექტორმა. კარი დახურეს. პირველად ინოლა ტყემალაბის მამაშ აიღო სიტყვა:

– პატივცემულო დირექტორო! – დაიწყო მან. – მე მგონი, ჩვენი ოჯახი არ ზრდის ცუდად ბავშვს, იგი დადის მუსიკაზე, ინგლისურზე, თქვენიბით ელაპარაკება უფროსებს და სწავლობს ფრიადებზე, რით ასხნება ის ფაქტი, რომ იგი გარეუნილი დედაგაცის, კაცობრიობის უსასტიკესი მტრის, კაციჭამია ჰიტლერის საყვარლის, ევა ბრაუნის როლს ასრულებს?

– ეს ხელოვნებაა, ბატონო! – თქვა პიონერხელმძღვანელმა.

— ეს არის გარევნილება, სპექტაკლში სამჯერ კოცნიან მას: ორჯერ ჰიტლერი და ერთჯერ ჰებელი. მე მიმყავს იგი ამ წრიდან და სკოლიდანაც. წამოდი, შვილო! — ევა წაიყვანეს.

არჩილ ერგემლიძის მშობელმა უხერხულობა გამოთქვა იმის გამო, რომ მისი, ძველი ბოლშევიკის შვილი, ჰერინგის როლს ასრულებს და მისი ტექსტი ძირითადად სტალინისა და კომუნისტების გინებაზე არის აგებული. ხომ არ აჯობებდა, რომ ჰერინგის როლი მე, თეიმურაზ ბარამიძეს, ტროკისტის შვილს, შემესრულებინა, ხოლო საბჭოთა ოფიცრის როლი მის შვილს, არჩილ ერგემლიძეს, — ეს წინადაღება დირექტორმა ჩაიწერა.

ვაჟა ჭანიშვილის დედამ კატეგორიულად დასვა საკითხი ჰებელის კოჭლობის შესახებ და თქვა: — მე არ მინდა ხალხმა იფიქროს, რომ ჩემი შვილი კოჭლია!..

— ჰებელი მართლა კოჭლი იყო, ქალბატონო! — აუხსნა რეჟისორმა.

— მაგას არა აქვს ჩემთვის არავითარი მნიშვნელობა! ნახევარმა თბილისმა არ იცის, რომ ჰებელი კოჭლი იყო.

საბჭოს ერთ-ერთმა წევრმა ეჭვი გამოთქვა პიესის სიუჟეტის განვითარებაზე.

— სამამულო ომის მიმე დღეებიდან, — თქვა მან, — გამოტოვებულია მთელი რიგი ეპიზოდები, რაც მთავარია, ჰიტლერი გამოიყურება ძალიან ახალგაზრდად და ამიტომ აკლია დამაჯერებლობა. ესეც არ იყოს, ყურს ცოტა ეხამუშება, როდესაც ჰიტლერი და სხვები ქართულად ლაპარაკობენ. აჯობებდა, პირველი სურათი მთლიანად მოგვეხსნა! — დაასრულა მან.

— ჰიტლერი არც მე მომწონს! — თქვა დირექტორმა, — ჩარექიშვილო, — მიმართა მან უცებ გაფითრებულ ავტორს, — საიდან მოიტანეთ ტექსტი, რომელსაც ჰიტლერი ამბობს სიკვდილის წინ?

— ის ტექსტი, პატივცემულო მასწავლებელო, მე თვითონ მოვიგონ!

— რა უფლება გაქვს შენ, გამოიგონო ტექსტი, რომელიც არავის მოუსმენია, რა იცი შენ, რას აკეთებდა ჰიტლერი თავის კანცელარიაში?

ჩარექიშვილმა ვერ გაიხსნა, ვინ მოუყვა, რას აკეთებდა ჰიტლერი თავის კანცელარიაში და თავი ჩაქინდრა.

— პატივცემულო დირექტორო, როგორ შეიძლება ასე პედანტურად მივუდგეთ საკითხს, ბავშვები თავს ირთობენ, რაღაცას წერენ, რაღაცას თამაშობენ, ღმერთმა ხელი მოუმართოთ. — თქვა ნოდარ მიქაშვილის დედამ.

— თქვენ რა გენალოებათ, ქალბატონო, თქვენი შვილი წითელარმიელს თამაშობს, ჩემი კი მთელი სპექტაკლის განმავლობაში დედ-მამის სულს უტრიალებს ჩვენს მთავრობას! — წამოხტა ფეხზე პაულიუსის მამა.

— სირცხვილია, ამხანაგებო, ამაზე ლაპარაკი! როგორ შეიძლება, სერიოზულად მივიჩნიოთ ყოველივე ეს, ბოლოს და ბოლოს, მერვე კლასია. — გაიღიმა ერთ-ერთმა მასწავლებელმა.

და მაინც პრემიერა არ შედგა. პიონერხელმძღვანელს გამოეცხადა სასტიკი საყვედური ცუდი მუშაობისათვის, ხოლო რომან ჩარექიშვილს აეკრძალა სამამულო ომის თემაზე პიესების წერა...

— ადარ ირკება ეს ოქრი? უკვე ცხრას თხუთმეტი წუთი აკლია...

„...და გასტეხა ვახტანგმა ფიცი, შეუვარდა მდინარეში... ბაყათარი წყალმა წაიღო, მაშინ იბრუნეს პირი ალანებმა და ხაზარებმა...

ზარი დაირეკა. მე ყველაზე ადრე გამოვარდი აუდიტორიიდან, გურამი უკან მომდევდა. გიუივით გავირბინე უნივერსიტეტის ეზო, ქუჩა, სადარბაზო, კიბეები, პირველი, მეორე, მესამე, მეოთხე სართული... დედა გაფითრებული იდგა კარში.

— რა იყო, დედა?!

— წაიყვანეს! — თქვა მან.

რომ არ წავქცეულიყავი, იქვე კიბეზე ჩამოვჯექი და ჩემს უკან მომავალ გურამს მივაშტერდი. მერე რაღაცამ მიჩნვლიტა გულთან და სუნთქვა შემეკრა... რას იფიქრებს თავერა... ღმერთო, ეს რა მომივიდა, რას იფიქრებს თავერა... რას იფიქრებს თავერა, საფეხლები ამეწვა და სახეზე სისხლი მომაწვა.

- არ არის? — მკითხა შეშინებულმა გურამმა.
- არა! — ვუთხარი მე და ავდექი.
- შემოდი, შვილო, სახლში. — მთხოვა დედამ.
- შემოდი! — მთხოვა გურამმაც. მაგრამ მე აღარაფერი მესმოდა, კიბეს დავყევა ქვევით.
- არ ქნა, შვილო! — წინ გადამიდგა დედა... მე დედა ფრთხილად მოვიცილე და გზა განვაგრძე.
- თუ გიყვარვარ, არ ქნა, შვილო. — მეხვეწებოდა გაფიორებული დედა და გვერდით მომდევდა. მე აბიბის კარს მივადექი და ზარი დავრეკე. კარი არავინ გააღო, მაშინ მუშტი დავარტყი კარს, ერთი, ორი, სამი, შიგნიდან ჩამიჩუმი არ ისმოდა. მე კარს წიხლი დავარტყი.
- გაგიდა?! — მომქაჩა გურამმა. მე გურამს ხელი ვკარი და კარებს ბეჭით დავვეჯახე.
- გამოდი, გამოდი, შე მათხოვარო, გამოდი, დამიჭირე, ვიცი, სახლში ხარ, გამოდი... სულ ერთია, ჩამოვიდებ კარს, გამოდი, შე დამპალო, გამოდი, ეგ არის შენი კაცობა!.. მათხოვარო, გამოდი, დამიჭირე, გამოდი, გამოდი!
- ნუ იზამ, შვილო, წამოდი სახლში... — მეხვეწებოდა დედა. ხმაურზე მეზობლები გამოცვივდნენ და გაკვირვებულები სეირს უფურებდნენ.
- გამოდი, გააღე კარი, სახეში შეგაფურთხო! — მე კარს მივაფურთხე და მუშტების ბრახუნი ავტეხე, მერე ფეხები მომეკვეთა, კარებთან ჩავექექი, თავი მუხლებში ჩავიდე და არაფრისათვის გალახული ბავშვივით ტირილი დავიწყე.

batoni Salva

თეიმურაზ ბარამიძე, მზე ამოდის და მზე ჩადის შენთვის უკვე ოცდაორი წელიწადია. იგი ისევე ამოდის და ჩადის შენთვის, როგორც სხვისთვის. „ვარდთა და ნეხვთა ვინათვან, მზე სწორად მოეფინების“. თეიმურაზ ბარამიძე, შენ იყვი უდარდელი ბიჭი, კეთილი ბიჭი, გიყვარდა მზე, ზღვა და გულიკო. უდარდელი იყვი იმიტომ, რომ არავინ გყავდა სადარდებელი, კეთილი იყვი იმიტომ, რომ არ იცოდი, რა იყო ბოროტი. გიყვარდა მზე იმიტომ, რომ მზე გათბობდა და არ გწვავდა, გიყვარდა ზღვა იმიტომ, რომ ზღვა გიალერსებდა და არ გახრჩობდა, გიყვარდა გულიკო იმიტომ, რომ გენატრებოდა, უიმისობა არ შეგეძლო და მასაც უყვარდი. შენ გყავს მეგობარი გურამი, კაცი, რომელიც არასდროს გიღალატებს ცხოვრებაში... ჰოდა, რა მოხდა, ბიჭო, ასეთი შენს ცხოვრებაში, წლები რომ გემატება და სადარდებელიც გემატება. რატომ გწვავს ახლა მზე ასე მწვავედ, რატომ გეშინია ზღვის, რატომ აღარ გენატრება გულიკო, რატომ გაურბი მასთან შეხვედრას, ისეთი რა მოხდა... საიდან, ბიჭო, ამდენი ეჭვი და დარდა, საიდან. ნეტავი კაცი ასი წლის იბადებოდეს და შემდეგ წლები აკლდებოდეს და წლებთან ერთად დარდიც, მერე მხედველობაც სმენაც, აზრიც, დედის საშოში რომ უგრძნობი და უდარდელია, ისე უდარდელი კვდებოდეს. კვალი? რა კვალი, კაცს გინდა წინ გივლია, გინდა უკან, კვალი კვალია. თეიმურაზ ბარამიძე, რაზე ფიქრობ. არ გინდა უკუღმა ნაკალი კაცის კვალი დატოვო? მაშინ წინ იარე, ბიჭო. გეშინია? რისი გეშინია?

არაფრისაც არ მეშინია, ვინ გითხრა, რომ მეშინია? ვინ გითხრა, რომ მზე მწვავს, ვინ მოგატყუა, რომ ზღვა მახრჩობს, ვინ გითხრა, რომ გულიკო არ მიყვარს? ვინ? ვინ გითხრა, რომ დარდი მემატება ყოველ წელს?

შენ, შენ მითხარი.

მე გითხარი?

ჰო, შენ, თეომურაზ ბარამიძემ.

შენ მითხარი, რომ ცხოვრების გეშინია... მაგრამ არ გითქვამს, რატომ. იქნებ იმიტომ, რომ შენ და დედაშენი ბევრ რამეში ვერ უგებთ ერთმანეთს? იმიტომ ხომ არა, რომ დურსუნისთანა კაცი შეგხვდა ყავხანაში და თავისი ჩამქრალი გულის სარდაფში ჩაგახედა. ან იმიტომ, რომ აბიბომ სულში ჩაგაფურთხა. იქნებ იმიტომ, რომ თავერასი არავის სჯერა. შეიძლება იმიტომაც, რომ დაკარგე გულიკო...

— გულიკო, რამდენი ხანია არ მინახიხარ, გულიკო!

— გამარჯობა, თემო!

— რა მოხდა, გულიკო, ჩვენს შორის ისეთი, რომ ასე გავცივდით ერთმანეთის მიმართ?

— არ ვიცი, თემო!

— მაინც?

— არ ვიცი.

— იქნებ ის პატარა, გაუგებარი შემთხვევა, ზღვაზე რომ მოხდა?

— არა მგონია, თემო, ალბათ, ეგ უბრალოდ მიზეზი იყო...

— მიზეზი?

— ჰო, მაშ რად აღარ მომინდა შემდეგ შენი ნახვა?..

— აკი ყოველდღე ვხედავთ ერთმანეთს ლექციებზე.

— კი მაგრამ, ხომ აღარ ვხვდებით?

— რატომ მერე, გულიკო?

— არ ვიცი, თემო, დედას გეფიცები, არ ვიცი.

— სხვა შეგიყვარდა ვინმე?

— არა, თემო, არავინ. ვფიცავ, არავინ. აღარ მენატრები, აღარ ვფიქრობ შენზე, აღარ მომწონხარ, უცნაური გახდი.

— რაში მეტყობა უცნაურობა?

— თუნდაც იმაში, რომ აღარ გიყვარვარ და ამდენს მელაპარაკები, თავსაც იტყუებ, მეც მატყუებ.

— რატომ ფიქრობ, გულიკო, რომ აღარ მიყვარხარ, ან რა მიზეზით?

— ალბათ, იმავე მიზეზით, რა მიზეზითაც მე აღარ მიყვარხარ.

— რა არის ეს მიზეზი?

— არ ვიცი, ამ მიზეზს მიზეზი არა აქვს. გამოტყდი, რომ შენც აღარ გიყვარვარ. შენ ხომ მართალი ბიჭი ხარ, ჰოდა, თქვი, ხომ აღარ გიყვარვარ?

— ისე აღარ მიყვარხარ, როგორც წინათ...

— აი, ხომ ხედავ, მე მიზეზს არ გეკითხები.

— მაშ, როგორ მოვიქცეთ, გულიკო?

— როგორც სხვები იქცევიან, დავივიწყოთ ყველაფერი...

— ყველაფერის დავიწყება არ შეიძლება, გულიკო...

— შეიძლება.

— როგორ?

— აი, მე აღარ მახსოვხარ შენ, მე აღარ მახსოვს, რა გქვია შენ.

— მე თემური მქვია!

— უკაცრავად, ვერ გაგიხსენეთ, რა გვარი ბრძანდებით?

— თემურ ბარამიძე, თქვენთან ერთად ვსწავლობ, ეკონომიკის ფაკულტეტზე, IV კურსზე...

— არ ვიცი, არ შემხვედრიხართ, ალბათ, ლექციებზე არ დადიხართ.

— როგორ არა, თქვენს უკან ვზივარ, მეორე მერხზე, თქვენ გულიკო არ ხართ, ციბაძე? ლოტკინის გორაზე ცხოვრობთ!

- არა, თქვენ ვიღაცაში გემლებით, ბოდიშს ვიხდი, მეჩქარება, მშვიდობით...
- მშვიდობით, გულიკო.

* * *

ამხანაგო ბარამიძე, მოგვაქციეთ, თუ შეიძლება, ყურადღება, მე მგონი, ფაკულტეტის კომპავშირის კრებაზე თქვენი საკითხი ირჩევა და არა ჩემი. – გააწყარუნა ზარი კრების თავმჯდომარებ.

კრება ოთხმოცდამეათე აუდიტორიაში მიმდინარეობდა. ორმოცდაათი სტუდენტის გარდა, კრებას ფაკულტეტის პარტბიუროს მდივანი, ბატონი დავითი, სამართლის ლექტორი, ბატონი გიორგი და ჩვენი ლიტერატურული წრის ხელმძღვანელი ბატონი შალვა ესწრებოდა. დღის წესრიგში ერთადერთი საკითხი იდგა, კერძოდ, „სტუდენტ ბარამიძის გამოხდომების შესახებ, რომელმაც მთვრალ მდგომარეობაში დებოში ატეხა სახლში, ფიზიკური შეურაცხყოფა მიაყენა მეზობლის კარს და სიტყვიერი შეურაცხყოფა მიაყენა პასუხისმგებელ მუშაქს, რომელსაც მათხოვარი უწოდა, მაშინ როდესაც უკანასკნელი მსგავს მოქმედებაში არასოდეს ყოფილა შემჩნეული“.

მე კედელთან მიღმულ ცალკე მერხზე ვიჯექი ბრალდებულივით და, საკუთარ ფიქრებში წასულს, არც კი მომისმენია საბრალდებო დასკვნა, რომელსაც კომიტეტის მდივანი უშანგი ქოჩაკიძე კითხულობდა. ალბათ, ამიტომ მომცა შენიშვნა კრების თავმჯდომარებ.

– ამხანაგებო! – განაცრძო მდივანმა, – აღნიშნული შემთხვევა იმაზე ლაპარაკობს, რომ პოლიტიკურ-აღმზრდელობითი მუშაობა ჩვენს ფაკულტეტზე მოიკოჭლებს. მოიკოჭლებს კი არა, თუ შეიძლება ასე ითქვას, პირდაპირ ჩავარდნილია... და შემდეგ კომპავშირის კრებაზე ჩვენ გამოვიტანთ ამ საკითხს. გვეყო, ამხანაგებო! გვეყო ამდენი თავის მოჭრა. ვინ აცდენს ლექციებს? ბარამიძე და ჭიჭინაძე. ვის გამოყვა საშემოდგომო გამოცდები? ბარამიძეს და ჭიჭინაძეს. ვინ არ იხდის საწევროებს დროზე? ბარამიძე და ჭიჭინაძე.

– ძვირფას უშანგის შემოევლის ჭიჭინაძის თავი, მე მგონი, ჩემი საკითხი არ ირჩევა დღეს... – წამოდგა ფეხზე გურამი.

– ამხანაგო ჭიჭინაძე, თქვენი რიგიც მოვა! – დაემუქრა უშანგი. – პოლიტიკურ-აღმზრდელობითი მუშაობა ჩემზე, სანატრელო!

– ამხანაგო ჭიჭინაძე, თქვენ ნუ მასწავლით, მე როდის რა ვილაპარაკო! – თქვა უშანგიმ და თავმჯდომარეს გადახედა. თავმჯდომარემ ზარი დარეკა. გურამი დაჯდა.

– ამხანაგო ბარამიძე, უთხარი კრებას შენი ხელიგნობის მიზეზი. – მომმართა უშანგიმ.

– არაფერი არ მახსოვს, ძალიან მთვრალი ვიყავი! – ვთქვი მე.

– ესე იგი, თქვენ არ უარყოფთ, რომ მთვრალი იყავით? – მკითხა თავმჯდომარებ.

– დიან!

– ტყუილს ამბობს, მე ვიყავი იმ დროს იქ, თემო მთვრალი არ ყოფილა! – წამოდგა გურამი.

– ესე იგი, ჭიჭინაძე აღიარებს, რომ ხელიგნობას ფხიზელ მდგომარეობაში პქონდა ადგილი.

– მე არაფერს არ ვაღიარებ, მე ვამბობ, რომ თემო არ იყო მთვრალი.

– ამხანაგო ბარამიძე, რას იტყვით ჭიჭინაძის განცხადებაზე?

– აკი გითხარით, არაფერი არ მახსოვს.

– რა განზრახვა გამომრავებდათ, როდესაც ზემოხსენებულ პასუხისმგებელ პირს, თქვენს მეზობელს, უმტკრევდით კარს და აგინებდით უშვერი სიტყვებით?

– ალბათ, პქონდა მიზეზი და აგინებდა. – თქვა გურამმა.

– რა მიზეზი გქონდათ, ბარამიძე?

- არ მახსოვეს!
- იქნებ თქვენ გახსოვთ, ჭიჭინაძე, თუ თქვენც გალეშილი ბრძანდებოდით?
- შენ თუ მმა ხარ, წესიერად მელაპარაკე, თორემ თუ გადმოგიღე, იმდენს გირტყამ, იმ პასუხისმგებელმა პირმაც ვერ გიცნოს.
- ამხანაგო ჭიჭინაძე, თქვენს თავგედობას ჩვენ კრების ოქმში შევიტანო!
- შეიტანეთ, სადაც გინდა, თუ ამხანაგი ხარ ჩვენი, ამხანაგურად გველაპარაკე. რაა, რომ დაგიბოხებია ხმა ანგინიანი კაცივით, რა განზრახვა გამოძრავებდათ, როდესაც... — გასცინა ლაპარაკში გურამმა.
- ეს ოფიციალური კრებაა, ჭიჭინაძე, და ყველაფერს თავისი წესი აქვს! — შეიშმუშნა უშანგი.
- თუ ოფიციალური კრებაა, მოვიდეს ის პასუხისმგებელი პირი და დაესწროს კრებას.
- ეს თქვენ არ გეხებათ, ამხანაგო ჭიჭინაძე, კრების პრეზიდიუმმა იცის თავისი საქმე. — თქვა უშანგიმ და პრეზიდიუმს გადახედა. პრეზიდიუმმა თავი დაუქნია.
- თქვით, ბარამიძე, რაში იყო საქმე! — მომმართა ახლა მე.
- არ ვიტყვი.
- არა?
- ყოველ შემთხვევაში, შენ არ გეტყვი.
- კრებას უთხარი.
- კრებას ეს საკითხი არ უნდა აინტერესებდეს, ეს ჩვენი მეზობლური ამბებია.
- ესე იგი, თქვენ არ ემორჩილებით კრებას. იცით თქვენ რა გელით ამისთვის? თქვენ გაირიცხებით კომკავშირიდან.
- შენ შენი მიღებულები გარიცხე, მე საერთო კრებამ მიმიღო!
- გვეყო, ამხანაგებო, დოლო ბოლო მოეღოს უმსგავსოებას. ვინ ატეხა დებოში მთვრალ მდგომარეობაში? ბარამიძემ. ვინ მიაყენა შეურაცხყოფა პასუხისმგებელ პირს? ბარამიძემ, — დაიწყო თავიდან უშანგიმ.
- ვინაა ეს პასუხისმგებელი პირი, გვაჩვენეთ ერთი, გვარი და სახელი არა აქვს, რა სჭირს ასეთი უხსენებელი?! — იკითხა აგრაფინა დანელიამ და მიამიტად მოავლო თვალი დარბაზს.
- თქვენი საქმე რაც არ არის, ნუ ეჩრებით, ამხანაგო დანელია! — დარეკა ზარი თავმჯდომარებ.
- ამხანაგო თავმჯდომარე, ჩვენი საქმე თუ არ არის, რადას გვეძახდით? მაშინ ავდგებით და წავალო, — ეწყინა აგრაფინას.
- თქვენ წახვალთ მაშინ, როდესაც ჩვენ გეტყვით. თქვენ ისიც გეყოფათ, აქ საყურებით და პომადაწასმული რომ მოსულხართ, სად გვინიათ თავი?
- ამხანაგო თავმჯდომარევ, რა თქვენი საქმეა საყურებით და პომადით ივლის აგრაფინა, თუ მურაბით მოთხუპნული ტუჩებით? — იკითხა არჩილმა.
- ჩვენ კომუნიზმს ვაშენებთ თუ არა, ამხანაგო არჩილ? — პკითხა უცებ უშანგიმ.
- შენი არ ვიცი და, მე კი ვაშენებ. — თქვა არჩილმა.
- ესე იგი, მე არ ვაშენებ ხომ კომუნიზმს? — ისე გაუკვირდა უშანგს, თითქოს აგური გააგდებინეს ხელიდან.
- არ ვიცი, ბატონო, მე სხვა ბრიგადაში ვმუშაობ. — აარიდა კითხვას თავი არჩილმა.
- და, საერთოდ, რა უფლება გაქვს შენ, გამოექომაგო ქალს, რომელსაც ორი თითის დადებით მოქლე კაბა აცვია და მუხლისთავები უჩანს.
- აუდიტორიაში ჩოჩქოლი ატყდა, ყველამ აგრაფინასკენ გაიხედა. აგრაფინა ჭარხალივით გაწითლდა და თვალები ცრემლით აევსო.
- გადმოდით ისევ ჩემზე, ამხანაგო მომხსენებელო, აგრაფინას მოკლე კაბა შემდეგ კრებაზე გამოიტანეთ, ჭიჭინაძესთან ერთად! — შევახსენე თავი უშანგის.

- აი, ხომ ხედავთ, ამხანაგებო, კრებას მასხრად იგდებს, არც სცნობს თავს დამნაშავედ...
 - გამოიშვირა ჩემკენ საჩვენებელი თითო უშანგიმ.
 - კრებას შენ თვითონ იგდებ მასხრად, აქ სერიოზული საკითხი ირჩევა და შენ მოკლე კაბებზე და საყურებზე ლაპარაკობ! — წამოხტა გურამი.
 - ამხანაგო ჭიჭინაძე, ძალიან ცდებით, თუ გგონიათ, რომ მოკლე კაბა, საყურე და პომადა არ არის სერიოზული საკითხი. ეს ისევე სერიოზული საკითხია, როგორც... — უშანგიმ პაუზა გააკეთა, მაგრამ ვერ გაიხსენა...
 - როგორც? — ჰკითხა გურამმა.
 - როგორც... — კვლავ ვერ გაიხსენა უშანგიმ, — როგორც ყველაფერი და, გახსოვდეთ, რომ ჩვენ, მოკლეკაბიან, საყურებიან და პომადიან ხალხს ვერ შევუშვებთ კომუნიზმში.
 - კი, შენ თუ დაგაყენეს კართან! — თქვა არჩილმა.
 - არც ვიწროშარვლიანებს... — შეაშინა უშანგიმ არჩილი.
- აუდიტორიაში მორიდებული სიცილი გაისმა.
- ესე იგი, შენ იდგები კომუნიზმის კარში და მარტო ფართოშარვლიანებს, თმაგაბურბენულ, დაუგარცხენელ, უპომადო, უსაყურებებო, გრძელკაბიან და პირდაუბარელ ხალხს შეუშვებ? — ჰკითხა უშანგის არჩილმა. აუდიტორიამ ისევ გაიცინა, თავმჯდომარემ ზარი დარწება.
 - ამხანაგო არჩილ, მერე გამოდი სიტყვით!
 - მაგ პროვოკაციისათვის შენს საკითხს გამოვიტანთ შემდეგ კრებაზე! — გაზარდა მომავალი კრების დღის წესრიგი უშანგიმ.
 - შეიტანე, შეიტანე, არ დაგავიწყდეს! — სოხოვა არჩილმა.
- აუდიტორიაში თითქოს ქარმა დაბერაო, ხმამაღალი ჩოჩქოლი ატყდა.
- როგორ, ჩვენ ლამაზად და კონტად სიარულის უფლება არ გვაქვს? — წამოხტა გაკაპასებული ლუბა.
 - ამხანაგო ნოდია, თქვენც აგრაფინასნაირ სტუდენტთა რიცხვს მიეკუთვნებით, შემჩნეულია, რომ სისტემატურად იქნით წარბებს და ბეჭედი გიკეთიათ მარცხენა ხელის შუათითზე ლექციების მსვლელობის დროს. სხვათა შორის, ძალიან წითელი მანიკურიც გიცხიათ, სირცხვილი თქვენი. თქვენს ადგილას, მე ხმას არ ამოვილებდი! — დაარიგა ჭკუა უშანგიმ.
 - ვინ არის შენი ამხანაგი, შე კრეტინო, მე გათხოვილი ვარ და მინდა ბეჭედს გავიკეთებ, მინდა, წარბებს ამოვიქნი და მინდა, სულ გადავიპარსავ თმებს, ვინ გვითხავს, შე უზრდელო!
 - იკივლა ლუბამ.
 - ამხანაგო ნოდია, პიროვნების შეურაცხყოფისათვის თქვენ საკითხსაც გავიტან შემდეგ კრებაზე. — იძღავლა ახლა თავმჯდომარემ.
- ლუბას ტირიდი აუვარდა და მერხზე დაემხო. აუდიტორია გადაირია.
- ჩამოდი ძირს!
 - შენ ვის ასწავლი ჭკუას!
 - მოღი, თემო, ჩვენთან დაჯერები...
 - პროფესიონის ფული რომ შეჭამეთ შენ და ილომ, იმას მიხედე!
 - ვინ თქვა ეს? — გალურჯდა უშანგი.
 - მე ვთქვი! — თქვა ოთარ სანებლიძემ და ადგა.
 - რა უფლებით?
 - ვიცი!
 - საიდან?
 - თვითონ ილომ მითხრა! — უშანგის ყბა მოენგრა. დარბაზი აზრიალდა.
 - მე ამ საკითხს ასე არ დავტოვებ, შემდეგ კრებაზე... — ვიღაცამ დაუსტვინა აუდიტორიაში. უცემ ბატონი დავითი წამოდგა ფეხზე და სიტყვა ითხოვა. დარბაზი გაიტრუნა.

— ამხანაგებო! — დაიწყო მან. — ძალიან სამწუხაროა, რომ ასეთი სიტუაცია შეიქნა. ეტყობა, კომკავშირის კომიტეტს არ მოუმზადებია, კიდევ მეტი, საერთოდ, არ შეუსწავლია ბარამიძის საკითხი და ისე გამოაქვს კრებაზე. ამხანაგო უშანგი, ასე არ შეიძლება, მე არ ვიცი, რამდენად მტყუანია ან მართალია ბარამიძე, მაგრამ ფაქტია, რომ აქ არ არის იოტისოდენა ურთიერთგაგება და პატივისცემა. რას იტყვით თქვენ, ბატონო გიორგი, ასეთ პირობებში თუ შეიძლება კრების ჩატარება? — ჰკითხა მან ჩვენს ლექტორს.

ბატონი გიორგი წამოდგა. მან საყვედურით სავსე თვალები მოავლო აუდიტორიას, მერე სინაზულით დაიქნია თავი და სათვალე მოიძრო.

— მართალი გითხრათ, ჩვენ დისციპლინის მოყვარული და მკაცრი დისციპლინის მოყვარული ვართ... ალბათ, ეს იმით არის გაპირობებული, რომ ჩვენ, ჩვენი მეცნიერული მოღვაწეობის ხანგრძლივ პერიოდში, ხშირად გვიხდება სტუდენტებთან მჭიდრო კონტაქტში ყოფნა, ასე ვთქვათ, ურთიერთობრივი დამოკიდებულებება და ამ ურთიერთობრივი დამოკიდებულების მრავალწლიანი ანალიზისა და გონებრივი, თუ შეიძლება ითქვას, ინტერპრეტაციის დღევანდელ ეტაპზე, მოვლენათა განვითარების, — ჩვენ ვგულისხმობთ კადრების შეფასებას, — რიტმიკაში, საშინელი არიტმია, ანუ დეკულსაცია შეიმჩნევა, კაზუსური, ასე ვთქვათ, მორალურ-ესთეტიკური ნორმატივების დარღვევის თვალსაზრისით. სიტყვა სტუდენტი, როგორც ცნება, აპსოლუტური გაბათილების, თუ შეიძლება ითქვას, მორალური ანულირების საშინელ პროცესს განიცდის. ვინ არის ხულიგანი? — სტუდენტი. ვინ არის ჯიბგირი? — სტუდენტი. ვინ არის უზრდელი? — სტუდენტი. სადაც კი შეიმჩნევა რამე დანაშაული ჩვენი სახელმწიფოს მეურნეობის რომელიმე დარგში, ვინ არის დამნაშავე? — სტუდენტი, მე ათასობით სტუდენტი გამიზრდია, ამხანაგებო!..

— აკაკი წერეთლის „გამხრდელი“ თუ გაქვთ წაკითხული, გიორგი ბატონო? — ჰკითხა ბატონმა შალვამ. დარბაზში თავშეკავებული სიცილი გაისმა.

— მე მივხვდი თქვენს მინიშნებას, პატივცემული შალვა, მაგრამ იცოდეთ, მე წამიკითხავს დიდრო, რუსო, ვოლტერი, მაკიაველი, ნაპოლეონისა და ბისმარკის მემუარები. მე მაწუხებს ჩვენი ახალგაზრდობის ბედი და ამიტომ ვლაპარაკობ ასე მკაცრად. მე მომწონს ჩვენი დღევანდელი მომზესენებლის, მართალია, ცოტა თავშეუკავებელი, მაგრამ პრინციპულად სწორი გამოსვლა. მომავალი თაობა ჩვენი ერის იმედი უნდა იყოს. ვინ უნდა ჩაიბაროს ეს სიმწრითა და სისხლით აშენებული ქვეყანა. ამათმა? ვიწრო შარვლებსა და ცხვირწაგრძელებულ ფეხსაცმელებში გამოჭიმულმა თაობამ? წარბებგამოქნილმა, პომადით მოთხუცნულმა და მოკლეკაბიანმა ქართველმა დედებმა?

— კაცო, ალექსანდრე მაკედონელი სულ შიშველი დადიოდა, მაგრამ მთელი მსოფლიო დაიპყრო. ამ დასაწვავ წარბებს კი თამარ მეფეც იქნიდა და ფერული იცხებდა თურმე. — თქვა ბატონმა შალვამ.

აუდიტორიაში ხარხარი ატყდა.

— ეს არ არის პოლემიკის ხერხი, ბატონო შალვა, მაცალეთ ლაპარაკი. თქვენ არ იცით, მე ახალგაზრდობაში, როდესაც ამ ქვეყანას ვაშენებდით, ცალ ხელში მაუზერი მეჭირა, მეორეში კი წიგნი, — გაცეცლდა უცებ ბატონი გიორგი.

— ეგ არ ვიცოდი, ჩემო გიორგი, და ახლა რომ გაკვირდები, ორივე ხელში წიგნი გჭერდა, უკეთესი იყო! — გაუღიმა ბატონმა შალვამ.

ბატონი გიორგი გაშრა.

— თქვენ იცავთ ამ ახალგაზრდობას, რომელსაც ზრდილობა არა აქვს, პატიოსნება, არ იცის დისციპლინა, უმცროსი, უფროსი. თქვენ იცით, რომ ამათმა ტოლმა სტუდენტმა გუშინ კაცი მოკლა კიროვის სახელმისა ბალში! თქვენ იცით, რომ ერთი კვირის წინ ამათმა ტოლმა ორმა სტუდენტმა მაღაზია გაძარცა! ამის ტოლმა სტუდენტმა, — მოათითა ჩემზე ბატონმა გიორგიმ, — ქალი გააუპატიურა კუკის სასაფლაოზე და ამათმა ტოლმა სტუდენტმა გოგონამ უკანონო შვილი გააჩინა? — დაარტყა ხელი მაგიდაზე ბატონმა გიორგიმ.

— თქვენ იცით, ბატონო გიორგი, რომ ამისი ტოლი ბიჭი ამბრაზურას გადაეფარა მკერდით? თქვენ იცით, რომ ამის ტოლა გოგონა სახრჩობელაზე ავიდა? თქვენ იცით, რომ გუშინ ამის ტოლმა ვაჟმა თქვენი ტოლი კაცი ამოათრია მტკვრიდან? — არ იცით, არც გინდათ იცოდეთ და არც არის სავალდებულო, რომ თქვენ იცოდეთ!.. — წამოდგა ბატონი შალვა.

დარბაზში ტაშმა იგრიალა. ბატონმა შალვამ ხელით გვანიშნა, დაწყნარდითო და გააგრძელა:

— მე არ ვიცი, ამხანაგებო, რა ბრალი მიუძღვის ბარამიძეს. ეს ადვილი გასაგებია და, ალბათ, ამას დღეს თუ არა, ხვალ გამოარკვევს პარტბიურო, ან რექტორატი, რადგან ამხანაგ უშანგი ქოჩაკიძეს ამის უნარი არ აღმოჩნდა, და თუ დასასჯელია ბარამიძე, დასჯის. მე ახლა სხვა რამე მაწუხებს, საიდან მოვიდა ეს ნიპილიზმი ახალგაზრდობის მიმართ, ვინ მოგცა შენ უფლება, უშანგი, ასეთი ბრალდებით რომ მიმართავ აუდიტორიას და შენს ტოლებს, შენს ამხანაგებს, რა იცი შენ, რამდენი თითის დადებით მოკლე კაბა აცვია ამხანაგ დანელას, ან ვინ გაზომა კაბების სიმოკლე რამდენი თითის დადება უნდა იყოს!

— წყალს რომ სვამდა სოკოლან, ბატონო შალვა, წაიხარა და მე დავუნახე შიშველი სხეული! — წამოხტა უშანგი.

— რას უფურებდი მერე, შე ოჯახაშენებულო, შენი შიშით დანელიამ წყალი ვერ უნდა დალიოს?

— ბატონო შალვა, ძალაუნებურად!..

— ვერ მოწყვიტე თვალი? — ჰკითხა ბატონმა შალვამ, დარბაზი სიცილით გადაიქცა.

— რა შენი საქმეა, ამხანაგო უშანგი, რაფერად აქვს შეღებილი ფრჩხილები ლუბა ნოდიას. ვინ გკითხავს შენ არჩილის შარვლის სივიწროვეს, მაგის ერთი ლექსი მირჩევნია შენს თავს და შენს ფართო შარვალს.

— თქვენზე არ არის ეს ქვეყანა დამოკიდებული, ბატონო შალვა! — წამოიძახა უშანგიმ.

— არც შენზე, ჩემო უშანგი! ვინ დაგაყენა შენ კომუნიზმის კარიბჭესთან, ვინ დაგავალა კომუნიზმში შემავალი ხალხის შარვლისა და კაბის ზომის ალება! ეს კიდევ საკითხავია, შენ თუ შეგიშვეს შიგ. ვინ მოგცათ უფლება თქვენ, ბატონო გიორგი, გამოდიხართ აქ და თავზე ლაფს ასხამთ ჩვენს სასიქადულო ახალგაზრდობას! ვინ გკითხავთ თქვენ ამ ქვეყნის ჩაბარება-გადაბარებას! თქვენ ეს ქვეყანა საწყობი ხომ არ გგონიათ? ახალგაზრდობა მოვა თავის დოროზე და მისით ჩაბარებს თავის ქვეყანას. ახალგაზრდობა დაგვმარხავს ჩვენ და დაგვაწერს საფლავის ქვაზე სახელებსა და გვარებს.

— ბატონო შალვა, უგ პროვოკაცია! — იყვირა ბატონმა გიორგიმ. ბატონმა შალვამ ყურადღება არ მიაქცია და განაგრძო:

— ახალგაზრდობა ჩვენი იმედია, იაროს ახალგაზრდობამ ვიწრო და მოკლე კაბებში, ოღონდ იყითხოს წიგნი, უყვარდეს ერი, ქვეყანა, სამშობლო; ეკეთოთ საყურე გოგონებს, ეკეთოთ ბეჭდები, ოღონდ კარგი დედები იყვნენ და სწამდეთ სიკეთე და პატიოსნება. იჩხუბოს ბარამიძემ, ოღონდ იჩხუბოს საქმისთვის. და ის, თუ ვიღაცამ კაცი მოკლა და ვიღაცამ მაღაზია გაქურდა, არ არის ეროვნული ტრაგედია, ეროვნული ტრაგედია ის არის, რომ ამის მეტი ვერაფერი დაინახო... — ბატონი შალვა დადუმდა, მას ხელები და ტუჩები უთროთოდა.

— მაპატიეთ! — თქვა მან ბოლოს და თავის ადგილზე დაჯდა.

— კრება დამთავრებულია! — თქვა ბატონმა დავითმა, ბატონი გიორგისა და უშანგის გარდა, აუდიტორიიდან არავინ გასულა.

რექტორის მოსაცდელში ვზივარ, პირველი საათისთვის დამიბარა. ჯერ თორმეტია, მაგრამ მაინც ვზივარ და ველოდები. ჩემს გარდა სხვა სტუდენტებიც არიან. შედიან და გამოდიან, შედიან და გამოდიან. ზოგი გახარებული გამოდის, ზოგი ატირებული. რექტორი მკაცრი კაცია, ძალიან მკაცრი. მართალი გითხრათ, ჯერ მასთან არავთარი საქმე არ მქონია, არც სიმკაცრე გამომიცდია მისი, არც სიკეთე, მაგრამ ამბობენ, მკაცრიაო და შიშისაგან გული მიმდის. ოთხი წელი ისე მაშინებდნენ ამ კაცით, როგორც დედა მაშინებდა მეეზოვე მამედათი...

... გასაოცარია პირდაპირ, მამედას შვილი შვილი ჰყავს და არც ერთს არ ეშინია მისი. მე კი ეზოში ჩასვლას ვერ ვძედავ მამედას შიშით, მერედა მარტო მე? მთელი ეზოს ბავშვები მამედას დანახვაზე წივილ-კივილით ამორბიან კიბეებზე. მამედა განცვიფრებული იცქირება აქეთ-იქით.

— დაგვიზაფრა ბავშვი ამ უმსგავსომ, სხვა სახლმართველობაში ვერ გადაიყვანეს? — ამბობს დეიდა მართა.

— სუსულ მმაგვის ბრალია ჩჩემი დათო რომ ენა ბლუბლუბლუა... ალბათ, მაგან შშშეაშინა. — ამბობს პეტრე ბიძა და დათოს თავზე უსგამს ხელს.

საღამოს დედას ვუზივარ კალთაში. დედას უზარმაზარი მათლავა უდგას მაგიდაზე და ბრინჯის ფაფით სავსე სუფრის კოვზს ბურლივით მიტრიალებს კბილებში.

— აბა, დიდი პირი გააღე, თორებ მამედას დაგუბახებ, ტომარაში ჩაგსგამს და... — მე შეშინებული ვაღებ პირს.

— კიდევ ერთი, თორებ მამედას ვეტყვი და ხვალ გაგყიდის ბაზარში...

— აბა ერთიც, თორებ მამედა სანაგებ ყუთში ჩაგსგამს.

— არ გადაიყლაპავ? ახლავე დაგუბახებ მამედას და მილიციაში წაგიყვანს, მამედ, მამედ, მოღი, მამედ, თემო არ ჭამს!!!

— ვჭამ, ვჭამ! — ვყვირი მე და კოვზს ვადამდე ვიჩრი ზახაში. მერე მთელი ღამე მამედა მესიზმრება. მამედას მოაქეს დიდი ტომარა, მკუჭავს და მტენის მუშტით შიგ, ისე როგორც სიმინდის ქუჩეჩს, უკრავს თავს ტომარას და მივყავარ სადღაც. ტომარაში ბნელა, ძალიან ბნელა. მე ვირწევი მამედას ზურგზე, ვირწევი, როგორც ჰამაკში. მამედას დიდი ლაჯები აქვს, იგი რბილად მიალაჯებს. დიდხანს, დიდხანს მიდის მამედა, მერე უცებ ჩერდება, ტომარას ატრიალებს, ატრიალებს და ხელს უშვებს... მე ვვარდები დაბლა, ყურებში რაღაც მიწივის. მიშველეთ! მიშველეთ! გვივი მე, ტომარას თავი ესწნება და მე ტომარიდან თავს ვყოფ. ჩემს ქვემოთ არის უზარმაზარი კლდე, კლდეზე ხე, ამ ხეზე თუ შევრჩი, კლდეზე დასკდომას გადავრჩები. თუ იმ კლდესაც აკცდი, უფრო ქვევით უზარმაზარი ზღვაა და იმ ზღვაში დავიხრჩობი... მიშველეთ! მიშველეთ! და მე ვეხეთქები აქაფებულ ტალღებს... აი, ახლა დავიხრჩობი, აი, ახლა, მაგრამ მე ვსუნთქავ, ზღვაში ვსუნთქავ. ზღვა არის ძალიან თბილი, ლურჯი და გამჭვირვალე, ზღვაში ყველაფერი ჩანს. მე ვსუნთქავ და ნელ-ნელა ვიძირები. დავდივარ ზღვის ფსკერზე, ვცურავ, ვტრიალებ, თავდაღმა ვეკიდები, ზურგზე ვწვები, მუცელზე ვწვები, ვსუნთქავ და ბუშტებს ვუშვებ მაღლა, მერე მე ვჯდები დიდ ზავსიან ქვაზე, ვიღებ უბიდან საღამურს და ვუკრავ სევდიან, ძალიან სიმღერას:

სურამისა ციხეო, სურვილითა გნახეო,

ჩემი შვილი მანდ არის, კარგად შემინახეო!

ამ სიმღერას სურამში მღეროდა მოხუცი მათხოვარი. დედა ტიროდა. მეც ვტიროდი, მერე დედა მაძლევდა ხურდა ფულებს. მე ვუყრიდი იმ ხურდას მოხუც მომღერალს გაქონილ ქუდში, და, როდესაც ახლოს მივდიოდი, მიკვირდა, თვითონ მოხუცი რომ არ ტიროდა.

მე ვუკრავ საღამურზე, ვუკრავ და ვუკრავ... მოდიან ოქროსფერი, ვერცხლისფერი, მწვანე, წითელი, ლურჯი, პატარა თევზები, ჩერდებიან ჩემს გარშემო მონუსულებივთ, კუდებს იქნევენ ოდნავ, სულ ოდნავ, ბუშტებს უშვებენ და ტირიან, ტირიან, მერე ისევ ბუშტებს უშვებენ და მეკითხებიან:

- რა გატირებს, პატარა ბიჭო?
 - ჩემო ოქროს თევზებო, ჩემო ვერცხლის თევზებო, ჩემო მწვანე თევზებო, ჩემო ლურჯო თევზებო... წადით და უთხარით ჩემს დედიკოს, რომ მე აქ ვარ, რომ არ დავშერჩვალვარ, ვსუნთქავ წყალში და კარგად ვარ, ოღონდ დედა მენატრება, მოვიდეს და წამიყვანოს...
 - რა ჰქვია შენს დედას, ბიჭიკო? - მეკითხებიან თევზები.
 - ჩემს დედას ანიკო ჰქვია!
 - მერე როგორ მივაგნოთ შენს დედას?
 - ჩემი დედა ყველაზე კარგი, ყველაზე ტკბილი და ყველაზე ლამაზი დედაა მთელს ქვეყნაზე, როგორც კი შეხედავთ, იცნობთ... ჩემო ოქროს თევზებო, ჩემო ვერცხლის თევზებო...
 - კარგი, ბიჭიკო, წავალთ, ოღონდ ერთხელ კიდევ დაუკარი.
- მე ვუკრავ:

სურამისა ციხეო, სურვილითა გნახეო,
ჩემი შვილი მანდ არის, კარგად შემინახეო!

თევზები მიცურავნ, მიცურავნ, მიცურავნ... თანდათან ქრებიან და ისევ მარტო ვრჩები. მაინც ვუკრავ და ვტირი, ვუკრავ და ვტირი, მერე უცებ, ვხედავ, მოცურავს დედა ჩემსკენ გამოშვერილი ხელებით, მოცურავს დედა ოქროს, ვერცხლის, წითელი, მწვანე, ლურჯი თევზების თანხლებით და იგი ყველაზე ლამაზი თევზაა ამ თევზებს შორის.

- დეეედაა! - ვეძახი მე და მის შესახვედრად მიცურავ...
- დილით ვიღვიძებ. დედა მაცმევს, მაჭმევს და ეზოში მიშვებს სათამაშოდ. ეზოში დიდი აკაციის ხეა, მისი ტოტები ლამის ჩვენს ფანჯარაში შემოვიდეს, ფეხზე ვიხდი, თან მაღლა ვიყურები, დედამ არ დამინახოს, ავდივარ აკაციაზე, ვაუტავ ყვავილებს და უბეში ვიტენი, მერე ჩამოვდივარ, აგურის კედელზე მიშენებული ფიცრულის კუთხეში ვჯდები მამედას ცოცხის გვერდით და აკაციის ყვავილებით ვივსებ პირს. ტკბილია, როგორც თაფლი, აკაციის ყვავილი. ამას რომ დავამთავრებ, კიდევ დავკრეფ, ფიქრობ მე და ისევ ვივსებ პირს.
- რას უვები, ბიჭო, უენ ზულელი არი? - მესმის მამედას ხმა, ხელ-ფეხი მიცივდება., მინდა ვიბლავლო, მაგრამ პირი აკაციის ყვავილით მაქს გამოტენილი.
- ახლავე გადაყარო, თორე სულ ყურები გაგითალო, ერთი პატარა უანუკელა შეხვდეს, მუცელი როგორც ბარაბანი გაგიბროს, ახლავე გადმოყარო... - მამედა ხელს მავლებს ნიკაპში და პირს მიღებს, მე ხელისგულზე ვუყრი ნახევრად დაღეჭილ ყვავილებს.
- აი, აი, რა კარგი ბიჭი, რა სული საქმე აკეთებ. - თავს აქნევს მამედა.
- ტომარაში არ ჩამსვამ? - ვეკითხები მე შეშინებული.
- სად არის დომარა? - მეკითხება მამედა.
- სანაგვე ყუთში არ ჩამაგდებ? - ისევ ვეკითხები შეშინებული.
- სოთა ნაგავია, შენისთანა ოქრო ბიჭი სანაგვე არ ჩაუშოს? - იღიმება მამედა.
- მიღიციელს არ დაუძახებ? - უნდობლად ვეკითხები.
- მიღისია? მიღისია დაუზახებ, თუ კიდე აკასია უამო! - მემუქრება მამედა.
- აღარ შევჭამ, ძია მამედ! - ვპირდები მე.
- აი, საღოლ, საჭმელი უნდა, ბური და ყველი უამოს. - ამბობს მამედა, მერე მიღის თავის სარდაფთან, ცოლს ეძახის, რაღაცას ეუბნება ქურთულად, მამედას ცოლს შავი პური და ყველი მოაქვს, მამედა ართმევს და მე მაძლევს.
- უამე, - მე ვართმევ შავ პურსა და ყველს, მამედას ძაღლი თვალებში შემციცინებს.
- უამე, თორე ზაღლი წაიღებს! - მაფრთხილებს მამედა, ცოცხეს იღებს და მიღის. მე მადიანად ვიღლუქმება!
- თემური, რას ჭამ, ახლავე გადააგდე და ამოდი სახლში! - მეძახის დედა აიგნიდან.
- მოვდივარ! - ვეძახი მე და არ მივდივარ...

* * *

— ბარამიძე რომელია? — კითხულობს რექტორის კაბინეტიდან გამოსული მდივანი თინა.

— მე ვარ! — ვამბობ მე და ვდგები. თინა სიბეცისაგან ისედაც მოჭუტულ თვალებს უფრო ჭუტავს. მაკვირდება, მართლა ბარამიძე ვარ თუ არა და მერე ისე მუუბნება შებრძანდითო, თითქოს ერთი თვე მაინც ვეხვეწებოდი შემიშვიმეთქი. კარი ფრთხილად შევაღე და ზურგს უკან მივიხურე. დიდ საწერ მაგიდას ორი უსხენენ — ჩვენი ფაკულტეტის პარტიული კომიტეტის მდივანი და რექტორი. ასეთ დიდ, ნათელ და გაწყობილ კაბინეტში პირველად ვიყავი ჩემ სიცოცხლეში და არც რექტორი მენახა ადრე ასე ახლოს. მუხლებში სისუსტე ვიგრძენი, ხელისგულებში ოფლი გამოვიდა, ფეხი ვერ გადავდგი წინ.

რექტორი წამოდგა. იგი იყო ძალიან მაღალი, მელოტი, მის მკაცრ სახეს აბურდული, ვება წარბები უფრო შკაცრ იერს აძლევდა.

— ეს არის ბარამიძე! — უთხრა ბატონმა დავითმა და გაიღიმა.

— დაჯექი! — მითხრა რექტორმა და ტყავის დიდ სავარძელზე მიმითითა. მე ადგილიდან არ დავძრულვარ.

— დაჯექი, ბარამიძე! — მითხრა ახლა ბატონმა დავითმა.

— არა უშავს, აქ ვიქნები! — ვუპასუხე მე და შევიშმუშნე.

— ბიჭო, არ გემის შენა, მოდი და დაჯექი! — მითხრა რექტორმა. მე მავიდასთან მიგედი.

— გამარჯობათ!

— გაგიმარჯოს! — გამომიწოდა ხელი რექტორმა. მე ოფლიანი ხელი თეძოზე შევიხოცე და ჩამოვართვი. რექტორს გაერიმა.

— გლეხია! — უთხრა მან პარტკომს. მე დავჯექი, დაჯდა რექტორიც. დუმილი ჩამოვარდა, რექტორმა უზარმაზარი წითელი ფანქარი აიღო და ბლოკნოტში რაღაცის ხატვა დაიწყო.

— რა გქეია? — მკითხა უცებ.

— თეიმურაზი, — ვთქვი მე და ისევ ავდექი.

— იჯექი, იჯექი! — ხელით მანიშნა მან და ხატვა განაგრძო. პარტკომი გაზეთს ათვალიერებდა და ხმას არ იღებდა. ვერმანობდი, რაღაცას მიპირებდნენ კომკავშირის საერთო კრებასთან დაკავშირებით, მაგრამ რას, ვერ ვხვდებოდი. ასე ვდუმდით დიდხანს სამივე. მე თანდათან ცუდად ვხდებოდი. გული გამიწვრილდა და დამელია, ადგომა მოვინდომე, მაგრამ ვერ ავდექი, პირი ისე გამიშრა, ენას ვეღარ ვაბრუნებდი. თვალი გავაყოლე კედლის საათის ვეებერთელა სპილენძის ქანქარას, მარჯვივ, მარცხნივ, თვალები ამიჭრელდა, ისრები ერთმანეთში აირია, ალბათ, გავიდა ათი წუთი, თხუთმეტი, ერთი საათი თუ რამდენი? ნეტავ იმ წყლის დალევა შეიძლებოდეს, ვარდისფერ ქილაში რომ ასხია. ღმერთო, რა იქნება ახლა, რომ დაასხას რექტორმა წყალი ჭიქში და მითხრას, დალიერ. რომ არ დამისხას, გავგიუდები, გული შემიწუხდება და გავგიუდები. რაც იქნება, იქნება, ავიღებ და დავისხამ, დავლევ, მერე რაც უნდა მიქნან, დავლევ და მორჩა... რომ მითხრან, არ შეიძლებაო? მეტის მოთმენა აღარ შემიძლია, ახლა ავდები და დავისხამ წყალს, სულ გამოვწურავ ქილას. პირდაპირ ქილიდან დავლევ...

— პატივცემულო რექტორო! — წამოვდექი მე.

— გიმენ! — ასწია მან თავი.

— შეიძლება წყალი?

— მიირთვით! — თქვა რექტორმა და ხატვა განაგრძო. მე წყალი დავასხი, დავლიერ ერთი ჭიქა, მეორე...

— ცოტა ჩვენც დაგვიტოვე! — თქვა რექტორმა. მე ჭიქა დავდგი და სული მოვითქვი.

— წყალი არ მოდის თქვენთან? — მკითხა მზრუნველი კომენდანტივით.

- კი, ბატონი! — ვთქვი მე.
 - აბა, მოყევი, როგორ იყო! — მითხრა უცებ და სასმენად მოემზადა.
 - მე, ბატონი, არაფერ შეუში არ ვარ.
 - იცი, რას გეკითხები? — მკითხა რექტორმა.
- სახტად დავრჩი.
- კრების შესახებ მეკითხებით... — ვთქვი მე და პარტკომს შევხედე.
 - კრების შესახებ დავითმა მითხრა. მაგაზე ცალკე მოგელაპარაკებით მთელ ფაკულტეტს.
- შენ ის მოყევი, მეზობელს მთვრალი როგორ მიუვარდი. — თქვა რექტორმა და წარბები შეიკრა.

ახლა იგი კლდის ქიმზე შემჯდარ და გადასაფრენად მომზადებულ დიდ არწივს ჰგავდა. სულერთია, ამას ვერ მოვატყუებ, ჯობს, ყველაფერი მართალი ვუთხრა, ალბათ, იცის კიდევაც, რაკი დარეკა, ამასაც დაურეკავდა აბიბო... თუ გარიცხვა უნდათ ჩემი, ისედაც გამრიცხავენ, თუ არა და... ჯობს მართალი ვუთხრა, იქნებ დამიჯეროს, იქნებ გამიგოს და თუ გამიგო... არ შეიძლება ამ კაცმა რომ არ გამიგოს...

- პატივცემულო რექტორო, დედას გეფიცებით, მთვრალი არ ვყოფილგარ. — დაგიწყე მე.
- ღვინოს არ სვამ? — მკითხა რექტორმა.
- კი, მაგრამ, მაშინ არ ვიყავი მთვრალი.
- ეგ უარესი შენთვის! — მითხრა რექტორმა. — ესე იგი, შეგნებულად მისულხარ!
- კი, შეგნებულად მივედი.
- რატომ?
- ერთი კვირის წინ კოლონიდან, პატივცემულო რექტორო, პატიმრები გაიქცნენ, ორი მოკლეს, სამი გადარჩა. იმ სამში ერთ-ერთი ჩემი მეგობარი იყო, სკოლის მეგობარი. — მე ხმა ამიკანკალდა.
- ის მეგობარი ქურდი, შენი სახლიდან წაიყვანეს, ბარამიძე. — მითხრა რექტორმა და უფრო შეიკრა წარბი.
- დიახ, ჩემი სახლიდან. არავინ არ იცოდა, რომ ის ჩემთან იყო, ვიცოდით მარტო მე, დედამ და აბიბომ.
- აბიბო თოდრია უშიშროებაში მუშაობს, იგი პასუხისმგებელი პირია, იგი ვალდებული იყო! — შემაწყვეტინა რექტორმა. მე გული შემეჯუმშა. გათავდა, არ უნდა მეთქვა, ვიფიქრე მე, სულერთია ვერაფერს გაიგებს. ან რა უნდა გაიგოს, როდესაც ამბობს, ვალდებული იყო; არაფერს აღარ ვეტყვი, მორჩა. მე დავდუმდი.
- მერე, თეიმურაზ? — მკითხა ბატონმა დავითმა. მე ვიჯექი თავჩაღუნული და ხმას არ ვიღებდი., რექტორი ადგა, შეუა თახში გამოვიდა და ბოლთისცემა დაიწყო, მერე ჩემთან მოვიდა და მითხრა:

 - მომიყევი, ოღონდ ყველაფერი მართალი თქვი.

მე ხმა არ გავეცი.

 - ბარამიძე, მე მელაპარაკნენ შენზე ბატონი შალვა და დავითი. მე არ მინდა ისე მივიღო ზომები, ვიდრე ყველაფერს არ გავიგებ! — თქვა რექტორმა.
 - თემო! ჩვენ შენ გებმარებით და შეგვიწყვე ზელი, — მთხოვა ბატონმა დავითმა.
 - მე არავისი დახმარება არ მინდა, ყველაფერს მართალს ვიტყვი. თავერა ექვსი წელია არ მინახავს, ახლა ციხიდან გამოიქცა და ჩემთან მოვიდა, აღარ უნდა ქურდობა, სწავლა უნდა, აბიბო უსინდისოა, ბინბური კაცია, მე მოვკლავ აბიბოს...

სული შემეხუთა და ავდექი. რექტორი და პარტკომი გაოცებულები მიცეროდნენ.

 - დაჯექი და გაგვაგებინე, რაშია საქმე, — დამადო მხარზე ხელი რექტორმა. მე დავჯექი.
 - თავერამ ათასი განცხადება დაწერა, მაპატიეთო, აღარ მინდა ქურდობაო, დავიღალეო, სწავლა მინდაო, მუშაობა მინდაო, ათასი წერილი დაწერა, არავინ წაიკითხა, არავინ დაუჯერა, არავინ ენდო, მაშინ გაიქცა. ჩემთან მოვიდა, მენდო, მთხოვა, დავხმარებოდი...

— მერე, თეიმურაზ? — მკითხა ბატონმა დავითმა.

— მერე, — დავიწყე მე, — მერე მე აბიბოს გარდა არავის ვიცნობდი. მივედი, დავუჩოქე, ვთხოვე, დაუჯერეთ თავერას, თუ არ დაუჯერებთ, ისევ იქურდებს, დაიღუპება ან თავს მოიკლავს-მეთქი. დავუჩოქე, შევეხვეწე. დამპირდა და დააჭერინა... მერე მე მივუგარდი აბიბოს, არ დამსვდა სახლში, ან იყო და კარი არ გამიღო, თუ პატიოსანი კაცია, რატომ არ გამიღო კარი... სულ ერთია, მოვკლავ აბიბოს... — ვთქვი მე და გავჩუმდი.

რექტორი დიდხანს იჯდა თავჩალუნული და ისევ რაღაცას ხატავდა. არა, კი არ ხატავდა, ფანქრის ჩეარი მოძრაობით ნახატს ამუქებდა.

— შენ გჯერა შენი თავერასი? — მკითხა უცებ რექტორმა და თვალი თვალში გამიყარა.

— მჯერა! — ვთქვი მე.

— სწავლა უნდა?

— სწავლა უნდა.

— რამდენი წელი დარჩა?

— ოთხი. ოთხ წელიწადში სიცოცხლე გათავდებაო...

— ოთხ წელიწადში სიცოცხლე არ გათავდება.

— თავერასათვის გათავდება, პატივცემულო რექტორო.

— რა გვარია შენი თავერა?

— კორსაველი თავერა, თავერა კი არა, რამაზი. თავერას სკოლაში ვეძახდით!

— რამაზ კორსაველი, რამაზ კორსაველი, — რატომდაც ორჯერ გაიმეორა რექტორმა. მერე იმავე ქალალდზე, რომელზეც რაღაცას ხატავდა, დაწერა — რამაზ კორსაველი.

— რომელ კურსზე ხარ? — მკითხა რექტორმა.

— მეოთხეზე, პატივცემულო რექტორო.

— როგორ სწავლობს? — ჰკითხა ახლა ბატონ დავითს.

— სწავლობს. — თქვა ბატონმა დავითმა და გაიღიმა.

— როგორი ბიჭია?

— აი ასეთი, როგორსაც ხედავთ.

— მეგობრები თუ უყვარს და თუ სჯერა მეგობრების, კარგია, მაგრამ ყველას ნდობა არ შეიძლება, ბიჭო. — მომიბრუნდა ახლა მე.

— თავერას ნდობა შეიძლება. — ვთქვი მე.

— შენს თავერას თუ სწავლა უნდა და კარგი ცხოვრება, ოთხ წელსაც მოითმენდა, ციხიდან გაქცევა დანაშაულია, იცი შენ ეს?

— ვიცი.

— წადი ახლა, შენს ჯგუფში დაჯექი, ჩხუბს და აყალმაყალს თავი დაანებე, კარგად ისწავლე, შენ საქმეს მიხედე, თავერა თვითონ მოუვლის თავის თავს.

რექტორი ადგა. მეც ავდექი. ადგა ბატონი დავითიც. რექტორის წინ დადებულ ფურცელს დავხედე. ზედ ლამაზი, ყურებპარტყუნა გულუბრყვილო ვირი ეხატა, წითელი, თაქჩაქინდრული ვირი, სევდიანი თვალებით. ვირის ქვეშ წითელივე ფანქრით ეწერა — რამაზ კორსაველი (თავერა). სულ ბოლოს კი დიდი ასობით გამოყვანილი იყო ჩემთვის გაუგებარი სამი ციფრი 2 – 33.

— ნახვამდის! — ვთქვი მე.

— ნახვამდის! — თქვა რექტორმა.

კარისკენ წამოვედი. ბატონი დავითი უკან გამომყევა.

— დავით, შენ დარჩი! — უთხრა რექტორმა. ბატონი დავითი დარჩა. მე კარი გავისურე.

— როგორ გუნებაზეა? — მომვარდა ვიღაც სტუდენტი.

— არ შეხვიდე. მოგლაგს! — ვუთხარი მე და მოსაცდელიდან გამოგედი. ეზოში ჩავედი და მტირალა თუთის ძირას დადგმულ სკამზე დავჯექი.

* * *

უნივერსიტეტი შორიდან უზარმაზარ სკას ჰგავს. მის კართან განუწყვეტლივ ბზუიან ფუტკრები, მუშა და ზარმაცი ფუტკრები, ისინი განუწყვეტელ ნაკადად შედიან და გამოდიან, შედიან და გამოდიან მოჩუქურთმებულ კარში. ზუსტად ისევე, როგორც სკაში, კართან დგანან მკლავზე წითელლენტიანი დარაჯები, ისინი გულმოღვინედ უსინჯავენ უნივერსიტეტში შემაგალ სტუდენტებს საბუთებს. ვისაც აქვს საბუთი, უშვებენ სკაში, ვისაც არა, უკან აბრუნებენ ზარმაცი ფუტკრებივით. არის ერთი აურზაური და ორომტრიალი. დღე და ღამე, დღე და ღამე. ლექტორებს, ისე, როგორც დედა ფუტკრებს, უფრო მოწიწებით ეპრობიან; დარაჯები მათ გამოჩენაზე თავს მიწაზე ხრიან, ლექტორები თავის შხრივ ასევე მოწიწებით იხდიან ქუდებს და, როგორც სალოცავ ტაძარში, ისე თავშიშველი და წელში მოხრილნი შედიან მათთვის ფართოდ გაღებულ კარში. საოცრად ჰგავს უნივერსიტეტი სკას თავისი ფიჭასავით ჩაწყობილი ბიბლიოთეკებით, აუდიტორიებით, მერხებითა და კათედრებით, კართან მდგარი დარაჯებითა და მოფუსფუსე სტუდენტებით. ჰგავს კი არა, უნივერსიტეტი, ალბათ, მართლაც სკაა, უზარმაზარი დევების სკა, დევების კი არა, ლერთების, თაფლით გატენილი სკა და რა ბედნიერებაა, როდესაც იცი, რომ შენც ამ სკაში ცხოვრობ, როგორც ღმერთის სამსახურში მყოფი პატარა ფუტკარი.

galaktioni

გვერდით ვიღაც მომიჯდა და მუხლზე ხელი დამადო. მივიწედე, გურამი იყო.

- რაო, თემო, რას ფიქრობ?
 - არაფერს.
 - მაინც?
 - რექტორთან ვიყავი, აბიბოს და კრების გამო დამიბარა.
 - გაიგო?
 - ყველაფერი.
 - მერე?
 - ყველაფერი მოვუყევი... მართალი მოვუყევი.
 - რა გითხრა?
 - წადი, შენს საქმეს მიხედე, მეორეჯერ არ დაგემართოსო, თავერას გვარი და სახელი ჩაიწერა...
 - რისთვის?
 - არ ვიცი!
 - წამო, სადმე დავჯდეთ, მომიყვები. – მე ავდექი.
- „ინტურისტის“ ბაღში ყველა კუპე დაკავებული იყო. მე და გურამი აუზის გვერდით მაგიდას მივუსხედით და ვიღრე საჭმელს მოგვიტანდნენ, ლუდი მოვთხოვეთ. ოფიციანტმა ორი ბოთლი ცივი ლუდი მოიტანა. მე ჭიქის პირს მარილი მოვაყარე და ნელა მოვსვი. სასიამოენო სიგრილებ დამიარა სხეულში. ჩვენს მარჯვენივ, კუთხეში, კაცი იჯდა, ჩვენგან ზურგით, ძალიან განიერი, ოდნავ მოხრილი ბეჭები ჰქონდა. ღვინოს სვამდა. ძალიან ნაცნობი ტანი ჰქონდა, ძალიან. უცებ მან თეფშზე ჩანგალი დააკაკუნა, ჩვენგან მობრუნდა და ჩვენს ოფიციანტს მიმართა:
- ძამიკო, რამდენ ზანს უნდა გელოდო?

— მოვდიგარ, შე კაცო, ფრთებს ხომ არ გამოვისხამ, შენისთანა მილიონია და მე ერთი,— წყენით უთხრა ოფიციანტმა და ჩვენი შეკვეთის მოლოდინში ფანქარი და ქაღალდი მოიმარჯვა.

— გურამ, შეხედე. — ვუთხარი მე.

— ვის?

— გალაკტიონი! — გურამი სწრაფად შეტრიალდა. ახლა გალაკტიონი ისევე ზურგით იჯდა ჩვენებ.

— ჯერ იმას მიუტანე, — ვუთხარი მე.

— შეკვეთა მომეცი, შე კაცო, და იმას კი მივხედავ, ასე ზის მაგი ორი საათია და მიჩიჩინებია იმ ერთ ბოთლ ღვინოს. — გაიკრიჭა ოფიციანტი. მე შეგუგეთე, რაც გვინდოდა და ვთხოვე ოფიციანტს, გალაკტიონის მაგიდასთან მოეტანა.

— მივიდეთ, გურამ?

— არ ეწყინოს, ბიჭო.

— რატომ უნდა ეწყინოს, მივიდეთ და დაველაპარაკოთ.

— მივიდეთ, — გალაწვიტა გურამმა და აღგა. თავზე რომ დაგადექით, გალაკტიონმა გაკვირვებით ამოგვხდა.

— შეიძლება, ბატონო გალაკტიონ, თქვენ მაგიდასთან დავსხდეთ? — გავუბედე მე. გალაკტიონმა მაგიდებს მოავლო თვალი, ცარიელი მაგიდები რომ დაინახა, გაეცინა.

— მაგიდების მეტი რა არის, ძამიკო, ამ რესტორანში?

— ჩვენ თქვენთან გვინდა! — ისე სთხოვა გურამმა, გალაკტიონს კი არა, მე ამიჩუყდა გული.

— დაბრძანდით, დაბრძანდით! — მიგვიპატიუა გალაკტიონმა. ჩვენ დავსხდით, უხერხული სიჩუმე ჩამოვარდა.

— ვინ ხართ თქვენ, უშესანიშნავესია? — დაარღვია სიჩუმე გალაკტიონმა.

— ჩვენ სტუდენტები ვართ, ბატონო გალაკტიონ. — ვუთხარი მე.

— სწავლობთ?

— დიას.

— კარგია, შესანიშნავია, უშესანიშნავესია! — თქვა გალაკტიონმა და ბოთლი აიღო ხელში. უცებ აწრიალდა, რაღაცის ძებნა დაიწყო, მერე წამოდგა, მეზობელი მაგიდიდან ორი ჭიქა აიღო და მე და გურამს დაგვიდგა:

— ღვინოს ხომ სვამთ?

— კა! — თქვა გურამმა.

— მე მიცნობთ, არა? — გვკითხა და ღვინის დასხმა დაიწყო.

— თქვენ ვინ არ გიცნობთ, ბატონო გალაკტიონ! — უთხრა გურამმა.

— ოფიციანტი არ მიცნობს, ძამიკო, ერთი საათია მიყურებს და ვერ მიცნო! — გაიღიმა გალაკტიონმა. ოფიციანტი ძოვიდა, სამი ბოთლი ღვინო მოიტანა, ყველი, მშრალად მოხარშული ხორცი და სალათი.

— შენ ვერ მიცნობ მე, ძამიკო? — ჰეთხა გალაკტიონმა.

— რაგა ვერ გიცნობ, შე კაცო, სულ ჩვენთან არ დადინარ? — გაუღიმა ოფიციანტმა.

— აბა, ვის ვგავარ თუ იცი?

— ვის გავხარ და მღვდელს. — გამოიცნო ოფიციანტმა და გალაკტიონს წვერზე შეხედა.

— სწორი ხარ, ძამიკო, მღვდელს ვგავარ. — ჩაინითხითა გალაკტიონმა.

ოფიციანტი გაბრუნდა. გალაკტიონი ხითხითებდა.

— ხომ გითხარით, ვერ მიცნობს-მეთქი. — გვითხრა ბოლოს, ხითხითი რომ მოათავა. — აბა, თქვენ თუ მიხვდებით, ვის ვგავარ? — მე ურუანტელმა დამიარა ტანში. რა გუპასუხო ახლა?

— დაგვცინით, ბატონო გალაკტიონ? — ჰეთხა გურამმა მომაკვდავი კაცის ხმით.

- არა, ძამიკო, მართლა გეგითხებით.
 - თქვენ არავის არ გავხართ, ბატონო გალაკტიონ, თქვენ ხართ გალაკტიონი, დიდი პოეტი გალაკტიონ ტაბიძე კი ვარ, მაგრამ ვის ვგავარ?
 - გალაკტიონ ტაბიძე კი ვარ, მაგრამ ვის ვგავარ?
 - ვოუთეს! — თქვა გურამმა.
 - არა! — გაიღიმა გალაკტიონმა.
 - პუშკინს.
- გალაკტიონმა თავი გაიქნია.
- მიცეკვიჩს, ბაირონს, რემბოს...
 - არა!
 - რუსთაველს, ბოდლერს, ფირზოუსს...
 - არა, ძამიკო, არა, აკაკის არ ვგავარ, წერეთელს? — თქვა მან და წვერზე ხელი ჩამოისვა.
 - კი, როგორ არა, ძალიან გავხართ, ბატონო გალაკტიონ, ძალიან! — ვთქვა მე.
 - აი, ხომ გითხარით! ყველა მეუბნება, აკაკის გავხარო, ოფიციანტმა კი ვერ მიცნო. გაუმარჯვოს აკაკის! — თქვა გალაკტიონმა და ჭიქა გამოცალა, ჩვენც გამოვცალეთ.
- გალაკტიონი ოდნავ მთვრალი იყო, საოცრად ღრმა, ჭიქან და გაღიმებულ თვალებში ეშმაკური ნაპერწყალი ენთო. იგი ლაპარაკის ხასიათზე მოვიდა.
- თქვენ რას აქეთებთ, ძამიკოებო, ლექსებს არ წერთ?
 - მე არა, ეს წერს! — თქვა გურამმა.
 - მე აღარ ვწერ ლექსებს! — ვუთხარი მე.
 - რატომ მერე, ძამიკო, ყველა წერს და შენ რა დააშავე, წერე, წერე, კარგია ლექსების წერა, — მითხრა და თავზე გადამისვა ხელი.
 - თქვენ რომ ლექსებს წერთ, ისეთი ლექსების წერა კია კარგი, ბატონო გალაკტიონ. — ვთქვი მე.
 - ცუდი ლექსის წერაც კარგია, არ არის სავალდებულო, ყველამ კარგი ლექსები წეროს.
 - გაიცინა გალაკტიონმა და შევატყვე, უკვე ბურთივით გაგვიგდო მე და ჩემი გურამი. გურამს პირი ჰქონდა დაღებული. მინდოდა, ხელი ამუფარებინა, რამე სისულელე არ წამოსცდეს-მეთქი, მაგრამ ვერ მოვასწარი.
 - როგორ წერთ ლექსებს, ბატონო გალაკტიონ? — წამოაყრანტალა მან და გამარჯვებული სახით გადმომხედა.
- გალაკტიონმა ისე ახედა გურამს, რომ გურამის საცოდაობით გული დამეოუთქა. მერე ისევ დაასხა ლვინო, პატარა ხორცის ნაჭერი გადაიღო და თევზის კიდეზე დადო. თვალები დახუჭა.
- მე ზღვა მიყვარს ძალიან. ზღვა და მზე. ყოველ ზაფხულს დავდივარ ზღვაზე. სახლი მაქს სოხუმში. ხომ იცით? — გვკითხა მან და თვალები გაახილა. ჩემ თავი დავუქწიოთ. გალაკტიონმა ისევ დახუჭა თვალები. — ყოველ ზაფხულს ჩავდივარ სოხუმში, ამოვთხრი დიდ ორმოს სილაში, ჩავწევები შიგ და ჩავიმარხები კისრამდე, აი, ასე. — მან გვაჩვენა, თუ როგორ აკეთებდა ამას. — მერე ვიზამ პირს მზისკენ და ვწეუჭავ თვალებს, როგორც ახლა, ასე. ჯერ ბნელა, მერე ჩნდება რგოლები, წითელი, ყვითელი, ნარინჯისფერი. მერე ნათდება, ნათდება და მზე ჩამოძის თვალებში, დიდი, უდიდესი ნათელი მზე. მზე ატანს ქუთუთოებში, ძვალში, რბილში, სისხლში, მზე ყველაფერში ატანს, სამარეშიც ატანს მზე. მერე ციდან ეშვება თეთრი ანგელოსი, ლამაზი, თეთრი ანგელოსი, ეშვება ჩემს ყურთან და მკარნახობს ლექსებს...
 - გალაკტიონი დადუმდა. იგი დიდხანს იჯდა ასე თვალდახუჭული და მე მჯეროდა, რომ იგი ახლაც ხედავდა მის ყურთან დახრილ თეთრ ანგელოსს, რომელიც ყურში მზესვით უდიდეს და ნათელ ლექსებს კარნახობდა. მერე მან გაახილა თვალები და მე ზატზე დავიფიცებ, რომ მის თვალებში ორი უზარმაზარი თაკარა მზე დავინახე.

- ასეა, ძამიკოებო, — თქვა მან ძალიან სერიოზულად და ჭიქა ასწია, — გაუმარჯოს ანგელოსს. — თქვა და დალია.
- ბატონო გალაკტიონ, მართლა ანგელოსი გყარნახობთ? — ვკითხე მე გაუბედავად.
- კი, ძამიკო, ანგელოსი მყარნახობს, აბა, მე სად მცალია ლექსების საწერად, — დაისაწყლა თავი გალაკტიონმა.
- „ნიკორწმინდაც“ ანგელოსმა გიყარნახათ? — ჰკითხა გურამმა.
- „ნიკორწმინდაც“ ანგელოსმა მიყარნახა. — დააქნია თავი გალაკტიონმა.
- ისე დუშმილი ჩამოვარდა.
- სად არის ჩვენი ოფიციანტი, აღარ მოდის? — აწრიალდა უცებ გალაკტიონი.
- მე თევზე ჩანგალი დავაკაჭუნე. რესტორნის მარცხენა კუთხეში დიდი ორომტრიალი იყო, ვიღაცებს ოთხი მაგიდა შეერთებინათ და მთელი რესტორნის ოფიციანტები მათ ემსახურებოდნენ. ჩვენი ოფიციანტიც იქ ტრიალებდა ჯარასავით.
- რას შვები, კაცო! — დავუქნიე ხელი. რა ვქნაო, გაშალა ხელები და სამზარეულოსკენ გაიქცა.
- მოვა ახლავე, ბატონო გალაკტიონ! — დავამშვიდე მე.
- შორეული ქალის ეშხი მოვა, მაგრამ როდის... — თქვა გალაკტიონმა. ცოტა ხნის შემდეგ ოფიციანტი მოვიდა.
- სად ხარ, ძმაო, დაგვხოცე შიმშილით! — გაუჯავრდა გურამი.
- შენთვის მეცალა, შე კაცო? ვერ ხედავ, ვინ გვესტურა? — გაუკვირდა ოფიციანტს.
- ვინ? — ჰკითხა გურამმა.
- ვინ და, მსოფლიო ჩემპიონი ჭიდაობაში.
- რა გვარია?
- რავა, პირველად გესმის ქიტუაშვილი გოგია, გაზეთებს არ კითხულობთ? — ახლა ოფიციანტი გაუჯავრდა გურამს. — ექიმებმა თქვეს, ორი სამწლიანი მოზგრის ღონე აქვსო, — თქვა ოფიციანტმა და ისე გავარდა. გაერთიანებული სუფრის თავში აღტაცებული ხალხის და ოფიციანტების ალყაში პატარათვალებიანი, ორი სამწლიანი მოზგრის ღონის შარავანდებით მოსილი ქიტუაშვილი გოგია იჯდა და ძლიერი ყბებით მოხარშული ბეჭის ძვალს ფშნიდა.
- მე წავალ, ძამიკოებო, დიდი მადლობა, დიდი მადლობა, მშვიდობით, მშვიდობით, მშვიდობით. — გალაკტიონი წამოდგა.
- გაგაცილებთ, ბატონო გალაკტიონ! — წამოვცვივდით ჩვენც.
- არა, ბატონო, არა, რად მინდა გაცილება.
- იგი წავიდა ხელი ნაბიჯით. ისე გაიარა ამ ღმერთკაცმა მთელი რესტორანი, არავის არ შეუმჩნევია. და მე ისე შემეცოდა ღმერთი, კაცში ჩასახლებული ღმერთი, რომელიც ისე ახლობელია, ისე ჰგავს ადამიანს, ისე ხელშესახებია და ისე უბრალო, რომ არავის სჯერა მისი ღმერთობა. გალაკტიონმა გაიარა რესტორანი და ქუჩაში გავიდა.
- გაერთიანებული მაგიდის მეორე თავში, უზარმაზარი თასით ხელში, ფეხზე იდგა თამადა და სვამდა კაცის სადღეგრძელოს, რომელმაც ჩვენი პატარა საქართველოს სახელი მსოფლიო ასპარეზზე გაიტანა, გააჯირითა, მთელ მსოფლიოს გააცნო ჩვენი თავი, რომლის ბეჭი ჯერ ნოხს არ შეხებია, რომელიც ორფუთიან გირს სამასჯერ წევს, მკლავზე იხვევს მაჯისსიმსხო რეკინის მილს, მუხლზე იღუნავს რელსს და თავით ტეხს მუხის ფიცარს, რომელმაც მსოფლიოს რომელიღაც ქალაქში რვა მისნაირი მუტრუკი გააკრა მიწას, არც ერთი საჯარიმო ქულა არ მოუდია და ძლევამოსილი დაბრუნდა მშვიდობით მის მშობლიურ მიწაზე და, რომ მადლიერი ქართველი ხალხი უსურვებს მას ჯანმრთელობას, დიდხანს სიცოცხლეს და, რომ ჩვენი ერის დიდება არასოდეს არ შეერცხვინოს.
- მმებო და მეგობრებო, — მიმართა თამადამ საზოგადოებას სიტყვის დასასრულს, — გთხოვთ, ფეხზე ადგომით ვცეთ პატივი რაინდს, რომელმაც იმდენი რამ გააკეთა

საქართველოსთვის, ალბათ, თვითულმა ჩვენთაგანმა ას-ასი წელი რომ იცოცხლოს, იმის ნახევარსაც ვერ გააკეთებს. – მთელი რესტორანი ფეხზე ადგა.

გურამმა ბოთლი აიღო და ფსკერით თევზს დაარტყა, რაც ძალი და ღონე ჰქონდა. თევზი მარილივით დაიფშვნა. ყველამ ჩვენკენ მოიხედა.

- რაშია საქმე? – მოვარდა ჩვენი ოფიციანტი.
- არაფერში, თევზი გამიტყდა, გვიანგარიშე. – თქვა გურამმა.
- ას ორმოცდათექვსმეტი მანეოთ თევზიანად, – თქვა ოფიციანტმა. ფული მივეცით. ოფიციანტი ისევ ჩემპიონის სუფრისკენ გავარდა, ჩვენ გამოვედით. რომ გამოვდიოდი, უკან მივიხედე, თამადა კისერზე ეკიდა ჩემპიონს და ყბებს ულოკავდა. ქაშუეთამდე უხმოდ მოვედით.
- კაცი თავის საქმეს აკეთებს, თანაც კარგ საქმეს, ჩემპიონია, ღმერთმა ხელი მოუმართოს, ნამდვილად მადლობის ღირსია, რას ერჩი. – ვთქვი მე.
- არაფერს არ ვერჩი! – თქვა გურამმა და მწარედ გაიღია.
- ის კრეტინებია მოსაკლავი – ოფიციანტი და თამადა.
- ან იმ კრეტინებს რას ვერჩი. – აიწურა მხრები გურამმა და მკლავი მკლავში გამიყარა.

მთაწმინდის პლატოზე გაჩირალდნებული რესტორანი შარავანდედივით ადგა საღამოს თბილის თავზე.

kirovis baRi

ჰაიდპარკში არასოდეს ვყოფილვარ, მაგრამ არა მგონია, იქ იმდენ სენსაციურ, ანეკდოტურ, ფანტასტიკურ და გადასარევ ამბებს ყვებოდნენ, როგორც კიროვის პარკში.

მე, მაგალითად, პირველად აქ გავიგონე, რომ საპარსეთის პრემიერ-მინისტრი მოსადიკი აფერისტი იყო, რომ ჩერჩილი დღეში სამ ბოთლ კონიაკს სვამს, რომ ტრუმენმა მოწამლა რუზველტი, რომ ჰაიდპარკი 14 წლამდე ქუთაისის გიმნაზიაში სწავლობდა და ბორია პაიჭაძე ბასკებთან ოქროს ბუცებით თამაშობდა.

კიროვის პარკში ყოველდღე იხსნებიან და ინიშნებიან მინისტრები, დირექტორები, გამგები, რედაქტორები და მილიციის უფროსებიც კი, არა მარტო საქართველოსა და საბჭოთა კავშირის, არამედ საზღვარგარეთისანიც. კიროვის პარკი დუღს და გადადუღს პენსიონერებით, ჯარისკაცებთან პაემაზე მოსული შინამოსამსახურებით, ზაფხულში უაგარაკოდ დარჩენილი მოქალაქეებით, ბავშვიანი დედებით, შინაბერა დედაკაცებითა და მამაკაცებით, გასათხოვარი გოგონებით, საცოლო ვაჟეკაცებით, ფეხბურთის გულშემატკივრებით, უბინაო სტუდენტებითა და საერთოდ, სტუდენტებით. კიროვის ბაღში ყველა კატეგორიის ხალხს თავისი კუთხე აქვს; მოჭადრაკები ქვევით, მყუდრო აღგილას სხედან, ღომინოსმოყვარულები – გადაჭრილ მორებთან, ფეხბურთის გულშემატკივრები – წყლის სოკოსთან, პოლიტიკოსები – სასაუზმე-პავილიონთან, შეეყარებულები – სულ ქვევით, თუთებისა და მტირალა ტირიფების ჩრდილში, პენსიონერები – ელექტრობოძეე ჩამოკიდებული რეპროდუქტორის ქვეშ, ბავშვიანი ქალები – უწყლო შადრევანთან, და ასე შემდეგ.

და მაიც რით იზიდავს კიროვის ბაღი ამდენ ხალხს? ღმერთმანი, არ ვიცი. კიროვის ბაღი, როგორც ყველა კარგი ბაღი, წინათ სასაფლაო იყო. აქ არის დანიელ ჭონქაბის საფლავი. კიდევ რა? კიდევ ალპინისტთა კლუბი, კალათბურთის მოედანი, კინო. კიდევ? კიდევ თვითონ კიროვის ძეგლი და მეტი არაფერი.

პირადად მე კიროვის ბაღი იმით მიზიდავს, რომ იგი ახლოა ჩემს სახლთან და ვერის ბაზართან.

ბინდლება. მე ვზიგარ გრძელ სკამზე, ნაძვის ძირში და ჩემს წინ მოსეირნე ხალხს ვაკვირდები. აი, ესენი შარშან გაცილებით ყოჩალად გამოიყერებოდნენ. წელს კი, როგორ მოტეხილან, შემოვიდნენ ბაღში და მთელი საათია მოჩოჩავენ, ჯერაც ვერ მოაღწიეს ჩემამდე. ალბათ, გაისად სულ აღარ მოვლენ. მერე დადგება დრო და მეც ასე შემოვალ, მერე აღარ შემოვალ. კიროვის ბაღი წინათ სასაფლაო იყო. ვერის სასაფლაო უკვე დახურეს, აღარავის მარხავენ. ალბათ, ერთ-ორ წელიწადში ბაღად გადააკეთებენ... ვაკის სასაფლაოზე ტევა აღარ არის, იმასაც მაღე დახურავენ. მერე ხალხი ვერის ბაღში დაიწყებს სიარულს და ჩემი ტოლა ბიჭები იტყვიან, – აქ წინათ სასაფლაო იყო, მე რომ მოკვდები, ალბათ, ვაკის სასაფლაოც ბაღი იქნება და ასე დაუსრულებლივ, ყველა სასაფლაო ბაღებად იქცევა, ლამაზ ბაღებად... სასაცილოა პირდაპირ. ვერის სასაფლაო რომ დახურეს და სასაფლაო ვაკეში გადაიტანეს, იმ ადგილს ბუღი ასდიოდა, ბალახი რა იყო, ისიც არ ხარობდა. მერე ვიღაცის სასოფლოების ტირიფი დაირგო, მერე თუთა, ნაძვი, ჭადარი, ფიჭვი... მოპერიდათ წყალი შორიდან, ძალიან შორიდან, ბაგებიდან, მდინარე ვერიდან... ეზიდებოდნენ ზურგით, ვირებით, კასრებით, ქილებით, პეშვითაც კი, ყიდღნენ საცხოვრებელს, რომ არ გამხმარიყო ხეები... და ხეები იზრდებოდნენ, იზრდებოდნენ, ჩრდილოვანებ საფლავებს, აგრილებდნენ ჰაერს, შრიალებდნენ, შრიალებდნენ, ამშვიდებდნენ ჭირისუფალს და ისე ყველა ჩვენთაგანმა იხაროს, როგორც აქ ხეებმა იხარეს, შშვენიერი ბაღი გამოვა ვაკის სასაფლაოდან, შშვენიერი, როდესაც ამაზე ფიქრობ, გგონია, ცხოვრება ბოლოს და ბოლოს, სასაფლაოების ბაღებად გადაკეთების დაუსრულებელი პროცესია, მეტი არაფერი. სასაცილოა, ღმერთმანი.

- თემო, გამარჯობა!
- ქართლოსს გაუმარჯოს.
- ფეხბურთზე იყავი?
- არ! – ქართლოსი ჩემს გვერდით დაჯდა.
- რატომ?
- არ მიყვარს ფეხბურთი. – ვუთხარი მე,
- აბა, რა გიყვარს, ბიჭო – გაიღიმა ქართლოსმა.
- ფელამუში. – გავუღიმე მეც.
- წამოიღე ხოლმე ფეხბურთზე და იქ ჭამე. – მირჩა ქართლოსმა.
- ეგრე ვიზამ დღეიდან. – დავპირდი მე.
- შენ რომ ბასას თამაში გენახა დღეს, ჭკუას დაანთხევდი.
- რა ქნა ასეთი?
- მარღანიამ ბურთი ხელით გაუგორა ხოჭოს, ხოჭომ გრძელი პასი მისცა ავთოს, ავთომ დრიბლინგით წაიღო, ორი მცველი, ბასას რომ უდგა, უცებ მოსწყდა ადგილს და ავთოსკენ წამოვიდა... ბასა მარცხენა ფრთაზე გავარდა, ტყეუილია, ეგ რომ უბურთოდ თამაშობს. ავთომ ჩართო მესამე სიჩქარე. ახლა წინ სამი კაცი ედგა, აჭამა ერთს, მეორეს და გრძელი პასი მისცა გაგნიძეს. მარჯვენა ფრთაზე გაგნიძემ ბურთი გააჩერა. ყველას ეგონა, ბასას მისცემსო, ისე შევარდა საჯარიმოზე. ოთხმა კაცმა ჩაკეტა უცებ და ამ დროს გაგნიძემ ისევ ავთოს დაუბრუნა, ავთო ცარიელი იყო, მიიღო თუ არა, დაარტყა, ისეთი ცუცურმა ბურთი იყო, ღმერთი ვერ აიღებდა. ჭამა იაშინა, მარჯვნივ გადახტა და ძელს შეასკდა, ბურთი მარცხნივ შეგორდა, ადგომა აღარ უნდოდა საწყალ იაშინს.
 - ბასამ რაღა გააკეთა? – ვკითხე მე. ქართლოსს სახე მოენგრა.
 - რა უნდა გელაპარაკო, კრეტინი ხარ! – მითხრა მან და ხელი ჩაიქნია.
 - ბოლო-ბოლო ვინ მოიგო? – არ მოვეშვი მე.
 - იღბალი არა გვაქვს, თავზე ვასხედით, იმათ მოიგეს: ოთხით ერთი.
 - მაგრად გვითამაშია!
 - არ გინახავს და რა უნდა გელაპარაკო. ნაღდი დირიუორია ბასა, ნაღდი, სტრავინსკია. – აღტაცებით წამოიძახა ქართლოსმა და შეკრებილ ბიჭებს გადახედა.

- შენც კაცი გინახია და ელაპარაკები! — უთხრა ელგუჯამ ქართლოსს. ხელით გამწია და ჩემსა და ქართლოსს შორის ჩაჯდა. ბიჭებმა გაიცინეს.
- იმის დედა ვატირე, ვინც ფეხბურთზე თქვა, სპორტიაო, — თქვა ქართლოსმა.
 - აბა, რა არის? — ვკითხე მე.
 - ნაღდი ხელოვნებაა! — თქვა გოგიამ.
 - მაშ, ბეთჰოვენი ვინდა არის? — ვკითხე მე.
 - მორჩი, კაცო, თავის საქმეში ბასა ბეთჰოვენიც არის და კარუზოც.
 - რომელ საქმეში?
 - რომელში და სპორტში. — ცხვირი ცხვირზე მომადო გოგიამ.
 - ესე იგი, ფეხბურთი მაინც სპორტი ყოფილა! — დავიჭირე სიტყვაზე.
 - სპორტი, შენ რომ ლექსებს წერ, ის არის! — მომიჭრა ქართლოსმა. კმაყოფილმა მსმენელებმა ტაში დაუკრეს. ჩემი ლექსების იმედი რომ მქონოდა, კამათს გავაგრძელებდი, მაგრამ ვერ ვენდე და გაჩუმება ვარჩიე.
 - მოკეტე? — მკითხა ელგუჯამ.
 - მოვკეტე! — ვუთხარი მე და პირზე ხელი ავიფარე.
 - მორჩა, ფეხბურთი ხელოვნებაა! — დაასკვნა გოგიამ და მხარზე ხელი დამარტყა.
 - კი, ბატონი, ბასა ბეთჰოვენია, ავთო მოცარტია, გაგნიბე სერვანტესია, ხოჭოლავა ტოლსტოია, მარლანია მარკ ტვენი და კალოევი პუშკინი. კი, ბატონო...
 - მიქელანჯელო არ გამომიტოვო, თუ მმა ხარ! — მთხოვა ნოდარ დვალმა, რომელსაც ზედმეტ სახელად გაპონას ევძახდით. ყველას გაგვიცნა.
 - გაპონ, რამე ახალი ამბავი გეცოდინება! — სოხოვა გოგია დემეტრაძემ.
 - გუშინ ამერიკის ხმამ გადმოსცა, ესპანური ჭიანჭველის წვენს თმა ამოჰყავსო, — არ გააწილა გაპონამ.
 - ამის დედა ვატირე, ჩენი რომ ჭიანჭველაც არ ვარგა! — გადაისვა მელოტ თავზე ხელი გოგიამ.
 - რაშია საქმე? — იკითხა ახალმოსულმა კარლომ, რომელსაც თან პატარა, დიდთვალება, ცხვირგაბუშტული და ჭორფლიანი ბიჭი ახლდა.
 - კარლოს გაუმარჯოს! ვისია ეგ ბიჭი? — ვკითხე მე.
 - ჩემი დისტვილია.
 - რა გქვია, ბიჭი?
 - გია!
 - ყოჩაღ!
 - ლექსი იცი? — პკითხა ქართლოსმა.
 - ვიცი!
 - აბა, თქვე!
 - არ მინდა! — უთხრა ბიჭმა და ბიძამისს სახელო დაქაჩა, წავიდეთო.
 - დაჯექი, სად უნდა წავიდეთ! — წაარტყა თავში ხელი ბიძამ.
- ბავშვი დაჯდა.
- დღეს ექიმთან მყავდა! — თქვა კარლომ.
 - ავად არის? — ვკითხე მე.
 - ავად არა, მხეცივით არის!
 - რაღად გყავდა ექიმთან?
 - გვაგიუებს, კაცო, ვუნდერკინდია, ნებისმიერ ციფრებს ყოფს, ამრავლებს, უმატებს და აკლებს...
 - კარგი, თუ მმა ხარ! — გაუკვირდა გაპონას.
 - გია, სამჯერ სამი რამდენია? — პკითხა ბიძამისმა.
 - ცხრა! — თქვა თვალის დაუხამხამებლად ბავშვმა.

- ბიჭოს! — გაგვიკვირდა ჩვენ.
- თერთმეტს გამოვაკლოთ ორი?
- ცხრა!
- ხუთს მივუმატოთ ოთხი?
- ცხრა!
- 1712-ს გამოვაკლოთ 1703?
- ცხრა!
- ვაა!!! — აღმოგვხდა განცვიფრებისაგან. ბავშვი ღვთის კალთიდან ჩამოვარდნილივით იდგა ჩვენს წინ და შარავანდედიდა აკლდა თავზე.
- ორი ათასს გამოვაკლოთ ათას ცხრაას ოთხმოცდათერთმეტი? — არ ეშვებოდა ბიძა.
- ცხრა! — არ იშლიდა ბავშვი.
- ვა! — ვიძახდით ჩვენ.
- მოიცა, თუ ქმა ხარ, ახლა მე ვკითხავ! — თქვა გაპონამ.
- სხვის შეკითხვებს ვერ იტანს. — აარიდა თხოვნას თავი ბიძამ.
- ერთი მაგალითი და მორჩი! — არ დაიხია უკან გაპონამ.
- წადი, ბიჭო, ითამაშე! — ისევ წამოჰკრა თავში წელი ბიძამ.
- თავში წელს ნუ ურტყამ, რომე არ მოუკიდეს! — შეეშინდა ქართლოსს.
- ორს მივუმატოთ ოთხი, რამდენია, ბიჭი? — არ აცალა წასვლა გაპონამ.
- ცხრა! — ააფახულა თვალები პატარა გენიოსმა. — ბიჭებს კივილი აუტყდათ. მე სკამიდან გადმოვგარდი.
- გასაგები! — თქვა გაპონამ.
- ეს კი ყოფილა ექიმთან მისაყვანი! — თქვა ქართლოსმა.
- რამდენი წლის ხარ, ბიჭი? — ვკითხე მე, სული რომ მოვითქვი.
- ცხრა! — თქვა ბიჭმა და გაიქცა.
- ლისშვილი ბიძას ასე დამსგავსებოდეს, არ მინახავს! — აუჩუყდა გული ელგუჯას.
- კრეტინო, მაგხელა რომ იყავი, ცხრამდე თვლა იცოდი? — გაიქაჩა ელგუჯაზე კარლო.
- მერე რაო, ექიმმა რა გითხრათ? — ჰკითხა ქართლოსმა.
- მიხედეთ ბავშვსო!
- მიხედეთ, დროზე მიხედეთ! — სთხოვა გოგია დემეტრაძემ.
- დამცინი? — იკითხა კარლომ.
- ჩემი დასაცინი რა გჭირს, მე რა მენაღვლება, მუსხელიშვილმა იკითხოს, ორ წელიწადში, ასე თუ იანგარიშა მაგან, უმუშევარს დატოვებს. — თქვა გოგიამ.
- ბიჭები ერთმანეთს შეასკდნენ. კარლომ ერთხანს გვიყურა, მერე შებრუნდა და იქით წავიდა, საითაც ბავშვი გაიქცა.
- გაყევი, თემო, თორებ მოკლავს ბავშვს! — მთხოვა ქართლოსმა. მე ავდექი.
- პავილიონისქნ გავიარე. კარლო და მისი დისშვილი აინშტაინი არსად ჩანდნენ. ერთ სკამთან შევყოვნდი. ორი მოხუცი ჭადრაკს თამაშობდა. დაფას დავაკვირდი. მელოტს, რომელიც თეთრებით თამაშობდა, სამ სვლაში შამათი ჰქონდა. შავებით მოთამაშე წითურ ძიას ხელი თავზე შემოედო და თვალებს ნაბავდა. ეტყობოდა, თეთრების სვლა იყო და არაფრად ეპიტნავებოდა სვლის გაკეთება. დიდხანს ვიდექი. თეთრები სვლას არ აპირებდნენ.
- მეძღური? — ჰკითხა წითურმა.
- რაშია საქმე? — გაუკვირდა მელოტს.
- აღარ ითამაშებ?
- ჩემი თამაშია?
- აბა, ჩემი?
- ვერ თქვი მერე?
- თქმა არ შველის მაგას, თამაში უნდა.

— ა, ბატონო, უდედოფლოდ არ იქნება ჩვენი არსენას დაჭერა. — წაიღიღინეს თეთრებმა და პაიკი წასწიეს წინ.

- ქიში! ერთი ქიშიც მოახსენა, თავად გახლავარ არსენა, — ღიღინით უპასუხეს შავებმა.
- ხელი არ გამიშვია! — დაიბრუნეს სვლა თეთრებმა.
- სხვა ითამაშე, ბატონო, — სთხოვეს შავებმა. თეთრებმა მსედარი ითამაშეს.
- ცხენი მასე არ დადის! — გაუსწორეს სვლა შავებმა.
- მაშინ არ ვთამაშობ! — თქვეს თეთრებმა და ისევ ის პაიკი წასწიეს.
- ქიში!
- ჩემი კი არა, შენი სვლა იყო! — დაიწყეს თეთრებმა ინტრიგა.
- კარგი, ბატონო, — არ აყვნენ შავები.
- ითამაშე!
- ქიში!
- მეფე გასწიეთ და ქიშს ვერ გეტყვით. — ვასწავლე მე.
- გაიარე, ბიძია, შენი საქმე არ არის! — დამარიგა ჭკუა წითურმა.

მართლაცდა, რა ჩემი საქმე იყო. მაგრამ არსადაც არ გავიარე, იქვე დავვეექი. მოხუცებმა ახალი პარტია დაიწყეს. ვიდრე პირველ ტრადიციულ სვლებს აკეთებდნენ, კვლავ დავუწყე მოქალაქეებს თვალიერება. ჩემს პირდაპირ გვერდშექცევით ახალგაზრდა გოგონა იჯდა. მას ფეხი ფეხზე გადაედო, მარჯვენა მკლავით სკამის ზურგს დაყრდნობოდა. ისე იჯდა, მარცხენა ხელისგულზე გამლილ წიგნს ნათურის მკრთალი შუქი ეცემოდა. გულმოლებინედ კითხულობდა რაღაცას. შზისგან დამწვარი ლამაზი ფეხები ჰქონდა, ოდნავ მოკლე კაბა უცვა და მუხლისთავი უჩანდა. შავი თმა ლოფაზე პქონდა ჩამოშლილი და სახეს ვერ ვხედავდი.

- მორჩა, ნათამაშებია!
- ხელი არ გამიშვია!
- ნათამაშებია!
- გეუბნები, არ გამიშვია! — აყვირდნენ ჩემი მოხუცები.

გოგონამ სახე მოაბრუნა. მოაბრუნა და მე გული კინაღამ ჩამწყდა მოულოდნელობისაგან. ჩემს წინ ლია იჯდა. მოხუცები რომ დაწყნარდნენ, კვლავ მიბრუნდა, ცოტა ზნის შემდეგ ისევ მოტრიალდა და დამაკვირდა სულ რაღაც ორიოდე წამით, მერე თავი ჩაღუნა, ალბათ, ფიქრობდა, სად მინახავსო, ახლა ქვევიდან გამომხედა, უცებ შებრუნდა და წიგნის კითხვა განაგრძო.

ღმერთო, ნუუ ვერ მიცნო. თუ ვერ მიცნო, რატომ დამაკვირდა ასე, თუ მიცნო, წიგნის კითხვა რაღად გააგრძო. მიცნო? ვერა, ვერა, ვერ მიცნო. იგი კითხულობდა გამშლილ წიგნს ისევ ისე, როგორც წინათ, გვერდშექცევით, ლოფაზე თმაჩამოშლილი, კითხულობდა დიდხანს, ძალიან დიდხანს, მე საკუთარი გულის ბაგაბუგი მესმოდა. დავწყნარდები და მივალ, აი, ახლა, გული დამიწყნარდება და მივალ. აი, დამიწყნარდა... წამოდგომა დავაპირე. გულმა უარესად დამიწყო ცემა. თვალს არ ვაცილებ ლიას... ლია, ბათუმი, „ინტურისტი“, კაფე, გაკრეჭილი, გულიკო, ლია, ლია, გულიკო. ყველაფერი ერთმანეთში აირია. მე თვალს არ ვაცილებ. ლია წიგნს კითხულობს კიროვის ბაღში. ალბათ, ვერ მიცნო, ვერ მიცნო, ვერ მიცნო... და უცებ მივხვდი, რომ ლიამ მიცნო და რომ ლია წიგნს არ კითხულობდა. იგი არ კითხულობდა წიგნს, რაღაც ამდენი ხანია ვუცქერ და არ გადაუფურცლავს. უნდა მივიდე, უნდა მივიდე, უნდა მივიდე... და მე მივედი.

- გამარჯობა, ლია! — ვთქვი მე და გვერდით სკამის კიდეზე ჩამოვჯექი ისე, რომ პირდაპირ სახეში მეცქირა. ლიამ თავი აიღო და ჩამოშლილი თმა გაისწორა.
- უკაცრავად... — დაიწყო მან. ალბათ, უნდოდა ეთქვა, ვერ გიცანითო.
- მე თემური ვარ, — შევაწყვეტინე სიტყვა, — თემური. ბათუმი გახსოვთ, შარშანწინ?
- მახსოვს. — თქვა ლიამ და წიგნი დახურა.

— პოდა, მე თემური ვარ. როგორ გაგახსენოთ თავი, აი ის, თქვენ რომ... დამე რომ თქვენს ნომერთან მოვედი და...

- მახსოვს... — თქვა ლიამ და ისევ გაშალა წიგნი.
- როგორ ბრძანდებით, ლია? — კითხე მე, წიგნის კითხვა რომ არ დაეწყო.
- გმადლობთ, არა მიშავს.
- საოცარია პირდაპირ, რომ ჩამოვედი ბათუმიდან, სულ გეტებდით, გემებდით და გეტებდით.

— მართლა? — თქვა ლიამ და გაიღიმა ისე, როგორც მატყუარებს უღიმიან.

- დედას გეფიცებით, გეტებდით, გეტებდით და კერსად ვერ გიპოვეთ.
- ცუდად მეტებდით, ალბათ! — თქვა ლიამ და ისევ დახურა წიგნი.
- კარგად გეტებდით, დედას გეფიცებით, და მაინც ვერ გიპოვეთ. დღეს კი სულ არ გეტებდით და გიპოვეთ.
- რა მოხდა მერე? — მკითხა ლიამ.
- არაფერი, გამიხარდა!
- ძალიან სასიამოვნოა.
- თქვენ არ მეტებდით, ლია? — კითხე მე.
- არა.
- რატომ?
- იმიტომ, რომ არ დამკარგიხართ.
- მე კი გეტებდით...
- რა გინდათ, თემურ, ჩემგან? — მკითხა უცებ ლიამ და წამოდგა. ასეთ პასუხს არ ველოდი და ენა დამება.
- მე, არაფერი, ისე, ძველი ნაცნობი რომ გნახეთ, გამიხარდა...
- მეც გამიხარდა, მაღლობელი ვარ ყურადღებისათვის, ნახვამდის... — ლია წასასვლელად მოემზადა.
- ლია, თქვენ რომ ახლა წახვიდეთ, მე გავგიშები. — ვთქვი მე ისე გულწრფელად, რომ ლიას თვალები გაუფართოვდა.
- ლია, ძალიან გთხოვთ, თუ შეიძლება, ცოტა ზანს კიდევ დარჩით.
- გვიანაა უკვე. — თქვა ლიამ და შევატყვე, რომ ყოფილი მეტებდით.
- ცოტა ზანს, სულ ცოტა ზანს, ლია...

ლია დაჯდა. დავჯექი მეც. უამრავი დრო გავიდა დუმილში. მე ვიჯექი ლიას წინ, ვუმზერდი მის ლოყაზე ჩამოშლილ კუპრივით თმას, ტუჩებს, დიდრონ დახრილ წამწამებს, წიგნზე დაწყობილ თხელ და საოცრად გრძელ, სიფრიფანა თითებს, სავსე მკერდს, მესმოდა მისი ზომიერი სუნთქვა და ისე მომინდა უცებ მოვხველდი ამ ლამაზ, მიმზიდველ ქალს, როგორც უდაბნოში უწყლობით მომაკვდავ კაცს ენატრება წყაროზე დამხობა და სიკვდილამდე თუ დახრჩობამდე სმა. ფეხზე წამოვდექი, წამოდგა ლიაც. მან თვალი თვალში გამიყარა.

- წავიდეთ! — ვთქვი მე, რამე სისულელე რომ არ ჩამედინა.

ლია უხმოდ წავიდა, მე გვერდით გავყევი. გავედით კიროვის ბაღიდან, ვერის ბაზართან ლენინის ქუჩა გადაგჭერით და ბელინსკის ქუჩას შევუდექით.

- ლია, თუ შეიძლება, გაგაცილებთ! — ვუთხარი მე დუმილი რომ დამერლვია. ლიას გაელიმა და გზა გნაგრძო.
- მაშინ, ალბათ, ბევრი უსიამოვნება მოგაყენეთ! — განვაგრძე საუბარი.
- როდის?
- ა, იმ გაერეჭილ ბიჭზე რომ გმლაპარაკეთ!
- ავთოზე?
- არ მახსოვს, რა ერქვა.

- ის გოგონა ვინ იყო, თქვენ რომ გახლდათ ზღვაზე? — მკითხა უცებ ლიამ.
 - ის გოგონა? ის გოგონა ისე, ჩვენი ამხანაგი, უნივერსიტეტის ამხანაგი.
 - აკი ქმარია ჩემიო, ამბობდა?
 - ხუმრობდა, ალბათ, არ მახსოვს, მართლა თქვა? — გავიკვირვე მე.
 - არ გახსოვთ?
 - არა. — ლია გაჩუმდა.
 - ალბათ, ბევრი უსიამოვნება მოგაყენეთ მაშინ! — დავიწყე თავიდან.
 - არა, თქვენ რომ წამოდით, მეორე დღეს მეც წამოვედი.
 - ის გოგონა, გულიკო, ჩემი ცოლი არ არის, არც ყოფილა! — რატომდაც ვიმართლე თავი და თვითონვე შემრცხვა.
 - კარგი გოგო იყო! — თქვა ლიამ.
 - რა წიგნს კითხულობთ? — ბანზე ავუგდე სიტყვა, ლიამ წიგნი გამომიწოდა, „მარტოდმარტო კაციჭამიებს შორის“ წავიკითხე.
 - ვიცი ეგ წიგნი, ბავშვობაში დედა მიკითხავდა ხმამალლა. სიზმარივით მახსოვს — „ყველას ვეკითხებოდი, ახალი ზელანდიისაკენ მიმავალ გემზე მეზღვაური ხომ არ სჭირდებათ, იქ ჩემი ეშუ მელოდებაო“ — მგონი, ასე თავდებოდა. — ლიამ წიგნი გამომართვა და ბოლო ფურცელი გადაშალა.
 - „იქ ჩემი ეშუ მელოდება“. — წაიკითხა მან — კი, ასე თავდება. — თქვა და გამიღიმა.
 - ბელადს ემაი ჰქვია, არა?
 - ემა! — თავი დამიქნია ლიამ.
 - დედა რომ წიგნებს მიკითხავდა ბავშვობაში, სულ ზეპირად მახსოვს. ნეტავი ლექციები მამახსოვრდებოდეს ისე. — ვთქვი მე. ლიას გაეცინა.
 - ქართული პურის თორნებთან რომ ჩავიარეთ, ისეთი სურნელუბა მეცა, თავბრუ დამეხვა.
 - აუჰ, რა სუნია! — აღმოხდა ლიას.
 - ერთი წუთით, ლია! — ვთხოვე და თონეს ეზოდან შემოვუარე, კარი გადარაზული იყო შიგნიდან, დავაკაუნე. ხმა არავინ გამცა, სელმეორედ დავაკაუნე, კარი ოდნავ გაიღო და ვიღაცამ ოფლიანი თავი გამოყო.
 - პური მინდა, ძია! — ვუთხარი მე.
 - არ არის პური! — თქვა მან და კარი ცხვირწინ მომიხურა. ისევ დავაკაუნე. ისევ გაიღო კარი.
 - რა გითხარი, შე კაცო, არ არი პური და რა გიყო?
 - ერთი პური, ძია, ქუჩაში მშიერი კაცი მელოდება. — ვთხოვე მე.
 - ცა და ქვეყანა მშიერია, შე კაცო, და ასე რომ ვარიგო პური, შენ არჩენ მერე ჩემ ცოლ-შვილს? — მკითხა მან.
 - ნუ მეტყვი უარს, შენი ჭირიმე, მომეცი ერთი პური.
 - ხუთი მანეთი გაქვს? — მკითხა მან.
 - სამი მანეთი მაქვს!
 - სამმანეთიან პურს არ ვაცხობთ ჩვენ!
 - პატარა პური იქნება და ამოარჩიე.
 - შენ ვინ ყოფილხარ, კაცო! — გაუკვირდა მეპურეს. მერე კარი გაიხურა. ერთ წუთში ისევ გაიღო კარი და მრგვალი, ლოცებდაბრაწული ცხელი პური მომაჩეჩა.
 - ა, და წადი ახლა! — მე სამი მანეთი მივეცი და პური ჩამოვართვი.
 - გმაღლობთ, ბიძაჩემო! — ვთქვი მე.
 - არაფრის, შე კაცო! — მითხრა მეპურემ.
- მე გამოვბრუნდი. ქუჩაში გამოვედი, აკაციის ძირას, სადაც ლია დაგტოვე, არავინ იდგა. გავიხედ-გამოვიხედე, ქუჩა ცარიელი იყო.

— ლია! — დავიძახე მე. ხმა არავინ გამცა, ზევით, ბელინსკის თითქმის ბოლოში, ვიღაც მიდიოდა. გამოვევადე, გულამოვარდნილი დავეწიე.

— ლია! — დავუძახე. მოიხედა. ლია არ იყო. არ იყო და მკერდში რაღაც ჩამწყდა, გული დამეწურა და ისე დამეწვა, თითქოს მდუღარე ჩამასხეს... გამეპარა, რაღა იპოვის ახლა მაგას. ნეტავ, რატომ გამეპარა... ალბათ, არ ესიამოვნა ჩემთან შეხვედრა. ცუდი ხომ არაფერი მითქვამს... ალბათ, არ უნდოდა ვინმეს მასთან ერთად დავენახე. არ უნდოდა, ალბათ... და ისევ ამეწვა გული. ფილაქანზე ჩამოვჯექი და ცხელი თორნის პური გულზე მივიკარი...

— ლერთო, ძლიგს ვიპოვე და რა სულელურად დავკარგე...

— რა დაკარგე, როდის ეტბდი, რომ დაკარგე.

— როგორ არ ვეძებდი, სულ ყოველთვის ვეძებდი, ორი წელია ვეძებდი...

— არც ერთი დღე არ ვიძებნია.

— მაშ, რატომ გამიხარდა ასე მისი დანახვა?

— რა ვიცი, რატომ გაგიხარდა, მაგის დანახვა ვის არ გაუხარდება.

— ალბათ, ჩემსავით არავის, რა სულელურად დავკარგე?!

— კიდევ იპოვი, თუ მოინდომე.

— სად ვიპოვი, სად? — პურმა მკერდი გამითბო და რაღაც გალლვა, გალლვა და მარღვებში სამოლ ჩამდევარა. პურს დამეწვარი ყუა მოვტექე და ღეჭვა დავუწყე.

— რა სულელურად დავკარგე მე იდიოტმა! სადღა ვიპოვნი ან როდის?

ავდექი და ლენინის ქუჩისკენ დავეშვი. რა ჯანდაბად მინდოდა ეს დასაწვავი პური, ნეტავი რა ოხრად მინდოიდა. ვერის ბაზართან ჩაგედი, მელიქიშვილისა და ლენინის ქუჩის კუთხეში რამდენიმე მოქალაქე ტრამვაის ულოდა. ფეხით წასვლა დამეზარა და მეც დაველოდე ტრამვაის. გაჩერებაზე ორი მამაკაცი და ერთი, ასე ოცდაათი წლის ლამაზი, ჩასუქებული ქერა ქალი იდგა. ხელში მძიმე ჩანთა ეკავა. სახელობგაცრეცილი კოსტუმი ეცვა, წარბები წვრილად ჰქონდა ამოქნილი და წამწამები აპრეხილი, სახეზე უმარული ეცხო. ოდნავ ვულგარული იერი ჰქონდა, ისე, ლამაზი იყო. გვერდით რომ მოვუდექი, ისე შემომხედა, როგორც ჯიგირებს უშურებენ ფრთხილი მგზავრები. თავი უხერხულად ვიგრძენი და გვერდზე გავიზედე. მხოლოდ ახლა შეგამჩნიე, რომ პური მკერდზე მქონდა მიკრული და უშნოდ ვიცოხნებოდი, ლუკმა სასწრაფოდ გადავყლაპე, პური იღლიაში ამოვიჩარე და ქალს გავხედე. ქალმა სიცილი ვერ შეიკავა და მიბრუნდა. მეც გამეცინა.

— გემრიელია? — მკითხა ქალმა.

— გადასარევა, ხომ არ მიირთმევთ? — ვკითხე ახლა მე და პურს ყუა მოვაგლიჯე.

— არა, გმაღლობთ.

— შორს ცხოვრობთ? — ვკითხე ისევ.

— არც ისე.

— მეც ახლოს ვცხოვრობ.

— ერთი საათია ველოდები ტრამვაის და არ ჩანს, ამდენ ხანს ასჯერ მივიდოდი! — თქვა ქალმა.

— ფეხით ხომ არ წავსულიყავით? — გავთავხედდი მე.

— ეს ჩანთა რომ არა... — ტრაგიკული სახე მიიღო ქალმა და წარბები შეიჭმუხნა.

— მე წამოგიღებთ!

— როგორ შეგაწუხოთ!

— რას ბრძანებთ!

— მომეცით!

— არა, რას ბრძანებთ! — დაიწყო ჩანთის ქაჩა აქეთ- იქით. ბოლოს, როგორც იქნა, გამოვართვი, ჩანთა არც ისე მძიმე აღმოჩნდა.

კავშირის ქუჩის ბოლოში რკინის ჭიშკარში შევედით და ხელისგულისოდენა ეზოში აღმოვჩნდით. შუაგულ ეზოში მავთულით ყბააზვეული ონკანი თუხთუხებდა და

კაგებშეყენებული, გარდიგარდმო გაბმული სარეცხის თოკები ქათქათა საცვლებითა და ზეწრებით იყო დახუნძლული. ქალმა გასაღები ამოიღო და პირდაპირ ეზოში გამომავალ თეთრფარდებიან და რკინებაკრულ კარს მიადგა. კარი გაიღო, ქალი ოთახში შევიდა, სინათლე აანთო.

— შემოდი! — მითხრა მან. შევედი და ჩანთა პატარა შუშაბანდში ნავთქურის გვერდით დავდე.

— დაჯექი! — მითხრა მან და ტახტზე ვარდისფერი ბალიში გაასწორა.

დავვექი.

ოთახი იყო პატარა, დაახლოებით თხუთმეტ-თექვსმეტი მეტრი. შიგ იდგა ნოხგადაფარებული ტახტი, რომელზეც მე ვიჯექი, ერთი საწოლი მწვანე საბნით დახურული, მრგვალი მაგიდა, ოთხი სკამი, ერთი წიგნების კარადა და ერთიც ტანსაცმლის სარკისკარიანი კარადა. ეს იყო და ეს.

ქალმა კარადის კარი გააღო, ვარდისფეროთლებიანი ხალათი გამოიღო, სარკესთან დადგა და მოურიდებლად დაიწყო კოსტუმისა და ქვედატნის გახდა. იგი იყო მკვრივი, ძლიერი, მარმარილოსავით თეთრი სხეული, მრგვალი მხრები და მაღალი მკერდი ჰქონდა. სუნთქვა შემეცრა. სახე ავარიდე. ხალათი გადაიცვა და მაგიდას მიუჯდა.

— ვჭამოთ რამე? — მკითხა მან.

პური, რომელიც ამ დრომდე ხელში მეკავა, მაგიდაზე დავდე. ქალი ადგა და შუშაბანდში გავიდა. იქიდან ცოტა ყველი, თევზის კონსერვი და ნახევარი ბოთლი არაყი გამოიტანა.

— მოღი! — თქვა მან.

მე ავდექი და მაგიდას მივუჯექი. ქალმა არაყი დაასხა.

— კარგად ვიყოთ, მაღლობელი ვარ, რომ მომაცილე. მე ლიდა მქვია. შენ? — მკითხა და ჭიქა ჭიქაზე მომიჯახუნა.

— მე თემური მქვია. კარგად იყავი, ჩემს გაცნობას გაუმარჯოს!

— გაგვიმარჯოს! — დავლიეთ. — ეს ჩემი ქმარია, ომში დაიღუპა. — თქვა მან და კედელზე დაკიდებულ კაცის სურათისკენ გაიხედა. კედლიდან ახალგაზრდა უწვერულვაშო ბიჭი იღიმებოდა.

— მე შვილი მეგონა! — ვთქვი და ჭიქა დავდგი.

— ქმარია. შენ რამდენი წლისა ხარ?

— ოცდაორიც!

— ის ოცდასამის იყო! — თქვა ლიდამ და ისევ დაასხა, მეც დამისხა.

— მე წავალ! — ვთქვი და ავდექი.

— მოიცა, ეს ერთი ბოთლი დავლიოთ! — მითხრა მან. მე დავვექი.

— ისევ ჩემ გაგვიმარჯოს!

— გაგვიმარჯოს!

მესამეც დაგასხით. — შეიძლება, ლიდა, შენს გვერდით დავვდე? — ვკითხე მე და შევატყვე, როგორ დაირწა ოთახი და ამეწვა საფეთქლები.

— შეიძლება! — თქვა ლიდამ, გაიღიმა და თვალები დახუჭა.

მე გვერდით მივუჯექი და ხელი კალთაზე დავადე. ლიდამ არაფერი თქვა. არც თვალები გაუღია, არც ლიმილი შეუწყვეტია, მხოლოდ ორივე ხელით საფეთქლები დაისრისა და ასე დარჩა. მაშინ ხელი მხარზე გადავხვიდე და ჩემკენ მოვიზიდე. ჯერ ყურის ძირში, მერე ყელთან ვაკოცე და ასე დავრჩი. მას რაღაც, დღემდე ჩემთვის უცნობი, აუხსნელი, გაუგონარი და საოცარი სუნი ჰქონდა მიწის, მზის, სისხლის, ოფლის, ზღვის, პურის, ყველაფრის, ყველაფრის, რასაც ქვეყანაზე ბედნიერება და სიცოცხლე ჰქვია, ყველაფრის ერთად.

— ლიდა, გენაცვალე, დავრჩები შენთან, თუ შეიძლება, ლიდა... — კჩურჩულებდი და ვეკვროდი.

ლიდა ხმას არ იღებდა.

— ლიდა, დავრჩები, ჩემო საყვარელო ლიდა, ძვირფასო ლიდა. — ლიდა ჩემპენ მოტრიალდა, დიდხანს მიცეირა დიდრონი თვალებით, მერე უცებ ადგა, მეც ავდექი.

— დარჩი! — თქვა მან, ოთახი ისევ დაირწა, მერე დატრიალდა, დატრიალდა და ყველაფერი უკუღმა დაბრუნდა, ცოტა გონს რომ მოვედი, ოთახში ბნელოდა, ლიდა ლოგინში იწვა და ჩემპენ იცქირებდა.

— მოდი! — თქვა მან. მე ადგილიდან არ ვიძროდი.

— მოდი ჩემთან! — გამეორა ლიდამ საიდანლაც, ზღაპრიდან, ექონარევი ხმით. — მოდი, მოდი, მოდი, — გუგუნებდა ზღაპრიდან მოსული ხმა ჩემს საფეთქლებსა და ყურებში და მე შევედი ზღაპარში...

* * *

ეს იყო ფიჭვის, არყის, წიფლის, მუხის, ნაძვისა და ბზის უზარმაზარი, დაბურული ტყე, ცაში ასული, მზემდის აზიდული, ზურმუხტში და ოქროში მოცურავე ტყე. მე ვიდექი შუა ტყეში ფეხშიშველი, ფეხისგულებს წიწვები მჩხვლეტდნენ, ხელებაწვდილი შევყურებდი ფოთლებში ჩამომდნარ სხივებს და ველაპარაკებოდი ღმერთს.

— ეპეპე, ჰე, მაღალო ღმერთო, მაღალო ღმერთო!

მე ვსუნთქავდი ცას, ვბანაობდი სხივებში, ფესვებით გადგმული მიწაში ვიყავი ტყესავით მაღალი, ძლიერი და ბედნიერი.

— ეპეპე, ჰე, ღმერთო, მაღალო ღმერთო, გმადლობთ, ღმერთო, ძლიერო ღმერთო...

მერე უცებ სხივები იქცნენ ცეცხლად, ავარდა ალი და ცეცხლი მოეკიდა ცას, ცეცხლი მოეკიდა ტყეს. მოეკიდა და გათავდა ჰაერი, ჰაერი გათავდა, ღმერთოოო... მიშველე, ვიწვები... მე ვიდექი და ვიწვოდი ისე, როგორც ჩემს წინ მდგარი ფიჭვი და წიწვი ჩემს ფეხებქვეშ.

— ღმერთო მაღალო, მიშველეე... მერე მე ვთხრიდი უზარმაზარ მუხებს, წიფლებს, არყის ხეებსა და ფიჭვებს, ვთხრიდი გარშემო ყველაფერს და ვამხობდი დედამიწაზე, ვეძანდი ღმერთს, მაგრამ საშველი არ ჩანდა, და მე დავეშე მიწაზე ქვითინით. მაშინ ისმინა ღმერთმა ჩემი ვედრება... მოვიდა წვიმა, საოცრად თბილი და ალერსიანი წვიმა, მერე იმატა, იმატა, ჩაქრა ცეცხლი და დატრიალდა რძესავით სუფთა და ტკბილი ოხშივარი. მე ვეკვროდი სველ მიწას, როგორც სიცოცხლეს, ისიც მეცვროდა მასზე მინდობილს, და ჩენ ერთად ვტიროდით

— მე, ზეცა და მიწა... და მიწა მეჩურჩულებოდა მე, როგორც ცოცხალი:

— თემური, ჩემო სიხარულო, თემური, ჩემო მზეო, სიცოცხლევ ჩემო...

.....

მერე ყველაფერი გახდა იასამნისფერი. მე ძუძუმწოვარა დამკარგა დედამ ტყეში და მიპოვა მუ მგელმა, დიდმა, ნაცრისფერმა მგელმა. იგი მოვიდა ჩემთან, დამყნოსა, თავი ასწია მაღლა და დაიყმუვლა. მოვიდნენ მგლის ლეკვები, იმათაც დამყნოსეს და დაიყმუვლეს. მერე რუხი მგელი მოუწვა ლეკვებს და ძუძუ აჭამა. მე მშიოდა. მივცოცდი დედა მგელთან, მივწი-მოვწიე ლეკვები და სეელი ძუძუ ჩავიდე ჰაირში. მგელმა ხმა არ ამოიღო, თვალები მინაბა და გაიტრუნა. მე ვდეჭავდი მგლის ძუძუს და მიკვირდა, რომ იგი არ იყო დედის რძესავით თბილი და გემრიელი. მგლის რძე შაბიანი და მლაშე იყო. მერე მე შევეზვი მგლის რძეს და ძალიან გემრიელი მეჩვენებოდა. როდესაც გავიზარდე, მუ მგელს, ჩემს დედას, ჩემს და-ძმებთან ერთად, სანადიროდ დაგყავდი. მე არ ვიცოდი რამდენი და-ძმა მყავდა, რადგან თვლა არ ვიცოდი, ისე კი ბევრნი იყენენ... და როდესაც მე მათზე დიდი გავიზარდე და მათზე ძლიერი

გავხდი, მგლებმა მაუგლი შემარქვეს. მე არ ვიცოდი, რას ნიშნავდა მაუგლი, მაგრამ ვიცოდი, რომ მაუგლი ვიყავი მე და მეტი არავინ. მერე ვისწავლე მგლებივთ ყმუილი და მიყვარდა ძუ მგელი, როგორც ჩემი დედა. როდესაც სულ დიდი გავხდი და ტყიდან გამოსულმა, სოფელში დავინახე ჩემსავით ორ ფეხზე მოსარულე ხალხი, მე მომინდა მათთან ყოფნა. მერე კიდევ ვნახე ადამიანები ტყეში. ისინი ისხდნენ ცეცხლის პირას. მე სულ ახლოს მივედი და დიდხანს ვუცქერდი მათ და რაც უფრო დიდხანს ვუცქერდი, მით უფრო მინდებოდა მათთან ყოფნა. მაგრამ მაშინ მისვლა ვერ გავბედე. მერე მივედი დედასთან და მოვუყევი ყველაფერი.

- დედა, მე დღეს სულ ახლოს ვნახე ადამიანები.
- მე ვიცოდი, მაუგლი, რომ დაგარგავდი, ამას მაშინ მივხვდი პირველად, როდესაც შენ ცეცხლის არ შეგეშინდა. ჩვენ, მგლებს, ძალიან გვეშინია ცეცხლის.
- მე უნდა წავიდე, დედა, მათთან, ისინი ჩემი ხროვისანი არიან.
- ნუ წახვალ, შვილო, იყავი ჩვენთან...
- მე გული მათკენ უფრო მიმიწევს. უნდა წავიდე. – და მე ავდექი.
- ნუ წახვალ, ნუ, ნუ წახვალ, ნუ!.. – ყმუილით მომდევლენენ დები და ძმები. – ნუ წახვალ, ნუუუ! – ღმუილით მომდევდა დედა, მაგრამ მე მაინც წავედი.

.....

- თემო, თემური, ადექი ახლა და წადი. წადი, თემური, თენდება, მეზობლებმა არ დაგინახონ. – მაღვიძებდა ლიდა. მე სწრაფად წამოვდექი და ჩავიცვი.
- შენ არ ადგები? – ვკითხე ლიდას.
- მე არა, დღეს ღამის ცვლაში ვარ. – თქვა ლიდამ.
- ღამის ცვლაში? სად მუშაობ? – ვკითხე მე.
- აბრეშუმის საქსოვ ფაბრიკაში.
- რას აკეთებ?
- კომბოსტოს ვამჟავებ, – გაიცინა ლიდამ.
- ლიდა, შეიძლება, შენთან ვიარო ხოლმე? – ვკითხე მე და საწოლზე ჩამოვჯექი.
- თუ მოგენატრები... ისე არ გირჩევ, არ ღირს, ვითომ სიზმარი იყო. – თქვა ლიდამ.
- კი მომენატრები! – გულწრფელად ვთქვი მე. ლიდას გაეცინა.
- ვნახოთ, მაგრამ არ გირჩევ, ჭამე ის დარჩენილი პური და წადი. – თქვა ლიდამ და მაგიდისკენ ხელი გაიშვირა.
- მაგ პურმა გუშინ ორი წლის დაკარგული და ძლივს ნაპოვნი გოგონა დამაკარგვინა. – ვთქვი მე და მაგიდას მივუჯექი. ბოთლში კიდევ იყო ცოტა არაყი.
- ვინ გოგონა? – დაინტერესდა ლიდა.
- ლია, ბათუმში გავიცანი, მხოლოდ ერთი დღე ვიცნობდი... მერე ორი წელი არ მენახა, კიროვის ბაღში ვნახე დღეს და... რომ მიგაცილებდი, ბელინსკე თონე რომ არის, ამ პურის საყიდლად შევედი. გამოვედი და აღარ დამხვდა.
- გაქრა? – გაეცინა ლიდას.
- გაქრა, გამეპარა! – ვთქვი მე. – ამ პურმა დამღუპა...
- აბა, მართალი ყოფილა „არა პურითა ხოლო“...
- რა თქვი?
- „ხოლო იქსო მიუგო და პრქუა: წერილ არს, რამეთუ არა პურითა ხოლო ცხონდების კაცი, არამედ ყოვლითა სიტყვითა, რომელი გამოვალს პირისაგან ღმრთისა“. – წამლერა ლიდამ.
- ეგ სად წერია? – ვკითხე მე.
- სახარებაში.
- კიდევ რა წერია? – ვკითხე მე სხვათა შორის და არაყი დაგისხი.

— კიდევ, — თქვა ლიდამ და თვალები დახუჭა. — ახლავე გავიხსენებ. კიდევ წერია: „ხოლო მე გეტჰვით თქუენ, რამეთუ ყოველმან, რომელმან განუტევოს ცოლი თვისი თვინიერ სიტყვისა სიძვისა, მან ამრუშა იგი; და რომელმან განტევებული შეირთოს, მანცა იმრუშა“.

მე გაკვირვებული კუგდებდი ყურს ლიდას. ლიდამ თვალები გაახილა და გაკვირვებული რომ დამინახა, გაეღიძა.

— არ წაგიკითხავს სახარება? — მკითხა მან.

— არა! — კუპასუხე მე.

— აი, მანდ დევს თაროზე, ქვევიდან მესამე წიგნი, ლურჯყდიანი. „ახალი აღთქუმაი“ აწერია. წაიკითხე, გამოგადგება. — მითხრა მან.

მე ავდექი, წიგნი თაროდან ავიღე და გადავშალე.

— სახლში წაიკითხე, ახლა კი წადი.

— გმადლობთ, ლიდა, რომ წავიკითხავ, მოგიტან. — ვთქვი მე.

— ნუ მომიტან, გქონდეს, მე ზეპირად ვიცი! — ისევ მიღედი საწოლთან, დავიხარე და ლიდას ლოფაზე ვაკოცე.

— გმადლობთ, ლიდა!

— არაფრის!

— შენ კარგი ქალი ხარ, ლიდა, ძალიან კარგი ქალი!

— არ ვიცი, თემო, — აიჩეჩა მხრები ლიდამ.

— ნახვამდის!

— ნახვამდის!

ოთახიდან გამოვედი და კარი ფრთხილად გავიხურე.

თბილისი რძისფერ ბურუსში ცურავდა. შორიდან ისმოდა დილის ტრამვაის ბორბლების ჭრიალი და ქარხნის საყვირების ბოხი, ხრინწიანი გადაძახილები. ქალაქი გაფერმკრთალებული ნათურებით ციმციმებდა, თვალებს იფშნეტდა, იზმორებოდა და მტკვრის პირას დაფენილ ლამენათვე, უზარმაზარ ცხვრის ფარასავით იშლებოდა.

raisaTvis damiteveb me?

დედამ კარი გამიღო. მას მხრებზე თეთრი შალი ჰქონდა მოხვეული და გაფიორებული იყო.

— სად ხარ, შვილო, ამდენ ხანს, ჯავრით გავთავდი! — მითხრა მან და ოთახში შემომყვა.

— გურამთან ვიყავი! — ვიცრუ მე.

— მერე, არ უნდა გამაფრთხილო, შვილო? მით უმეტეს, ასეთ დროს.

— რა დროს, დედა? — ვკითხე მე გაკვირვებულმა.

— შენ არაფერი გაგიგია? — ჩემზე უფრო გაუკვირდა დედას.

— რა უნდა გამეგო?

— დავიღუპეთ, შვილო, სტალინს დამბლა დაეცა! — თქვა დედამ და ცოცხალ-მკვდარი მაგიდას მიუჯდა.

— გაგიჟდი, ქალო? — გკითხე მე. ურუანტელმა დამიარა.

— გავგიჟდი, შვილო, გავგიჟდი. რადიომ გადმოსცა, სტალინს სისხლი ჩაექცაო...

— მერე?

— მერე რა? ძალიან მძიმედ არისო, დავიღუპეთ, შვილო...

— რას ამბობ, დედა! — ვთქვი მე და საწვიმარი ჩავიცვი.

— აგად ვარ და ნუ დამტოვებ, არსად წახვიდე. ძალიან აგად ვარ, შვილო, ძალიან აგად. — დედას ადამიანის ფერი აღარ ედო და თვალებზე ორი დიდი ცრემლი ეკიდა.

მე მინდოდა, მივმხვდარიყავი, რას განიცდიდა, რა აწუხებდა, რისი ეშინოდა, ან რას ტიროდა დედაჩემი, მაგრამ ვერ მივხვდი და, ალბათ, ჩემს სიცოცხლში ვერასოდეს ვერ მივხვდები და ვერ ავხსნი ამ სათნოებით სავსე პატარა, შეშინებული, შეძრწუნებული, ჭაღარა ქალის ცრემლების მიზეზს იმ მისოვის საშინელ დღეს.

— წუ წახალ ნურსად, შვილო, სახლში იყავი, ცუდად ვარ, შენს თავს გეფიცები. — ისევ მთხოვა დედამ და ძალით დამსვა სკამზე.

— რა მოგივიდა, დედა, წავალ, გურამს ქნახავ, უნივერსიტეტში შევივლი, ამბავს გავიგებ, მერე ისევ მოვალ, შენ დაწყარდი, დაწექი, დედა. მე წავალ და სულ მალე მოვალ. — მხრებზე ხელი მოვხვიე, ვაკოცე, მოვეფერე, — დედა თითქოს დაწყნარდა ცოტათი.

— წადი, ოღონდ მალე დაბრუნდი. — როგორც იქნა, დამრთო ნება. მე გარეთ გამოვედი, კარში დამეწია.

— შვილო!

— რა იყო, დედა?

— შენ წუ იტყვი, შვილო!

— რას, დედა?

— წუ იტყვი, შვილო, რომ სტალინს დამბლა დაეცა.

— რატომ, დედა, რადიომ თუ თქვა, ალბათ, მთელმა მსოფლიომ იცის.

— შენ წუ იტყვი, შვილო, რადიომ თქვას, შენ მაინც წუ იტყვი, თუ დედა გიყვარს. — მითხრა მან და ჩემი ხელი გულზე მიირა.

— კარგი, დედა! — ვუთხარი მე და კიბეზე კისრისტებით დაგვეშვი.

* * *

სტუდენტები, ასპირანტები, ლექტორები, პროფესორები, დარაჯები, დამლაგებლები, პარტიულები, უპარტიოები, კომკავშირელები იდგნენ ქუდმოხდილი და მკლავებმოწყვეტილი. დაცარიელებული აუდიტორიები, კათედრები, ლაბორატორიები, დეკანატები, კაბინეტები, ბიბლიოთეკები და სამკითხველოები შავი ჭირით დამფრთხალი ხალხისგან მიტოვებულ ნასოფლარებსა და ნაქალაქარებს ჰგავდნენ.

იმ დღეს და იმ დამეს, მერე კიდევ მთელ დღესა და მთელ დამეს უნივერსიტეტი უზარმაზარ, თავმაღალ, დამწუხრებულ და ზარჩამდგარ ტაძარს ჰგავდა, სადაც თავი მოეფარა უამრავ მუხლმოყრილ მლოცველს და კლუბის სცენაზე დასვენებულ რეპროდუქტორს თვალცრემლიანი, მუდარითა და ვეძრებით შესცემოდა, რომელიც ყოველ ორ საათში, მზის დაბნელების შემზარავ პროცესს გადმოსცემდა.

* * *

შეუდამისას უცნაური ხმაური შემომესმა. თავი წამოგწიე. დედა საწოლზე ტრიალებდა, კვნესოდა და რაღაცას გაურკეველს ამბობდა, წამოვვარდი და მის საწოლთან მივირბინე.

— დედა, რა მოხდა, დედა! — სიზმარში მეგონა.

— პერანგი, პერანგი! — თქვა მან და თვალები მომაშტერა.

— რა პერანგი, დედა!

— პერანგი, თეთრი პერანგი...

— რა გინდა, დედა!

— მოიტანე თეთრი პერანგი, ვკვდები...

- დედა! — ვიყვირე და შევანჯლიე.
- თავი, თავი მისკდება, შვილო, პერანგი მომიტანე, თეთრი, თეთრი პერანგი! — მე კარადას მივვარდი და თეთრი პერანგი მივუტანე.
- გადი! — თქვა დედამ. მე მივხვდი, პერანგის გამოცვლა უნდოდა და ოთახიდან გავედი. მეზობლის კარს მივვარდი.
- ელიკო! ელიკო! — ხმა არავინ გამცა.
- ელიკოო! — ვიყვირე მე და კარზე ბრახუნი დავიწყე. ისევ არავინ გამცა ხმა. ყველანი წასულები იყვნენ. ისევ შევვარდი ოთახში. დედა გულაღმა იწვა, ფართოდ გახელილი თვალებით ჭერს შესცემოდა, მძიმედ სუნთქავდა და საფეთქლებზე ცრემლი ღვარად ჩამოსდიოდა.
- დედა!
- ამას... აღარაფერი... ეშველება... პერანგი... ჩამაცვი... თავს ვერ ვწევ! — თქვა მან ნაწყვეტ-ნაწყვეტად.
- მე მივხმარე და პერანგი გადავაცვი.
- ასე ჯობია, თეთრი პერანგი, გაზაფხულივით თეთრი პერანგი...
- რას ამბობ, დედა! — დედამ გაიღიმა.
- ერთი წუთი... წამი და გათავდება ყველაფერი... ნუ გეშინა, შვილო!..
- დედა, დედიკო, არ დამღუპო, ახლავე გავიქცევი და ექიმს მოვიყვან! — ავტირდი მე.
- არ დამტოვო! — გაიქნია თავი დედამ.
- რა გტკივა, დედა, რა გინდა, მითხარი, დედიკო!..
- ჩემო დიდო ბიჭო, ჩემო ჭკვიანო ბიჭო, არაფერი არ უნდა დედაშენს, დედაშენს სიკვდილი უნდა შენს მქლავზე...
- ნუ ამბობ მაგას, დედა, არ დამღუპო, დედა, გესმის, არ დამღუპო, თორემ თავს მოვიკლავ!
- ვკვდები, დედა!
- ახლა კვდები?.. ახლა, ძლივს რომ შეგეჩვიე, ძლივს რომ დაგიძახე დედა, ძლივს რომ გიპოვე, გაგიჟდი, დე-და?! — ავბლავლდი მე და მის მკერდზე დავემხე.
- სინათლე აანთე, შვილო... — მთხოვა დედამ და თავზე ხელი გადამისვა. მე ავდექი და სინათლე ავანთე.
- იდექი მანდ. — მითხრა დედამ. მე კართან გავჩერდი. დედამ დიდხანს, ძალაან დიდხანს მიყურა. მერე თვალები დახუჭა. როდესაც გაახილა, მე ისევ კართან ვიდექი. დედამ თვალებით მანიშნა — მოდი ჩემთანო. მე ნელი ნაბიჯით წავედი. დაჟინებით მიყურებდა, თვალს ახამხამებდა. მივუახლოვდი, მის წინ მუხლებზე დავეშვი და ორთავე ხელი ლოყებზე მოვკიდე, სახეზე ცეცხლი ეკიდებოდა.
- დედიკო, რა მოგდის, დედიკო! — ისევ ავტირდი მე. დედამ ისევ დახუჭა თვალები.
- გხედავ, როგორც ცხადში, ისე გხედავ, ასეთი წამყვები, ასეთი დამამახსოვრდები... მაღლობელი ვარ შენი, ღმერთო, მაღლობელი ვარ შენი, ღმერთო, მაღლობელი... — უცებ ისევ აბორგდა.
- პერანგი, თეთრი პერანგი...
- აგი გაცვია, დედა...
- თემური, ჩემი თემური, პატარა ბიჭი...
- დედა, შენი ჭირიმე, დედა, არ დამღუპო, დედა, რა ვქნა მე მარტო, მითხარი... — ვტიროდი მე.
- რამხელა გაზრდილა, აუ, რამხელა ბიჭია, კაცია, ნამდვილი კაცი...
- დედა, არ გამაგიჟო, არ მოკვდე, არ გრცხვენია, დედა?!
- კარგად იყავი, შვილო, მზეც შენია, ზღვაც შენია, მთელი ქვეყანა შენია...

— დედა!

— ვინ ატირებს ჩემს პატარა თემურის, ვინ ატირებს... — დედამ ორთავე ხელი მოშვია ყელზე და კოცნა დამიწყო ძლიერად, ძლიერად, ძალიან ძლიერად, ძერე სუსტად, უფრო სუსტად, სულ სუსტად, ბოლოს უბრალოდ შემახო ცხელი, თაკარა ტუჩები ლოყაზე და ასე დარჩა, ახლა ყურში მეჩურჩულებოდა...

— ერთი წუთიც... ერთი წამიც... ღმერთო... სად ხარ, ღმერთო... ოფლი გაქვს, დედა შემოგევლოს, ბევრი ირბინე, შვილო!.. არ გაიხადო, არა... აღარ ჩახვიდე ეზოში... მე წავალ... აი, მივდივარ, ჩემს მოსვლამდე ბებიას დაუჯერე...

— დედა, არ წახვიდე, დედა, შენი ჭირიმე, დედა, გააღე თვალები, დედა, თვალები გააღე, გააღე, გააღე...

დედამ უარყოფის ნიშნად თავი გადააქნია, მერე ორთავე მკლავი დაუცურდა ჩემი ყელიდან და მოწყვეტით დაუცვივდა საწოლზე.

— დეეედააა!

— გმადლობთ, ღმერთო, გათავდა... — თქვა დედამ და ნიკაპი აუკანკალდა, მერე ორი დიდი კურცხალი გადმოუგორდა თვალებიდან და სუნთქვა შეწყვიტა.

.....

შუშაბანდში გავედი და ყველა ფანჯარა გავაღე. სუსხიანი პაერი შემოვარდა, ცრემლი შემაშრო და ლოყები შაბივით დამწვა. ვარაზის ხეები ნისლი იწვა, თბილისს ეძინა ალიონის ღრმა ძილით. აკაცის შიშველი ხეები ოდნავ ირხეოდნენ, მთაწმინდის მხარეს არც ერთ სახლში შუქი არ ენთო, ენთო მხოლოდ ერთ ადგილას, შორს, შორს, სემიონოვის დასახლებაში. ცა მოჭედილი იყო ვარსკვლავებით და ის პატარა ნათურა ამ ვეებერთელა ციდან ჩამოსულ ვიღაცის ბედის ვარსკვლავს ჰეგვდა. მე ვიღექი ძალიან დიღხანს და ვუცქერდი ამ სინათლეს. ვინ იცის, რატომ ანთია ამ უდროო დროს ეს სინათლე, იქნებ, იქაც დახუჭა თვალი ვინმებ სამუდამოდ ან პირიქით, ახლა გაახილა... ან ქორწილია, დიდი და გადაბმული ქორწილი. და მე ისე მომინდა აქედან შექივდა იმ სინათლისათვის, გამტევო რა მოხდა, რისთვის ანთია იგი ამ უდროო დროს, რისთვის ან ვისთვის, იქნებ სულაც არ არის სინათლე და ეს დედაჩემის ბედის ვარსკვლავია ციდან ფეხად ჩამოსული და დაეძებს მას. უცებ შემეშნდა მარტოობის, სიცოცხლესავით მომინდა გათენება, მომინდა კივილი, რომ შემეძრა ცა და ქვეყანა, მეკივლა, რათა გაეგო იმ ვარსკვლავს, რომ მე და დედა აქა ვართ, აქ მაგრამ ის ბედის ვარსკვლავიც ჩაქრა.

თბილისში თენდებოდა.

მე ოთახში დაებრუნდი, დედას ზეწარი გადავაფარე და მაგიდას მივუჯექი. მაგიდაზე გუშინ მოტანილი სახარება იდო, სხვათა შორის გადავშალე და კითხვა დავიწყე:

„და მეცხრესა ოდენ უამსა ხმა-ყო იქსო ხმითა დიდითა და თქუა: ელი, ელი! ლამა საბაქთანი? ესე არს: ღმერთო ჩემო, ღმერთო ჩემო, რაისათვის დამიტევებ მე?“...

... და შემდეგ გავიდა ძალიან ბევრი, ძალიან ბევრი დრო. ვიღაცამ კარზე დააკაკუნა, მერე ფრთხილად შემოვიდა, მოვიხედე, ოთახში გურამი იდგა.

— სტალინი გარდაიცვალა. — თქვა მან ჩურჩულით.

— რა თქვი? — ვკითხე მე.

— სტალინი გარდაიცვალა.

- გამარჯობა, ლია!
- საიდან მომაგენი?
- გეძებდი და მოგაგენი.
- შემოდი ოთახში.

მე შევედი და ოთახის კუთხეში დავჯექი. ლიამ ხალათის ზედა ღილი შეიკრა და ოთახის მეორე კუთხეში დაჯდა.

- როგორა ხარ, ლია? — ვკითხე მე.
- გმადლობთ, არა მიშავს. — თქვა ლიამ.
- სად გამეპარე, ლია, იმ ღამით?
- არსად არ გავპარულვარ, გელოდე, გელოდე და წავედი... — ლიამ გაიღიმა.
- მერე?
- მერე რა? წავედი.
- მერე აღარ მელოდი?
- დღეს არა.
- აბა, როდის?
- არ ვიცი...
- საერთოდ კი მელოდი?
- კი! — ლიამ თავი დაღუნა. მე ტირილი მომინდა, რატომლაც.
- ლია, მე ძალიან ბევრს გეძებდი, ძალიან ბევრს, დღე და ღამე გეძებდი.

ლიამ მაგიდაზე დადგმულ ვაზას ნაქარგი ახადა, ვაზა სავსე იყო ატმითა და ლელვით.

- მიირთვით, — თქვა მან და ისევ კუთხეში დაჯდა. ოთახში ღუმილი ჩამოვარდა.

— არც კი ვიცი, როგორ მოვიქცე! — თქვა ლიამ ცოტა ხნის შემდეგ.

— არც მე! — ვთქვი და უხერხულობა რომ დამეფარა, პაპიროსი ამოვილე.

— ლია, მე დედა მომიქვდა.

— ვიცი! — თქვა ლიამ და სულაც არ გამკვირვებია.

— არაყი არ გაქვს, ლია? — ვკითხე უცებ. ლია უხმოდ ადგა, კარალიდან ვარდისფრად შეფერადებული არაყი გამოიტანა ბროლის სურით და წინ დამიდგა. მე ჭიქა გავაგსე, რაღაცის თქმა მინდოდა, მაგრამ ვერ მოვახერხე. და ისე, უხმოდ დავლიე. ლია თვალს არ მაცილებდა. მეორე ჭიქაც ასე დავლიე. მხოლოდ მესამე ჭიქის შემდეგ ამოვილე ხმა.

— ლია, შენ მე არ მიცნობ. ალბათ, არც კი იცი, ვინ ვარ... არაყს რომ ვსვამ, ლოთი ხომ არ გგონივარ? პირველად ვსვამ ჩემს სიცოცხლეში არაყს მარტო. შენც ხომ არ დალევ? — ლიამ არაყი დაისხა და დალია.

— რა კარგი გოგო ხარ, ლია. — ვთქვი მე და ისევ დავისხი — შენ მე არ მიცნობ, ლია. მე კი გიცნობ, ხუთი თითოვით გიცნობ. — გავშალე ხელი და შევატყვე, როგორ მიკანკალებდა. — არ დაიჯერებ და ნუ დაიჯერებ. შენ გგონია, არ შეგხვედრივარ ორი წელია? ყოველდღე გხვდებოდი, გელაპარაკებოდი, გისმენდი, სად არ ვყოფილვარ შენთან ერთად... ათასჯერ მითქვამს შენთვის ის, რასაც ახლა გეუბნები... შენ კი სულ არ მიცნობ... — ვთქვი მე და დავლიე.

— გიცნობ, თემო. — თქვა ლიამ.

— რომ მიყვარხარ, ის თუ იცი? — ვკითხე მე და წამოვდექი.

— მაგის გარდა, ყველაფერი ვიცი. — თქვა ლიამ და ისიც წამოდგა. მე მივედი სულ ახლოს ლიასთან, უზარმაზარ ჭეკვიან თვალებში ჩავხედე და ათრთოლებული ხელი ლოფაზე ჩამოვუსვი.

— ნუ, ნუ მოხვალ ჩემთან, თემურ, ძალიან გთხოვ... — თქვა ლიამ და უკან დაიხია.

— ლია, ჩემო ლია, ხომ იცი, როგორ მიყვარხარ...

— ვიცი, თემურ, ოღონდ ახლა ნუ, ახლა ნუ მოხვალ... — მეუბნებოდა ლია და კედელს ეკვროდა. სულ ახლოს მივედი. მისი გულისცემა, მბიმე და ცხელი სუნთქვა მესმოდა.

- ლია, ჩემო კარგო ლია!.. — გზურჩულებდი მე.
- თემო, ოღონდ ახლა წადი, მარტო დამტოვე, თემურ, გემუდარები, ოღონდ ახლა წადი...
- ლიას თვალები ცრემლით ჰქონდა სავსე.
- ლია, ოღონდ ახლა ნუ გამაგდებ და მომკალი... — შევევედრე მე.
- კარგი, არ გაგაგდებ, ოღონდ ნუ მომეკარები, თემურ, ჩემო თემური, გემუდარები, თუ გიყვარვარ, ნუ მომეკარები...

იგი იდგა ჩემს წინ როგორც სიყვარულის ქალღმერთი, როგორც უკვდავება და მთხოვდა მე, თემურ ბარამიძეს, სიყვარულისგან ჭირვაზე გადასულ კაცს, არ მივკარუბოდი. და მე ვერ გავბედე მისი მიკარება. უკან გამოვბრუნდი და ისევ ჩემს ადგილზე დავჯექი.

დიდხანს ვიჯეები თავჩალუნული. მერე ლია მოვიდა ჩემთან და თავზე ხელი გადამისვა. მე მისი ცხელი ხელი ლოყაზე მივისუტე და თვალები დავხუჭე. ლიამ ფრთხილად გამომართვა ხელი და ისევ თავზე გადამისვა.

- წადი ახლა, თემურ, ხვალ მოდი, ზეგ, როდესაც გინდა, მოდი... — წენარად თქვა მან.
- ლია, წამოდი ჩემთან! — ვთხოვე მე.
- სად, თემურ?
- წამოდი, ჩაიცვი და წამოდი, ქალაქში ვიაროთ.
- გვანაა ახლა, თემურ, სხვა დროს.
- არა, ახლა, ახლა, თუ გიყვარვარ, ახლა ჩაიცვი და წამოდი, წამოდი, ლია, რომ არ წამოხვიდე, თავს მოვიკლავ... წამოდი, რა! — ლია ცოტა ხანს ყოფმანობდა. შემდეგ ჩაიცვა და წამოვიდა.

ნატვრისთვალს გავდა, გაჩახჩახებულ ნატვრისთვალს თბილისი იმ ღამით, მე კი მის გლახაკ პატრონს და რასაც ვნატრობდი, სულ ყველაფერს მისრულებდა დალოცვილი.

* * *

- ძია ართავაზას გაუმარჯვოს!
- გაგიმარჯოს, ვინა ხარ?
- თემური!
- აბა, თემური?
- აღარ გახსოვარ, კაცო, ამ სამი წლის წინ ღამით რომ მოვედი შენთან?
- ვა, არ მახსოვს, აი!..
- დედა რომ დამიბრუნდა გადასახლებიდან, არ გახსოვს?
- მერე და, შე ბემურაზო, ეგრე უნდა დავიწყება?
- როგორ ხარ, ძია ართავაზ!
- რაღა როგორა ვარ, ვაგდივარ ძველი ჯიგარივით, თვალში სინათლეს ვკარგავ, ყურში სმენს, მუხლში ძალას...
- ნუ გეშინია, ძია ართავაზ, კარგად იქნები.
- შენ როგორ ხარ თავად, ეგ ჯანმრთელი ქალი ვინ არი?
- აი, მოგიყვანე სანახვად, ჩემი საცოლეა, ლია!
- დღისით ვერ მომიყვანე, დალოცვილო? ამ ღამით რა შევატყო, ისე კარგი ქალი ჩანს...
- შეხედე, ძია ართავაზ, რა ლამაზია...
- კაცო, შენ საქმე მითხარი, ლამაზი ჩემი გასტრონომიც არის, შიგ რა ყრია რო?!
- არა, ძია ართავაზ, კარგი ქალია!
- ღმერთმა აგაშენოთ!

- გმადლობთ, ძია ართავაზ.
- დედა როგორა გყავს?
- დედა აღარა მყავს, ძია ართავაზ!
- ეგ რა თქვი, კაცო?!
- აღარა მყავს!
- ღმერთმა განუგეშოს!
- გმადლობთ!
- მწელია უდედობა...
- ძალიან მწელია, ძია ართავაზ.
- ეგ რა მითხარი, კაცო...
- ეგრეა, ძია ართავაზ. ნახვამდის!
- ნუ დამივიწყებ, ბიჭო, ნამუსი არა გაქვს? ერთხელაც მოდი და კარგი ამბავი მითხარი.
- მოვალ, ძია ართავაზ, და გეტყვი.
- პაპიროსი არ გაქვს?
- როგორ არ მაქვს, აპა, პაპიროსი, ესეც ასანთი, გქონდეს, მე არ მინდა.
- გმადლობთ.
- კარგად იყავი.
- გაიხარეთ!

* * *

- გურამ! გურამ! გურამიი!!!
- რამ გაგაგიჟა, ამ შუალამისას რა გაბლავლებს!
- ჩამოდი, რა გაჩვენო!
- წვალ, წვალ, მემინება.
- ჩამოდი, სულერთია არ დაგამინებ.
- უხ, შენი!..
- ჩამოდი!..

.....

- გაიცანი, ეს ლიაა.
- ვაა!!
- გამარჯობათ, გურამ!
- გამარჯობათ, ლია... როგორ ბრძანდებით?
- გმადლობთ, არა მიშავს. თქვენ?
- მე, ალბათ, გავგიჟდები, საიდან?
- სახლიდან!
- ვაა!
- ახლა საით?
- სახლში!
- დედას გეფიცებით, გავგიჟდები...
- ახლა წადი და დაიძინე.
- ახლა რა დამაძინებს, ბიჭო?!
- მაშ, იდექი და გვიყურე, ნახვამდის.
- მოიცათ, მოიცათ. ესე იგი...
- ჰო, მე და ლიას ერთმანეთი გვიყვარს!

- მართლა, ლია?
- ...
- ვააა!!!
- ნახვამდის!
- ზვალ გნახავთ?
- კი!
- ერთად?
- დღეიდან სულ ერთად.
- დედას გეფიცებით, გავგიუდები.
- წავედით...

* * *

— მოვედი, ეს მე ვდგავარ შენი საფლავის ქვაზე, შენი სისხლი და ხორცი, ვდგავარ შენი საფლავის ქვაზე და არ მერიდება, რადგანაც მინდა მიგრძნო, მე ვტირი შენს საფლავზე და არ მრცხვენია, არც ლიასი და არც შენი, რადგანაც მინდა, რომ მიხვდეს ლია, რა იყავი შენ ჩემთვის და გახდეს იგი ამ საფლავის პატრონი და ჭირისუფალი, როგორც მე, რადგან იგი მე ვარ დღეიდან... ეს მე ვარ, შენი შეილი, რომელმაც იმ დიდი სიყვარულის საფასურად, ჩემი ხელით გაგითხარე სამარე, ჩემი ხელით ჩაგასვენე შიგ და ჩემი ხელით დაგადე ეს დიდი ლოდი გულზე. ეს მე ვარ, შენი შეილი, რომელმაც ძლიერ გიპოვე და ისე გიპოვე, რომ აღარასოდეს დაგკარგავ, რადგან ეს სასაფლაო არის ჩემი. ეს არის ლია, ნაწილი იმ დიდი სიცოცხლისა, რომელიც შენ დამიტოვე ქვეყანაზე. შენ კი მდგრინ სიცოცხლე დამიტოვე, რომ მე მარტოს არ შემიძლია ამდენი სიცოცხლე. ამიტომ, არ გეწყინოს, რომ მე მივეცი მას ჩემი და შენი სიცოცხლის ნაწილი.

— ეს მე ვარ, შენი შეილი, შენი სისხლი და ხორცი. შუაღამისას ვდგავარ საფლავებს შორის და არ მეშინია. არ მეშინია, რადგან ის, რისაც ყველაზე უფრო მეშინოდა, უკეთ მოხდა. ეს იყო შენი სიკვდილი და, რადგან სიკვდილის არ მეშინია, აღარც სიცოცხლის მეშინია...

არც იმის მეშინია, რომ ამ სასაფლაოსაც, როგორც ყველას, ბაღად გადააკეთებენ, დიდ, ლამაზ ბაღად. შენს საფლავზე მე ცაცხვი დავრგე და ვახარებ. მერე მოვალთ მე და ლია ჩემი ბავშვებით და შენ უკვე აღმოცენებული იქნები ვეებერთელა, უზარმაზარ სიმწვანედ, ჩრდილად და სიგრილედ, ჩემი ბავშვები ითამაშებენ შენს სიმწვანეში, ჩრდილში, სიგრილეში, იქნებ სახელებიც ამოგაჭრან გულზე და, ნუ გეწყინება. მერე, აღბათ, ჩემსა და ლიას საფლავებზეც იხარებს ცაცხვი, აღმოცენდება ვეებერთელა სიმწვანედ და ყველა ჩვენთაგანის საფლავი ხელმეორე სიცოცხლედ იქცევა ქვეყანაზე... და ყველა სასაფლაო ბაღად და უკვდავებად.

ეს მე ვდგავარ შენს საფლავთან, ბედნიერიც, უბედურიც, მტყუანიც, მართალიც, სუსტიც, ძლიერიც, ოლონდ შენზე ძლიერი, და ვიცი, შენ ეს გაგიხარდება.

ეს მე ვარ, ამ შუაღამისას შენს საფლავთან ქადაგად დაგარდნილი და მაპატიე, თუ რამეს შენს საკადრისს არ ვამბობდე, დედა.

ara kac hkla

იგი გულალმა ეგდო სადარბაზოში და სულს დაფავდა. მე დავიხარე და თვალებში ჩავხედე. თვალები დაბინდული ჰქონდა. ზურგზე მოვიყიდე და მესამე სართულზე ავიყვანე, დავაწვინე კართან, ჯიბები მოვუჩხრიკე, გასაღები ვიპოვე, კარი გავაღე და მის სამუშაო ოთახში ნოხგადავარებულ ტახტზე დაგაწვინე, საკინძე გავუხსენი, ქამარი შევხსენი და ფეხზე გავხადე.

აბიბო იწვა ჩემს წინ და კვდებოდა. კვდებოდა კაცი, რომლის სიკვდილს ვნატრობდი, კაცი, რომელმაც სულში ჩამაფურთხა, მიწასთან გამასწორა, გამწირა და ამ კაცის სული ახლა ჩემს ხელში იყო. ახლა მე ამას მოვკლავ, თუმცა რა, თავისითაც კვდება, დავკლები, ვუყურებ, ვიდრე არ მოკვდება, იქნებ წყალი უნდა, მე წყარო ვარ ახლა მისოვის, თუ ვარ, იცოდეს, რომ დამშრალი წყარო ვარ... იქნებ ხმა უნდა გაიგონოს კაცის და ჩემი ხმა ღმერთის წყალობა იქნება მისოვის, — თუ ასეა, იცოდეს, რომ მუნჯი ვარ... იქნებ რამის თქმა უნდა და ყურადღებას ითხოვს, იცოდეს, რომ ყრუ ვარ... იქნებ სინათლე უნდა და მე ვარ მისოვის მზე. — მაშინ იცოდეს, რომ არა ვარ, არა... იქნებ ჰაერი უნდა, და მე ვარ მისი მაცოცხლებელი ჰაერი, — არა, არა, დახშული სარკმელი ვარ მისოვის... ეს მე ვარ, სიკვდილი, თავზე რომ ვაღვივარ და მე მოვკლავ მას, რომ თავისი სიკვდილით არ მოკვდეს და ეს უნდა იცოდეს აბიბომ. მე ხელები მიკანკალებდა, ჰირი გამშრალი მქონდა. ათასი ურო მირტყამდა საფეხქლებში და მებახდა — მოკალი, მოკალი, მოკალი, ეს შენ ხარ მისი სიკვდილი და ეს უნდა იცოდეს მან.

— აბიბო! — ვთქვი მე ისეთი გამოცვლილი ხმით, თვითონვე შემეშინდა.

აბიბომ თვალები გაახილა და უაზროდ შემხედა.

— ეს მე ვარ, აბიბო! — ვუთხარი მე.

— მიშველე! — მთხოვა მან და თვალები დახუჭა.

— აი, ახლა ავდგები, ავდგები და... — დამბლა თუ არ დამეცემოდა, არ მეგონა. მაგრამ ავდექი, ტელეფონთან მივედი, 03 ავტოფე და სასწრაფო დახმარება გამოვიძახე.

— წყალი! — თქვა აბიბომ და გამშრალი ტუჩები გაილოკა. სამზარეულოში გავედი, ჭიქა წყლით ავაგსე და ტუჩებთან მივუტანე. ცოტა მოსვა, ხელება აუგარდა.

— ჰაერი, ჰაერი! — თქვა მან. სული რომ მოითქვა, ყველა ფანჯარა გავაღე, ოთახში გრილი ჰაერი შემოვარდა, და მხოლოდ ახლა ვიგრძენი, რომ ოთახი ნაფტალინისა და მტვრის სუნით იყო გაუღენთილი.

— მიშველე! — თქვა მან ისევ და აბორგდა.

— ნუ გეშინა, გიშველი, ახლა ექიმი მოვა! — ვუთხარი მე და ტახტზე ჩამოვავექი.

— მიშველე! — გაიმეორა მან.

კარზე დარეკეს. გავაღე. ოთახში ერთი ძალიან მსუქანი ქალი და გამხდარი კაცი შემოვიდნენ. მსუქანი ქალი ძლივს სუნთქავდა, გამხდარ კაცს წითელჯვრიანი ჭუთი ეჭირა ხელში.

— სად არის ავადმყოფი? — მკითხა მსუქანმა.

— აი! — ვაჩვენე აბიბო.

— რა წინასწარი ზომები მიიღეთ?

— არაფერი, წყალი დავალევინე და ფანჯრები გავაღე.

— წინვა რამდენი აქვს?

— არ ვიცი, ქალბატონო.

— წინვა! — ბრძანა მსუქანმა, გამხდარმა წნევის აპარატი გახსნა.

მსუქანმა ნაწლავებივით ამოათრია ფონენდოსკოპი ჯიბიდან.

— 240! — თქვა მან. მერე თვალის ქუთუთოები ჩამოუქაჩა. რაღაც შეკითხვები მისცა აბიბოს. აბიბო ხმას არ იღებდა.

— ინსულტი! — თქვა მსუქანმა.

— მაგნეზია ნოვოკაინით? — ჰკითხა გამხდარმა.

- დიაფილინიც! — თქვა მსუქანმა. ნემსი გაუკეთეს.
- როგორ მოხდა? — მკითხა ახლა მე ექიმმა.
- სადარბაზოში ვიპოვე, უგონოდ ეგდო. ამოვიყვანე. მეტი არაფერი არ ვიცი.
- დროზე მოგისწრიათ, ნუ გეშინიათ, გადარჩება; ასეთებს ვარჩენთ?! — თქვა მან და ექთანს გადახედა.
- თქვენი ჭირიმე, ექიმო! — ვთხოვე მე.
- ცივი ტილო არ მოაცილოთ კეფაზე და შუბლზე, ყინული აჯობებს! — დამარიგა ექიმმა. მე გავედი სამზარეულოში, ღრმა თევზით წყალი შემოვიტანე, სასოფლოან სკამზე დავუდგი აბიბოს და შიგ ტილო ჩავალბე, მერე გავწურე და თავზე დავადე.
- ნუ გეშინიათ! — დამამშვიდა ისევ ექიმმა. — თქვენ შვილი ხართ მისი?
- არა!
- ძმა ხართ?
- არა, ბატონი, მეზობელი ვარ.
- ახლა ამას სიმშვიდე უნდა, მეტი არაფერი, რაც საჭირო იყო, გავუკეთეთ, ტილო ხშირ-ხშირად უცვალეთ, დილით მოვალთ და ვინახულებთ, აბა, ყოჩალად იყავით. — თქვა ექიმმა. წასვლის წინ მაჯა გაუსინვა, კმაყოფილმა თავი დაიქნია.
- ნუ გეშინიათ, აგერ კარდამინს გიტოვებთ კოფერით, მაგრამ, მე მგონი, არ დასჭირდება. — კიდევ ერთხელ დამამშვიდა და წავიდნენ.
- კარი დავხურება და ისევ აბიბოს სასოფლოან მივუჯექი. ალბათ, წამალმა იმოქმედა და ერთი საათის შემდეგ აბიბომ ცოტა მოიხედა. მან თავი მოაბრუნა ჩემკენ და დიდხანს, ძალიან დიდხანს მიყურა.
- რომელი ხარ? — მკითხა ბოლოს გაუბედავად.
- თემური ვარ!
- რა მოხდა, რა მჭირს?
- არაფერი, დაიძინე, ცოტა ცუდად იყავი, ახლა კარგად ხარ! — აბიბომ თვალები დახუჭა, მაგრამ არ დაუძინია, ეტყობა, რაღაცას იგონებდა და ვერც იგონებდა.
- თემური, შენ ხარ? — მკითხა ბოლოს.
- მე ვარ, ძია აბიბო, მე! — ვუთხარი და ტილო გამოვუცვალე.
- არ მოგვდები?
- არა, ექიმმა თქვა, არ მოგვდებაო.
- შენ?
- არ მოგვდები, ნუ გეშინია, დაიძინე.
- არ დამტოვო, ბიჭო!
- არა, ნუ გეშინია, დაიძინე. — აბიბომ თვალებში შემხედა, მერე, ალბათ, მენდო, თვალები დახუჭა და გვერდზე გადაბრუნდა...
- დილის ექს საათამდე აბიბოს სასოფლოან ვეჯექი და ტილოებს ვუცვლიდი, მას ეძინა შეფერებულები დილით. დროდადრო თვალს ახელდა. შეშინებული მიმზერდა, მერე ისევ ბურანში თუ ძილში მიდიოდა. მე თავიდან სიძულვილით ყელამდე სასეს, ჩემდა გასაოცრად, თანდათან დავიცალე, გული დამტკიცნარდა, საფეხულები აღარ მეწვოდა, ვეჯექი სასოფლოან და ვუცქერდი სიკვდილისაგან შეშინებულ და მუშტისხელად ქცეულ, მოტეხილ აბიბოს, მერე მთლიანად დავიცალე სიძულვილისაგან და ვიჯექი სრულიად ცარიელი, არაფერი გრძნობა არ მქონდა ამ კაცის მიმართ. ჩემს წინ იწვა არაფერი, ქვა, ხე, თუ კუნძი, არ ვიცოდი, უბრალოდ იწვა რაღაც, რასაც ვერ ვგრძნობდი, მხოლოდ ვხედავდი. მერე მოხდა საოცარი რამ... მე შემეცოდა ის, ჯერ როგორც უბრალოდ ავადმყოფი, მერე, როგორც მეზობელი, მერე, როგორც ახლო მეზობელი, ყურის მეზობელი, და ბოლოს, შემეშინდა კიდევაც, როდესაც შევატყვე, რომ ტირილი მომინდა. ზელი შუბლზე გადავუსვი და სასოფლოან გავუსწორე. მერე მე ავივსე

ყელამდე სიბრალულით ამ კაცის მიმართ, იმხელა სიბრალულით, რომ მისი ცქერა აღარ შემეძლო და ფეხზე ავდექი. თითქოს იგრძნოო, აბიბო აწრიალდა.

- თემური, თემური.
- აქ ვარ.
- არ დამტოვო, ბიჭო, მომკალი, და ნუ დამტოვებ. — იგი ჩემკენ გადმოტრიალდა.
- არ დაგტოვებ, ძია აბიბო, ნუ გეშინაა.
- მაპატიე, ბიჭო, თუ შეგიძლია!.. — მე ტილო დავადე თავზე, აბიბომ ჩემი ხელი დაიჭირა და კოცნა დაუწყო.
- რას შვები, ძია აბიბო! — ვუთხარი მე და ხელი წავართვი.
- მაპატიე, ბიჭო, მაპატიე! — მე ხმას არ ვიღებდი.
- მაშინ მომკალი, რატომ არ მკლავ, ბიჭო?
- მე მკვლელი არა ვარ, ძია აბიბო! — აბიბო მიყურებდა თავისი გამჭვირვალე ლურჯი თვალებით, რომლებშიც დღეს პირველად დავინახე, და ეს რაღაც ცრემლი იყო — აბიბო ტიროდა.

* * *

დილით ექიმი მოვიდა, აბიბოს კვლავ ჩაეხინა და მე სახლში ავედი. ტანში რაღაც საოცარ სისუსტეს თუ სიმსუბუქეს ვგრძნობდი. რაღაც დიდი, მძიმე, აუტანლად მძიმე დავტოვე წუხედ აბიბოს ოთახში, თუ დამრჩა, იქნებ დავკარგე კიდევაც და მის ნაცვლად რაღაც საოცრად სუფთამ, გამჭვირვალემ, მსუბუქმა და თბილმა ამიგსო სხეული, ეს უწევეულო რაღაც ახლა ბანგივით მათრობდა.

... ავდიოდი ჩემი სართულის კიბეზე მოავირს დაყრდნობილი. ჩემი ოთახის კარი, როგორც ყოველთვის, ახლაც ღია იყო, კარს მივაწევი და — კინაღამ კივილი აღმომხდა, შუა ოთახში სამართებლით თავგადაპარსული და გაღიმებული თავერა იდგა.

- რამაზ, შენა ხარ?
- მე ვარ, თემო!
- ისევ გამოიპარე?
- არა, მაპატიეს!

მერე მე გამახსენდა რექტორის კაბინეტი. ქაღალდზე წითელი ფანჯრით თავდახრილი რექტორი, ბატონი დავითი. გამახსენდა რექტორის მიერ დახატული ლამაზი, ყურებპარტფუნა გულუბრყვილო ვირი, წითელი, თავჩაქინდრული ვირი, სევდიანი თვალებით, ვირის ქვეშ წითელივე ფანჯრით დაწერილი — რამაზ კორსაველი (თავერა), სულ ბოლოს დიდი ასოებით გამოყვანილი, ჩემთვის გაუგებარი სამი ციფრი 2–33. გამახსენდა... მეტი ვეღარ მოვითმინე. ყველაფერი ერთად მოვიდა, მოზღვავდა, გასკდა და ტირილი დავიწყე.

* * *

არავითარი ჟუჟუნა და შხაპუნა წვიმებით — ჭექა-ჭეხილითა და თქეშით მოვარდა მაისი თბილისში.

დღეს სამჯერ იწვიმა და სამჯერ გამოიდარა. ფანჯარა გავაღე. ოთახში აკაციის თეთრი ტოტი შემოვარდა, ერთ ხანს იქანავა და შემდეგ ლამაზი ქალის თეთრი ხელივით გაიტრუნა ჩემს სახესთან. მე მოკრძალებით ჩამოვართვი ხელის მტევანი აკაციას და ფრთხილად გაბრუ. თეთრი აკაცია შემოვიდა ჩემს ოთახში, თან შემოიტანა უზომო სურნელი მიწის, პაერის, წვიმისა და მზის. პირველი, თეთრი აკაცია მოვიდა ჩემთან და მომილოცა დაბადების დღე —

14 მაისი. იგი ჩემთან ერთად გაიზარდა ამ ეზოში, იგი ჩემი ხნისაა და რა არის ამაში გასაკვირი, რომ უხარია ჩემი დაბადების დღე. დღეს ბევრი არავინ მოვა ჩემთან, მოვა გურამი, ერთ ბოთლ ღვინოს მოიტანს და ოვითონვე დალევს, მოვა ლია, ლია პირველად მოვა ჩემს დაბადების დღეზე; მოვა, დაჯდება კუთხეში. მიყურებს, მიყურებს და რას იზამს, არ ვიცი, წავა თუ არ წავა. იქნებ არ წავიდეს. მე ვთხოვ და არ წავა. აკაცია კი, აკაცია ვერსად წავა, ძალიანაც რომ უნდოდეს, ვერსად წავა. იქნებ სულაც არავინ მოვიდეს, უბრალოდ, არავის გაახსენდეს ჩემი დაბადების დღე. მაშინ მე ჩამოვივლი ყველას, თვითონ, ჩემი ფეხით და ყველას, ყველას დაგპატიჟებ.

— ლია, გამარჯობა, დღეს ჩემი დაბადების დღეა, ხომ მოხვალ?

— გურამ, არ დაგავიწყდეს, ჩემი დაბადების დღეა, ბიჭო, დღეს!

— უკაცრავად, მოქალაქე, მართალია, თქენი არ მიცნობთ, მაგრამ მე გიცნობთ. თითქმის ყოველდღე მხვდებით ქუჩაში, თუ არ შეწუხდებით, მობრძანდით დღეს ჩემთან, დაბადების დღე მაქს, 24 წლის გავხდი, ძალიან გთხოვთ, ნუ დამზარდებით, აქვე კცხოვრობ, აი, ამ სახლში, მეოთხე სართულზე, ხელმარცხნივ, კარი ღია იქნება...

— მაპატიეთ, ქალბატონო, უზრდელი არ გევონოთ, უცნობ ქალს ქუჩაში რომ გაჩერებთ, მაგრამ ძალიან მინდა, ჩემს დაბადების დღეზე იყოთ დღეს. უხერხული თუ არ იქნება თქვენთვის, მობრძანდით, ძალიან გამიხარდება. თქვენ ისე გავხართ დედაჩემს...

— ძია ართავაზ, ნუ გეშინია, მაგ გასტრონომს არავინ წაიღებს, მალე გაგიშვებ, თითო ჭიქა შევსვათ, ღამის სადღეერმელო შევსვათ, ღამისა, რომელიც თენდება...

— თავერ, შენც დაპატიჟება გინდა? მოდი და ერთად გადავიხადოთ დაბადების დღე სულაც ჩემთან დარჩი, აკრიფე შენი გუდა-ნაბადი და მოდი, გესმის? არ მომატყუო, უეჭველად მოდი. ისეთი დაბადების დღე გადავიხადოთ, ჯერ რომ არავის გადაუხდია... მოდი, თუ მმა ხარ...

— თბილისო, ჩემო თბილისო, შეკრიბე მთელი შენი ქუჩები და მოდით დღეს ჩემთან, რა მოხდა, ერთი საათით მოდით, ბოლოს და ბოლოს, თქვენი შვილი არა ვარ?.. თქვენს ქუჩებში და ჩიხებში არ ავიდგი ფეხი? პოდა, მოდით და დამლოცეთ, თქვე დალოცვილებო...

და ვიცი, რომ ყველა მოვა, ყველა და რაც არ უნდა პატარა იყოს ეს ოთახი, მაინც ყველა დაეტევა, ყველა თუ არ დაეტევა, რიგრიგობით შემოვლენ და მომილოცავენ. რა მოხდა მერე? ჩემს დალოცვას და დღეგრძელობას რა უნდა? არაფერი, სულ ორიოდე სიტყვა.

— გაგიმარჯოს, თემურ, ბედნიერად და ჯანმრთელად იყავი. შენს მეგობრებს გაუმარჯოს, მმაკაცის იმედი და მმობა ნუ მოგიშალოს, შენს მარჯვენას გაუმარჯოს, შენი ცხოვრების გზას გაუმარჯოს, შენს ფიქრს გაუმარჯოს, შენს ოცნებას, მამული გიცოცხლოს ღმერთმა და ოჯახი... გაგიმარჯოს, თემურ... მეტი მე არაფერი არ მინდა...